

ক- ৭৫৩ই:

সিপাহিযুদ্ধের ইতিহাস।

দ্বিতীয় ভাগ।

শ্রীরজনীকান্ত গুপ্ত প্রণীত।

কলিকাতা,

২০২ নং কর্ণওয়ালিস স্ট্রীট, বেঙ্গল মেডিক্যাল লাইব্রেরী হইতে

শ্রীগুরুদাস চট্টোপাধ্যায় কর্তৃক প্রকাশিত

ও

৩৭ নং সেছুয়াবাজার স্ট্রীট, বীণাযন্ত্রে

শ্রীশরচ্চন্দ দেব দ্বারা মুদ্রিত।

১২৯২

মূল্য ২, দুই টাকা।

সূচী ।

প্রথম অধ্যায় ।

নূতন রাইফল বন্দুক—টোটা—দমদমা এবং বারাকপুরের ঘটনা—সিপাহি-
দিগের আশঙ্কা ও তন্মূলক উত্তেজনা—বহরমপুরের ঘটনা—উনবিংশ রেজি-
মেন্টের মধ্যে গোলযোগ ১-২২

দ্বিতীয় অধ্যায় ।

গবর্ণমেন্টের সময়েচিত কার্যনির্বাহে বিলম্ব হওয়ার কারণ—গবর্ণমে-
ন্টের ভিন্ন ভিন্ন শাসনসংক্রান্ত বিভাগ—বসায়ুক টোটার বিষয়ের অনুসন্ধান—
বারাকপুরের সিপাহিদিগের মধ্যে অসন্তোষের রুদ্ধি—সিপাহি মজল পাঁড়ে—
৩৪গণিত সিপাহিসৈন্যের মধ্যে গোলযোগ—১৯গণিত সিপাহিসৈন্যের নিরস্ত্রী
করণ ২৩-৪৯

তৃতীয় অধ্যায় ।

মজল পাঁড়ে ও জমাদারের প্রাণদণ্ড—অছাছ সিপাহিদলের আশঙ্কা-
রুদ্ধি—অম্বালায় ঘটনা—প্রধান সেনাপতি আনসনের বক্তৃতা—মিরাটের
ঘটনা—গবর্ণরজেনেরলের সহিত প্রধান সেনাপতির মতভেদ—অস্থিচূর্ণ
মিথিত ময়দা—চপাটি—নানা সাহেব—লক্ষ্মীর ঘটনা ৫০-৭৯

চতুর্থ অধ্যায় ।

ভিন্ন ভিন্ন স্থানের সাধারণ অবস্থা—রাইফল বন্দুকের শিক্ষাগারে সিপাহি-
দিগের মনোগত ভাব—৩গণিত অখারোহিদলেব সৈনিকদিগের শিচার—
৩৪গণিত সৈনিকদের নিরস্ত্রীকরণ—অযোধ্যার গোলযোগ—মিরাট—
দিল্লী ৮০-২৪২

চতুর্থ অধ্যায় ।

ভিন্ন ভিন্ন স্থানের সাধারণ অবস্থা—রাইফল বন্দুকের কারখানায় সিপাহিদিগের মনোগত ভাব—তৃতীয় অর্ধাংশে হীদলের সৈন্যদিগের বিচার—৩৪ গণিত সৈনিকদলকে নিরস্ত্রীকরণ—অযোধ্যায় গোলযোগ—মিরট—দিল্লী।

ধীরে ধীরে চৈত্র মাস অতীত হইল। বাঙ্গালার অভিনব বৎসর অভিনব তেজ ও অভিনব জ্যোতি লইয়া, চারি দিক উদ্ভাসিত করিয়া তুলিল। বৈশাখের প্রচণ্ড রৌদ্র ও হ্রস্ব বায়ু-প্রবাহের সহিত উত্তেজিত সিপাহিরা ক্রমে অধীর ও ক্রমে প্রমত্ত হইতে লাগিল। লর্ড কানিংয়ের আশা ছিল যে, শীঘ্র সমস্ত গোলযোগ শেষ হইয়া যাইবে, যে সকল স্থানে বিপদের আশঙ্কা জন্মিয়াছিল, তৎসমুদয়ে শীঘ্র সুখ ও শান্তির বিকাশ হইবে। লর্ড কানিং এইরূপ আশায়—এইরূপ বিশ্বাসে কলিকাতায় থাকিয়া, রাজকার্যের আলোচনা করিতেছিলেন। সিপাহিদিগের উত্তেজনা সশব্দে তাঁহার নিকটে যে সকল সংবাদ আসিতেছিল, ভিন্ন ভিন্ন স্থানের রাজপুরুষেরা তাঁহার নিকটে যে সকল অভিমত লিখিয়া পাঠাইতেছিলেন, তৎসমুদয়ের একটির সহিত আর একটির মিল ছিল না। সুতরাং সেই সকল বিষয় হইতে স্পষ্টরূপে মূলতত্ত্ব সংগ্রহ করা দুর্বল হইয়া উঠিয়াছিল। বাহা হউক, লর্ড কানিং সাধারণতঃ সকল বিষয় দেখিয়া বুঝিয়াছিলেন যে, হিমালয়ের পাদদেশ হইতে বাঙ্গালার সমতল ক্ষেত্র পর্যন্ত, সর্বত্রই শান্তির রাজ্য অব্যাহত রহিয়াছে। রাজনৈতিক আকাশে যে করাল কাদম্বিনীর আবির্ভাব হইয়াছিল, তাহা অন্তর্ধান করিয়াছে। বারাকপুরে কেমিরূপ গোলযোগ ছিল না। সেখানকার সিপাহিরা ধীরভাবে আপনাদের কার্য্য করিতেছিল। দমদমার নূতন বন্দুকের শিক্ষাগারে সৈনিক পুরুষেরা নূতন শিক্ষা-প্রণালীর অহুবর্তী হইতেছিল। বাহিরে তাহাদের কোনরূপ অদস্তোষ প্রকাশ পায় নাই। ইহাতে কর্তৃপক্ষের বোধ হইয়াছিল যে, উত্তেজিত সিপাহিরা তাঁহাদের কথায়, তাঁহাদের আশ্বাসে সুস্থির হইয়াছে। উত্তর-ভারতের সৈনিক-নিবাসেও আর কোন গোলযোগের চিহ্ন পরিস্কৃত হয় নাই। শ্যালকোটে সিপা-

হিরা বিনা গোলযোগে অভিনব বন্দুকের ব্যবহার-প্রণালী শিখিতেছিল। স্মার জন লরেন্স মে মাসের প্রারম্ভে এই স্থানের শিক্ষাগার পরিদর্শন করিয়া, গবর্নর জেনেরলকে লিখিয়াছিলেন, “অভিনব বন্দুক পাইয়া, সিপাহিরা সাতিশয় প্রীত হইয়াছে। পার্শ্বত প্রদেশে যুদ্ধের সময় ইহা দ্বারা তাহাদের যে, বিশেষ সুবিধা হইবে, তাহা তাহারা স্পষ্ট বুঝিতে পারিয়াছে। এই স্থানের আফিসরেরা বলিয়াছেন যে, সিপাহিরা এ সম্বন্ধে কোনরূপ সন্দেহ প্রকাশ করে নাই এবং নূতন বন্দুক ব্যবহার করিতেও কোনরূপ অসম্মতি দেখায় নাই।” অস্থান হইতে সেনাপতি বার্ণাড্ ১লা মে লিখিয়া পাঠাইয়াছিলেন, “এই স্থানে যে অগ্নিকাণ্ড ঘটয়াছে, তজ্জন সিপাহিদিগকে অপরাধী করিবার কোন কারণ দেখা যাইতেছে না। বাহিরে সিপাহিদিগের কোনরূপ অন্যায় কার্য্যামুষ্ঠান দেখা যায় নাই, কোনরূপ অবাধ্যতা প্রকাশ পায় নাই। শিক্ষাগারের কার্য্য ভাল চলিতেছে। আমি প্রায়ই এই স্থানে উপস্থিত থাকি, এবং স্পষ্ট বলিতে পারি যে, সিপাহিদিগের মধ্যে কোনরূপ অসন্তোষ বা বিরাগ নাই।”

এইরূপে মে মাসের প্রারম্ভে গবর্নর জেনেরলের নিকট অনেক স্থান হইতে শান্তির সংবাদ আসিতে লাগিল। গবর্নর জেনেরল ইহাতে বুঝিতে পারিলেন যে, সিপাহিদিগের জাতিনাশ ও ধর্ম্মনাশের আশঙ্কা ক্রমে তিরোহিত হইয়াছে। অভিনব বন্দুকের শিক্ষাগারে যে সকল গোলযোগ ঘটয়াছিল, তৎসমুদয়ও দূর হইয়া গিয়াছে। স্মতরাং লর্ড কানিং সন্তুষ্ট হইলেন। তাঁহার হৃদয় স্থির হইল। তিনি স্থিরভাবে শাসনাধীন রাজ্যের অভ্যন্তরীণ উৎকর্ষ সাধনে মনোনিবেশ করিলেন। শান্তির সময়ে শান্তভাবে যে সকল রাজকার্য্যের অনুষ্ঠান করিতে পারা যায়, লর্ড কানিং এখন সেই সকল কার্য্যসাম্প্রদেয় উদ্ভূত হইলেন। তিনি বোম্বাইর গবর্নরকে পারস্য-রাজের সহিত সন্ধি ও পারস্য-যুদ্ধের ব্যয়ের সম্বন্ধে পত্রাদি লিখিতে লাগিলেন। উত্তর-পশ্চিমাঞ্চলের লেক্‌টেনেন্ট গবর্নরের সহিত শিক্ষাবিভাগের সাহায্য ও স্ত্রীশিক্ষার সম্বন্ধে, হারিদ্রাবাদের রেসিডেন্টের সহিত নিজামের উত্তরাধিকারীর সম্বন্ধে, বরদার রেসিডেন্টের সহিত পাইকবাদের রাজত্ব সম্বন্ধে পরামর্শ করিতে লাগিলেন। কিন্তু সহসা এই শান্তি অন্তর্ধান করিল,

সইয়া ঘটনাস্রোত অন্য দিকে ধাবিত হইল, সহসা করাল কাদম্বিনীর করাল ছায়ায় চারি দিক্ আচ্ছন্ন হইয়া উঠিল।

মিরাটের তৃতীয় অশ্বারোহীদের ৮৫ জন সৈনিক পুরুষ টোটা স্পর্শ না করাতে কর্ণেল ম্যাইথ্ উক্ত বিষয় সেনাপতি হিউইটের গোচর করিয়াছিলেন। হিউইট এই সৈনিক পুরুষদিগের অবাধ্যতার কারণ অনুসন্ধানের আদেশ দেন। অনুসন্ধান প্রকাশ পায় যে, টোটায় অপবিত্র বস্তুর সংযোগ আছে, কেবল এই আশঙ্কায় তৃতীয় অশ্বারোহীদের উহা স্পর্শ করে নাই; সাধারণের কথায় তৃতীয় অশ্বারোহীদের চিত্ত বিকৃত হইয়াছে, তাহারা মুহূর্তে মুহূর্তে আপনাদের ধর্ম্মহানির আশঙ্কা করিতেছে। সাধারণ মতের এইরূপ প্রাধান্য প্রযুক্তই তাহারা টোটা গ্রহণে সাহসী হয় নাই*। মিরাটের এই ঘটনা প্রধানতম সেনাপতির গোচর করা হয়। উক্ত অশ্বারোহীদের ইঞ্জরেজ আফিসরের আগ্রহের সহিত প্রধান সেনাপতির অনুমতির অপেক্ষা করিতে থাকেন। ইহাদের সকলেরই বিশ্বাস ছিল যে, অপরাধী সৈনিকেরা বিনা বিচারে কৰ্ম্মচ্যুত হইবে। এরূপ হইলে, সম্ভবতঃ মিরাটের সমস্ত সিপাহি বিরক্ত হইবে, সকলে ইঞ্জরেজদিগের বিরুদ্ধে সম্মিলিত হইয়া, ভয়ানক কাণ্ডের অবতারণা করিবে। মিরাটের এক জন ইঞ্জরেজ এই বিষয় লক্ষ্য করিয়া ৩০শে এপ্রেল সাহস সহকারে লিখিয়াছিলেন, “আমরা এখানে ইউরোপীয় সৈন্য কর্তৃক সুরক্ষিত রহিয়াছি। আমাদিগকে রক্ষা করিবার জন্য আবার সিপাহিদিগকে রাখা আবশ্যিক, কি চমৎকার বিবেচনা!”

দেখিতে দেখিতে মে মাসের দুই দিন গত হইল, কিন্তু প্রধান সেনাপতির নিকট হইতে কোন আদেশ আসিল না। সিপাহিদিগের আশঙ্কা ও উদ্বেগ ক্রমে মন্দীভূত হইতে লাগিল। ইঞ্জরেজ আফিসরের পূর্বের ন্যায় আগ্রহের সহিত কর্তৃপক্ষের আদেশ প্রতীক্ষা করিতে লাগিলেন। দিনের পর দিন অতিবাহিত হইতে লাগিল, কিন্তু তাঁহাদের আগ্রহ তিরোহিত হইল না। অন্তেষ্টে তাঁহাদের কৌতূহল শান্তি হইল। প্রধান সেনাপতি উপস্থিত বিষয় সম্বন্ধে আপনাদের আদেশ পাঠাইলেন। ৬ই মে আড্ডাটাও জেনেরল গবর্ণমেন্টের সেক্রেটারির নিকট লিখিয়া পাঠাইলেন যে, মিরাটস্থ তৃতীয় অশ্বারোহী-

দলের যে ৮৫ জন সৈনিক পুরুষ টেটি গ্রহণে অসম্মত হইয়াছে, প্রধান সেনাপতি আনসন সামরিক বিচারালয়ে তাহাদের বিচার করিতে আদেশ দিয়াছেন। ৬ই মের পূর্বেই প্রধান সেনাপতির আদেশ মিরাতে পৌঁছিয়াছিল, যে হেতু ঐ তারিখেই মিরাতে সামরিক বিচারালয়ের অধিবেশন আরম্ভ হয়। পনের জন বিচারক নিযুক্ত হন। ইহাদের মধ্যে ছয় জন মুসলমান ও নয় জন হিন্দু আফিসর। ইহাদের উপর এক জন ইংরেজ বিচারপতি থাকেন। বিচার ৬ই মে আরম্ভ হইয়া ৯ই শেষ হয়। বিচারে অভিসুক্ত সৈনিকপুরুষদিগের দশ বৎসর করিয়া কঠিন পরিশ্রম সহ কারাবাস-দণ্ড হয়।

৯ই মে প্রাতঃকালে সেনাপতি হিউইট সমস্ত সৈন্যের সমক্ষে এই গুরুতর দণ্ডাদেশ কার্যে পরিণত করিতে উদ্যত হইলেন। ধীরে ধীরে সমস্ত সৈন্য কাওয়াজের প্রশস্ত ক্ষেত্রে সমবেত হইতে লাগিল। এই দিন প্রভাতে মিরাতের বিস্তৃত সমর-শিক্ষাভূমিতে নবীন প্রভাকরের প্রভাজাল ছিল না, আকাশ মেঘে আচ্ছন্ন হইয়াছিল, বায়ু অতি বেগে প্রবাহিত হইয়া ঝড়ের সূচনা করিতেছিল। দৃষ্টিপ্রাপ্ত সিপাহিরা এই দুর্দিনে মেঘাডম্বরময় আকাশতলে—ঝটিকাভর্তময় বায়ুপ্রবাহের মধ্যে সেনাপতি হিউইটের গম্মুখে একত্র হইল। উপরিস্থিত অনন্ত আকাশের ন্যায় তাহাদের হৃদয়ও গভীর কালিমায় আচ্ছন্ন হইয়াছিল, বায়ুপ্রবাহের ন্যায় দৃষ্টিভ্রার তরঙ্গও তাহাদিগকে মুহুমূর্ত্তে আঘাত করিতেছিল। অদূরে কামান সকল সজ্জিত ছিল। ইউরোপীয় সৈনিকেরা তাহাদিগকে লক্ষ্য করিয়া এই সকল কামান ঠিক করিয়া রাখিয়াছিল। কোনরূপ অবাধ্যতা প্রকাশ পাইলেই এই সকল কামানে তাহাদিগকে উড়াইয়া দেওয়া হইত। কিন্তু তাহারা অবাধ্যতা প্রকাশ করিল না, গুরুতর দণ্ড গ্রহণের সময় তাহাদের শক্ততা বা তাহাদের বিদ্রোহভাব পরিস্ফুট হইল না। তাহাদের দলের ইংরেজ আফিসরেরা নীরবে গভীরভাবে এই শোচনীয় ঘটনা চাহিয়া দেখিতেছিলেন, ইহাদের অনেকের হৃদয় বিচলিত হইয়াছিল। অনেকে সিপাহিদিগের এই দুর্দশায় দুঃখিত হইয়াছিলেন, তথাপি ইহারা মুখ ঝুটিয়া কোন কথা বলিতে সাহসী হইলেন না। এক জন আফিসর ২৪এ এপ্রেলের কাওয়াজ বন্ধ রাখিবার প্রস্তাব করাতে প্রধান সেনাপতি আনসন তাহাকে যেরূপ কঠোরভাবে ডংসনা করিয়াছিলেন, তাহা

ইহাদের স্মরণ ছিল* । ইহারা এখন বাঙ্ নিষ্পত্তি না! করিয়া গভীর আশঙ্কা ও বিস্ময়ের সহিত আপনাদের উর্দ্ধতন কর্মচারীর কার্য দেখিতে লাগিলেন । ধীরে ধীরে একে একে অপরাধী সৈনিকপুরুষদিগের দেহ হইতে সামরিক পরিচ্ছদ খুলিয়া লওয়া হইল, ধীরে ধীরে একে একে তাহাদের হস্তপদ শৃঙ্খলাবদ্ধ করা হইল; তাহারা কোনরূপ অবাধাতা প্রকাশ করিল না, বিদ্রোহবুদ্ধির বশবর্তী হইয়া প্রতিহিংসার পরিতর্পণ করিতেও অগ্রসর হইল না । এই অমঙ্গলশূচক কার্য—বিরাগের ও উত্তেজনার এই শোচনীয় দৃশ্য শেষ হইতে ৩ ঘণ্টা লাগিল । শৃঙ্খলাবদ্ধ সিপাহিদিগের কেহ কেহ ঘোড়স্বারে সেনাপতি হিউর্টের কাছে ক্ষমা প্রার্থনা করিল । কিন্তু তাহাদের করুণ রোদনে কোনও ফল হইল না । তাহারা সকলেই এইরূপে আপনাদের অপমানের একশেষ দেখিল—সকলেই অস্ত্র শস্ত্র হইতে বিচ্যুত ও শৃঙ্খলে আবদ্ধ হইয়া, কারাগারে সাধারণ কয়েদীদিগের সহিত বাস করিবার জন্য কাওয়ার্জের ক্ষেত্র পরিত্যাগ করিল । সৈনিককর্মচারীরা আপনাদিগের সামরিক রীতি অনুসারে সিপাহিদিগকে নিরস্ত্র করিয়া মাজিষ্ট্রেটের হস্তে সমর্পণ করিলেন । মাজিষ্ট্রেট প্রায় ১,২০০ কয়েদীর সহিত একত্র বাস করিবার জন্য তাহাদিগকে সাধারণ কারাগৃহে পাঠাইয়া দিলেন ।

যে সকল সৈনিকেরা এইরূপে দণ্ডিত হইল—আপনাদের চিরব্যবহৃত সামরিক পরিচ্ছদ ও চিরাভ্যস্ত অস্ত্রশস্ত্র হইতে বিচ্যুত হইয়া কারাগারের অন্ধকার-গৃহে বাস করিতে লাগিল, তাহাদের বিচার কিরূপে হইয়াছিল, এ স্থলে সে সম্বন্ধে কয়েকটি কথা বলা উচিত । পূর্বের উক্ত হইয়াছে, সামরিক বিচারালয়ে পনের জন বিচারক ও এক জন বিচারপতি ছিলেন । এই পনের জন বিচারকের মধ্যে নয় জন হিন্দু ও ছয় জন মুসলমান । মে মাসের ৬ই, ৭ই ও ৮ই, এই তিন দিন ধরিয়া বিচার হয় † । কি প্রণালীতে বিচার হইয়াছিল—অভিযুক্ত সিপাহিদিগের অপরাধের বিষয় কি প্রণালীতে মীমাংসিত হইয়াছিল, তাহা তখন সাধারণের গোচর হয় নাই । ১৮৫৭ অকের মে মাসে বিচার হয়, বিচারের ধিবরণ তাহার পরবৎসর ডিসেম্বর মাস পর্যন্ত সাধা-

* Martin, Indian Empire, Vol. II. p. 146.

† Martin, Indian Empire, Vol. II. p. 144, note.

রণের নিকট অপ্রকাশিত থাকে এই বিচার-প্রসঙ্গে সাধারণের হৃদয় নানারূপ সন্দেহের তরঙ্গে আন্দোলিত হইতে থাকে। অপরাধিগণ যেরূপ কঠোরভাবে দণ্ডিত হয়, তাহাতে অনেকেই বিচার-ব্যবস্থার উপর নানা দোষের আরোপ করিতে থাকেন। ৩ গণিত অস্বারোহিদলের সৈনিকগণ গুরুতর অবাধ্যতার জন্য অপরাধী হইয়াছিল। তাহাদের এই অপরাধের সাফাই করিতে কেহই প্রস্তুত নহেন। কিন্তু তাহারা কিজন্য এইরূপ অবাধ্যতা দেখাইয়াছিল—কিজন্য অধীর ও কর্তব্যবিমুখ হইয়া উঠিয়াছিল, তাহার স্মরণ বিচারের পর যে, দণ্ডপ্রয়োগ করা হইয়াছিল, সে সম্বন্ধে অনেকেই সন্তোষকর প্রমাণ দেখাইতে পারেন নাই। এ বিষয়ে যে সরকারী রিপোর্ট বাহির হয়, তাহাতে উল্লেখ আছে যে, ১৫ জন বিচারকের মধ্যে ১৪ জন অপরাধীদিগকে কঠিন পরিশ্রম সহ ১০ বৎসর কারাবাস-দণ্ড দিতে সম্মতি প্রকাশ করেন। কিন্তু বিচারকগণ দণ্ডাজ্ঞা-প্রদান-কালে, অপরাধীদিগের পূর্বতন সদ্যবহার ও অভিনব টোটার সম্বন্ধে আকস্মিক জনরবের বিষয় লক্ষ্য করিয়া, তাহাদের প্রতি দয়া প্রদর্শনের অনুরোধ করেন। সেনাপতি হিউইট বিচারপতিদিগের এই অনুরোধের সম্বন্ধে নির্দেশ করিয়াছেন যে, তিনি অপরাধীদিগের পূর্বতন ব্যবহার জন্য তাহাদের দণ্ড লঘুতর করিবার কারণ দেখিতে পান না। তাহাদের বর্তমান অবাধ্যতায় পূর্বতন সদ্যবহার কলঙ্কিত হইয়াছে, তাহারা অন্ধ বিশ্বাসের বশবর্তী হইয়া কর্তৃপক্ষের আদেশের অবমাননা করিয়াছে, টোটার উপর গভীর সন্দেহ করিয়া তাহারা সৈনিক নিয়মের ব্যাঘাত জন্মাইয়াছে, ইহাতে তাহারা আপনাদের ভ্রম সীকার করে নাই, কোনরূপ ক্ষোভের চিহ্ন দেখায় নাই এবং দয়া প্রার্থনা করিতেও উন্মুখ হয় নাই। সেনাপতি হিউইট এই সকল কারণ দেখাইয়া, অবশেষে, তাহারা ৫ বৎসরের অধিক কাল কার্য করে নাই, তাহাদিগকে ১০ বৎসরের পরিবর্তে ৫ বৎসর কারাগারে রাখিতে সম্মত হন। কিন্তু অধিকাংশ অপরাধী, শৃঙ্খলাবদ্ধ হইয়া, ১০ বৎসর কাল কারাগৃহে থাকিতে আদিষ্ট হয়। সেনাপতি হিউইট অপরাধীদিগকে, অপরাধের সৈনিক পুরুষদিগের সম্বন্ধে, শৃঙ্খলে আবদ্ধ করিতে সম্মত হন নাই। তিনি এইরূপ কঠোরতা দেখাইয়া অনেকের নিকট নিন্দনীয় হন। এমন কি, ভারতের

প্রধান সেনাপতি আন্সন যখন শুনিতে পাইলেন যে, অপরাধীদিগকে কাওয়ার্জের প্রশস্ত ক্ষেত্রে, তাহাদের সতীর্থগণের সমক্ষে হুকুম শৃঙ্খলে আবদ্ধ করা হইয়াছে, তখন তিনি এইরূপ কঠোরতাময় অবৈধ কার্যের উপর দোষারোপ করিতে সঙ্কুচিত হন নাই। কিন্তু হিউইট যে প্রধান সেনাপতির আদেশানুসারেই কার্য করিয়াছিলেন, তদ্বিষয়ে বোধ হয়, সন্দেহ করিবার কোনও কারণ নাই*। উপস্থিত ঘটনা আদ্যোপান্ত আলোচনা করিয়া দেখিলে স্পষ্ট বোধ হয় যে, প্রধান সেনাপতি পূর্বেই অপরাধী সৈনিকদিগের বিচার-প্রণালী নির্দ্ধারিত করিয়া দেন। বিচার আরম্ভ হওয়ার কয়েক দিন পূর্বেই, বিচারের ফল যেরূপ হইবে, তাহা ইউরোপীয় কর্তৃপক্ষের গোচর হয়। গিরাটের কমিশনর গ্রিথেড্ সাহেব কোন সরকারী কার্য উপলক্ষে আলিগড়ে গিয়াছিলেন। ১০ই মে তাঁহার প্রত্যাবর্তনের কথা ছিল। কিন্তু তিনি ইহার এক দিন পূর্বেই গিরাটে উপস্থিত হন, যেহেতু তিনি জানিতেন, বিচারে অপরাধীদিগের কারাদণ্ডের আদেশ হইবে, ইহাতে সৈনিকেরা বলপূর্ব্বক কারাগারে প্রবেশ করিয়া, কয়েদীদিগকে বিমুক্ত করিতে পারে। গ্রিথেড্ সাহেব এই আশঙ্কায়, পূর্বেই গিরাটে প্রত্যাবর্ত হইয়া, উপস্থিত আশঙ্কা দূর করিবার বন্দোবস্ত করেন†। অপরাধীদিগের বিচার আরম্ভ হওয়ার পূর্বে, যখন ইউরোপীয় কর্তৃপক্ষ সেই বিচারের শেষ ফল অবগত হন, তখন সহজেই প্রতিপন্ন হয় যে, অবাধা সৈনিকদিগকে কঠোরভাবে দণ্ডিত করিতেই তাঁহারা কৃতসঙ্কল্প হইয়াছিলেন। বিচারকগণ কর্তৃপক্ষের এই সঙ্কল্প অনুসারেই কার্য করিতে বাধ্য হন। সুতরাং এই বিচার-কার্যের কোন মূল্য নাই। ইহাতে বিচারকগণের স্বাধীনতা, বিচার-প্রণালীর সুশৃঙ্খলা এবং সমদর্শিতা বা ন্যায়পরতা পরিস্ফুট হয় নাই। ইহা কর্তৃপক্ষের আদেশানুসারে অনুষ্ঠিত হইয়াছিল এবং ইহার ফলও কর্তৃপক্ষের সঙ্কল্পানুসারে নির্দ্ধারিত হইয়া উঠিয়াছিল। ইহাতে অসন্তুষ্ট সিপাহিগণ যেরূপে, অধিকতর অসন্তুষ্ট ও অধিকতর উত্তেজিত হইয়া উঠিবে, তাহা কর্তৃপক্ষের ধারণা হয় নাই। যাহারা পবিত্র সৈনিকব্রতের দীক্ষিত হইয়া, জগতের

* Martin, Indian Empire, Vol. II, p. 145, note.

† Ibid, p. 145.

সমক্ষে আপনাদের বীরত্বের পরিচয় দিতেছিল, সাহসের মহিমায় ও বাহুবলের গরিমায় যাহারা এক সময়ে বীরেন্দ্র-সমাজে বীরপুরুষগণের বরণীয় হইয়া উঠিয়াছিল, তাহাদের এইরূপ শোচনীয় অধঃপতন হয়, তাহারা এইরূপে বীরত্ব হইতে স্থলিত হইয়া সন্ধীর্ণ কারাগৃহে সর্ধারণ কয়েদীদিগের সহিত বাস করিতে থাকে। এইরূপ শোচনীয় অবস্থায় তাহাদের হৃদয়ে অপরিসীম বিরাগ ও ক্রোধের সঞ্চার হয় এবং বৈর-নির্ধাতন-স্পৃহা বলবতী হইয়া উঠে। ইঙ্গরেজের অবিচারে, ইঙ্গরেজের কঠোরতায়, এখন তাহাদের ইঙ্গরেজ-বিদ্বেষ অধিকতর বদ্ধমূল হয়। অপরাপর সিপাহিরাও স্বচক্ষে আপনাদিগের সতীর্থগণের এইরূপ হ্রবস্থা দেখিয়া, গবর্ণমেণ্টের উপর ক্রুদ্ধ হইয়া উঠে। কর্তৃপক্ষ যদি এই সময়ে একটু ধীরতা বা একটু সমদর্শিতা দেখাইতেন, তাহা হইলে, উপস্থিত ক্রোধ ও বিরাগের আবেগ সহজেই তিরোহিত হইয়া যাইত। কিন্তু তাঁহারা ধীরতা বা সমদর্শিতার পরিচয় দেন নাই। অপরিসীম কঠোরতার বলে, আত্মপ্রাধান্য অব্যাহত রাখিতেই তাঁহাদের সঙ্কল্প হইয়াছিল। এই সঙ্কল্প অদূরদর্শিতায় কলঙ্কিত হয়, এবং শেষে ইহা গভীর বিপত্তির হেতু হইয়া উঠে। যখন ইঙ্গরেজের বিরুদ্ধে নানা ষড়যন্ত্রের স্বষ্টি হইতেছিল, ইঙ্গরেজের শাসন-নীতির দোষে যখন অনেকে ইঙ্গরেজ গবর্ণমেণ্টের বিপক্ষ হইয়া উঠিতেছিল, গভীর আশঙ্কায় যখন ভারতের ভিন্ন ভিন্ন স্থানের সৈনিকগণ ইঙ্গরেজের প্রতিকূল পক্ষ অবলম্বন করিতেছিল, তখন কর্তৃপক্ষের অপরিণাম-দর্শিতা ও অপরিসীম কঠোরতায় অনেকের বিরাগ ও বিদ্বেষ বৃদ্ধি পায়, এবং এই বিরক্ত ও বিদ্বেষিগণের উৎসাহে ও কার্যপটুতায় বিপদ ক্রমে গুরুতর হইয়া উঠে।

• ৩ গণিত অশ্বারোহী সৈনিকদল এইরূপ কঠোরভাবে দণ্ডিত হইল। শৃঙ্খলাবদ্ধ হইয়া এইরূপ অবমাননার সহিত সাধারণ কারাগৃহে বাস করিতে লাগিল। প্রায় এই সময়ে, আর এক দশ সৈনিকও অন্ত্রশস্ত্র হইতে বিচ্যুত ও সৈন্যপ্রণী হইতে নিষ্কাশিত হয়। কর্তৃপক্ষের আদেশে ফাঁসি-কাঠে ৩৪ গণিত সৈন্যদলের মোগল পাঁড়ের প্রাণ-বায়ুর অবসান হইয়াছিল। কিন্তু এই দলের অপরাপর সৈনিকদিগের বিচার হয় নাই। যাহারা মোগল পাঁড়েকে গুলি ছুড়িতে দেখিয়াও নীরবে দণ্ডায়মান ছিল, এখন অশ্ব-

দের বিচার আরম্ভ হইল। লর্ড কানিং বিশেষ বিবেচনা না করিয়া কোন কার্য করিতেন না। ২২এ এপ্রেল বারাকপুরের সমস্ত সৈনিক পুরুষ-গণের সমক্ষে ৩৪ গণিত সৈন্যদলের জমাদার ঈশ্বর পাঁড়ের ফাঁসি হয়। ফাঁসিমঞ্চে দাঁড়াইয়া ঈশ্বর পাঁড়ে ধীরগন্তীরস্বরে আপনার সতীর্থদিগকে সাবধান হইতে পরামর্শ দেয়*। ৩৪ গণিত সৈন্যদলের জমাদারের এই-রূপ কঠোর শাস্তি দেখিয়া, সেই দলস্থ অপরাপর সৈনিকপুরুষেরা, অতঃপর কর্তৃপক্ষের বশবর্তী থাকিবে কি না, লর্ড কানিং এখন তাহাই মনে মনে আন্দোলন করিতে লাগিলেন। তাঁহার বিশ্বাস ছিল যে, এই দলের সকল সৈনিকই অবাধ্যতার পরিচয় দেয় নাই। সুতরাং সকলকে তুল্যরূপে দণ্ডিত করা ন্যায্যপরতার অনুমোদিত নয়। লর্ড কানিং ইহা ভাবিয়া এ সম্বন্ধে সকল বিষয়ের সূক্ষ্ম অনুসন্ধান প্রবৃত্ত হইলেন। যে পর্য্যন্ত যথোপযুক্ত প্রমাণ সংগৃহীত না হয়, সে পর্য্যন্ত তিনি উপস্থিত বিষয়ে কোন চূড়ান্ত আদেশ দিলেন না। লর্ড কানিং যখন এইরূপ অনুসন্ধান করিতেছিলেন, গভীর চিন্তার তরঙ্গ যখন তাঁহাকে আন্দোলিত করিয়া তুলিয়াছিল, তখন সৈনিকবিভাগের কর্তৃপক্ষ শীঘ্র শীঘ্র উপস্থিত বিষয়ের মীমাংসা করিতে কৃতসঙ্কল্প হইয়া উঠেন। ইহারা সকলেই ৩৪ গণিত সৈন্যদলকে নিরস্ত করিবার প্রস্তাব করেন। সেনাপতি হিয়ার্‌সের দৃঢ় বিশ্বাস জন্মিয়াছিল যে, এই সকল সৈন্য যেরূপ গুরুতর অপরাধে অপরাধী হইয়াছে, তাহাতে ইহাদিগকে নিরস্ত না করিলে, ইহাদের যথোপযুক্ত শাস্তি হইবে না, এবং এরূপ না করিলে আশানুরূপ ফললাভেরও সম্ভাবনা থাকিবে না। প্রধান সেনাপতি আন্সনও সিমলার শৈল-শিখর হইতে বিশেষ আগ্র-

* ঈশ্বর পাঁড়ের এই অস্তিম বক্তৃতা অনেক বিকৃতভাবে প্রকাশ করিয়াছেন। ঈশ্বর পাঁড়ে ফাঁসি-মঞ্চে দাঁড়াইয়া আপনার সতীর্থদিগকে সম্বোধন করিয়া যাহা কহিয়াছিল, তাহার ভাবার্থ এই :—“সিপাহিগণ! শুন, তোমরা আর কেহই এইরূপ কার্য করিও না। আমি গবর্নমেন্টের সহিত যেরূপ দ্বন্দ্ববাহার করিয়াছি, তাহার সমুচিত শাস্তি পাইলাম। সুতরাং সিপাহিগণের কেহই যেন এইরূপ কাজ না কর—করিলে, এইরূপ শাস্তি ভোগ করিবে।” ১২ গণিত সৈন্যদলের প্রধান কর্ণেল সিমেল ঈশ্বর পাঁড়ের শেষ বক্তৃতার এইরূপ ভাবার্থই প্রকৃত বলিয়া নির্দেশ করিয়াছেন। Kye, Sepoy War, Vol. I, p. 584, note.

হের সহিত এইরূপ প্রস্তাব করিতে পারেন। গবর্নর জেনেরলের মন্ত্রি-সভায় সমস্ত বিষয়ের তর্ক বিতর্ক হয়। অবশেষে লর্ড কানিং ৩০এ এপ্রিল আপনার অভিমত লিপিবদ্ধ করেন। প্রধানতম সৈনিক পুরুষের প্রস্তাব তাঁহার অনুমোদিত হয়। তিনি আপনার অভিমত-লিপিতে নির্দেশ করেন যে, নিরস্ত্রীকরণ অপেক্ষা অত্র কোন লঘুতর দণ্ড দিলে অপরাধের সমুচিত শাস্তি হইবে না, এবং উহাতে অপরাপর সৈনিকেরাও সাবধান ও সতর্ক হইতে শিখিবে না। কিন্তু এই অভিমত প্রকাশিত হইলেও, কাহাকে কাহাকে দণ্ড হইতে অব্যাহতি দেওয়া হইবে, সে সম্বন্ধে বিচার হইতে থাকে। অবশেষে ৪ঠা মে সমস্ত বিষয়ের মীমাংসা হয়। এই দিন গবর্নমেন্ট ৩৪ গণিত সৈনিকদলকে নিরস্ত্র করিবার আদেশ প্রচার করেন *।

এই আদেশ-প্রচারের ২ দিন পরে, বারাকপুরে সমস্ত সৈন্যগণের সমক্ষে ৩৪ গণিত সৈন্যদল আপনাদের নির্দিষ্ট দণ্ডগ্রহণের জন্য প্রস্তুত হইল। সূর্যোদয়ের প্রাক্কালে ইহারা সকলেই সমবেত হইয়া ধীরে ধীরে আপনাদিগের অস্ত্র শস্ত্র পরিত্যাগ করিল, ধীরে ধীরে আপনাদের সামরিক পরিচ্ছদ উন্মোচন পূর্বক, ইউরোপীয় সৈন্যে পরিবেষ্টিত হইয়া যথানির্দিষ্ট স্থানে যাইতে লাগিল। এইরূপে ৩৪ গণিত সৈন্যদলও আপনাদের অভ্যস্ত ব্রত হইতে বিচ্যুত হইল। ইঙ্গুরেজ গবর্নমেন্ট সাধারণকে সাবধান করিবার জন্য ইহাদিগকে সৈন্য-শ্রেণী হইতে নিষ্কাশিত করিলেন। এইরূপ নিষ্কাশনে তাঁহারা যে সূফলের প্রত্যাশা করিয়াছিলেন, দূরদৃষ্ট ক্রমে তাহা ঘটয়া উঠে নাই। তাঁহারা সাধারণের চিত্তবৃত্তির চাঞ্চল্য রোধ করিবার জন্য এইরূপ কঠোর দণ্ডের ব্যবস্থা করিয়াছিলেন, কিন্তু ইহাতে সাধারণে অধিকতর চঞ্চল হইয়া উঠে। নিরস্ত্রীকৃত সৈন্যদলের ৫০০ শত ব্রাহ্মণ ও রাজপুত আপনাদের দুর্দমনীয় প্রতিহিংসায় পরিচালিত হইয়া, ভয়ঙ্কর কার্য সাধনে সচেষ্ট থাকে। অধোধ্যা, বাঙ্গালার সৈনিকদিগের প্রধান আবাস-ভূমি ; বাঙ্গালার সিপাহিগণ

* ৩৪ গণিত সৈন্যদলের যে জমাদার ১০ই মার্চ কলিকাতার টাকশালে পাহারা দিবার সময় ২ জন উদ্ভেজিত সিপাহিকে অবরুদ্ধ করে, তাহাকে বিশ্বস্ত বলিয়া দণ্ড হইতে অব্যাহতি দেওয়া উচিত কি না, তৎসম্বন্ধে তর্কবিতর্ক হইতে থাকে। অবশেষে উক্ত জমাদারকে তাহার পক্ষ হইতে নিরস্ত্রতার জন্য অব্যাহতি দেওয়া হয়।

এই স্থান হইতে আসিয়া গবর্নমেন্টের অধীনে পবিত্র বীরব্রতে দীক্ষিত হয় এবং স্বীয় কার্যের অবসানে এই স্থানে বাইশাই স্বদেশের সকলকে কোম্পানি বাহাদুরের শাসননীতির বর্ণনায় ও আপনাদের রীরত্বময়ী কথায় সমৃপ্ত করে । ১৯ গণিত সৈন্যদল পূর্বে অস্ত্র শস্ত্র হইতে বিচ্যুত হইয়া অযোধ্যায় গিয়াছিল; এখন ৩৪ গণিত সৈন্যদলও গবর্নমেন্টের সৈন্যশ্রেণী হইতে নিষ্কাশিত হইয়া অযোধ্যায় উপস্থিত হইল । কোম্পানি বাহাদুরের উপর এই সকল নিরপেক্ষিত সৈনিকের কিছুমাত্র অনুরাগ ছিল না । কোম্পানির ধীরতা বা কোম্পানির সদিবেচনার উপর ইহারা কিছুমাত্র আস্থা দেখায় নাই । ইহাদের পূর্দতন রাজভক্তি এখন অন্তর্ধান করিয়াছিল । যে আশা ভরসা এক সময় ইহাদের সম্মুখে অপূর্দ দৃশ্য বিস্তার করিত, তাহা এখন চিরদিনের জন্য দূরীভূত হইয়াছিল । ইহারা এখন আপনাদের অভ্যস্ত ব্রত হইতে বিচ্যুত হইয়া, আপনাদের গৌরবকর পরিচ্ছদ পরিত্যাগ করিয়া এবং আপনাদের চিরব্যবহৃত অস্ত্র শস্ত্র দূরে রাখিয়া, বিষম্বদনে, মলিনবেশে স্বদেশে উপস্থিত হইল । ইহাদের প্রতিহিংসা রাড়িয়া উঠিয়াছিল, ইঙ্গ-রেজ-বিদ্বেষ জনরে বঙ্গুল হইয়াছিল, ইহারা এখন যে কোন রূপে হউক, আত্মবনাননার প্রতিশোধ লইতে উদ্যত হইল । সূতরাং অযোধ্যায় ধীরে ধীরে গুরুতর বিপদের চিহ্ন লক্ষিত হইতে থাকে । উপস্থিত সময়ে, লর্ড ক্যানিং এই নবাবিকৃত প্রদেশের বিষয় যেকপ ভাবিতেছিলেন, সমস্ত ভারতের অন্য কোনও প্রদেশের বিষয় সেরূপ ভাবেন নাই । নানা সাহেব লক্ষ্যেতে উপস্থিত হইয়াছিলেন । স্যার হেনরি লরেন্সের পত্রসমূহে এ বিষয়ের কোনও উল্লেখ না থাকিলেও, গবর্নর জেনেরল অযোধ্যায় সর্বত্র অসন্তোষের সূত্রপাত হইতেছে জানিয়া, অধিকতর চিন্তিত হইলেন । এই সময়ে লক্ষ্যের এক দল সিপাহির উপর কর্তৃপক্ষের সন্দেহ জন্মে, এজন্য ইহাদিগকে স্থানান্তরিত করিবার প্রস্তাব হয় । কর্তৃপক্ষের বিশ্বাস জন্মিয়াছিল যে, নগরের প্রধান প্রধান অধিবাসীর সহিত এই সৈনিকদলের সংশ্রব আছে, ইহাদিগকে স্থানান্তরিত করিবার সময় অধিবাসিগণ নিঃসন্দেহ গোল-চাপে উপস্থিত করিবে । কিন্তু এরূপ হইলেও, কর্তৃপক্ষ উক্ত সৈনিকদলকে লক্ষ্যেতে রাখিতে সম্মত হন নাই । গবর্নর জেনেরলের নিকট এই সকল

সিপাহিকে স্থানান্তরিত করিবার প্রস্তাব উপস্থিত হয়। লর্ড কানিং স্যার হেনরি লরেন্সকে 'এই' প্রস্তাবে অনুসারে কাণ্ড করিতে সম্পূর্ণ ক্ষমতা দেন। কিন্তু গবর্নর জেনেরলের এই আদেশ পঁছাছবার পূর্বেই, স্যার হেনরি লরেন্সের মনে আর একটি গভীর চিন্তার উদয় হয়। তিনি বুঝিতে পারিয়াছিলেন যে, অন্যান্য সৈনিকদলও ঘটনা-বিশেষে গবর্নরমেণ্টের উপর সাতিশয়র অসন্তুষ্ট হইয়া উঠিয়াছে। এই অসন্তুষ্ট সৈনিকদলকে স্থানান্তরিত করিলে, বিশেষ কোন সুফলের সম্ভাবনা নাই, যেহেতু ইহারা অন্য স্থানে বাইয়া সেই স্থানের অপরাপর সৈনিকদিগকেও গবর্নরমেণ্টের বিরুদ্ধে উত্তেজিত করিতে পারে। স্যার হেনরি লরেন্স ইহা ভাবিয়া অযোধ্যার কোন সৈনিকদল স্থানান্তরিত করিলেন না। তিনি অসন্তুষ্ট সৈন্যদিগকে অযোধ্যায় রাখিতেই কৃতসম্বল হইলেন। ইহাতে যে, তাহারা বিশেষ সূক্ষ্ম বুদ্ধি ও দূরদর্শিতা প্রকাশ পাইয়াছিল, তাহা উল্লেখ করা বাহলা মাত্র।

স্যার হেনরি লরেন্স ৪৮ গণিত সিপাহীদিগকে লক্ষ্য করিয়া প্রথমে গবর্নর জেনেরলকে উক্তরূপ পত্র লিখিয়াছিলেন। এই সৈন্যগণও আপনাদের চির-স্তন জাতি-নাশের গভীর সন্দেহে ইঞ্জরেজদিগের উপর অসন্তুষ্ট হইয়া উঠিয়াছিল। এপ্রেল মাসের প্রারম্ভে ইহাদের চিকিৎসক ডাক্তার ওএলস্ সাহেব অসুস্থ হন। এজন্ত তিনি এক বোতল ঔষধের জন্ত চিকিৎসালয়ে গমন করেন। চিকিৎসক ঔষধপান সময়ে, সেই বোতলটি আপনাদের জাতি-নাশের সঙ্কচিত হন নাই। উক্ত বোতল চিকিৎসালয়ে থাকিলে যে, হিন্দু সিপাহীগণ সেই ঔষধ ব্যবহার করিতে অসম্মত হইবে, এবং আপনাদের জাতি-নাশের আশঙ্কায় সন্ত্রস্ত হইয়া উঠিবে, ইহা তিনি বুঝিতে পারেন নাই। সিপাহিরা যখন ইঞ্জরেজ-চিকিৎসকের এই কার্যের বিবরণ শুনিল, তখন তাহারা শির থাকিতে পারিল না। তাহাদের আশঙ্কা ক্রমে গুরুতর হইয়া উঠিল, জাতি-নাশ—ধর্ম্মনাশের ভয়ে তাহারা গম্ভীর উদ্বেজনার চিহ্ন দেখাইতে লাগিল। তাহাদের সেনাপতি বোতলটি ভাঙ্গিয়া ফেলিলেন এবং সেই কার্যের জন্ত চিকিৎসককে তিরস্কার করিলেন। কিন্তু ইহাতেও ৪৮ গণিত সৈন্যদল সন্তুষ্ট হইল না। তাহারা যে আশঙ্কায় বিচলিত হইয়া উঠিয়াছিল, শীঘ্র শীঘ্র তাহা অন্তর্ধান করিল না। ধীরে ধীরে এপ্রেল মাস অতীত হইল, ধীরে ধীরে যে

মাস আসিয়া জগতের সমক্ষে আপনার প্রভাব প্রকাশ করিতে লাগিল ; কিন্তু দিনের পর দিন, মাসের পর মাস পরিবর্তনে, অসম্ভব সিপাহিরা সন্তুষ্ট হইল না। এক মাসের পর আর এক মাস আসিতে লাগিল, তাহাদের অসন্তোষও এক দল হইতে আর এক দলে সংক্রামিত হইয়া সেই দলকে সমান অসম্ভব, সমান উত্তেজিত ও সমান সন্ত্রস্ত করিয়া তুলিল।

অযোধ্যায় ৭ গণিত আর এক দল সৈন্য ছিল। মে মাসের প্রথম দিনে ইহারা আপনাদের টোটা স্পর্শ করিতে অসম্মত হয়। তাহারা এই বলিয়া আত্মপক্ষ সমর্থন করে যে, তাহাদের উর্দ্ধতন সতীর্থগণ উক্ত টোটা সকল অস্পৃশ্য ও অপবিত্র বস-সংযুক্ত বলিয়া নির্দেশ করিয়াছেন। ২রা মে এই সংবাদ স্যার হেনরি লরেন্সের গোচর হইল। প্রথমে তিনি ইহাতে বিশ্বাস স্থাপন করিলেন না, কিন্তু শেষে তিনি জানিতে পারিলেন যে, উক্ত সংবাদ প্রকৃত ঘটনার উপর স্থাপিত। এই সৈন্যদল লক্ষ্মী হইতে ৭ মাইল দূরে অবস্থিত করিতেছিল। পনের দিন পূর্বে ইহাদের কোনরূপ চাকল্য লক্ষিত হয় নাই। কোনরূপ আশঙ্কায় বিচলিত হইয়া ইহারা আপনাদের বিদেহ-বুদ্ধির পরিচয় দেয় নাই। কিন্তু মে মাসের প্রারম্ভে সহসা ইহাদের চিন্তাবৃত্তি পরিবর্তিত হয়, সহসা ইহারা ধর্ম-নাশের গভীর আশঙ্কায় সন্ত্রস্ত হইয়া উঠে। ইহাদের আফিসরেরা রূথা ইহাদিগকে বুঝাইতে লাগিলেন যে, যে সকল টোটা ব্যবহারের জন্ত দেওয়া হইয়াছে, তৎসমুদয়ে কোনও অস্পৃশ্য বস্তুর সংযোগ নাই, রূথা নানা প্রমাণ দেখাইয়া নির্দেশ করিলেন যে, পূর্বে তাহারা যে সকল টোটা ব্যবহার করিত, বর্তমান টোটাও ঠিক তৎসমুদয়ের অনুরূপ ; কিন্তু আফিসরদিগের কথায় কোনও ফল হইল না। সমস্ত সৈন্যদল একবাক্যে টোটা স্পর্শ করিতে অসম্মত হইল এবং একবাক্যে আপনাদের চিরন্তন ধর্ম-রক্ষার জন্ত ইঙ্গরেজ গবর্ণমেন্টের বিরুদ্ধাচরণ করিতে প্রতিজ্ঞাবদ্ধ হইল। ইহারা লক্ষ্মী নগরের ইঙ্গরেজ-বিদেষী কোন গুপ্তচর বা নিরস্ত্রীকৃত ১৯ গণিত সৈন্যদলের প্ররোচনায় এইরূপ বিচলিত হইয়াছিলেন কি না, তৎসম্বন্ধে অনেকে অনেক কথা বলিয়াছেন ; তাহাদের সেই সকল কথা

কল্পনার উপর স্থাপিত হইয়াছে*। যাহা হউক, মে মাসের প্রারম্ভে

* কথিত আছে, যখন অযোধ্যা ব্রিটিশ কোম্পানির অধিকারভুক্ত হয়, তখন ১৯ গণিত ও

যে, ৭ গণিত সৈন্যদল বিচলিত হইয়া উঠিয়াছিল, তাহাতে কিছু সন্দেহ নাই। তাহারা ৪৮ গণিত সৈন্যদলে একখানি পত্র লিখিয়া পাঠায় এবং এই পত্র দ্বারা সকলকেই আপনাদের ধর্ম-রক্ষার জন্য দৃঢ়প্রতিজ্ঞ থাকিতে অনুরোধ করে। ২রা মে তাহাদের সেনাপতি অধারোহণে তাহাদের সম্মুখে উপস্থিত হইয়া দেখিলেন যে, তাহারা টোটার সম্বন্ধে সাতিশয় সন্দিগ্ন হইয়া উঠিয়াছে, কিছুতেই তাহাদের সন্দেহ দূর হইতেছে না, এবং কিছুতেই তাহারা আপনাদের উর্দ্ধতন কর্মচারীর কথায় কর্ণপাত করিতেছে না। ৩রা মে আসিল। কিন্তু তাহাদের অধীরতা দূর হইল না। বরং পূর্বদিন অপেক্ষা তাহারা অধিকতর বিরক্ত ও অধিকতর দৃঢ়প্রতিজ্ঞ হইয়া উঠিল। স্যার হেনরি লরেন্স যখন শুনিলেন যে, ৭ গণিত সৈন্যদলের অসন্তোষ ও অবাধ্যতা ক্রমে বৃদ্ধি পাইতেছে, তখন তিনি স্থির থাকিতে পারিলেন না। এখন তাঁহার সম্মুখে একটি গুরুতর কার্য উপস্থিত হইল। তিনি অসম্ভব—অবাধ্য সৈন্যদলকে নিরস্ত করিতে উদ্যত হইলেন। নিরস্ত্রীকরণ সময়ে যদি সৈন্যদল কোনরূপ অবাধ্যতা দেখায়, তাহা হইলে, তাহাদিগকে সম্মুখে বিনষ্ট করিতেও তাঁহার স্থিরসঙ্কল্প হইল। ৩রা মে সায়ংকালে স্যার হেনরি লরেন্স বহুসংখ্যক সূক্ষ্মজাত ও শস্ত্র সৈন্য এবং কয়েকটি কামান লইয়া ৭ গণিত সৈনিকদলের কাওয়াজ ক্ষেত্রের অভিসুখে প্রস্থান করিলেন। প্রায় তিন ঘণ্টায় সাত মাইল পথ অতিক্রান্ত হইল। স্যার হেনরি লরেন্স তিন ঘণ্টার মধ্যে সজ্জীভূত সৈন্য ও কামান লইয়া যুদ্ধবেশে কাওয়াজের প্রশস্ত ভূমিতে আসিয়া উপস্থিত হইলেন।

এই সময়ে সন্ধ্যা অতীত হইয়াছিল। নিশ্চল আকাশে নিশ্চল চন্দ্রমা ধীরে ধীরে আপনাব স্নিগ্ধকর কিরণ-জাল বিকাশ পূর্বক চারি দিক উদ্ভাসিত করিয়া তুলিতেছিল। তারকা-স্তবক মেঘশূন্য আকাশ-তলে ধীরে ধীরে ফুটিয়া

৩৪ গণিত উভয় সৈনিকদলই লক্ষ্যেতে অবস্থিত করিতেছিল। অনেকের বিশ্বাস যে, এইখানে ইঙ্গরেজ গবর্নমেন্টের বিরুদ্ধাচরণে ইহাদের প্রবৃত্তি জন্মে। হেনরি লরেন্স লিখিয়াছেন যে, ১৩ গণিত সৈন্যদলে প্রায় সাত শত অযোধ্যাবাসী লোক ছিল। উপস্থিত সময়ে ইহারা প্রায় সকলেই স্বদেশপ্রত্যাগ হয়। অযোধ্যাপ্রহণে কিরূপ বিষময় ফলের উপস্থিতি ইহারা ছিল, তাহা এতদ্বারা স্পষ্ট উপলব্ধি হইতেছে। Kaye, Sepoy war, Vol I. p. 156P.

প্রকৃতির অপূর্ণ শোভা বিস্তার করিতেছিল। প্রকৃতির এই কমণীয় কাস্তিতে মোহিত হইয়াই যেন, সমস্ত জগৎ ধীরে ধীরে আপনার পূর্ণতন জীবন্ত ভাব হইতে বিচ্যুত হইতেছিল। ইহা ইঙ্গরেজদিগের পবিত্র বিশ্রাম-বারের রাত্রি। ঋষিনিষ্ঠ ইঙ্গরেজ এই রাত্রিতে ঈশ্বরের আরাধনায় নিবিষ্ট হইয়া থাকেন, কিন্তু স্যার হেনরি লরেন্সের নিকট এখন আরাধনা অপেক্ষা অবাধ্যতার শাস্তিদান অধিকতর প্রয়োজনীয় বলিয়া বোধ হইল। স্যার হেনরি লরেন্স এই রাত্রিতেই অবাধ্য সিপাহিদিগকে নিরস্ত করিতে অথবা কামানে উড়াইয়া দিতে সৈন্যদল লইয়া কাওয়াজের ক্ষেত্রে উপনীত হইলেন। নিস্তরক প্রকৃতির নিস্তরকতা ভঙ্গ হইল। সৈন্যগণের পদধ্বনিতে, অস্ত্র শব্দের সঞ্চালনে, অশ্বগণের হেঁসারবে কাওয়াজের সেই নিস্তরক প্রান্তর আবার জাগ্রত হইয়া উঠিল। ৭ গণিত সৈন্যদল সেই স্থানে আনীত হইল। অকস্মাৎ রাত্রিকালে সেই বিস্তৃত প্রান্তরে সমবেত হইবার উদ্দেশ্য কি, তাহা প্রথমে তাহাদের হৃদয়ঙ্গম হইল না ; কিন্তু শেষে যখন তাহারা আপনাদিগের সমক্ষে ইউরোপীয় অশ্বারোহী, সজ্জীভূত কামান ও সশস্ত্র সৈন্যদল স্থাপিত দেখিল, তখন তাহাদের আশঙ্কা গভীরতর হইয়া উঠিল। তাহারা বুঝিতে পারিল যে, তাহাদের সন্দর্নাশের জন্য এইরূপ যুদ্ধোপযোগি আয়োজন হইয়াছে, তাহারা অণুমাত্রও অবাধ্যতা দেখাইলে, এই সকল কামানে তাহাদিগকে উড়াইয়া দেওয়া হইবে, সুতরাং তাহাদের পতন অবশ্যস্তাবী। চিন্তার পর চিন্তার তরঙ্গ তাহাদের হৃদয়ে অভিঘাত করিতে লাগিল। তাহারা এই অভিঘাতে ভীত ও কর্তব্যবিমূখ হইয়া নীরবে আপনাদের অধিনায়কগণের সম্মুখে আসিয়া দাঁড়াইল। তাহাদের পূর্বতন অবাধ্যতা দূর হইয়াছিল, এখন তাহারা আপনাদের অধিনায়কগণের আদেশ প্রতিপালন করিতে ঔদাসীন্য় দেখাইল না। কিন্তু এই সময় একটি আকস্মিক ঘটনায় তাহাদের ভাবান্তর উপস্থিত হইল। তাহাদের সম্মুখে স্যার হেনরি লরেন্স সঙ্গিগণের সহিত উপস্থিত ছিলেন। স্যার হেনরি লরেন্সের পশ্চাৎভাগে কামান সকল সজ্জিত ছিল। এক জন কামান-রক্ষী ভ্রমক্রমে আগুন জ্বালায় সমস্ত সিপাহিরা ভাবিল যে, ভয়ঙ্কর সময় উপস্থিত হইয়াছে, মুহূর্তমধ্যে কামান-রক্ষীগণ তাহাদিগকে বিনষ্ট করা হইবে, সুতরাং তাহারা স্থির থাকিতে পারিল না। প্রথমে এক জন পলায়ন করিল ; তৎপরে আর এক জন তাহার

অনুসরণে উদ্যত হইল; এইরূপে কয়েক মধ্যম সৈন্য-শ্রেণীতে অনেক স্থান শূন্য হইয়া পড়িল। সর্বসমেত ১২০ জন কাওয়াজের স্বেত্র ছাড়িয়া গেল। অবশিষ্ট সৈনিকেরা এখন ধীরভাবে ইঙ্গরেজ অধিনায়কের আদেশ পালনে অগ্রসর হইল। অস্বারোহিণ পলায়িত সৈনিকদিগের পশ্চাদ্ধাবিত হইল। এ দিকে ৭ গণিত দলের অবশিষ্ট সৈনিকগণ সেনাপতির আদেশে আপনাদের অস্ত্র শস্ত পরিত্যাগ করিল। এইরূপে রাত্রির একাধি অতীত হইল। গভীর নিশীথে যখন চারি দিক নিস্তরু ছিল, লোকে যখন গভীর নিদ্রায় অভিভূত থাকিয়া দিবসের প্রান্তি দূর করিতেছিল, তখনও সেই প্রশস্ত ক্ষেত্রের সৈনিকেরা আপনাদের গুরুতর কার্যসাধনে বিরত হয় নাই, তখনও ৭ গণিত সৈন্যদলের সিপাহিরা অস্ত্র শস্ত পরিত্যাগ পূর্বক আশ্রয়-মাননার উৎকট দৃশ্য চাহিয়া দেখিতেছিল। বিমল চন্দ্র তখনও মেঘশূন্য অনন্ত আকাশের মধ্যভাগে থাকিয়া আপনার কিরণ-জাল বিকাশ করিতেছিল, সৌন্দর্যময়ী প্রকৃতি তখনও আপনার অপার সৌন্দর্য্যে আপনাই বিভোর হইয়া নিঃশব্দে হাসিতেছিল, কিন্তু ৭ গণিত সৈনিকদিগের তখনও শোচনীয় অধঃপতনের অভিনয় শেষ হয় নাই। উক্ত সৈনিকদল তখনও আপনাদের অধিনায়কের সম্মুখে দাঁড়াইয়া নীরবে পবিত্র বীরত্বের শোচনীয় পরিণাম দেখিতেছিল। ক্রমে একে একে সকল শেষ হইল, ক্রমে একে একে সকল সৈনিকপুরুষ আপনাদের অস্ত্রাদি পরিত্যাগ করিয়া সামান্য বেশে দাঁড়াইয়া রহিল। রাত্রি ছুই প্রহরের পর স্যার হেনরি লরেন্সের সৈন্যগণ ৭ গণিত সিপাহিদিগের পরিত্যক্ত অস্ত্র শস্ত লইয়া লক্ষ্যে ফিরিয়া আসিল। স্যার হেনরি লরেন্স এই সময়ে সকলকে এই বলিয়া আশ্বাস দিলেন যে, যাহারা নিরপরাধ বলিয়া স্থিরীকৃত হইবে, গবর্ণমেণ্ট তাহাদিগকে পুনর্বার সৈনিক-শ্রেণীতে গ্রহণ করিতে সক্ষম হইবেন না। লরেন্সের এইরূপ আশ্বাস-বাক্যে নিরস্তীকৃত সৈনিকেরা সন্তুষ্ট হইল। তাহারা ধীরভাবে আপনাদের পলায়িত সতীর্থদের অনুসন্ধান করিতে লাগিল। পলায়িতগণ তাহাদের কথায় আবার আপনাদের আবাস-স্থানে ফিরিয়া আসিল। পরদিন বেলা দুই প্রহরের সময়, সমস্ত সৈনিকদলে আবার ৭ গণিত সৈনিক-নিবাসী পরিপূর্ণ হইয়া উঠিল।

এই দিন স্যার হেন্‌রি লরেন্স গবর্নর ডুক্‌নেরলকে লিখিলেন যে, ৭ গণিত সৈন্যদলের সম্বন্ধে যে রূপ ব্যবস্থা করা গিয়াছিল, তাহাতে অনেক ফল পাওয়া গিয়াছে। কিন্তু আমি অনেকের নিকট শুনিয়াছি, গত রাত্রিতে ৪৮ গণিত দলের সিপাহিগণ ৭ গণিত সিপাহিদিগকে পলায়নের জন্য তিরস্কার করিয়াছিল। তাহারা কহিয়াছিল, ৭ গণিত দলে সিপাহিরা যদি দৃঢ়তার সহিত দণ্ডায়মান থাকিত, তাহা হইলে, তাহারা ইঙ্গরেজদিগের উপর গুলি চালাইতে সক্ষম হইত না। কিন্তু আমি এই সকল কথায় বিশ্বাস স্থাপন করিতে পারি নাই। যাহা হউক, উপস্থিত সময়ে সিপাহিদিগের মধ্যে যে রূপ গভীর আবেগের চিহ্ন দেখা যাইতেছিল, সাধারণে যে রূপ নানা কথা নানা ভাবে অতিরঞ্জিত করিয়া আপনাদিগের কল্পনা-শক্তির পরিচয় দিতেছিল, তাহাতে হেন্‌রি লরেন্স বিশেষ ধীরতার সহিত সনস্ত বিষয় পর্যালোচনা করিতে লাগিলেন। বিপদ যে, ক্রমে বাড়িয়া উঠিতেছে, ইহা তাঁহার স্পষ্ট বোধ হইল। সময় যত অতিবাহিত হইতে লাগিল, ততই এই বিরাগের চিহ্ন স্পষ্টীকৃত হইয়া উঠিল। ৭ গণিত সিপাহিদিগের ৫০ জন প্রধান ষড়যন্ত্রকারীকে কারারুদ্ধ করা হইল। গোলযোগের কারণ অনুসন্ধান জ্ঞাত একটি সমিতি বসিল। কিন্তু কার্যে কিছুই হইল না। সমিতি কোনও কারণ বাহির করিতে পারিলেন না। তাঁহাদের সকল চেষ্টা, সকল উদ্যমই বিফল হইল। উপস্থিত সময়ে সিপাহিদিগের মুখ নিরুদ্ধ ছিল, তাহারা কখনও কোনও কথা কহিয়া আপনাদের ষড়যন্ত্রের চিহ্ন প্রকাশ করিত না। কিন্তু যখন উপযুক্ত সময় সম্মুখবর্তী হইত, তখন সকলেই একপ্রাণে এক উদ্দেশ্য সাধনের জন্য সমুথিত হইয়া উঠিত। ৭ই মে ৪৮ গণিত দলের সৈনিক-নিবাস পুড়িয়া যায়। এই দলের যে স্বেচ্ছাসেবক ৭ গণিত দলের পত্র কর্তৃপক্ষের নিকট সমর্পণ করিয়াছিল, প্রথমে তাহারই গৃহে আশ্রয় লাগে। পরদিন হেন্‌রি লরেন্স এই দক্ষ সৈনিক-নিবাস পরিদর্শন করেন। সিপাহিরা সকলেই তাঁহার নিকট যথোচিত শীলতা ও সৌজন্যের পরিচয় দেয়, এবং আপনাদের সম্পত্তিবিনাশ হেতু সকলেই গভীর দুঃখ প্রকাশ করে। এই সময়ে, সকলে অযোধ্যার সিপাহিদিগের মনোগত ভাববুঝিতে সমর্থ হন নাই। কিন্তু হেন্‌রি লরেন্স এই সকলের মধ্যে পরিগণিত

ছিলেন না। তিনি আপনার দুর্দৃশিতা ও ধীরতার বলে, অনেক বিষয় হৃৎকরূপে বুঝিয়া উঠিতেন। তাঁহার সন্নিবেচনায় ও তাঁহার বিচার-দক্ষতায় এই সময়ে অনেক সূক্ষ্মের উৎপত্তি হইয়াছিল। তিনি সকলের সহিত মিশিয়া, সকলের সহিত আলাপ করিয়া, অবশেষে স্থির করিলেন যে, সিপাহিরা গুরুতর ভয়ে বিচলিত হইয়া উঠিয়াছে। বসায়ুক্ত টোটার গল্পে এই ভয় তাহাদের জন্মে বদ্ধমূল হইয়াছে, এবং ইহা ক্রমে প্রবল হইয়া তাহাদিগকে নানারূপ অবাধ্যতার চিহ্ন দেখাইতে প্রবর্তিত করিয়াছে।

এই প্রসঙ্গে হেনরি লরেন্সের সহিত সিপাহিদিগের যে সকল কথোপকথন হইয়াছিল, হেনরি লরেন্স তাহার কোন কোন অংশ স্মরণ লিপিবদ্ধ করিয়া গিয়াছেন। সে সময় সিপাহিদিগের ভয় কিরূপ প্রবল হইয়া উঠিয়াছিল, তাহা হেনরি লরেন্সের এই লিপিতে স্পষ্ট বুঝা যায়। উক্ত লিপির একাংশ এই স্থলে উদ্ধৃত হইতেছে। হেনরি লরেন্স এই পত্র ৯ই মে লর্ড কানিংঙ্গের নিকট লিখিয়াছিলেন,—“অযোধ্যার কামানরক্ষক সৈন্যদলের এক জন জমাদারের সহিত আমার এক ঘণ্টারও অধিক কাল আলাপ হয়। জমাদার জাতিতে ব্রাহ্মণ, তাহার বয়স প্রায় ৪০বৎসর, চরিত্র উত্তম। এই ব্যক্তির বিশ্বাস যে, গবর্ণমেন্ট গত দশ বৎসর ধরিয়া ভারতবর্ষের সকলকে শঠতা প্রকাশ পূর্বক ধর্ষিত্য করিবার প্রয়াস পাইতেছেন। আমি তাহার এই কথায় চমকিত হইয়া উঠিলাম। তাহার যুক্তি এই, আমরা যেমন চাতুরী করিয়া ভারতবর্ষে আধিপত্য স্থাপন করিতেছি, যেমন চাতুরী করিয়া ভারতপুত্র, লাহোর প্রভৃতি জয় করিয়াছি, তেমনি চাতুরী করিয়া, হিন্দুদিগের যে সকল খাদ্যসামগ্রী বাজারে বিক্রীত হয়, তৎসমুদয়েও অশ্ব-চূর্ণ মিশাইয়া দিতেছি। যখন আমরা তাহাকে কহিলাম যে, ইউরোপে আমাদের প্রভূত ক্ষমতা আছে, গত কৃষ-যুদ্ধে আমরা এক বৎসরের মধ্যে আগাদের সৈন্য-সংখ্যা চতুর্ভাগ করিয়াছি। আবশ্যক হইলে, আমরা ছয় মাসের মধ্যেও ভারতবর্ষে বহুসংখ্যক সৈন্য আনিতে পারি, এরূপ হইলে আমাদের আদিগকে আর সিপাহিদিগের উপর কোন বিষয়ে নির্ভর করিতে হইবে না। তখন সে উত্তর করিল যে, আমরা যে লোকশলে ও অর্থবলে শ্রেষ্ঠ, তাহা সে অবগত আছে; কিন্তু ইউরোপীয় সৈন্য আনা বহু-ব্যয়-সাধ্য, এজন্য আমরা হিন্দুদিগকে সমুদ্রপারে লইয়া

গিয়া পৃথিবী জয় করিতে ইচ্ছা করিয়াছি। ইহাতে আমি উত্তর করিলাম, যদিও সিপাহিরা শ্বলযুদ্ধে ভাল, কিন্তু তাহাদের অসার ও অপকৃষ্ট খাদ্যের জন্য তাহারা জলযুদ্ধে তাদৃশ উৎকৃষ্ট নয়। জমাদার গম্ভীরভাবে আমার এই কথায় উত্তর করিল, ‘অবশ্য আমাদের খাদ্যসামগ্রীতে তাদৃশ সার ভাগ নাই, এই জন্য আপনারা আমাদের খাদ্যসামগ্রীতে তাদৃশ সার ভাগ দিয়া অধিকতর সবল ও সর্বত্র গমনক্ষম করিতে চাহিতেছেন।’ জমাদার পুনঃ পুনঃ কহিতে লাগিল, ‘সকলে যাহা বলিয়া থাকে, আমি আপনাকে তাহাই কহিতেছি।’ আমি উত্তর করিলাম, নির্বোধ ও বিশ্বাসঘাতকেরাই এরূপ কহিয়া থাকে, কিন্তু সাধু ও বিবেচক ব্যক্তি কখনও এরূপ মনে করেন না। সে এই সকল কথায় বিশ্বাস করে কি না, তাহা কিছু বলিল না, কেবল এই মাত্র বলিল, ‘সকলেই মেঘপাল। প্রধান ব্যক্তি যে পথে যাইবে, সকলেই তাহার অনুসরণ করিবে।’ আমি তাহাকে কহিলাম, ১৮৪৬ অব্দে আমাদের সৈনিকেরা কানুলে যে দেড় শত ভারতবর্ষীয় বালক বালিকা পরিত্যাগ করিয়া আসিয়াছিল, আমি তাহাদিগকে রক্ষা করিয়াছি। এই সকল পরিত্যক্ত বালক বালিকাকে খ্রীষ্টীয় ধর্ম্মে দীক্ষিত করিতে আমার ইচ্ছা হয় নাই, আমি সকলকেই তাহাদের আত্মীয় ও বন্ধুগণের হস্তে সমর্পণ করিয়াছি। জমাদার উত্তর করিল, ‘হাঁ, এ বিষয় আমার বেশ স্মরণ আছে, আমি তখন লাহোরে ছিলাম।’ ইহার পর সে কহিল যে, দুর্ভিক্ষের সময়ে ইঙ্গরেজেরা বালক-বালিকাদিগকে ক্রয় করিয়া খ্রীষ্টীয় ধর্ম্মে দীক্ষিত করিয়া গাছেন। এই জমাদার কুড়ি বৎসর কাল আমাদের সৈনিক-শ্রেণীতে কার্য করিতেছে। পূর্বে কখনও কোন বিষয়ে ইহার কোনরূপ সন্দেহ বা বিশ্বাস-ঘাতকতার পরিচয় পাওয়া যায় নাই। কুড়ি বৎসর কাল এ ব্যক্তি ধীর ও বিশ্বস্তভাবে আমাদের কার্য করিয়াছে। এই কার্যের পুরস্কার স্বরূপ আমরা ইহাকে সাধারণ সৈনিক-গণের মধ্যে উচ্চপদে প্রতিষ্ঠিত করিয়াছি। তথাপি এখন এ ব্যক্তি আমাদের বিরুদ্ধে যে সকল কথা কহিতেছে, যে সকল অভিমত ইহার হৃদয়ে বদ্ধমূল হইয়াছে, তাহাতে ইহাকে যোর বিশ্বাসঘাতক বলিয়া বোধ হয়।’ এই দিন স্যার হেনরি লরেন্স উত্তর-পশ্চিমাঞ্চলের লেপ্টেনেন্ট গবর্নর কল্বিন সাহেবের নিকট একখানি পত্র লিখেন। এই পত্রে উত্তর ভারতের দুর্গ-সমূহের

উপর দৃষ্টি রাখিতে কল্বিন সাহেবকে বিশেষ অনুরোধ করা হইয়াছিল। স্ত্রী হেনরি লরেন্স পরিণামদর্শী ছিলেন। এই পরিণামদর্শিতায় তাঁহার অনেক কথা এখন ভবিষ্যদ্বাণী স্বরূপ পরিগৃহীত হইয়া থাকে। হেনরি লরেন্স যে আশঙ্কায় কল্বিন সাহেবকে সাবধান করিয়াছিলেন, সময়ে সে আশঙ্কার ফল প্রত্যক্ষীভূত হইয়াছিল, সময়ে সমস্ত উত্তর-পশ্চিমাঞ্চল জ্বলন্ত অগ্নিতে পরিব্যাপ্ত হইয়া সাধারণের হৃদয়ে গভীর আশঙ্কা ও উদ্বেগের সঞ্চার করিয়াছিল।

অযোধ্যার প্রধান কমিশনবরের উল্লিখিত পত্র যদি লিখিত হওয়া মাত্র গবর্ণর জেনেরলের নিকট উপস্থিত হইত, তাহা হইলে উহাতে বুঝাইত যে, অবশ্য কোন গুরুতর বিপদের সূচনা হইতেছে। কিন্তু যখন উক্ত পত্র কলিকাতায় পঁহছে, তখন লিখিত বিষয় অতীত ঘটনার সহিত মিশিয়া গিয়াছিল, সুতরাং উহা তাদৃশ আশঙ্কা বা উদ্বেগের উদ্দীপক হয় নাই। গবর্ণর জেনেরলের মন্ত্রিসভার সদস্যগণ অযোধ্যার সিপাহিদিগের অবাধ্যতা ও তৎপ্রযুক্ত তাহাদের শাস্তি-দান সম্বন্ধে তর্ক বিতর্ক করিতেছিলেন। সিপাহিগণ কি জন্য একরূপ অবাধ্য হইয়া উঠিয়াছে, তৎসম্বন্ধে ভিন্ন ভিন্ন সভ্য ভিন্ন ভিন্ন মত প্রকাশ করেন। কিন্তু স্যার হেনরি লরেন্স, সিপাহিদিগকে সৈনিকশ্রেণীতে পুনর্গ্রহণের যে প্রস্তাব করিয়াছিলেন, তাহা সকলেই একবাক্যে অসম্মত বলিয়া নির্দেশ করেন। অগ্রতম সভ্য ডোরিগ সাহেব এ সম্বন্ধে আপনার যথোচিত কঠোরতার পরিচয় দিতে সম্মুচিত হন নাই। তিনি লর্ড কানিংয়ের সদয়তার জন্য আক্ষেপ প্রকাশ করেন। তাঁহার মতে নিরস্ত্রীকরণ সিপাহিদিগের অবাধ্যতার সমুচিত শাস্তি নয়। তিনি আপনার মন্তব্য-লিপিতে স্পষ্টাক্ষরে উল্লেখ করেন, “যত শীঘ্র বিদ্রোহের এইরূপ সংক্রমণ-শক্তি বিনষ্ট হয়, ততই ভাল। অপেক্ষাকৃত লঘুতর শাস্তিতে উহা নিরাকৃত হইবে না; কঠোর দৃষ্টান্ত প্রদর্শন এখন আবশ্যিক হইয়া উঠিয়াছে। বিদ্রোহ অপরাধে যত সৈন্য অভিযুক্ত হইয়াছে, তাহাদের সকলকেই সামরিক আইনের কঠোরতম বিধি অনুসারে শাস্তি দেওয়া উচিত। আমার মত এই, যে সৈন্যদল ভালরূপে পরিচালিত হয়, তাহারা কখনও বিদ্রোহী হইয়া উঠে না। যদি ইহা সপ্রমাণ হয় যে, ৭ গণিত সিপাহিদলের সকল আফিসরই আপনাদের কর্তব্য কক্ষে অবহেলা দেখাইয়া-

ছেন, তাহা হইলে আমার মতে তাঁহাদেয় সকলকেই তাঁহাদের আপন আপন সৈন্যদলে অবরুদ্ধ রাখা উচিত।” ১০ই মে ডোরিগ সাহেব আপনার এই কঠোর মন্তব্য লিপিবদ্ধ করেন। তিনি যে ধারণার বশবর্তী হইয়া এইরূপ লিখিয়াছেন, সাধারণেও সেই ধারণার বশবর্তী হইয়া নির্দেশ করিতে পারে যে, যে দেশ স্বশাসিত হয়, সে দেশের অধিবাসিগণ কখনও গবর্ণমেণ্টের বিরুদ্ধাচরণ করে না। সুতরাং এই ধারণা অনুসারে সাধারণে ডোরিগ সাহেবকে অবরুদ্ধ করিবার প্রস্তাব করিতে পারে; যেহেতু ডোরিগ সাহেব এই সময়ে, মন্নি-সভার প্রধানতম সদস্য ছিলেন। লর্ড কানিংয়ের সমক্ষে তিনি ব্রিটিশ সাম্রাজ্যের যোর যথেষ্টাচারী পরিচালক হইয়া উঠিয়াছিলেন*। তাঁহার বয়স ৬০ বৎসর হইয়াছিল, কিন্তু তিনি এই পরিণত বয়সেও আপনার পরিণত বুদ্ধির পরিচয় দিতে সমর্থ হন নাই। ভারত-বর্ষ ব্যতীত আর কোনও দেশে তিনি দীর্ঘকাল বাস করেন নাই, সিবিল সার্ভিস্ ব্যতীত আর কোনও কার্যে তিনি লিপ্ত থাকেন নাই; সুতরাং তাঁহার দীর্ঘকালের অভিজ্ঞতা অতি সঙ্কীর্ণ সীমায় আবদ্ধ ছিল। তিনি সময়ে সময়ে লর্ড কানিংয়ের ধীরতা দেখিয়া অধীর হইতেন, এবং সময়ে সময়ে কানিংয়ের সারবেচনা ও সাধুতার নিন্দাবাদে অগ্রসর হইতেন। যোর সঙ্কটাপন্ন সময়ে যখন ব্রিটিশ-শাসনের মূলভিত্তি ধীরে ধীরে শিথিল হইয়া পড়িতে-ছিল, উৎকট নৈরাশ্র, আতঙ্ক ও বিষাদের গভীর কালিমাময়ী ছায়া যখন সর্বত্র ধীরে ধীরে প্রসারিত হইতেছিল, ভারতের এক প্রান্ত হইতে আর এক প্রান্তে যখন তীব্র তুবানল ধীরে ধীরে অলক্ষ্যভাবে আপনার গতি বিস্তার করিতেছিল, তখন এইরূপ অদূরদর্শী ও অপরিণত-বুদ্ধি ব্যক্তি ব্রিটিশ ভারতের সর্বপ্রধান শাসন-সমিতির সর্ব-প্রধান সদস্যের পদে অধিষ্ঠিত থাকেন।

যে দিন ডোরিগ সাহেবের মন্তব্য লিখিত হয়, সেই দিন অনাতম সভ্য জেনেরল লো আপনার মন্তব্য লিপিবদ্ধ করেন। সেনাপতি লো দীর্ঘকাল ভারতবর্ষে থাকিয়া ভারতবর্ষীয়দিগের আচার ব্যবহারের তত্ত্ব হইয়া উঠিয়া-ছিলেন। সে সময়ে ভারতবর্ষে তাঁহার ন্যায় পরিণামদর্শী অভিজ্ঞ রাজপুরুষ

* Mutiny in the Bengal army : By one who has served under Sir Charles Napier, p. 13. Comp : Martin, Indian Empire, Vol. II. p. 140.

দ্বিতীয় কেহ ছিলেন না। ডোরিণ সাহেব সন্দেহযুক্ত টোটা সিপাহীদিগের অবাধ্যতার কারণ বলিয়া নির্দেশ করেন নাই। তাঁহার মতে উহা সিপাহীদিগের গবর্ণমেন্টের বিরুদ্ধাচারী হওয়াব একটি ছল মাত্র। সিপাহিরা প্রকৃত প্রস্তাবে বিদ্রোহোন্মুখ হইয়াছে। কিন্তু তিনি যদিও তেরিশ-বৎসর কাল গবর্ণমেন্টের কার্যে লিপ্ত ছিলেন, তথাপি ভারতের অভ্যন্তরীণ অবস্থা তাঁহার পরিজ্ঞাত হয় নাই। কলিকাতা হইতে পকাশ মাইল দূরে তিনি কখনও গমন করেন নাই। তাঁহার অভিজ্ঞতা সার্বজনীন ছিল না। তিনি ভারতবাসীদিগের আচার ব্যবহার ও ভারতবাসীদিগের সামাজিক ব্যবস্থা প্রকৃত প্রস্তাবে কিছুই জানিতেন না*। সেনাপতি লো তাঁহার ন্যায় অদূরদর্শী বা তাঁহার ন্যায় অবিগ্ন্যকারী ছিলেন না। তিনি অযোধ্যার গোলযোগের বিষয়ে স্পষ্ট নির্দেশ করেন যে, সিপাহিরা আপনাদের জাতিনাশ ও ধর্মনাশের ভয়েই টোটা স্পর্শ করিতে সক্ষম হয় নাই। তাহারা ইচ্ছা করিয়া আপনাদের সেনাপতির নিকট অবাধ্যতা দেখায় নাই; চিরন্তন ধর্মনাশের আশঙ্কায় তাহাদের হৃদয় বিচলিত হইয়াছে। এই আশঙ্কাই তাহাদিগকে গবর্ণমেন্টের নিকট অবাধ্য ও অবিদ্রোহী করিয়া তুলিয়াছে।

মন্ত্রিসভার আর এক জন সভ্য—গ্রাণ্ট সাহেবও উপস্থিত বিষয়ে আপনাদের অভিমত পরিব্যক্ত করেন। তিনি লো সাহেবের সহিত একমত হইয়া নির্দেশ করেন যে, টোটার সম্বন্ধে যে সকল কথা প্রচার হইয়াছে, তাহাতে সিপাহিরা আপনাদের জাতিনাশের আশঙ্কায় ভীত হইয়া উঠিয়াছে। এই ভয়প্রযুক্তই তাহারা আপনাদের সেনাপতির নিকট অবাধ্যতার পরিচয় দিয়াছে। ১৯ ও ৩৪ গণিত সিপাহীদিগের সম্বন্ধে যাহা করা হইয়াছে, গাণ্ট সাহেব অযোধ্যার ৭ গণিত সৈন্যদলের সম্বন্ধেও সেইরূপ করিবার পরামর্শ দেন এবং সমস্ত অসং লোকদিগকে কর্মচ্যুত করিবার প্রস্তাব করেন †।

এ দিকে স্ত্রী হেনরি লরেন্স নিশ্চেষ্ট ছিলেন না। গবর্ণর জেনারেলের মন্ত্রি-

* Mutiny on the Bengal army ; By one who has served under Sir Charles

•Napier. p. 13. Comp : Martin, Indian Empire, Vol. II. p. 141.

† Martin, Indian Empire, Vol II. p. 141.

সভার সদস্যগণ যখন আপনাদের মন্তব্য-লিপিতে নানা যুক্তি বিন্যাস করিতে-
 ছিলেন, তখন হেনরি লরেন্স্ অটলভাবে পাকিয়া আপনাদের কার্যদক্ষতার
 পরিচয় দেন। তিনি মন্ত্রিসভার শেষ বিচারের প্রতীক্ষায় থাকেন নাই, সদস্য-
 গণের প্রত্যেকের যুক্তি ও সিদ্ধান্ত জানিবার জন্যও উন্মুখ হইয়া রহেন নাই।
 তাঁহার কার্যপ্রণালী সুনিয়মিত ছিল। এই সুনিয়মিত কার্যপ্রণালীর গুণেই
 অযোধ্যার সমস্ত গোলযোগ আশু নিবারিত হয়। স্মার হেনরি লরেন্স্ সৈন্য-
 দলের সকলকে নিরস্ত না করিয়া, সেই দলের এতদেশীয় প্রায় সকল আফিসর
 ও প্রায় পনের জন সিপাহিকে পদচ্যুত করেন, অবশিষ্ট সকলের প্রতি ক্ষমা
 প্রদর্শিত হয়। এতদেশীয় আফিসরদিগের মধ্যে দুই এক জন মাত্র পদস্থ
 থাকেন। এইরূপে প্রায় দুই শত সৈনিক পুরুষ গুরুতর দণ্ড হইতে অব্যা-
 হতি পাইয়া আবার আপনাদের অবলম্বিত কার্যে প্রবৃত্ত হয়। ইহাতে
 গবর্ণমেন্টের উপর তাহাদের পূর্বতন অবিশ্বাস অনেকাংশে নিরাকৃত হয়।
 স্মার হেনরি লরেন্স্ কেবল এইরূপ ক্ষমা প্রদর্শন করিয়াই নিরস্ত থাকেন নাই।
 বাহারা আপনাদের প্রভুভক্তি ও বিশ্বস্ততার পরিচয় দিয়াছিল, তিনি তাহা-
 দিগের প্রতি যথোচিত অনুগ্রহ প্রদর্শন করেন। এই সকল সিপাহির পদো-
 ন্নতি হয়, এবং ইহারা পুরস্কৃত হইয়া সকলের নিকট গৌরবান্বিত হইয়া উঠে।
 পারিতোষিক দান উপলক্ষে একটি সমৃদ্ধ দরবার হয়। এই দরবারে সমস্ত
 সিবিল ও সৈনিক কর্মচারী, সৈন্যদলের এতদেশীয় আফিসর এবং লক্ষ্যের
 সমস্ত প্রধান প্রধান ব্যক্তি উপস্থিত হন। স্মার হেনরি লরেন্স্ ওজস্বিনী
 ভাষায় একটি বক্তৃতা করিয়া কহেন যে, ব্রিটিশ গবর্ণমেন্ট কখনও কাহারও
 ধর্ম্মে হস্তক্ষেপ করিতে প্রস্তুত নহেন, এ সম্বন্ধে তাঁহার চিরকাল সমদর্শিতার
 পরিচয় দিয়া আসিতেছেন। দিল্লীর মুসলমান অধিপতিগণ হিন্দুদিগকে
 কিরূপ নির্ধাতন করিতেন, তাহা সকলেরই স্মরণ করা উচিত। কিন্তু ব্রিটিশ
 গবর্ণমেন্ট সকল সম্প্রদায় ও সকল জাতিকে সমভাবে রক্ষা করিয়া আসি-
 তেছেন। কতকগুলি হুঁশয় হুঁশবুদ্ধি লোক এখানে ওখানে অল্পসংখ্যক
 ইউরোপীয় দেখিয়া সাধারণের নিকট প্রকাশ করে যে, ইঙ্গরেজ গবর্ণমেন্টকে
 অনায়াসেই পর্যুদাস্ত করা যাইতে পারে। কিন্তু যে শক্তি রুশিয়ার বিরুদ্ধে
 গণ্ডাশ হাজার সৈন্য পাঠাইয়া দেয়, তাহা তিন মাসের মধ্যে ভারতবর্ষে

তাহার দ্বিগুণ সৈন্য একত্র করিতে পারে। স্মার হেনরি লরেন্স এইরূপ কহিয়া স্বহস্তে যথোপযুক্ত সৈনিক পুরুষদিগকে তরবারি, খেলাত, শাল, সোণার হলকরা কাপড় এবং নগদ টাকা দিয়া তাহাদের হস্ত ধারণ পূর্বক সাদর-সম্ভাষণ করেন * । অন্যান্য ইউরোপীয়ও স্মার হেনরি লরেন্সের এই মহদ্‌স্ট্রান্তের অনুসরণ করিতে বিমুগ্ধ হন নাই। তাঁহারা সৈন্যদলের ভারত-বর্ষীয় আফিসরদিগের সহিত মিশিয়া তাঁহাদিগকে আপ্যায়িত করেন। এইরূপে প্রধান কমিশনরের সদাশয়তায় অযোধ্যায় আপাততঃ সমস্ত গোলযোগের শান্তি হয়। স্মার হেনরি লরেন্স এইরূপ সূক্ষ্মবুদ্ধি এইরূপ দূরদর্শী ও এইরূপ সদাশয় ছিলেন। যখন গবর্ণমেণ্ট ৩৪ গণিত সেনাদলের নিষ্কাশন-দণ্ড-লিপি ভারতবর্ষের প্রত্যেক সৈনিক-নিবাসে, প্রত্যেক সৈন্যদলের সম্মুখে পড়িতে আদেশ দেন, তখন হেনরি লরেন্স সে আদেশ প্রতিপালনে উদ্যত হন নাই। তাঁহার আশঙ্কা ছিল যে, এইরূপ গুরুতর দণ্ডের বিষয় জানিলে, অযোধ্যার অন্যান্য সৈনিকদলও সম্ভ্রান্ত হইয়া গবর্ণমেণ্টের বিরুদ্ধাচরণে উদ্যত হইবে। এইরূপ দূরদর্শিতার বলে হেনরি লরেন্স বাঙ্গালার সিপাহিদিগের প্রধান আবাস-ভূমিতে শান্তিস্থ কিছু কাল অব্যাহত রাখেন। যদিও অযোধ্যা শেষে করাল অনল-শিখায় পরিব্যাপ্ত হইয়াছিল, যুদ্ধোত্তম সিপাহিদিগের ভৈরব রবে যদিও শেষে অযোধ্যার শান্তি অন্তর্ধান করিয়াছিল, তথাপি, যখন অগ্ন্যগ্ন স্থানে ভয়াবহ দৃশ্য বিকাশ পায়, নরশোণিত-স্রোতে যখন অগ্ন্যগ্ন স্থল রঞ্জিত হইয়া উঠে, তখনও অযোধ্যায় কোন গুরুতর গোলযোগের আবির্ভাব হয় নাই। কিন্তু ভয়ঙ্কর সময় ক্রমে নিকটবর্তী হইতেছিল। কিছুতেই উহার গতি রোধ হইল না। দেখিতে দেখিতে উহা প্রবল বেগে উল্লসিত হইল। দেখিতে দেখিতে মিরাত জলন্ত অগ্নি-শিখায় উদ্দীপ্ত হইয়া উঠিল।

মিরাতের ৩ গণিত অশ্বারোহি-দলে সৈনিক পুরুষেরা যেরূপ কঠোর-ভাবে দণ্ডিত হইয়াছিল, অগ্নায় বিচারে যেরূপ কঠোরভাবে লৌহ-শৃঙ্খলে আবদ্ধ হইয়া কারাগৃহে প্রবেশ করিয়াছিল, তাহা পূর্বে উক্ত হইয়াছে। তখন

* The Rev. T. Cave-Browne, Punjab and Delhi, VOL. 1. p. 32-36. Comp Martin, Indian Empire, p. 142.

তাহাদের মধ্যে কোনরূপ উত্তেজনার চিহ্ন পরিস্ফুট হয় নাই । কিন্তু তাহারা আপনাদের সতীর্থগণের সম্মুখে যে শোচনীয় দৃশ্য বিকাশ করিয়া দিয়াছিল, তাহা হইতে ক্রমে গুরুতর ঘটনার আবির্ভাব হয় । দগ্ধিত সিপাহিরা নীরবে ধীরভাবে কাবাগৃহে গিয়াছিল, তাহাদের সতীর্থগণ নীরবে ধীরভাবে আপনাদের আবাসে প্রত্যাবৃত্ত হইয়াছিল । ইঙ্গরেজগণ সমস্ত গোলযোগের শাস্তি হইল বলিয়া আপনাদের প্রমোদ-গৃহে আমোদের তরঙ্গে দোলায়মান হইতেছিলেন । মৈনিক আফিসরেরা সতরঙ্গ-ক্রীড়ায় প্রবৃত্ত হইয়াছিলেন । সিবিল আফিসরেরা ৯ই মের ঘটনার প্রসঙ্গে আপনাদের বন্ধুগণের সহিত হাসিতে হাসিতে নানা আলাপ করিতেছিলেন, ইঙ্গরেজ-মহিলাগণ ৯ই-প্রাঙ্গণে দাঁড়াইয়া আপনাদের সুখশান্তিতে আপনাই পারিতৃপ্ত হইতেছিলেন । কিন্তু ইহাদের ন্যায় সিপাহিরা আমোদের তরঙ্গে উদ্ভাস্ত হয় নাই—ইহাদের ন্যায় ক্রাড়া-কৌতুকে নিবষ্ট হইয়া শাস্তিসুখ অল্পই করে নাই—তাহাদের হৃদয়ে গভীর কালিমার রেখা পাত হইয়াছিল । তাহারা ভাবিল, আপনাদের চিরন্তন সামাজিক নিয়ম, আপনাদের চিরন্তন লোকাচার এবং আপনাদের চিরন্তন ধর্ম-প্রণালীর গৌরব রক্ষা করিতে দৃঢ়প্রতিজ্ঞ হইলে, এখন ইঙ্গরেজের অপূর্ব বিচারে—ইঙ্গরেজের কঠোর শাসনে শৃঙ্খলে আবদ্ধ হইয়া কয়েদাদিগের সহিত সমস্ত দিন কঠিন পরিশ্রম করিতে হইবে । সন্দেহ-যুক্ত টোটা গ্রহণে অসম্মত হওয়াতে পূর্বে অনেককে নিরস্ত্র করা হইয়াছে । এখন তাহারা দেখিল যে, এই নিরস্ত্রীকরণের পরিবর্তে ইঙ্গরেজ গবর্ণমেণ্ট কঠোর পরিশ্রম সহ কারাবাসের ব্যবস্থা করিয়াছেন । এই অপরাধে তাহাদের সতীর্থগণ এখন কারাগারের যত্ন-ব্রতী ভোগ করিতেছে ; এ দিকে তাহাদের স্ত্রীপুত্রগণ জীবিকা-সংস্থানের অভাবে কষ্টের চরম সীমায় পতিত হইয়াছে । ভাবিতে ভাবিতে তাহাদের মানসিক স্থিরতা দূর হইল । তাহারা যখন অদূরে আপনাদের সঙ্গিগণের শূণ্য গৃহ সকল দেখিতে লাগিল, কারাগারের বিকট দৃশ্য যখন তাহাদের স্মৃতি-পথে জাগরুক হইল, তখন তাহাদের হৃদয় অধীর হইয়া উঠিল । তাহারা আপনাদের দগ্ধিত সতীর্থগণের পরিবারবর্গের শোচনীয় অবস্থা ভাবিয়া, ক্রমে মানসিক যাতনায় দিগ্বিদিক-জ্ঞানশূন্য হইয়া পড়িল । তাহাদের শাস্তি তিরোহিত হইল, সুখের আশা অন্তর্ধান করিল, এবং আত্মদ

ও আমোদের বিচিত্র দৃশ্য দূরে অপসারিত হইয়া গেল। হিন্দু ও মুসলমান, সকলেই তখন গভীর মনোযাতনায় অধীর হইয়া, এই অবৈধ কার্যের প্রতি-শোধ লইতে কৃতসঙ্কল্প হইল।

৩ গণিত সৈন্যদলের আফিসরেরা কারাগৃহে বাইয়া দণ্ডিত সিপাহি-দিগের দেনা পাওনা ও তাহাদের পারিবারিক অবস্থার বিষয় অনুসন্ধান করেন। এই সময়ে সেই সিপাহিরা আপনাদের পরিজনবর্গের জন্য যেরূপ চিন্তিত হইয়া উঠে, তাহাদের আত্মীয় স্বজন পাছে জীবিকানির্ব্বাহের অব-লম্বন-শূন্য হয়, এই আশঙ্কায় যেরূপ গভীর কাতরতা প্রকাশ করে, তাহাতে আফিসরদিগের মনে অপরিসীম কষ্টের স্ফূর্তি হয়। তিন জন আফিসর এই শোচনীয় দশাগ্রস্ত জীবদিগের পরিবারবর্গের ভরণপোষণ জন্ত টাকা সংগ্রহে কৃতসঙ্কল্প হন। কয়েদিগণ আপনাদের অবস্থার শোচনীয় পরিণাম ও পরি-বারবর্গের দীনতা লক্ষ্য করিয়া কেবল আক্ষেপ প্রকাশ করিতেছিল,-তাহারা আফিসরদিগের নিকট কোনরূপ উস্তেজনা পরিচয় দেন নাই। ইঙ্গরেজের উপর তাহাদের যে গভীর বিদ্বেষ জন্মিয়াছে, ইঙ্গরেজশাসন পর্য্যদন্ত করিতে তাহারা যে কৃতসঙ্কল্প হইয়াছে, এই সময়ে তাহার কোনও আভাস পাওয়া যায় নাই। তাহাদের মুখে গভীর বিষাদের চিহ্ন প্রকাশ পাইতে-ছিল, কিন্তু তাহাতে বিদ্বেষের লক্ষণ পরিস্ফুট হয় নাই, তাহাদের নেত্রদ্বয় নানা দুশ্চিন্তার ব্যাবণে অশ্রুপূর্ণ হইয়াছিল, কিন্তু তাহাতে প্রতিহিংসার তীব্র জ্বালা বিকাশ পায় নাই। তাহারা এই সময়ে কেবল আপনাদের স্ত্রী-পুত্রের জগুই ব্যাকুলতা দেখাইতেছিল। এই ব্যাকুলতা দীর্ঘকাল থাকিল না। কয়েদিগণ আপনাদের দীনতা ও হীনতা দেখাইয়া দীর্ঘকাল শূন্সলে আশঙ্ক রহিল না। তাহাদের অবস্থার পরিবর্ত হইল। অবিলম্বে তাহাদের সতীর্ণগণ দলবদ্ধ হইয়া, তাহাদিগকে শূন্সল-বিমুক্ত করিল, অবিলম্বে তাহারা সেই উন্নত সতীর্ণগণের সহিত উন্নত ভাবে ভীষণ অনল-ক্রীড়ায় প্রবৃত্ত হইল।

যে দিন পলাশীর প্রশস্ত ক্ষেত্রে শত্রুর ষড়যন্ত্রে হতভাগ্য সিরাজ উদৌ-লার অধঃপতন হয়, লর্ড ক্লাইবের চাতুরীতে যে দিন বাঙ্গালার ব্রিটিশ-কোম্পানির আধিপত্য বন্ধমূল হইয়া উঠে, তাহার পর হইতে এক শত বৎস-

রের মধ্যে আর কখনও এইরূপ ভয়ঙ্কর ঘটনার আবির্ভাব দেখা যায় নাই, আর কখনও ব্রিটিশ শাসনের মূল ভিত্তি এইরূপ কম্পিত হয় নাই; ইঙ্গরেজগণ আর কখনও এইরূপ বিপদাপন্ন হইয়া মুহূর্তে মুহূর্তে সংহারিণী শক্তির ভৈরবমূর্তি দেখেন নাই! মিরাট হইতে দিল্লী, দিল্লী হইতে সমগ্র উত্তর পশ্চিমাঞ্চল করাল অনল-শিখায় ব্যাপ্ত হইতে থাকে; নর-শোণিত-শ্রোতে চারি দিক্ রঞ্জিত হইয়া উঠে। এই ঘোর বিপ্লবে—আশঙ্কা ও উদ্বেগের এই ভয়াবহ সময়ে ধীর-প্রকৃতি লর্ড কানিংয়ের ধীরতা কিছু মাত্র বিচলিত হয় নাই। ইঙ্গ-রেজী নববর্ষের প্রারম্ভে এক হস্তপরিমিত যে মেঘখণ্ডের আবির্ভাব হয়, তাহা ক্রমে প্রসারিত ও গভীর কালিমায় হইয়া সমস্ত আকাশ ঢাকিয়া ফেলিয়াছিল। লর্ড কানিং এ সঙ্কট-কালেও হতাশ হইয়া পড়েন নাই। তিনি ধীর ও গম্ভীর ভাবে কার্য্য করিতে প্রবৃত্ত হইলেন, ধীর ও গম্ভীর ভাবে সমস্ত বিষয়ের শৃঙ্খলা করিতে লাগিলেন এবং ধীর ও গম্ভীর ভাবে ভিন্ন ভিন্ন স্থানের প্রধান প্রধান রাজপুরুষের সহিত পরামর্শ করিয়া কর্তব্যপথ নির্দ্ধারিত করিলেন। তাঁহার সম্মুখে এখন গুরুতর কার্য্যক্ষেত্র প্রসারিত হইয়াছিল। এই কার্য্যক্ষেত্রে প্রবেশ করিয়া তিনি ঋলিতপদ হন নাই। নানা চিন্তার প্রবাহ তাঁহার হৃদয়ে অভিঘাত করিতেছিল, নানা আশঙ্কার তরঙ্গ তাঁহাকে আন্দোলিত করিয়া তুলিয়াছিল। কিন্তু তাহাতে তিনি ধীরতা বা পরিণামदर्শিতা হইতে বিচ্যুত হন নাই। সম্মুখে গুরুতর বিপদের চিহ্ন দেখা যাইতেছিল। লর্ড কানিং এই বিপদরাশি অতিক্রম করিয়া, ভারত-সাম্রাজ্য রক্ষা করিতে শ্রিবপ্রতিজ্ঞ হইলেন। তিনি বুঝিতে পারিলেন, বিপদ বেরূপ গুরুতর হইয়া উঠিতেছে, তাহাতে উহার প্রতিরোধ জন্য যথোচিত আয়োজন করা উচিত। উপস্থিত সময়ে তাঁহার অধীনে উপযুক্ত-সংখ্যক ইউরোপীয় সৈন্য ছিল না। দিল্ল হইতেও তাঁহার অধীরা প্রকাশ পায় নাই, ইহাতেও তিনি ভীত হইয়া কর্তব্যের রেখা অতিক্রম করেন নাই। সে সময় যাহারা তাঁহার সম্মুখে ছিলেন, তাঁহারা সকলেই এই অপূর্ব ধীরতা ও কর্তব্য কার্ণে দৃঢ়তা দেখিয়া আশঙ্ক হইয়াছিলেন। লর্ড কানিং এখন আপনাদের বল বুদ্ধি করিতে চেষ্টা পাইতে লাগিলেন, এবং নানা স্থান হইতে সৈন্ত সংগ্রহ করিয়া ধীরভাবে উপস্থিত বিপদের প্রতিকূলে দণ্ডায়মান হইলেন।

এখন অনুশোচনার সময় ছিল না। নচেৎ লর্ড কানিং এই ক্লিয়ী আক্ষেপ করিতেক্বে, নানা অবিচারে ভারতে ইঙ্গরেজ রাজ্য বিপদাপন্ন হইয়া উঠিয়াছে। ইঙ্গরেজ ক্রমাগত রাজ্য বৃদ্ধি করিয়াছেন, কিন্তু সেই অধিকৃত রাজ্যস্বত্ব কখনোই সুবন্দোবস্ত করেন নাই। অনুদার ও সঙ্কীর্ণ নীতির বলে ভারতের এক রাজ্যের পর অপর এক রাজ্যে ব্রিটিশ পতাকা উড়ীন হইয়াছে, এক রাজ্যের অধিপতির পর আর এক রাজ্যের অধিপতি শ্রীভ্রষ্ট হইয়া শোচনীয়ভাবে কালাতিপাত করিতেছেন। ইহাতে জনসাধারণ ক্রমে অসন্তুষ্ট হইতেছিল। ইহার উপর নানা কারণে তাহারা গভীর বিরাগের সহিত ইঙ্গরেজ গবর্নমেন্টের কার্য-কলাপ দেখিয়া আসিতেছিল; এ দিকে সকল স্থানে যথোপযুক্ত ইউরোপীয় সৈন্য ছিল না। লর্ড কানিং ভারতবর্ষে এই ইউরোপীয় সৈন্য রাখিবার জন্য অনেক চেষ্টা পাইয়াছিলেন, কিন্তু তাঁহার চেষ্টা ফলবতী হয় নাই। তিনি ভারতবর্ষ হইতে চীনদেশের বিরুদ্ধে ইউরোপীয় সৈন্য পাঠাইতে সম্মত হন নাই। এ বিষয়ে চীনের সহিত ভারতবর্ষের কোনও সংশ্রব ছিল না। ভারতবর্ষ হইতে পারস্তেও অনেক সৈন্য প্রেরিত হয়। লর্ড কানিং কর্তৃ-পক্ষের আদেশেই এই সকল করিতে বাধ্য হইয়াছিলেন। এখন বিপদ সম্মুখবর্তী হইয়াছিল; ভারতবর্ষে ইউরোপীয় সৈন্য রাখার সম্বন্ধে লর্ড কানিং পূর্বে যে সকল কথা কহিয়াছিলেন, তৎসমুদয় এখন ফলবতী হইয়াছিল, কিন্তু এখন গত বিষয়ের আলোচনার সময় ছিল না। গতানুশোচনা এখন বিফল হইয়াছিল। লর্ড কানিং এখন পশ্চাতে দৃষ্টিপাত না করিয়া, সম্মুখের কার্যে মনোনিবেশ করিলেন।

বোম্বাই হইতে পারস্তে যে সকল সৈন্য গিয়াছিল, তাহারা এই সময় বোম্বাইতে ফিরিয়া আসিতেছিল। লর্ড কানিং ইহাতে আশ্রিত হইলেন। তিনি এখন, চীনদেশে যে সকল সৈন্য পাঠাইতেছিল, তাহাদিগকে আপনার সাহায্যজন্য ভারতবর্ষে আনিতে কৃতসঙ্কল্প হইলেন। এই সৈন্য ফিরাইয়া আনিতে গুরুতর দায়িত্ব স্বীকার করিতে হইত। কিন্তু লর্ড কানিং এই দায়িত্বভার আপনার স্বন্ধে লইতে কিছুমাত্র সঙ্কুচিত হইলেন না। তিনি যুদ্ধ কাল চিন্তা করিয়া নির্ভীক চিত্তে এই গুরুতর ভার গ্রহণে অগ্রসর হই-

লেন। তাঁহার সাহস কার্যকর হইল, চেষ্ঠা ফলবতী হইয়া উঠিল। চীনদেশে যে সকল সৈন্য বাইতেছিল, তৎসমুদয় তাঁহার সাহায্যজন্য ভারতবর্ষে আসিতে লাগিল।

লর্ড কানিংগ্ এইরূপে সৈন্য সংগ্রহ করিয়াই নিরস্ত থাকেন নাই; অন্য উপায়েও জনসাধারণকে শান্ত করিবার চেষ্ঠা পাইয়াছিলেন। শারীরিক বল অপেক্ষা মানসিক বল দেখাইতে তাঁহার অধিকতর আগ্রহ ছিল। তিনি এখন এই মানসিক শক্তির পরিচয় দিতে অগ্রসর হইলেন। অনেকে যে, আপনাদের জাতিনাশ ও ধর্ম্মনাশের গভীর আশঙ্কায় গবর্ণমেন্টের বিরুদ্ধাচারী হইয়াছে, ইহা তাঁহার স্পষ্ট বোধ হইয়াছিল। সিপাহিদিগের হৃদয়ে এইরূপ আশঙ্কা বদ্ধগুল হইয়াছিল। সুতরাং লর্ড কানিংগ্ সাধারণকে মিষ্ট কথায় আর একবার গবর্ণমেন্টের সজ্জদেষ্টি বুঝাইতে ইচ্ছা করিলেন। একখানি ঘোষণা-পত্র প্রস্তুত হইল। গবর্ণর জেনেরল এই ঘোষণা-পত্রে প্রকাশ করিলেন যে, অনেক প্রতারক এখন হিন্দু ও মুসলমান সৈন্য, এবং সাধারণ প্রজাদিগের বিশ্বাস জন্মাইয়া দিয়াছে যে, গবর্ণমেন্ট তাহাদের ধর্ম্মের উপর হস্তক্ষেপ করিয়াছেন। কিন্তু গবর্ণমেন্ট কখনও এইরূপ ছুরভিসন্ধি করেন নাই। আপনাদের প্রজাদিগকে প্রতারিত করিতে গবর্ণমেন্টের কখনও প্রবৃত্তি জন্মে নাই। গবর্ণমেন্ট এজন্য জনসাধারণকে সাবধান করিয়া দিতেছেন যে, তাহারা যেন প্রতারকদিগের এই সকল কথায় কখনও বিশ্বাস না করে। এই প্রতারকগণ সাধু ব্যক্তিদিগকেও বিপথে পরিচালিত করিয়া বিপদাপন্ন ও সর্ব্বস্বান্ত করিবার চেষ্ঠা পাইতেছে। এই ঘোষণা-পত্র উল্লেখবর্ষের নানা ভাষায় অনুবাদিত হইল। গবর্ণমেন্ট এই সকল অনুবাদ ভিন্ন ভিন্ন মুসলিকনিবাসে সমস্ত সিপাহিদিগের মধ্যে বিতরণ জ্ঞান পাঠাইয়া দিলেন। জনসাধারণের মধ্যেও উহা বিতরিত হইল। ভারতের সমস্ত নগরে, সমস্ত পল্লীতে, সমস্ত বাজারে, সমস্ত সরাইতে এই ঘোষণাপত্র পঠিত হইতে লাগিল। কর্তৃপক্ষ আশা করিয়াছিলেন যে, এতদ্বারা সাধারণের হৃদয় শান্ত হইবে। কিন্তু এই আশা ফলবতী হইল না। সাধারণের গভীর উত্তেজনা এখন গভীরতর হইয়াছিল। লর্ড কানিংগ্‌র ঘোষণা-পত্র এখন এ উত্তেজনার গতি রোধ করিতে পারিল না।

উক্ত ঘোষণাপত্র প্রচার ব্যতীত লর্ড কানিং অল্প উপায়েও সৈনিক পুরুষদিগকে সন্তুষ্ট করিবার চেষ্টা পাইতে লাগিলেন। যাহারা সাহসে, উৎসাহে ও প্রভূভক্তিতে প্রশংসনীয় ছিল, তাহাদিগকে পুরস্কৃত করিবার প্রস্তাব হইল। বাঙ্গালা ও উত্তর-পশ্চিমাঞ্চলের লেপ্টেন্যান্ট গবর্নর এবং অধোধ্য ও পঞ্জাবের প্রধান কমিশনারগণ সৈনিকগণের সমক্ষে এই সকল প্রশংসনীয় বীরপুরুষদিগকে গবর্নমেন্ট-প্রদত্ত সম্মানে বিভূষিত করিবার ক্ষমতা পাইলেন। কিন্তু ইহাতেও কোনও ফল হইল না, সৈনিকদিগের গভীর উদ্বেজন। ইহাতেও দূরীভূত হইল না। সকলের ক্রোধ উদ্দীপ্ত হইয়া উঠিয়াছিল, সকলের প্রতিহংসা বলবতী হইয়াছিল, কেহই গবর্নমেন্টের প্রস্তাবে, গবর্নমেন্টের কথায় কর্ণপাত করিল না। লর্ড ডালহৌসী যে বিষয়ের বীজ রোপণ করিয়াছিলেন, এত দিনে তাহা ফলোন্মুখ হইয়া উঠিল।

এ দিকে কলিকাতায় যে সকল ইঙ্গরেজ রাজপুরুষ ছিলেন, তাঁহাদের অনেকে লর্ড কানিংকে যথাসময়ে যথোচিত সাহায্য করেন নাই। তাঁহারা কেবল আশঙ্কার গতি বিস্তার করিতেছিলেন। উপস্থিত বিপ্লবের বিষয় পল্ল-বি- করিয়া আপনাদের সম্প্রদায়কে আতঙ্কে অস্থির করাই যেন, তাঁহাদের উদ্দেশ্য হইয়াছিল। তাঁহারা এ সময়ে ধীরতার পরিচয় দেন নাই, আপনাদের কর্তব্য কার্যের স্থিরতা দেখাইতেও অগ্রসর হন নাই। তাঁহারা ভারতবর্ষ হইতে ইঙ্গলেও আতঙ্কের রাজ্য বিস্তার করিতেছিলেন। লর্ড কানিং এইজন্য ইঙ্গলেও কর্তৃপক্ষকে সাবধান করিতে সঙ্কুচিত হন নাই। তিনি ইহাদিগকে স্পষ্ট লিখিয়াছিলেন যে, কলিকাতা-প্রবাসী ইঙ্গরেজেরা স্বদেশের আত্মীয় স্বজনের নিকট যাহা লিখিয়া পাঠাইবেন, তাহার উপর যের সর্বতোভাবে বিশ্বাস স্থাপন করা নাই হয়। লর্ড কানিং কলিকাতার সকল ইঙ্গরেজ রাজপুরুষের সাহায্য না পাইলেও কিছুমাত্র কর্তব্য-বিমুখ হন নাই। ভিন্ন ভিন্ন স্থান হইতে তাঁহার স্বদেশীয়গণ তাঁহাকে যথোচিত সাহায্য করিতে অগ্রসর হইয়াছিলেন। বোম্বাই ও মাদ্রাজের গবর্নর লর্ড কানিংয়ের প্রার্থনাপূরণে উদাসীন দেখান নাই। লর্ড হারিস, ১৮ই মে মাদ্রাজ হইতে সৈন্য প্রেরণ করেন। ইহার পর এলফিন্‌ষ্টোন বোম্বাই

হইতে এক দল সৈন্য কলিকাতায় পাঠাইয়া দেন। যে বিচক্ষণ রাজপুরুষ-
 দ্বয়ের উপর নবান্বিত পঞ্জাব ও অযোধ্যার শাসন-ভার সম্বর্পিত হইয়াছিল,
 তাঁহারাও এ সময়ে আপনাদের অভ্যস্ত কার্য-পারদর্শিতা দেখাইতে
 উদ্যত হন। স্যার জন লরেন্স ও স্যার হেনরি লরেন্স, উভয়েই
 আপনাদের গুরুতর দায়িত্ব বুঝিয়া, কর্তব্যসম্পাদনে মনোনিবেশ করিয়া-
 ছিলেন। রাজ্যের শৃঙ্খলা-বিধানে রাজনীতির মহত্ত্ব-সংরক্ষণে, রাজ-কাৰ্য্যের
 গুরুত্ব অবধারণে, উভয়েরই দক্ষতা ও অভিজ্ঞতা ছিল, উভয় ভ্রাতাই ব্রিটিশ
 শাসনের প্রধান্য রক্ষায় স্থিরপ্রতিজ্ঞ ছিলেন। শত্রুর কুটিল ক্রকুটি-পাতে,
 বিপদের প্রচণ্ড অভিঘাতে, উভয় ভ্রাতাই অটলভাবে থাকিয়া দৃঢ়তা ও সহি-
 ক্ষুতার পরিচয় দিতেন। এখন ব্রিটিশ রাজ্য বিপদাকীর্ণ দেখিয়া এই ভ্রাতৃদ্বয়
 লর্ড কানিংকে যথোচিত সহায়তা করিতে অগ্রসর হইলেন। তাঁহাদের
 উৎসাহ ও উদ্যম বাড়িয়া উঠিল, দৃঢ়তা পূর্ণমাত্রায় বিকাশ পাইল, সাহস
 ও অধ্যবসায় উদ্দীপ্ত হইয়া উঠিল। তাঁহারা একাগ্রচিত্তে লর্ড কানিংয়ের
 প্রধান পরিপোষক হইলেন। লর্ড কানিং এই সুকল রাজপুরুষের সাহায্যে
 ধীরভাবে উপস্থিত বিপদ হইতে আপনাদের ভারত-সাম্রাজ্য রক্ষা কবিত্তে
 লাগিলেন। যখন বিপদ বাড়িয়া উঠে, আশঙ্কা—উত্তেজনার গতি প্রসারিত
 হয়, আকস্মিক বিপ্লবের ভয়াবহ তরঙ্গে সকলেই যখন মুহূর্তে মুহূর্তে আন্দো-
 লিত হইয়া বিভীষিকার বিকট দৃশ্য দেখিতে থাকে, তখন সকলেই আপনা-
 দিগকে নিরাপদ করিবার জন্য নানা প্রস্তাব করিতে উদ্যত হয়। তখন
 বিপদনিবারণের কোনও রূপ অবলম্বন, আশ্রয়-পক্ষ প্রবল করিবার কোনও রূপ
 উপায় সম্মুখে দেখিলে, সকলেই আশ্রয় হইয়া, তাহার দিকে চাহিয়া থাকে।
 উপস্থিত সময়েও ঠিক এইরূপ ঘটিয়াছিল। ইঙ্গলণ্ডের কর্তৃপক্ষের আদেশে
 চীনদেশের বিরুদ্ধে অনেক ইউরোপীয় সৈন্য বাহিতেছিল, এখন এই সকল
 সৈন্যের উপর সকলেরই দৃষ্টি নিপতিত হইল। সেনাপতি হিয়ার্সে এই
 সৈন্য ভারতবর্ষে ফিরাইয়া আনিতে গবর্নমেন্টের সামরিক বিভাগের সেক্রে-
 টারিকে পত্র লিখিলেন। স্যার হেনরি লরেন্স এই সৈন্যের চীনদেশে গমন
 স্বগিত রাখিতে অনুরোধ করিতে লাগিলেন। মাদ্রাজের প্রধান সেনাপতি
 গ্রাট্‌ ও এই চীনদেশগামী সৈন্যের গতিরোধজন্য একখানি ক্ষতগতি

রোপীয় পোতা পাঠাইতে গবর্নমেন্টে টেলিগ্রাফ করিলেন। এ দিকে স্যার জন লরেন্স উপস্থিত বিপদ নিবারণ জন্য যে সকল কার্য করা উচিত, তাহার বিস্তৃত বিবরণ লর্ড কানিংহামের নিকট পাঠাইয়া দিলেন। এইরূপে সকলেই আশ্রয়প্রার্থনায় উদ্যত হইয়াছিলেন, সকলেই আপনাদের শাসন-গৌরব, আপনাদের বাহুবলের মহিমা এবং আপনাদের তেজস্বিতার গরিমা দেখাইতে দৃঢ়প্রতিজ্ঞ হইয়া উঠিয়াছিলেন। এখন ভবিষ্যৎ বিপত্তিপূর্ণ হইয়াছিল; জলন্ত বহি-শিখা মুহূর্তে মুহূর্তে আপনার সংহারিণী-শক্তির পরিচয় দিতে-ছিল। ভারতের প্রধান প্রধান সৈনিকদল রাজনীতির সঙ্কীর্ণতায়, আশঙ্কার গভীরতায় ও উত্তেজনার প্রবলতায় ব্রিটিশ শাসন পূর্য্যদস্ত করিতে উদ্যত হইয়াছিল। তাহারা কিছুতেই পশ্চাৎপদ হইল না, কিছুতেই তাহাদের উদ্যম নষ্ট হইয়া গেল না। তাহারা একাগ্রচিত্তে অগ্রসর হইল, এবং বিপুল উৎসাহে ভয়াবহ কার্য সাধনপূর্ব্বক, চারি দিক্‌ ঋষিরে রঞ্জিত করিয়া তুলিল।

পূর্ব্বে উক্ত হইয়াছে যে, মিরাটে ইউরোপীয় ও এতদেশীয় সৈনিক-নিবাসের নিকটবর্তী ছিল না। উভয় সৈনিক-নিবাসের মধ্যভাগে অনেক বাড়ী ও দোকান ইত্যাদি ছিল। কালী নদীর একটি শাখা উভয় সৈনিক-নিবাসের মধ্যদেশ দিয়া প্রবাহিত হইতেছিল। এইরূপ দূরত্ব প্রযুক্ত এতদেশীয় সৈনিক-নিবাসের সকল ঘটনা, ইউরোপীয় সৈনিক-নিবাসের অধিবাসীদিগের গোচর হইত না, এবং ইউরোপীয় সৈনিক-নিবাসে যাহা হইতেছে, তাহার সংবাদও শীঘ্র শীঘ্র এতদেশীয় সৈনিক-নিবাসে পৌঁছিত না। এই যে শনিবার ৩ গণিত অখারোহি-দুপলর সৈনিক পুরুষগণ শৃঙ্খলাবদ্ধ হইয়া কান্নাগারে প্রবেশ করিয়াছিল। ইউরোপীয়গণ সমস্ত গোল-যোগের শাস্তি হইল ভাবিয়া আশস্ত হইয়াছিলেন। অপরাপর সিপাহীগণ গভীর মনোবেদনায় অধীর হইয়া আপনাদের আবাসে ফিরিয়া আসিয়াছিল। ইউরোপীয়গণ যখন শনিবারের রাত্তিতে নিজ্রার আবেশে অপার শাস্তিহীন অনুভব করিতেছিলেন, তখন সিপাহিরা আপনাদের দলস্থ লোকের শোচনীয় দর্শন চিন্তা করিতে করিতে ইন্সপেক্টরের বিরুদ্ধে উত্তেজিত হইতেছিল। হুশিস্তার আবেগে তাহাদের নিজ্রা হয় নাই, প্রতিহিংসার কঠোর দংশনে

তাহাদের শাস্তিসুখ জন্মে নাই, এবং নিরাশার আর্তনাদে তাহাদের ধীরতা বন্ধমূল থাকে নাই। তাহারা গভীর নিশীথে, গভীর চিন্তায় নিমগ্ন হইয়াছিল, এবং চিন্তামগ্ন হইয়া আপনাদের অন্তর্নিহিত তুহানলে আপনারাই বিদগ্ধ হইতেছিল। সময়ে এই তুহানলের অবস্থান্তর ঘটিল, সময়ে এই তুহানল প্রচণ্ড হতাশনে পরিণত হইয়া অপরকেও আপনার ক্রালাময়ী শিখায় ঢাকিয়া ফেলিল।

রাত্রি প্রভাত হইল। বৈশাখের প্রচণ্ড সূর্য অনন্ত আকাশ-তলে উদ্ভাসিত হইয়া, ধীরে ধীরে অনল-কণা বিকীর্ণ করিতে লাগিল। দেখিতে দেখিতে চারি দিক্ প্রদীপ্ত হইয়া উঠিল। প্রকৃতির উৎফুল্লতার সহিত ইন্সরেজেরাও উৎফুল্ল হইয়া পবিত্র বিশ্রাম বারে প্রাতঃকালীন উপাসনার জগ্ৰ উপাসনা-মন্দিরে ষাইতে লাগিলেন। এই সময়ে কোনও রূপ গোলযোগের আবির্ভাব দেখা যায় নাই, ইউরোপীয় সৈনিক-নিবাসে শান্তির নিস্তরঙ্গতা ভঙ্গ হয় নাই; কিন্তু সহসা যেন কোনও বিষয়ে কোনও রূপ নিয়ম-ভঙ্গ দেখা গিয়াছিল, সহসা যেন কোনও রূপ বিপদের চিহ্ন অলক্ষ্যভাবে চারি দিকে প্রসারিত হইতেছিল। প্রাতঃকালে এতদদেশীয় ভৃত্যেরা ইউরোপীয় সৈনিক-নিবাসে উপস্থিত থাকিয়া, কর্তব্য কার্য্য অভিনিবিষ্ট হয়, কিন্তু ১০ই মে প্রাতঃকালে ইহারা কেহই আপনাদের খেতাব প্রভুদিগের পরিচর্য্যায় আইসে নাই, বিশেষ মিরাতে যে সকল ভৃত্য সংগ্রহ করা হইয়াছিল, তাহারা সকলেই এ সময়ে আপনাদের প্রভুদিগের গৃহ হইতে অন্তর্ধান করিয়াছিল। এই আকস্মিক নিয়ম-ভঙ্গের প্রতি তখন কেহই লক্ষ্য করে নাই। ইউরোপীয়গণ উহাতে ওঁদাসীত্ত্ব দেখাইয়াছিলেন। তাহাদের ধারণা হইয়াছিল যে, ভৃত্যগণ অবশ্য কোন সামান্য কারণে, প্রাতঃকালে তাহাদের পরিচর্য্যার জগ্ৰ আসিতে পারে নাই। এই সামান্য কারণ অনুসন্ধানও তখন তাহাদের ইচ্ছা হয় নাই। সুতরাং তাহারা ধীরভাবে ও প্রশান্ত-চিত্তে প্রাতঃকালীন উপাসনার জগ্ৰ আপনাদের পবিত্র মন্দিরে গমন করেন। উপাসনার কার্য্য যথানিয়মে সমাপ্ত হইলে, ইন্সরেজেরা পূর্বের তথ্য প্রশান্ত-চিত্তে আবাস-গৃহে ফিরিয়া আসিয়া আপনাদের দৈনন্দিন কার্য্যে ব্যাপ্ত হইলেন। ক্রমে বেলা হইতে লাগিল। প্রচণ্ড প্রভাকর মধ্যগগন আশ্রয়

করিয়া প্রথমে রশ্মিজালে চারিদিক দগ্ধ করিতে লাগিল। এ সময়েও ইঙ্গ-রেজেরা অবশুস্তাবধি বিপদের আভাস প্রাপ্ত হন নাই। এতদ্বেশীয় সৈনিক-নিবাস হইতে দূরবর্তী থাকিতে তাঁহারা বিপ্লবের পূর্ব-সূচনা বুঝিতে পারেন নাই। কিন্তু এই দিন সিপাহিদিগের আবাস-ক্ষেত্রে, জনতাপূর্ণ বাজারে, পার্শ্ব-বর্তী পল্লীগ্রামে উত্তেজনার চিহ্ন স্পষ্ট লক্ষিত হইয়াছিল। অনেকেই যেন কোন একটি গুরুতর কার্য সাধনের জন্য প্রস্তুত হইতেছিল, অনেকের মুখেই দৃঢ়তার আভাস দেখা যাইতেছিল, অনেকেই এই দিন যেন আপনাদের অপরিসীম উদ্যম—উৎসাহের পরিচয় দিতেছিল। সামান্য বালকেরা পর্যন্ত ইয়া দেখিতে পাইয়াছিল, কিন্তু ইঙ্গ-রেজদিগের চক্ষে প্রথমে এই আকস্মিক পরিবর্তনের চিহ্ন পতিত হয় নাই। কোন ইঙ্গ-রেজ-মহিলা বিপদের আভাস পাইয়া উহার বিষয় আপনার আশ্রয়গণের গোচর করিয়াছিলেন, কিন্তু কেহই তখন উহাতে বিশ্বাস করিয়া পূর্ব হইতে সেই বিপদের গতিরোধের চেষ্টা পান নাই*। এ দিকে উত্তেজিত সিপাহিরা সশস্ত্র হইতেছিল, অনেকে পার্শ্ববর্তী স্থান হইতে আসিয়া ইহাদের দল পরিপুষ্ট করিতেছিল। জাতিনাশ—ধর্ম্মনাশের জন্ত সকলেই ইঙ্গ-রেজের বিপক্ষে এইরূপ দলবদ্ধ হইতেছিল, ইঙ্গ-রেজের সর্বনাশ সাধনে সকলেরই এইরূপ আগ্রহ দেখা যাইতেছিল।

ধীরে ধীরে বৈশাখের সুদীর্ঘ দিনের অবসান হইল। প্রচণ্ড সূর্য আপনার প্রভা-জাল সংযত করিয়া ধীরে ধীরে পশ্চিম-গগন-প্রান্তে গড়াইয়া পড়িতে লাগিল। দিবসের দারুণ রোদ্দ ধীরে ধীরে অন্তর্ধান করিল। স্নিগ্ধকর সান্ধ্য সমীরণ ধীরে ধীরে আতপদগ্ধ লোকের হৃদয়ে শান্তিসুখ প্রসারিত করিতে লাগিল। মিরাটের ধর্ম্মনিষ্ঠ ইউরোপীয়গণ সায়ন্তন, উপাসনার জন্ত প্রস্তুত হইতে লাগিলেন। এক জন বাজক সন্ত্রীক, উপাসনাগৃহে যাইতে

* ৯ই মার্চ রাত্রিতে ১১গণিত পদাতি সৈন্যদলের অধক্ষক কর্ণেল ফিনিস যখন আপনার এক জন বন্ধুর গৃহে ভোজনে উপবিষ্ট ছিলেন তখন ৮টি ইউরোপীয় মহিলা কহেন যে, নগরের প্রাচীরে বড় বড় অক্ষরে বিজ্ঞাপন দিয়া, সমস্ত ধর্ম্মনিষ্ঠ মুসলমানকে ইঙ্গ-রেজদিগকে হত্যা করিবার জন্ত আহ্বান করা হইয়াছে। কমিশনের প্রিবন্ড সাহেবের পত্নী কহিয়াছেন, সে সময় এই মহিলার কথায় কেহই বিশ্বাস করেন নাই। Martin, Indian Empire, Vol. II. p. 147.

উদ্বৃত্ত হইয়াছেন, এমন সময়ে, তাঁহার ধাত্রী তাঁহাকে উপস্থিত বিপদের সংবাদ দিয়া কহিল যে, সিপাহিরা যুদ্ধের জন্য উন্নত হইয়া উঠিয়াছে, স্মতরাং এই সময় হইতেই সাবধান হওয়া উচিত । ধাত্রী এই বলিয়া আপনার প্রভু-পত্নীকে গৃহে থাকিতে কহিল । কিন্তু রাজক ধাত্রীর কথায় কর্ণপাত করিলেন না । সে সময় ধাত্রীর কথা তাঁহার নিকট অলীক বলিয়া বোধ হইল । স্মতরাং তিনি নির্ভীকচিত্তে স্ত্রী ও সন্তানগণের সহিত গাড়ীতে চড়িয়া উপাসনা-গৃহের অভিমুখে প্রস্থান করিলেন । কিন্তু ধাত্রী বিশ্বস্তভাবে সত্য কথা কহিয়াছিল । রাজক যখন উপাসনামন্দিরের প্রাঙ্গণে উপস্থিত হইলেন, তখন তাঁহার চৈতন্য হইল । তখন অদূরে বন্দুকধ্বনি তাঁহার স্রোতগোচর হইতে লাগিল । ধ্বনি ক্রমে গভীর হইতে গভীরতর হইয়া উঠিল । উপাসনা-গৃহে সাঁহারা উপস্থিত হইয়াছিলেন, তাঁহাদের সকলের মুখেই এখন গভীর আশঙ্কা, গভীর সম্রাসের চিহ্ন পরিব্যক্ত হইতে লাগিল । এ দিকে ভয়ঙ্কর শব্দের বিরাম হইল না । উত্তেজিত লোকের ভৈরব রবে, বন্দুকের গভীর শব্দে, ভেরীর তীব্র নিনাদে, বিগ্নের যোরতর আর্তনাদে চারিদিক্ কোলাহল-ময় হইয়া উঠিল । যেন কোন অপূর্ব শক্তির মহিমায় মুহূর্ত্ত মধ্যে চারিদিক্ সম্ভাড়িত, তরঙ্গায়িত ও আন্দোলিত হইতে লাগিল । এখন ইঙ্গরৈজেরা বুঝিতে পারিলেন যে, মিরার্টের উত্তেজিত সিপাহিগণ যুদ্ধোন্মুখ হইয়া ভয়ঙ্কর কার্যসাধনে উদ্যত হইয়াছে ।

সৈনিক-বিভাগের কর্তৃপক্ষ পূর্বে যে ভ্রমে পতিত হইয়াছিলেন, অবিচারে, অপরিণামদর্শিতায় যে অকার্য্যের অনুষ্ঠান করিয়াছিলেন, এখন তাহার ফল প্রত্যক্ষীভূত হইতে লাগিল । যে নিদারুণ ভূবানল অলক্ষ্যভাবে গতি প্রসারিত করিতেছিল, গবর্ণমেন্টের সামরিক-বিভাগের উচ্চতন কর্মচারিগণের অব্যবস্থিততার এখন তাহা প্রচণ্ড হতাশনে পরিণত হইল । বেলা অপরাহ্ন ৬টার কিছু পূর্বে তৃতীয় অখারোহিদলের সৈনিকগণ অখারুত হইয়া অপার বিক্রমে, তীব্রগতিতে মিরার্টের কাবাগারের অভিমুখে ধাবিত হইল । এইখানে তাহাদের ৮৫ জন সঙ্গী শৃঙ্খলে দৃঢ়বদ্ধ হইয়া কালান্তিপাত করিতেছিল । এখন ইহাদের উদ্ধারসাধনই অখারোহিগণের একমাত্র উদ্দেশ্য হইল । সাঁহারা কাল-বিলম্ব করিল না । কোনরূপ ছুশিস্তা, কোনরূপ ভীতি,

কোনরূপ আশঙ্কা, এখন তাহাদের এই সঙ্কল্পসিদ্ধির অন্তরায় হইল না । তাহারা প্রকৃত-বিক্রমে, অবিচলিতসাহসে কারাগারে প্রবেশ করিয়া, অব-
রুদ্ধ সতীর্থদিগকে বিমুক্ত করিল, এবং এক জন কর্মকার দ্বারা তাহাদের
শৃঙ্খল ভাঙ্গিয়া দিল । ৮৫ জন সিপাহি শৃঙ্খল-বিমুক্ত হইয়া, বিমুক্ত-
কারীদিগের দলে মিশিল । এখন তাহাদের কারাবাস-ক্লেশের শাস্তি হইল,
হুর্দহ শৃঙ্খল-ভার-বহনের ক্লেশ দূরীভূত হইয়া গেল । তাহারা এখন অশারদু
হইয়া স্বাধীনভাবে আপনাদের সতীর্থদিগের পশ্চাৎ পশ্চাৎ চলিতে লাগিল ।
তৃতীয় অশারোহিদলের সৈনিকগণ আপনাদের অবরুদ্ধ সতীর্থদিগকে বিমুক্ত
করিতে দৃঢ়প্রতিজ্ঞ হইয়াছিল, এই প্রতিজ্ঞা পূর্ণ করা ব্যতীত প্রথমে অস্ত্র
কোন বিষয়ে তাহাদের দৃষ্টি পতিত হয় নাই ; সুতরাং তাহারা কারাগারের
অন্য কোনরূপ ক্ষতি করিল না । অপরাপর কয়েদী পূর্নবৎ রহিল । উত্তেজিত
সৈনিকেরা কারাগৃহ দগ্ধ করিল না বা কারালয়ের ইউরোপীয় অধ্যক্ষেরও
কোন অনিষ্ট করিতে অগ্রসর হইল না* ।

তৃতীয় অশারোহিদলের অভ্যুত্থানের সঙ্গে সঙ্গে পদাতিক সৈন্যদলও
ইঙ্গরেজের বিপক্ষে যুদ্ধ করিতে উদ্যত হইল । ১১ ও ২০গণিত সৈন্য-
দলের সিপাহিগণ সাতিশয় উত্তেজিত হইয়াছিল, এবং ধর্মানাশের গুরুতর
ভয়ে সকলেই দিশাহারা হইয়া পড়িয়াছিল । ইঙ্গরেজের কার্যকলাপের
উপর তাহাদের অপরিমিত বিরাগ ও ঘৃণার সঞ্চার হইয়াছিল । তাহারা এত
দিন কেবল সুযোগ প্রতীক্ষা করিতেছিল, এখন সেই সুযোগ তাহাদের

* কয়েদীদিগের বিমুক্তির সম্বন্ধে ভিন্ন ভিন্ন ব্যক্তি ভিন্ন ভিন্ন মত প্রকাশ করিয়াছেন । এক
জন নির্দেশ করিয়াছেন যে, অশারোহী সৈন্যগণের উপস্থিতির পূর্বেই, কারাগারক পদাতিক
সৈন্যের সাহায্যে কেবল ৮৫ জন নয়, সমস্ত কয়েদীই মুক্তিলাভ করিয়াছিল । অশারোহী
সৈনিকেরা আসিয়া দেখে যে, তাহাদের সতীর্থগণ মুক্ত হইয়াছে । Dr. O'callaghan,
Scattered Chapter on the Indian Mutiny. কাহারও মতে ৮৫ জন সিপাহি বিমুক্ত
হইয়াছিল । ইহারা যেন কারাগারে অবরুদ্ধ ছিল, সে কারাগারের অন্য কোন কয়েদী মুক্তিলাভ
করে নাই । কিন্তু ইনি লিখিয়াছেন যে, পুরাতন কারাগারের প্রায় ৭২৫ জন কয়েদীর মধ্যে ৩০০
কি ৩০০ জন বিমুক্ত হইয়াছিল । Commissioner William's Report. Comp. Kaye,
Sepoy War, Vol. II. p. 58, Note.

সম্মুখবর্তী হইল। পূর্বে তাহারা আপনাদের ইউরোপীয় প্রভুদিগের নিকট
 যেরূপ নিরীহভাবে কার্য করিত, শান্তমতি সম্ভানের স্তায় যেরূপ নিরীহ
 ভাবে আপনাদের গুণগৌরবের পরিচয় দিত, এখন সে নিরীহ ভাব অপগত
 হইল। হিংসার আবেগে, অস্তর্দাহের অভিঘাতে, এখন তাহারা অসহিষ্ণু
 হইয়া উঠিল। অসহিষ্ণুতাপ্রযুক্ত তাহারা অন্ত্রশস্ত্রে সজ্জিত হইয়া প্রকাশ
 যুদ্ধে অগ্রসর হইতে ঔদাসীন্য দেখাইল না। এই দিন সন্ধ্যাকালে ১১ গণিত
 পদাতিক-দলের অধ্যক্ষ কর্ণেল ফিনিম্ অস্বারোহণে সৈনিক-নিবাসে
 গিয়াছিলেন। আপনার সৈন্তের প্রভু-ভক্তির উপর তাঁহার বিশ্বাস ছিল।
 তিনি ভাবিয়াছিলেন যে, শান্তভাবে উপদেশ দিলে, তাঁহার সৈনিকেরা
 যুদ্ধে ক্ষান্ত থাকিবে। ফিনিম্ এই আশাতেই, সৈন্তদলের অপর্যাপ্ত
 আফিসরদিগের সহিত সৈনিকনিবাসে উপস্থিত হইয়াছিলেন। তিনি যখন
 আপনার সৈন্তদিগকে উপদেশ দিতেছিলেন, তখন ২০গণিত দলের এক
 জন সিপাহি তাঁহাকে লক্ষ্য করিয়া বন্দুক ছুড়িল। গুলি কর্ণেল ফিনিমের
 অধিষ্ঠিত অশ্বের শরীরে প্রবিষ্ট হইল। ইহার অব্যবহিত পরেই, আর এক
 জন সিপাহির নিক্ষিপ্ত আর একটি গুলি ফিনিমের পশ্চাদদেশে প্রবেশ
 করিল। দেখিতে দেখিতে, ২০গণিত সৈনিকেরা নানা দিক হইতে গুলি-
 বৃষ্টি করিতে লাগিল। কর্ণেল ফিনিম্ অশ্ব হইতে ভূপতিত হইলেন, মুহূর্ত
 মধ্যে তাঁহার শ্রাণবায়ু বহির্গত হইল। এইরূপে ২০গণিত দলের সিপা-
 হিরা ১১গণিত সৈন্তদলের অধ্যক্ষকে বধ করিল। তাহাদের নিক্ষিপ্ত
 গুলি সকল ১১ গণিত সৈন্তদলের ইতস্ততঃ পড়িতে লাগিল। মুহূর্তকাল ১১
 গণিত সিপাহিদিগে ২০ গণিত সিপাহিদিগের কার্য চাহিয়া দেখিল, মুহূর্ত-
 মধ্যে তাহাদের ললাটরেখা বিস্ফারিত হইল, মুহূর্তমধ্যে তাহারা ২০ গণিত
 সৈন্তদলের দৃষ্টান্ত অনুসরণ করিয়া প্রকাশ যুদ্ধে প্রবৃত্ত হইল।

এইরূপে মিরাতের সমস্ত এতদেশীয় সৈন্ত যুদ্ধোন্মুখ হইল; পদাতিকগণ,
 অস্বারোহিদল—সকলেই এক স্ত্রে গ্রথিত হইয়া, ইমরেজের বিরুদ্ধে
 দাঁড়াইল; হিন্দু ও মুসলমান, সকলেই সমান একাগ্রতায়, জাতিনাশ—ধর্ম-
 নাশের সমান আশঙ্কায়, ইমরেজের ক্ষমতা বিনষ্ট করিবার জন্য অস্ত্রধারণ
 করিল। গভীর উত্তেজনায় তাহারা উন্নত হইয়া উঠিয়াছিল, স্তবরাং তাহাদের

দিগ্বিদিক জ্ঞান রহিল না। তাহারা ইন্ধরেজ-মহিলা ও ইন্ধরেজ-বালকবালিকা-গণের শরীরেও অশ্রুসঞ্চালন করিতে লাগিল। কাগাগারের কয়েদিগণ বিমুক্ত হইয়াছিল। এই সকল কয়েদী এখন যুদ্ধোন্মত্ত সিপাহিদিগের সঙ্গে মিশিল। সিপাহিদিগের অভ্যুত্থানে সমস্ত মিরাট ভস্মাবহ কাণ্ডের রক্তক্ষেত্র হইয়া উঠিল। এ সময়েও এতদেশীয়গণের অনেকে আপনাদের কর্তব্যকর্মে উদাসীন থাকে নাই এবং আপনাদের চিরন্তন বিশ্বস্ততা হইতে বিচ্যুত হয় নাই। ধনাগারের রক্ষকগণ প্রভূতসাহসে আপনাদের কর্তব্য-সম্পাদন করিতেছিল, যুদ্ধোন্মত্ত সিপাহিরা ধনাগারের একটি টাকাও স্পর্শ করে নাই। রক্ষকেরা এইরূপ সাহসের সহিত ধনাগার রক্ষা করিয়া, শেষে ইউরোপীয় রক্ষকদিগের হস্তে উহার ভার সমর্পণ করিয়াছিল।

এই সময়ে মিরাটে দুই দল ইউরোপীয় সৈন্য ও এক দল ইউরোপীয় কামানরক্ষক ছিল। পদাতিক ও অশ্বারোহী সিপাহিদিগের অভ্যুত্থানের সঙ্গে সঙ্গে ইহারা সেই অভ্যুত্থানের গতিরোধ জ্ঞাত শ্রেণীবদ্ধ হয় নাই। অর্ধ শতাব্দী পূর্বে সেনাপতি গিলিপ্সি কেবল এক দল মাত্র ইউরোপীয় সৈন্য লইয়া বেলোড়ে শান্তিরক্ষা করিয়াছিলেন। ভারতের দক্ষিণ প্রান্তে যে সার্ক-সুন্নীন উপদ্রবের আবির্ভাব হইয়াছিল, তাহা এই সৈনিকপুরুষের দৃঢ়-প্রতিজ্ঞতা ও কার্য-কুশলতায় তিরোহিত হয়। কিন্তু উপস্থিত সময়ে, মিরাটের ইউরোপীয় সেনাপতিগণের অনেকে এইরূপ দৃঢ়প্রতিজ্ঞতা ও কার্যকুশলতার পরিচয় দেন নাই। তাঁহারা কেবল কাণ্ডাতের প্রশস্ত ক্ষেত্রে, সমবেত সৈন্যগণের সমক্ষে ৮৫ জন সিপাহিকে অপ্রচ্যুত ও শূন্সলাবদ্ধ করিয়াই, আপনাদের কার্যদক্ষতার পরিচয় দিয়াছিলেন; কিন্তু ইহাতে যে বিশ্বরুদ্ধের উৎপত্তি হইবে, তাহা তাঁহারা ভাবেন নাই। যখন অশরাপর সিপাহিরা তাহাদের এই স্বত্নায় কার্য দেখিয়া বিরক্ত হইয়া উঠিয়াছিল, আপনাদের চিরন্তন বিশ্বাস ও চিরপবিত্র জাতি-রক্ষায় দলবদ্ধ হইতেছিল, এবং অস্ত্র-পরিগ্রহ করিয়া আপনাদের শেষ প্রতিজ্ঞা রক্ষার জ্ঞাত অগ্রসর হইয়াছিল, তখনও তাঁহারা আত্মরক্ষায় যত্নশীল হন নাই। তাঁহারা শাস্তভাবে আপনাদের সম্মুখে শান্তি-সুস্থতার স্বপ্ন দেখিতেছিলেন; কিন্তু যখন তাঁহাদের এই সুখ-স্বপ্ন ভঙ্গ হইল, করাল অনল-শিখা যখন সমস্ত মিরাট ঢাকিয়া ফেলিল, উন্মত্ত সিপাহিগণের

ভীষণ শব্দ যখন অনন্ত আকাশে অনন্ত বায়ুরাশির সহিত মিশিয়া বাইতে লাগিল, তখন তাঁহারা দিশাহারা হইয়া পড়িলেন। তাঁহাদের মধ্যে শৃঙ্খলা রহিল না, একতা রহিল না এবং কার্যতৎপরতাও পরিষ্কৃত হইল না। তাঁহারা তখন গোলযোগে বিভ্রান্ত হইয়া আপনাদের সম্মুখে আপনাদের সৈন্যগণের ভয়াবহ কার্য দেখিতে লাগিলেন।

মিরাটে তিন জন প্রধান ইউরোপীয় সেনাপতি ছিলেন। ইহাদের এক জন তৃতীয় অধারোহিদলের কর্ণেল, এক জন মিরাটের দৈনিকনিবাসের বিগ্রেডিয়ার এবং আর এক জন মিরাটের সমস্ত সৈন্যদলের সাধাবণ অধ্যক্ষ। তৃতীয় অধারোহিদলের অধ্যক্ষ উপস্থিত সময়ে আপনাকে নিরাপদ করিতেই ব্যস্ত ছিলেন। গোলযোগ উপস্থিত দেখিয়া যখন এই দলের অপরাপর আফিসরেরা শীঘ্র শীঘ্র অস্ত্র-শস্ত্রে-সজ্জিত হইয়া সৈনিক-নিবাসের অভিমুখে গিয়াছিলেন, তখন কর্ণেল আইথু তথায় উপস্থিত হন নাই*। তৃতীয় অধারোহিদল সুকোম্মুখ হইয়াছে, এই সংবাদ যখন কর্ণেল আইথের নিকট পৌঁছে, তখন সৈনিক-নিবাসে উপস্থিত হওয়া তাঁহার প্রধান কর্তব্য হইয়া উঠিয়াছিল; কিন্তু তিনি এই প্রধান কর্তব্যে মনোযোগী হন নাই। তাঁহার এই অমনোযোগ বশত: বিপদ গুরুতর হইয়া উঠে। তিনি কমিশনরের গৃহে গিয়াছিলেন, সেনাপতির বাসভবনে উপস্থিত হইয়াছিলেন, বিগ্রেডিয়ারের আলায়ে গমন করিয়াছিলেন; এইরূপে সর্বত্রই তাঁহার গমনাগমন হইয়াছিল; কিন্তু তিনি আপনার সৈনিক-নিবাসে উপস্থিত হন নাই†। যখন তৃতীয় অধারোহিদল

* “তৃতীয় অধারোহিদলের প্রায় সকল আফিসরই শীঘ্র শীঘ্র অস্ত্র-শস্ত্রে সজ্জিত হইয়া সৈনিকনিবাসের অভিমুখে গমন করিয়াছিলেন। কিন্তু এই সময়ে এই সৈন্যদলের সেনাপতি তাঁহার কার্যস্থলে উপস্থিত হন নাই। সমস্ত রাত্রির মধ্যে একবারও তাঁহাকে সৈনিকনিবাসে দেখা যায় নাই। কর্ণেল আইথু আপনাকে নিরাপদ করিবার জন্ত ইউরোপীয় সৈনিকনিবাসে আশ্রয় গ্রহণ করিয়াছিলেন।” Dr. O’Callaghan, Scattered Chapter on the Indian Mutiny. Comp. Kaye, Sepoy war, Vol. II. p. 63, Note.

† ১০ই মে সন্ধ্যাকালে বাহা ঘটয়াছিল, কর্ণেল আইথু স্বয়ং তাহার স্থিররণ প্রকাশ করেন। তিনি ইহাতে উল্লেখ করিয়াছেন, “আমি প্রথমে কমিশনর গ্রিবেডু সাহেবের নিকট যাই। যাইয়া শুনিলাম, তিনি গৃহে নাই। অনন্তর আমি সেনাপতির গৃহে গমন করি। কিন্তু

রণমত্ত হইয়া উঠে, তখন হইতেই তাহারা আপনাদের সেনাপতির দেখা পায় নাই । সেনাপতি স্থানান্তরে সমস্ত রাত্রি অতিবাহিত করিয়াছিলেন । উন্নত সিপাহিদিগের আক্রমণ নিরস্ত করিবার জন্ত কামান সকল একত্র করা হইতেছিল, ইউরোপীয় সৈনিকেরা আসন্ন বিপদ দূর করিবার জন্য অস্ত্র-পরিগ্রহ করিতেছিল ; কিন্তু কর্ণেল শ্বাইথ্ আপনাদের কার্যকলাপের দিকে কিছুই দৃষ্টি রাখেন নাই । তিনি এইরূপেই আপনার কর্তব্যবুদ্ধির পরিচয় দিয়াছিলেন, এইরূপ সাহস দেখাইয়াই মিরাতের ইউরোপীয়দিগকে রক্ষা করিতে কৃতসঙ্কল্প হইয়াছিলেন, এবং এইরূপ দৃঢ়তার পরিচয় দিয়াই আপনার বীরত্ব-বৈভব অক্ষুণ্ণ রাখিতে প্রয়াস পাইয়াছিলেন । কিন্তু এই সময়ে তৃতীয় অশ্বারোহীদের কাপ্তেন ক্রেগী শ্বাইথের ত্রায় নিশ্চেষ্ট থাকেন নাই । তিনি গোলযোগের সূত্রপাত হওয়ামাত্র আপনার সৈন্যগণের সম্মুখে উপস্থিত হন, এবং দৃঢ়তার সহিত তাহাদিগকে কাওয়ারের ক্ষেত্রে আসিতে কহেন । সৈনিকেরা কাপ্তেন ক্রেগীর আদেশপালনে উদাসীন হয় নাই । তাহারা অস্ত্রশস্ত্র লইয়া ধীরভাবে তাঁহার আজ্ঞানুবর্তী হয় । তৃতীয় অশ্বারোহী সৈনিকদলে কাপ্তেন ক্রেগীর বিশেষ সম্মান ও প্রতিপত্তি ছিল । তাঁহার সজ্জদয়তায় সকলেই পত্রিতুষ্ট থাকিত । কাপ্তেন ক্রেগী এই সঙ্কট-কালে যখন আপনার সৈন্যদিগের নিকট অশ্বচালনা করিয়া তাহাদিগকে তাঁহার আদেশ পালন করিতে কহিলেন, তখন সকলেই একবাক্যে তাঁহার পক্ষসমর্থনে উদ্যত হইল । তাহারা কহিল যে, অবরুদ্ধ সিপাহিদিগের বিয়ুক্তির জন্ত যুদ্ধ হইবে, ইহা পূর্বেই তাহাদের গোচর হইয়াছিল, এখন তাহারা তাহাদের কাপ্তেনের আদেশ পালন করিতে প্রস্তুত রহিয়াছে । কাপ্তেন ক্রেগী ইহা শুনিয়া, তাহাদিগকে তাঁহার অনুসরণ করিতে কহিলেন । এই সময়ে একটি ইউরোপীয় ভদ্রলোকের সহিত তাঁহার সাক্ষাৎ হইল । তিনি, সেনাপতি শ্বাইথের নিকট হইতে,

সেখানে বাইগাও শুনিলাম যে. সেনাপতি এইমাত্র গৃহ হইতে বাহির হইয়াছেন । ইহার পর আমি বিগ্রেডিয়ারের বাস-ভবনে উপস্থিত হই । আমি কামানরক্ষকদিগের আবাস-ক্ষেত্রেও গমন করি । সেখানে গিয়া বিগ্রেডিয়ারকে উপস্থিত দেখি । আমি সমস্ত রাত্রি তাহার সহিত থাকি । পরদিন প্রাতঃকালে তাঁহার সহিত দিল্লী বাইবার পথে গমন করি ।" Kaye, Sepoy War, Vol. II. p. 64, note.

কোন আদেশ পাওয়া গিয়াছে কি না, এ বিষয় তাঁহাকে জিজ্ঞাসা করিলেন। আগন্তুক উত্তর দিলেন,—“সেনাপতি আপনার প্রাণ লইয়া পলাইয়াছেন—কোন আদেশ দেন নাই *।” কাপ্তেন ক্রেগী আর কোন কথা কহিলেন না। সবেগে অশ্চালনা করিয়া, উত্তেজিত অধারোহী সৈন্যদলের নিকট যাইতে লাগিলেন। তিনি কয়েদীদিগকে অবরুদ্ধ রাখিতে পূর্বেই চেষ্টা পাইয়াছিলেন। কিন্তু তাঁহার উপস্থিতির পূর্বেই, উন্নত সিপাহিরা সমুদয় কয়েদীকে বিমুক্ত করিয়াছিল। যে ৮৫ জন অবরুদ্ধ সিপাহি আপনাদের সতীর্থগণের সাহায্যে শৃঙ্খল-বিমুক্ত হইয়াছিল, এখন তাহাদের সহিত ক্রেগীর সাক্ষাৎ হইল। তাহারা সামরিক পরিচ্ছদে সজ্জিত ও দ্রুতগামী অশ্বে আরুঢ় হইয়া, দিল্লীর অভিমুখে যাইতেছিল। এই স্থলে বলা উচিত যে, তৃতীয় অধারোহী সৈনিকদলের অধিকাংশই মুসলমান; দিল্লীতে গেলে, সেখানকার অনেক মুসলমানের সাহায্য পাওয়া যাইবে মনে করিয়াই, ইহারা তথায় যাইতেছিল। কাপ্তেন ক্রেগী এই সময়ে ইহাদের সম্মুখবর্তী হইলেন। ইহারা আপনাদের কাপ্তেনকে চিনিতে পারিল; কিন্তু তখন কাপ্তেনের কোন অনিষ্টসাধনে ইহাদের প্রবৃত্তি হইল না। ইহারা কাপ্তেনের সদাশয়তার পরিচয় পাইয়াছিল। আপনাদের সংপরামর্শদাতা বন্ধু ভাবিয়া ইহারা কাপ্তেনকে শ্রদ্ধা করিত, এখন ইহাদের এ শ্রদ্ধার বিলয় হইল না। ইহারা এখন ইঙ্গরেজের বিরুদ্ধে অন্ত্রধারণ করিয়াছিল, ইঙ্গরেজ-শাসন পসু্যদস্ত করিতে উত্তেজিত হইয়া উঠিয়াছিল, আপনাদের ধর্ম-নাশ ও জাতি-নাশের আশঙ্কায় ইঙ্গরেজকে ঘোরতর বিদ্বেষের চক্ষে চাহিয়া দেখিতেছিল। এই উত্তেজনার সময়েও ইহারা কাপ্তেন ক্রেগীর সদাশয়তার

* কেহ কেহ নির্দেশ করেন যে, এই কথা প্রকৃত নহে। যে হেতু কর্ণেল আইথ্‌ আফিং-সরদিগকে প্রস্তুত থাকিতে আদেশ দিয়াছিলেন; কিন্তু এই আদেশ তাঁহাদের নিকট পহুছে নাই। পহুছিলেও, তখন উহাতে কোন ফল হয় নাই। কর্ণেল আইথ্‌ স্বয়ং লিখিয়াছেন যে, যুদ্ধোত্তম সিপাহিরা গশাঙ্কাবিত হওয়ার ৬ জন আফিসর তাঁহার গৃহে আসিয়া লুঙ্কারিত হন। ইহার অব্যবহিত পরেই, তিনি সকল বিষয় জানিবার জন্ত সেনাপতি হিউইটের নিকট গমন করেন। Colonel Smyth's Narrative. comp. Martin, Indian Empire. Vol. II. p. 149, note.

কথা ভুলিতে পারিল না। এখন ইহাদের পূর্বতন শত্রুর আবির্ভাব হইল, পূর্বতন প্রীতি, বিদ্বেষ ও বিরাগের আবেগ ছাড়াইয়া উঠিল। ইহারা কাপ্তেন ক্রেগীকে সম্মুখে দেখিয়া আফ্রাদের সহিত কহিতে লাগিল যে, ইহারা মুক্তিলাভ করিয়াছে, বিযুক্ত হইয়া এখন ইহারা আপনাদের কাপ্তেনকে যথোচিত আশীর্বাদ করিতেছে। এ সঙ্কটকালেও, ইহাদের এইরূপ সম্মান-বুদ্ধির পরিচয় পাওয়া গিয়াছিল, ইহারা এইরূপ শ্রদ্ধা ও শ্রীতি দেখাইয়া, আপনাদের দলের কাপ্তেনকে আশীর্বাদ করিয়াছিল। কাপ্তেন ক্রেগী আর কালবিলম্ব না করিয়া, তৃতীয় অধারোহিদলের পতাকাবাহার জঘ্ন সৈনিক-নিবাসের দিকে যাইতে লাগিলেন। গন্তব্য পথ রণমত্ত পদাতিক সৈনিক-দল ও বাজারের লোকে পরিপূর্ণ হইয়াছিল। ইহারা সকলেই অস্ত্র শস্ত্রে সজ্জিত ছিল, সকলেই ইঞ্জরেজদিগকে লক্ষ্য করিয়া বন্দুক ছুড়িতেছিল। একটি ইউরোপীয় মহিলা গাড়ীতে যাইতেছিলেন, এমন সময় এক জন সৈনিক পুরুষ সহগা তাঁহাকে সজ্জিন দ্বারা বিদ্ধ করিল। কাপ্তেন ক্রেগী উক্ত সৈনিককে হস্তস্থিত তরবারের আঘাতে দ্বিধা করিলেন। কিন্তু মহিলাটির পাণ রক্ষা পাইল না। ইহার মধ্যে বন্দুকের একটি গুলি কাপ্তেনের কর্ণের পার্শ্ব দিয়া সন্ করিয়া চলিয়া গেল। ক্রেগী পশ্চাদিকে চাহিয়া দেখিলেন, এক জন সামরিক পুরুষদৃশ্য সৈনিক তাঁহাকে লক্ষ্য করিয়া আবার গুলি ছুড়িতে উদ্যত হইয়াছে। দেখিয়াই, কাপ্তেন ক্রেগী কহিলেন, “আমাকে লক্ষ্য করিয়া কি শিস্তল ছুড়িতেছ।” সৈনিক পুরুষ উন্নত হইয়াছিল। উন্নত অবস্থায় বিকট চীৎকার করিয়া কহিল, “হাঁ, আনি তোমার শোণিত-পাত করিব।” কাপ্তেন ক্রেগী উপস্থিত বুদ্ধিবলে আশ্রয়ক্ষা করিতে উদ্যত হইলেন। তিনি সেই সিপাহির প্রতি গুলি নিষ্ফল করিলেন না। ভাবিলেন যে, একবার গুলি ছুড়িলে, নিকটবর্তী অপরাপর সিপাহিরা সকলেই তাঁহার বিপক্ষে দাঁড়াইবে। সুতরাং তিনি শিস্তল না ছুড়িয়া সমীপবর্তী সিপাহিদিগকে কহিলেন যে, তাহারা কি সকলেই তাঁহাকে গুলিবিদ্ধ দেখিতে ইচ্ছা করিতেছে? সমীপবর্তী সিপাহিরা একবাক্যে কহিয়া উঠিল,— “না।” ইহা কহিয়াই তাহারা সেই উন্নত সিপাহিকে বারংবার পশ্চাদিকে ঠেলিতে লাগিল, কিন্তু কেহই তাঁহাকে বধ বা অবরোধ করিতে চেষ্টা করিল

না। কাপ্তেন ক্রেগী মুহূর্তমধ্যে তড়িৎগতিতে সৈনিক-নিবাসের দিকে ধাবিত হইলেন। যখন তিনি আপনার বাস-ভবনের নিকট দিয়া চলিয়া যান, তখন তাঁহার সঙ্গে যে সকল সিপাহি ছিল, তাহাদিগকে কহিলেন যে, তাহাদের মধ্যে কেহ তাঁহার স্ত্রীকে রক্ষা করিতে প্রস্তুত আছে কি না? সমভিব্যাহারী সিপাহিরা সকলেই তাঁহার এই আদেশ প্রতিপালন করিতে আগ্রহ দেখাইতে লাগিল। কাপ্তেন ক্রেগী কহিলেন, “আমি কেবল চারি জনকে এই কার্যে নিযুক্ত করিতে ইচ্ছা করি।” কাপ্তেন ক্রেগীর কথা শুনিবানান সকল সিপাহিই “আমি”, “আমি” বলিয়া চীৎকার করিয়া উঠিল। কাপ্তেন ক্রেগী প্রথম চারি জনকে আপনার আবাস-গৃহে পাঠাইয়া, অবশিষ্ট লোকের সহিত সৈনিক-নিবাসের অভিমুখে প্রস্থান করিলেন। নির্দিষ্ট স্থলে উপস্থিত হইয়া, কাপ্তেন বিশেষ শৃঙ্খলা সহিত আপনার অধীনস্থ সৈনিক পুরুষদিগকে কাওয়ার্ডের ক্ষেত্রে আনিলেন। ক্রেগীর সৈনিকগণ কোনরূপ অবাধ্যতার পরিচয় দিল না। সেই রাত্রিতে, যখন অধিকাংশ সিপাহি উন্মত্তভাবে ভয়াবহ কার্য সাধন করিতেছিল,—বৈর-নির্গাতন-স্পৃহায় অধীর হইয়া চারিদিকে নর-শোণিত-স্রোত প্রবাহিত করিতেছিল, তখন কাপ্তেন ক্রেগীর সৈন্য বিশ্বস্তভাবে আপনাদের কর্তব্য সম্পাদন করিতে থাকে। সে সময়ে মিরাতের ইউরোপীয়গণ ইহাদের প্রগাঢ় প্রভুভক্তি, অটল সাহস ও আবিচলিত বিশ্বাসের পরিচয় পাইয়া, ইহাদিগকে মুক্তকণ্ঠে সাধু্যাদ দিতে থাকেন। মজ্জদয় ঐতিহাসিকের মধ্যে কেহই ইহাদের এই প্রভুভক্তির সম্মান করিতে বিমুখ হন নাই, এবং কেহই এই বিশ্বস্ততার জন্ত ইহাদিগকে প্রশংসার পুষ্পাঞ্জলি দিতে নিরস্ত থাকেন নাই।

এই সময়ে, কর্ণেল উইল্ফর্ড মিরাতের কামানরক্ষকদিগের অধ্যক্ষ ছিলেন। তিনি সিপাহিদিগের সমুখান-বার্তা অবগত হওয়া মাত্র কামান সজ্জিত করিয়া সৈনিকনিবাসের অভিমুখে গমন করেন। এ দিকে সিপাহিরা উন্মত্ত ভাবে ভীষণ অনল-ক্রৌড়ায় প্ররুত হইয়াছিল। তাহাদের গুলি-বৃষ্টিতে ইউরোপীয়গণ অস্থির হইয়া পড়িয়াছিল, অনেকের প্রাণবায়ু বহির্গত হইয়াছিল, অনেকে আত্মীয়স্বজনের প্রাণরক্ষার জন্ত তাহাদিগকে লইয়া নির্জন ও নিরাপদ স্থানে আশ্রয়-সংগোপন করিতেছিল। সমস্ত মিরাত যেন কোন অভা-

বনীয় শক্তির বলে, মহাপ্রলয়কাণ্ডের রক্তক্ষেত্র হইয়া উঠিয়াছিল। সন্ধ্যা-গমের সঙ্গে সঙ্গে যেম কোন সংহারিশী শক্তি বিকট ভাবে মিরাটের সর্বত্র আপনাদেব অসীম প্রভাবেব পরিচয় দিতেছিল। ইঙ্গরেজ সেনাপতি সমস্ত ইউরোপীয় সৈন্য ও কামান লইয়া উত্তেজিত সিপাহিদিগের বিরুদ্ধে উপস্থিত হইতে না হইতেই অবিচ্ছেদ্যে নরশোণিতস্ত্রোত প্রবাহিত হইতে লাগিল। সিপাহিরা এই উত্তেজনার সময় আপনাদের যথোচিত উদ্যম—উৎসাহ দেখাইতেছিল। যদি তাহারা বিশেষ শৃঙ্খলা সহিত যুদ্ধ করিত, কোন রণনিপুণ সেনাপতি যদি তাহাদের পরিচালনের ভার গ্রহণ করিতেন, তাহা হইলে তাহাদিগকে নিরস্ত করা ইঙ্গরেজসৈন্যের হুঃসাধ্য হইয়া উঠিত। কিন্তু এ সময়ে তাহারা বিশেষ শৃঙ্খলাসহকারে ইঙ্গরেজদিগের সহিত যুদ্ধে প্রবৃত্ত হয় নাই, কোন রণপারদর্শী সেনাপতি তাহাদের পরিচালনার-ভার গ্রহণ করেন নাই, যথারীতি যুদ্ধ করিয়া বিজয়-লক্ষ্যী সম্বন্ধনা করিতে তখন তাহাদের প্রবৃত্তি দেখা যায় নাই। তাহারা তখন উদ্ভ্রান্ত হইয়া কেবল প্রতি-হিংসার তৃপ্তিসাধনেই ব্যতিব্যস্ত ছিল। অস্ত্রের সস্তাড়নে, গুলির আঘাতে আপনাদের ধর্ম-নিহতা ইঙ্গরেজদিগকে হত্যা করাই, তখন তাহাদের প্রধান লক্ষ্য হইয়া উঠিয়াছিল। উত্তেজনার আবেগে তাহাদের বুদ্ধির স্থিরতা ছিল না, ক্রোধের আবেশে তাহাদের কার্যের শৃঙ্খলা ছিল না এবং অধীরতার খর-প্রবাহে তাহাদের মূল উদ্দেশ্য রক্ষার সুপ্রণালী নির্দ্ধারিত ছিল না। তাহারা আপনাদের অবরুদ্ধ সতীর্থদিগকে বিমুক্ত করিয়াই চারিদিকে বিক্ষিপ্ত হইয়া পড়িল এবং চারিদিক হইতে অস্ত্রবর্ষণ পূর্বক মিরাটের ইউরোপীয় সৈনিক-নিবাসে ভীষণ দৃশ্যের অবতারণা করিল।

উত্তেজিত সিপাহিদিগের আক্রমণ নিরস্ত করিবার জন্য ইউরোপীয় সৈন্যের ঘটনা-স্থলে উপস্থিত হইতে বিলম্ব হইয়াছিল। যখন সন্ধ্যা সৈন্য আপনাদের অস্ত্র শস্ত্র লইয়া শ্রেণীবদ্ধ হইল, তদূরে কামান নকল যখন সিপাহিদিগের উপর গুলিগুষ্টির জন্য রাখা গেল, তখন সন্ধ্যা অতীত হইয়াছিল। অন্ধকার চারিদিক ঢাকিয়া কেণিয়াছিল। ইঙ্গরেজ-সৈনিকেরা এই সময় এতদ্রোণীয় সৈনিকনিবাসে উপস্থিত হইয়া, কোন সিপাহির সাক্ষাৎ পাইল না। সকলে কোথায় গিয়াছে, তাহা কেহই জানিতে

পারিল না। পদাতিক সৈনিকনিবাস, কাওয়ারের প্রশস্ত ক্ষেত্র, সমস্তই শূন্য
 বোধ হইল। সেনাপতি হিউইট্ কোন সশস্ত্র সিপাহিকে সম্মুখে পাইলেন না।
 যাহাদের আক্রমণ নিরস্ত করিবার জন্য তিনি আপনাদের সৈন্যদল লইয়া
 উপস্থিত হইয়াছিলেন, যাহাদিগকে সমুচিত শাস্তি দিতে, যাহাদের শক্তি
 সমূলে উৎপাটিত করিতে তাঁহার দৃঢ় সঙ্কল্প হইয়াছিল, তাহারা সকলেই তখন
 অন্তর্ধান করিয়াছিল। সেনাপতি ইহাতে ক্ষুব্ধ হইলেন, তাহার সমুদয় চেপ্টা
 এখন বিফল বলিয়া বোধ হইল। তাঁহার সৈন্যগণ যুদ্ধসজ্জায় দণ্ডায়মান ছিল,
 কামান সকল যথারীতি সজ্জিত রহিয়াছিল; কিন্তু যাহাদের সহিত যুদ্ধ করিতে
 হইবে, তাহাদের কাহারও দেখা পাওয়া গেল না। ক্রোধের সহিত সেনা-
 পতির অনুশোচনার আবির্ভাব হইল। অধারোহী সৈনিকদলের আবাস-
 গৃহের নিকট বয়েক জন সিপাহির দেখা পাওয়া গেল বটে, কিন্তু তাহাদিগকে
 লক্ষ্য করিয়া বন্দুক ছুড়িবামাত্র তাহারা কোথায় যেন অন্ধকারের সহিত
 মিশিয়া গেল। নিকটবর্তী বৃক্ষবাটিকায় অথবা আবাসগৃহের পশ্চাভাগে
 তাহারা লুক্কায়িত আছে ভাবিয়া সেনাপতি সেই দিকে কামান ছুড়িতে
 আদেশ দিলেন। আদেশ প্রতিপালিত হইল, কিন্তু উদ্দিষ্ট সিপাহিদিগের
 কোন সন্ধান পাওয়া গেল না। রাত্রিসমাগমে কাহারও কোন নিদর্শন না
 পাওয়াতে কামানের সন্ধান ব্যর্থ হইল। ইঙ্গরেজ সৈনিকগণ কতকগুলি
 ফাঁকা আওয়াজ মাত্র করিয়া আপনাই মনে মনে লজ্জিত হইতে লাগিল।
 সেনাপতি এখন বুঝিতে পারিলেন যে, সিপাহিরা ইতস্ততঃ বিক্ষিপ্ত হইয়াছে।
 কিন্তু তাহারা কোথায় গিয়াছে, কি করিতেছে, কেহট ঠিক করিতে পারিলেন
 না। সিপাহির ইউরোপীয় সৈনিকনিবাসের অভিমুখে প্রশ্রয় করিয়াছে
 ভাবিয়া, কর্ণেল উইল্‌সনের পরামর্শে, সেনাপতি সেই দিকে সৈন্য পরিচালনা
 করিলেন। সেনাপতির আদেশে ইঙ্গরেজ সৈনিকপুরুষগণ আবার আপনাদের
 গৃহে ফিরিয়া আসিতে লাগিল। এই সময় চন্দ্র উদ্ভিত হইয়াছিল। চন্দ্রা-
 লোকে চারিদিক উদ্ভাসিত হইয়া উঠিয়াছিল। ইউরোপীয় সৈনিকেরা এই
 সময়ে দূর হইতে আপনাদের আবাসগৃহ সকল প্রজ্জলিত হতাশন-পরিব্যাপ্ত
 দেখিল। জ্বালাময়ী অগ্নিশিখা অনন্ত নৈশ গগনে উথিত হইয়া ভয়ঙ্কর দৃশ্য
 বিস্তার করিতেছিল। ইঙ্গরেজ সৈনিকেরা ইহা দেখিয়া ত্বরিতগতিতে সেই

ভয়াবহ দৃশ্যের রক্তভূমির নিকটবর্তী হইতে লাগিল । কিন্তু সেখানেও সিপাহি-দিগের কোন সন্ধান পাওয়া গেল না । প্রচণ্ড হতাশনে গৃহ সকল দগ্ধ হইতে ছিল, করাল অগ্নিশিখায় চারিদিক প্রদীপ্ত হইয়া উঠিয়াছিল, ভীষণ শব্দে দিগন্ত পরিপূরিত হইয়াছিল । ইংরেজ সৈনিকেরা এমন সময়ে, সেই স্থানে আসিয়া বিস্ময়স্তম্ভিত হৃদয়ে সেই ভীষণ দৃশ্য চাহিয়া দেখিতে লাগিল ; কিন্তু তাহাদের প্রতিহিংসা চরিতার্থ করিবার কোন সুযোগ উপস্থিত হইল না । তাহারা এইরূপে লক্ষ্যশূন্য হইয়া যুদ্ধবেশে আপনাদের কাওয়াতের বিস্তীর্ণ প্রান্তরে সমস্ত রাত্রি অতিবাহিত করিল ।

এই রাত্রিতে মিরাতের সৈনিক-নিবাসে যেরূপ ভয়ঙ্কর ঘটনার আবির্ভাব হইয়াছিল, ইতিহাসে তাহার যথোপযুক্ত বর্ণনা সম্ভবে না । গোপূলসময়ে, যখন অনতিগাঢ় অন্ধকার সকল স্থলে প্রসারিত হইতেছিল, নিদাঘের সাক্ষ্য সমীরণ যখন বৃষ্ণের পত্রে পত্রে লীলা করিয়া বেড়াইতেছিল, তখন ইউরোপীয় সৈনিকনিবাসে, অগ্নি প্রজ্জ্বলিত হয় । সন্ধ্যা যতই অতীত হইতে লাগিল, ততই অগ্নি ভীষণ ভাব পরিগ্রহ করিল । ইউরোপীয় সৈনিক-নিবাস হইতে আফিসরদিগের গৃহ, আফিসরদিগের গৃহ হইতে অন্যান্য ইংরেজদিগের বাস-ভবন হতাশনের প্রচণ্ড শিখায় ব্যাপ্ত হইতে লাগিল । সন্ধ্যা অতীত হইয়া গেল, চন্দ্র নৈশ গগন আশ্রয় করিল, তাহার অমল কিরণে সমস্ত জগৎ হাসিয়া উঠিল, কিন্তু অগ্নিশিখার করালভাবে দিলয় হইল না । প্রগাঢ় ধূমপুঞ্জ সমস্ত আচ্ছন্ন হইল, অনল-শিখা এই ধূম-রাশি ভেদ করিয়া বিবিধ আকারে, বিবিধ বর্ণে অনন্ত গগনে উঠিতে লাগিল । গৃহদাহের বিকট শব্দে, গৃহবাসীদিগের আর্তনাদে, উন্নত সিপাহিদিগের ভৈরব হুঙ্কারে চারিদিক কোলাহলময় হইয়া উঠিল । অশ্বসকল আস্তাবলে আবদ্ধ ছিল, উহার বিকট চীৎকার করিতে করিতে জ্বলন্ত অগলে আত্ম-বিসর্জন করিতে লাগিল । ইংরেজ-মহিলা ও ইংরেজ-বালকবালিকারা আত্ম-রক্ষার জন্য শশব্যস্ত হইল ; কেহ অন্ধকারে কোন গুপ্ত স্থানে আশ্রয় লইল, কেহ বিশ্বস্ত ভৃত্য ও সৈনিকগণের সাহায্যে আত্মরক্ষা করিল, কেহ বা প্রাণের ভয়ে উদ্ভ্রান্ত হইয়া অগ্নি-রাশিতেই ভস্মীভূত হইল ।

এই সঙ্কটকালে যে সকল ভারতবাসী আপনার প্রাণ সঙ্কটাপন্ন করিয়াও

বিপন্ন ইঙ্গরেজদিগকে রক্ষা করে, অপহৃপাত ঐতিহাসিকগণ অনন্তকাল সম্ভাষণ ও প্রীতির সহিত তাহাদের সাহস, তাহাদের বিশ্বস্ততা ও তাহাদের দয়ার গুণ-গৌরবের বর্ণনা করিতে কখনও বিমুখ থাকিবেন না। কমিশনর গ্রিথেড্ সাহেব এবং তাঁহার বনিতা আপনাদের বিশ্বস্ত ভারতবর্ষীয় ভৃত্য-দিগের সাহায্যে আশ্রয়রক্ষা করেন। এই সময়ে সর্দার বাহাহূর সৈয়দ মৌর খাঁ নামক এক জন আফগান সৈনিকপুরুষ মিরাতে অবস্থিত করিতেছিলেন। আফগানযুদ্ধের সময় যে সকল ইউরোপীয় কাবুলে অবরুদ্ধ ছিলেন, সৈয়দ মৌর খাঁ তাঁহাদের বিশেষ সাহায্য করাতে, গবর্ণমেন্ট তাঁহার মাসিক ৬০০ শত টাকা বৃত্তি নিদ্ধারিত করিয়া দেন। মিরাতের গোলযোগ উপস্থিত হওয়া মাত্র এই সৈনিকপুরুষ এবং তৃতীয় অখারোহিদলের এক জন আফিসর কমিশনরকে আশ্রয়কার জন্য প্রস্তুত হইতে কহেন। কমিশনর তাড়াতাড়ি আপনার স্ত্রী ও আর কয়েকটি শরণাগত ইঙ্গরেজ-মহিলাকে লইয়া গৃহের ছাদের উপরে লুকায়িত হন। অবিলম্বে উন্নত জনগণ সেখানে উপস্থিত হয় এবং অবিলম্বে গৃহের নীচে আগুন জ্বালাইয়া, গৃহস্থিত দ্রব্যাদি লুণ্ঠন করিতে থাকে। দেখিতে দেখিতে গৃহের নিম্নভাগ জ্বলন্ত অগ্নিতে আচ্ছাদিত হয়। গৃহের চারিদিক ধূমরাশিতে পরিব্যাপ্ত হইয়া উঠে। মুহূর্তমধ্যেই অনল-শিখা সবেগে গৃহের উপরিভাগে উঠিতে থাকে। কমিশনর কয়েকটি কুল-নারীর সহিত ভীতচিত্তে নিরাশঙ্কদয়ে গৃহের ছাদে থাকিয়া আপনাদের জীবনের শোচনীয় পরিণাম ভাবিয়া আকুল হন। নীচে নিদারুণ হতাশন প্রভাব বিস্তার করিয়াছিল, চারিদিকে ইঙ্গরেজের বিপক্ষ লোক দাঁড়াইয়া কমিশনরের জীবন নষ্ট করিতে আগ্রহ দেখাইতেছিল; এ সময়ে ভৃত্যগণ বিশ্বস্ততা না দেখাইলে, বিপন্নদিগের কখনও উদ্ধার হইত না। বিশ্বস্ত ভৃত্যগণ আপনাদের সদাশয়তা হইতে বিচ্যুত হইল না, উন্নত-উত্তেজিত লোকদিগের পরিপোষক হইয়া আপনাদের দয়াধর্ম্মে জলাঞ্জলি দিল না, তাহারা আপনাদের জীবন সঙ্কটাপন্ন করিয়াও বিপন্ন প্রভুর উদ্ধারসাধনে কৃতসঙ্কল্প হইল। কমিশনরের এক জন প্রধান মালী ছিল। ইহার নাম গোলাপ সিংহ। যখন আগুন বাড়িয়া উঠিল, সশস্ত্র লোকে যখন গভীর উত্তেজনার পরিচয় দিতে লাগিল, তখন গোলাপ সিংহ ভাবিল যে,

আক্রমণকারিগণ সম্পত্তি-বিলুপ্তনের জন্য যেরূপ আগ্রহ দেখাইয়াছে, তাহাতে ইহাদিগকে^১ অগ্র স্থানের কোন সম্পত্তি লুণ্ঠ করিবার পরামর্শ দিলে ইহারা সহজেই প্রভুর গৃহ পরিত্যাগ করিয়া যাইবে। গোলাপ সিংহ উপস্থিত বুদ্ধিবলে ইহা স্থির করিয়াই আক্রমণকারীদিগের প্রতি আপনার যথোচিত সমবেদনা দেখাইতে লাগিল এবং তাহাদিগকে বলিল যে, এখন আক্রান্ত গৃহ অনুসন্ধান করিয়া কোন ফল নাই, যেহেতু তাহার প্রভু ও প্রভুপত্নী পূর্বেই গৃহ পরিত্যাগ করিয়া গির্জার অভিমুখে গিয়াছেন। সুতরাং এই গৃহ ছাড়িয়া, যদি ইহারা তাহার সহিত আইসে, তাহা হইলে, সে অদূরে একটি প্রকাণ্ড গুদাম দেখাইয়া দিতে পারে। উহা লুণ্ঠ করিলে, অনেক সম্পত্তি লাভ হইবে। একটি খড়ের গাদার পশ্চাতে ফিরিঙ্গীরা পলাইয়া রহিয়াছে, তাহাদিগকেও পাওয়া যাইবে*। আক্রমণকারিগণ ইহা শুনিয়াই, কমিশনরের গৃহ পরিত্যাগ করিল। সেই স্থানে কমিশনরের আর যে সকল ভৃত্য ছিল তাহারা সমুদয় জানিলেও, বিপক্ষদিগকে কিছু কহিল না। সে সময়ে তাহাদের হৃদয়েও দয়ার আবির্ভাব হইয়াছিল, কর্তব্য-নিষ্ঠা বলবতী হইয়া উঠিয়াছিল, সুতরাং তাহারা বিপন্ন প্রভুকে দুরন্ত শত্রুর হস্তে সমর্পণ করিতে উদ্যত হইল না। আক্রমণকারিগণ নিঃশোষিত তরবারি আফালন করিয়া তাহাদিগকে ভয় দেখাইয়াছিল, কিন্তু তাহারা ভীত হইয়া আপনাদের কর্তব্যবুদ্ধিতে জলাঞ্জলি দিল না। সকলেই নির্ভয়ে, দৃঢ়তা-সহকারে গোলাপ সিংহের কথা সত্য বলিয়া নির্দেশ করিতে লাগিল। তাহাদের প্রভু যে ছাদের উপরে লুক্কায়িত রহিয়াছেন, তাহারা সে সম্বন্ধে বাঙ-নিষ্পত্তি করিল না। আক্রমণকারিগণ তাহাদের কথায় বিশ্বাস করিয়া কমিশনরের গৃহ পরিত্যাগ করিল। ভৃত্যগণ এখন সময় পাইয়া গৃহের প্রাচীরের এক দিকে মই ফেলিয়া দিল। কমিশনর ও কয়েকটি মহিলা সেই মই অবলম্বন করিয়া নীচে নামিয়া আসিলেন। ইহার কিছুকাল পরেই প্রচণ্ড অনলের প্রতাপে গৃহের ছাদ ভয়ঙ্কর শব্দের সহিত পড়িয়া গেল। নিকটে একটি উদ্যান ছিল; বিপন্নগণ তথায় যাইয়া আশ্রয় গ্রহণ করিলেন। আক্রমণ-

* * Greathed's Letters p. 291. Comp. Martin Indian, Empire Vol. II. p. 150; Kaye, Sepoy War, p. 68-69, Appendix p. 664-665.

কারিগণ আর তথায় উপস্থিত হইল না। কমিশনার ও তাঁহার পত্নী অপর কয়েকটি ইউরোপীয় মহিলার সহিত সেই নির্জন উদ্যানে সমস্ত রাত্রি অতিবাহিত করিলেন। পরদিন প্রাতঃকালে গোলাপ সিংহ একখানি গাড়ী আনিয়া দিলে, ইহারা মিরারের সমরশিক্ষাগৃহে উপনীত হইলেন। এই প্রশস্ত শিক্ষাগৃহে অপরাপর ইউরোপীয়েরাও আশ্রয় গ্রহণ করিয়াছিলেন। মিরারের দুর্গ ছিল না; এই শিক্ষালয়ই উপস্থিত সময়ে দুর্গরূপ হইয়াছিল। ইঙ্গরেজেরা এইখানে থাকিয়া আশ্রয়ক্ষয় যত্নশীল হইয়াছিলেন।

কমিশনার গ্রিথেড্ সাহেবের জীবন যেক্রমে রক্ষা পাইয়াছিল, মিরারের সকল ইঙ্গরেজের অদৃষ্টে সেরূপ ঘটয়া উঠে নাই। ইঙ্গরেজ সৈনিক-পুরুষেরা উত্তেজিত সিপাহিদিগের গতিরোধে, জন্তু সমরক্ষেত্রে গিয়াছিলেন, এ দিকে, তাহাদের স্ত্রী ও শিশুসন্তানগণ অরণ্যে অবস্থায় ছিল। উন্নত লোকের অস্ত্রাঘাতে এই নিরপরাধ মহিলা ও বালকবালিকার প্রাণ নষ্ট হয়। মিরারের সিপাহি ও অপরাপর লোক তখন এরূপ উত্তেজিত হইয়া উঠিয়াছিল যে, তাহাদের কিছুমাত্রও জ্ঞান ছিল না। দুর্দমনীয় প্রতিহিংসায় তাহাদের হৃদয় অধীর হইয়াছিল, আপনাদের জাতির ও ধর্মের অবমাননায় তাহাদের বিবেক দূরে পলায়ন করিয়াছিল এবং গভীর বিরাগে ও ক্রোধে তাহাদের কর্তব্য-বুদ্ধি কলুষিত হইয়া পড়িয়াছিল। ইঙ্গরেজদিগকে সম্মুখে বিনষ্ট করাই এখন তাহাদের অন্তিম কার্য হইয়াছিল, তাহারা যে কোন ইঙ্গরেজের দেখা পাইয়াছে, যে কোন ইঙ্গরেজমহিলা বা ইঙ্গরেজ-বালকবালিকা তাহাদের দৃষ্টিপথবর্তী হইয়াছে, তাহাদের প্রতিই অস্ত্র চালনা করিতে তাহারা কিছুমাত্রও কাতর হয় নাই। যোরতর শত্রুতায় তাহাদের হৃদয় পাষণ্ডময় হইয়াছিল। সুতরাং তাহারা কুলনারীর আর্তনাদে ও বালকবালিকার মর্মান্বশী কাণ্ডক্ষেপিত কিছুমাত্রও বিচলিত হয় নাই। তাহারা অবাধে এই সকল নিরপরাধ জীবকে হত্যা করিয়াছিল। এই নৃশংস কার্যে তাহাদের কোনরূপ বিরাগ জন্মে নাই। বালকবালিকার শোণিতে তাহাদের অস্ত্র কলঙ্কিত হইয়াছিল, ইহাতেও তাহারা চমকিত হইয়া উঠে নাই। ইঙ্গরেজের শাসনশৃঙ্খলা ও ইঙ্গরেজের কার্যপ্রণালীর মহিমায় এক সময়ে তাহাদের প্রকৃতি এইরূপ ভয়ঙ্কর হইয়াছিল। এই ভয়ঙ্কর প্রকৃতি এক

সময়ে তাহাদিগকে, এইরূপ শোচনীয় কার্য সাধনে প্রবর্তিত করিয়াছিল ।

কাপ্তেন ক্রেগী আপনার অধীনস্থ মৈনিকদিগকে এই বোরতর উত্তে-
জনার সময়ে যেরূপ শাস্ত ও কর্তব্যকর্মে অভিনিবিষ্ট রাখিয়াছিলেন, তাহা
পূর্বে বর্ণিত হইয়াছে । ক্রেগীর স্ত্রী আপনার আবাসগৃহে থাকিয়া উপস্থিত-
বুদ্ধিবলে এই দুর্ঘটনার আয়ত্তরক্ষা করেন । তিনি যে গৃহে ছিলেন,
তাহাব নিকটবর্তী আর এক গৃহে একটী ইউরোপীয় মহিলা থাকিতেন ।
যখন বিপদ বাড়িয়া উঠিল, উন্নত সিপাহিরা যখন গৃহে গৃহে অগ্নি দিতে
প্রবৃত্ত হইল, জলস্ত অনলে গৃহের পর গৃহ যখন ভস্মীভূত হইতে লাগিল, তখন
কাপ্তেন ক্রেগীর স্ত্রী আপনার প্রতিবেশিনীকে উপস্থিত বিপদ হইতে রক্ষা
করিতে কৃতসঙ্কল্প হন । তাঁহার আদেশে ভৃত্যগণ সেই ইন্দরেজমহিলাকে
অপেক্ষাকৃত নিরাপদ স্থানে আনিতে গমন করে । ভৃত্যগণের তথায় যাইতে
কিছু বিলম্ব হইয়াছিল । এই বিলম্বেই সমুদয় শেষ হইয়া যায় । ক্রেগীর
ভৃত্যেরা নির্দিষ্ট স্থানে যাইয়া দেখে যে, যাহাকে রক্ষা করিবার জন্ত তাহারা
তথায় উপস্থিত হইয়াছিল, তাহার ক্ষতবিক্ষত দেহ গৃহের মেজের পড়িয়া রহি-
য়াছে, শোণিত-স্রোত আঁধারল ধারায় বাহির হইয়া সমুদয় স্থান প্লাবিত করি-
তেছে, অসহায় কুলনারী নিদারুণ অস্বাভাৱে অনন্ত নিদ্রায় অভিভূত হইয়া-
ছেন । সিপাহিরা এই হতভাগ্য জীবকে হত্যা করিয়া উন্নত ভাবে ক্রেগীর
আবাস-গৃহের নিকট আসিল । ক্রেগীর যে সকল ভৃত্য ছিল, তাহারা
আপনাদের প্রভুপত্নীর প্রাণরক্ষা করিতে প্রতিজ্ঞাবদ্ধ হইল । তাহাদের
প্রভুভক্তি, তাহাদের বিশ্বস্ততা ও তাহাদের হিতৈষিতা কিছুতেই বিচলিত
হইল না । তাহারা সকলেই একবাক্যে বিশেষ দৃঢ়তার সহিত আক্রমণ-
কারীদিগকে কহিতে লাগিল যে, তাহাদের প্রভু সকলেরই বন্ধু, তিনি সকলের
সহিতেই সদ্যবহার করিয়া থাকেন, সকলের হিতসাধন করিতেই তাঁহার
বিশেষ চেষ্টা ও আগ্রহ আছে, অতএব তাঁহার গৃহ দক্ষ করা কাহারও উচিত
নহে । ভৃত্যেরা এইরূপ কহিয়া আক্রমণ-কারীদিগকে গৃহ-প্রাঙ্গণ হইতে বাহির
করিতে চেষ্টা করিল । তাঁহাদের চেষ্টা ব্যর্থ হয় নাই । যখন ইন্দরেজদিগের
সমস্ত গৃহ ভস্মরাশিতে পরিণত হইতেছিল, তখন ক্রেগীর গৃহ দক্ষ হয় নাই* ।

* Martin, Indian Empire, Vol. II, p. 150.

উর্দু সৈনিকগণ যখন ক্রেগীর অসহায় পত্নীকে অধিকতর বিপদাপন্ন করিয়া ভুলে, তখন চারিজন অশ্বারোহী দ্রুতগতিতে তথায় উপস্থিত হয়। কাপ্তেন ক্রেগী এই চারিজন সৈনিককে তাঁহার গৃহরক্ষা ও তাঁহার প্রিয়তমা বনিতার উদ্ধারসাধনার্থ পাঠাইয়াছিলেন। অশ্বারোহীচতুষ্টয় বিদ্যুৎবেগে আসিয়া অশ্ব হইতে অবরোহণ করিল এবং অতি দ্রুতবেগে গৃহের উপর তলায় চলিয়া গেল। ক্রেগীর স্ত্রী তাহাদের সাদরসম্ভাষণ জ্ঞাত হস্ত প্রসারণ করিলেন, কিন্তু তাহারা তাঁহার হস্ত ধারণ না করিয়া, অতি শীঘ্রতার সহিত অভিবাদন পূর্বক কহিল যে, তাহারা আপনাদের প্রাণ সঙ্কটাপন্ন করিয়াও তাঁহাকে রক্ষা করিতে প্রস্তুত আছে। অসাধারণ প্রভু-পত্নীর সহিত তাহাদের সাহস ও উৎসাহ বাড়িয়া উঠিয়াছিল; হতরাং তাহারা কিছুতেই নিরস্ত হইল না, কিছুতেই গুরুতর কর্তব্য হইতে স্বলিত হইয়া পড়িল না। এই যৌর সঙ্কটকালে আপনাদের প্রভু-পত্নীর জীবন রক্ষা করাই তাহাদের স্থির সঙ্কল্প হইল। তাহাদের সতীর্থগণ অদূরে ভয়ঙ্কর কার্যসাধনে নিবিষ্ট ছিল, কিন্তু তাহারা উহাতে দৃকৃপাত করিল না। সতীর্থগণের সহিত যিগিলিত হইয়া নিষ্ঠুরতার পরিচয় দিতেও তাহাদের প্রবৃত্তি জন্মিল না। তাহারা ভীতা প্রভু-পত্নীকে স্থিরভাবে গৃহে থাকিতে কহিল। গৃহের বারেন্দায় গেলে যে, অধিকতর বিপদের সম্ভাবনা আছে, বিশ্বস্ত সৈনিক পুরুষেরা ইহা পুনঃ পুনঃ কহিতে লাগিল। ক্রেগীর স্ত্রী তাঁহার স্বামীর জ্ঞাত সান্ত্বনায় আকুল হইয়াছিলেন। তখন শত্রুগণের ভৈরব রব ব্যতীত কিছুই শ্রুতিপ্রবিষ্ট হইত না, যৌরতর ধূমরাশি ও জ্বালাময়ী অগ্নি-শিখা ব্যতীত কিছুই দেখা যাইত না। এই বিপত্তি কালে ক্রেগীর স্ত্রী তাঁহার স্বামীর বিষয় চিন্তা করিতে লাগিলেন। কাপ্তেন ক্রেগী এতক্ষণ আপনার কর্তব্য কাণ্ডে নিবিষ্ট ছিলেন, আবাসগৃহে আসিতে এতক্ষণ তাঁহার অবকাশ হয় নাই। এখন তাঁহার গুরুত্ব কর্তব্য কার্য শেষ হইয়াছিল, তিনি অশান্তির মধ্যে শান্তির সম্মান রক্ষা করিতে সমর্থ হইয়াছিলেন, তাঁহার কর্তব্যপ্রিয় সৈনিকগণ শান্তভাবে আপনাদের কার্য সম্পাদন করিতেছিল। কাপ্তেন ক্রেগী এখন আপনার আবাসগৃহে আসিতে সময় পাইলেন। কিন্তু তাঁহার আশঙ্কা বলবতী হইয়াছিল, উদ্বেগ যৌর জ্বালাময় হইয়া উঠিয়াছিল, তিনি ভাবিলেন, হয়ত তাঁহার

গৃহ প্রচণ্ড অনলের করালগ্রাসে পতিত হইয়াছে, হয়ত তাঁহার প্রিয়তমা প্রণয়িনীর কোমল দেহ বিপ্লবের কঠোর অন্ত্রাঘাতে খণ্ড বিখণ্ড হইয়া গিয়াছে। ক্রেগী ইহা ভাবিতে ভাবিতে ভীতচিত্তে কম্পিত হৃদয়ে আপনার আবাসগৃহে উপস্থিত হইলেন। উপস্থিত হইয়া দেখিলেন, মঙ্গলময় ঈশ্বরের প্রসাদে তাঁহার বাস-ভবন অনলের কঠোর আক্রমণ হইতে রক্ষা পাইয়াছে, তাঁহার প্রণয়িনী নিরাপদে অক্ষত শরীরে রহিয়াছেন, তাঁহার প্রভুভক্ত বিশ্বস্ত সৈনিকপুরুষগণ প্রাণ পণ করিয়া, অবিচলিত সাহসে, অপ্রতিহত উদ্যমে ও অনমনীয় তেজে তাঁহার গৃহ-লক্ষ্মীকে রক্ষা করিতেছে। ক্রেগী স্তুতির হইলেন, তাঁহার অশঙ্ক্য ত্রিপোহিত হইল, উদ্বেগ অন্তর্ধান করিল। তিনি আর কালবিলম্ব না করিয়া, আপনার স্ত্রী ও অপর কয়েকটি মহিলার সহিত গৃহ-পবিত্যাগ পূর্বক কোলাহলস্থানে যাইতে উদ্যত হইলেন। মহিলাদিগের ঐশ্বর্য লোপযোগী তুমার-বল পবিচ্ছদ ছিল, পলায়নসময়ে জলস্ত হতাশনের আশ্রয়ে এই খেত পরিচ্ছদ দেখিয়া, পাছে বিপক্ষগণ তাঁহা-দিগকে আক্রমণ করে, এই আশঙ্কায় ক্রেগী বাড়ার কক্ষবর্ণ কাপড় দিয়া তাঁহা-দিগকে ঢাকিলেন, এবং কলকে সংঙ্গ লইয়া তাড়াতাড়ি অদূরবর্তী একটি ভগ্ন মন্দিরে যাইয়া আশ্রয় লইলেন। পলায়িতগণ এই ভগ্ন মন্দিরে সমস্ত রাত্রি অতিবাহিত করিলেন। অদূরে বিপক্ষদিগের ভয়ঙ্কর কোলাহল শুনা যাইতেছিল। পলায়িতগণ কোলাহল মধ্যে সেই জর্গ মন্দিরপ্রকোষ্ঠে নীতবে অবস্থিতি করিতে লাগিলেন। তাঁহাদের আবাসভবন তখন বিপক্ষগণের রক্ষ-ক্ষেত্র হইয়াছিল, কিন্তু এ সময়েও তাঁহার বিশ্বস্ত ভৃত্য ও সৈনিকপুরুষেরা আপনাদের কর্তব্যকক্ষে উদাসীন থাকে নাই, তাহারা এ সময়েও বিপুল সাহ-সের সহিত প্রভুর গৃহ রক্ষা করিতেছিল। ক্রমে ভয়ঙ্কর রাত্রি শেষ হইল, উন্নত জনগণ ক্রমে আপনাদের ভয়ঙ্কর কার্য হইতে বিরত হইয়া, আশ্রয়গোপন করিতে লাগিল। ক্রেগী বিষমহৃদয়ে আপনাদের গৃহে প্রত্যারত হইয়া, গৃহস্থিত দ্রব্যাদি সংগ্রহ করিতে লাগিলেন। এই সময়ে তাঁহার খিদ্মকার অটল বিশ্বস্ততার পরিচয় দেয়। ক্রেগী ও তাঁহার স্ত্রী যখন গৃহস্থিত দ্রব্যাদি একত্র করিতেছিলেন, তখন তাঁহারা ভোজন-পাত্র প্রভৃতি কিছুই দেখিতে পান নাই। বিশ্বস্ত খিদ্মকার বিপক্ষদিগের

আক্রমণের পূর্বেই সমস্ত পাত্রাদি মাটিতে পুঁতিয়া রাখিয়াছিল। যখন বিপদ অতিক্রান্ত হইল, ক্রেগী যখন আবাস-গৃহে ফিরিয়া আসিলেন, তখন প্রভুভক্ত পরিচারক মাটি হইতে সমস্ত পাত্র উঠাইয়া বিনীতভাবে আপনার প্রভুর নিকট আনিয়া দিল। সেই ঘোর বিপ্লব-সময়ে, বিলুপ্ত, বিধ্বংস ও বিরাগের শোচনীয় কালে, যখন ইঙ্গরেজেরা আপনাদের প্রাণ লইয়া ব্যস্ত ছিলেন, তখন তাঁহাদের সামান্য পরিচারকগণও অটল বিশ্বস্ততার পরিচয় দিতে ঔদাসীন্য দেখায় নাই। তাহাদের প্রভু-ভক্তি এইরূপ অক্ষুণ্ণ ছিল; তাহাদের সাধুতা, তাহাদের কর্তব্যপ্রিয়তা, এই সময়ে তাহাদিগকে এইরূপ মহীয়ান্ করিয়া তুলিয়াছিল। ক্রেগী আবশ্যক দ্রব্যাদি লইয়া নিক্রান্ত হইলেন। যে গৃহে তাঁহারা এক সময়ে শান্তি-সুখ অনুভব করিয়াছিলেন, যে গৃহ এক সময়ে তাঁহাদের স্মৃতি বিনোদন করিয়াছিল, এখন এই অশান্তির সময়ে, তাঁহারা বিষন্ন মনে, কাঁদুর ভাবে, সেই প্রিয়তম গৃহ পরিত্যাগ পূর্বক ইউরোপীয় কামানবন্দুকদিগের আবাসক্ষেত্রে আসিয়া উপস্থিত হইলেন। যে বিশ্বস্ত সৈনিক পুরুষেরা আপনাদের জীবন সঙ্কটাপন্ন করিয়াও, তাঁহাদিগকে আগ্নেয় বিপদ হইতে রক্ষা করিয়াছিল, তাহাদের কার্য-কারিতায় তাঁহাদের অধ্যুষিত গৃহ দিগন্তব্যাপী সর্বদাসী হতাশনের সমক্ষেও অক্ষত রহিয়াছিল, তাহারা এখন ইউরোপীয় সৈনিক-নিবাসের অভিমুখে যাইতে সঙ্কুচিত হইতে লাগিল। তাহারা এক সময়ে সাহস ও প্রভু-ভক্তির একশেষ দেখাইয়াছিল, কিন্তু এখন প্রভুর সহিত সাহসে ভর করিয়া ইউরোপীয় সৈনিক নিবাসে যাইতে তাহাদের আগ্রহ দেখা গেল না। তাহারা ভাবিতেছিল যে, ইউরোপীয়গণের নিকটবর্তী হইলেই তাহারা কারারুদ্ধ হইবে, তাহাদের সাধুতা ও কর্তব্যপ্রিয়তার পারিতোষিকের পরিবর্তে ইঙ্গ-রেজ হয় ত, তাহাদিগকে দুর্দহ শৃঙ্খলে আবদ্ধ করিয়া রাখিবে, প্রভুদিগের প্রাণরক্ষা করিয়া, হয় ত এখন তাহারা কর্তৃপক্ষের বিচারে কারাগারের যাতনা ভোগ করিতে থাকিবে। তাহাদের হৃদয় এইরূপ বলবতী হইয়া উঠিয়াছিল, হৃদয়স্তর আবেগে তাহারা এইরূপ শঙ্কিত হইয়া, ইউরোপীয় সৈন্যের সম্মুখে যাইতে অনিচ্ছা দেখাইতেছিল। ইঙ্গরেজ সৈন্য ক্রুর কঠোরতা দেখাইয়া থাকে, ক্রোধে উদ্দীপ্ত হইয়া ক্রুর অকাব্যের অনুষ্ঠান করে,

তাহা তাহাদের বিদিত ছিল; সুতরাং তাহারা সহজে এই অনিষ্টকারী ও ক্রোধোন্মত্ত সৈন্যের সম্মুখে বাঁচতে সম্মত হইল না। তাহাদের এই দুশ্চিন্তা দূর করিবার জন্ত কাপ্তেনকে বিশেষ কষ্ট স্বীকার করিতে হইয়াছিল। ইন্ডরেজের কঠোর শাসন-নীতিতে জনসাধারণের হৃদয়ে কিরূপ ভয়-বদ্ধমূল হইয়াছিল, জনসাধারণ কিরূপ আশঙ্কায় বিচলিত হইয়া মুহূর্তে মুহূর্তে আপনাদের শোচনীয় পরিণামের বিষয় চিন্তা করিতেছিল, তাহা ইহাতে স্পষ্ট বুঝা যাইবে। এই শাসন-নীতির দোষেই উপস্থিত বিপ্লবের সূত্রপাত হয়। ইতিহাসের এই গভীর সত্য স্মৃতিপটে অঙ্কিত রাখা কর্তব্য। ইন্ডরেজ গবর্ণমেণ্ট যে কার্যের সূত্রপাত করিতেছিলেন, যে বিচার-প্রণালীর অনুবর্তী হইতেছিলেন, যে শাসন-নীতির পরিচয় দিতেছিলেন, তাহাতে জনসাধারণের সন্দেহ ও আশঙ্কা বদ্ধমূল হইতেছিল। সিপাহিরা গবর্ণমেণ্টের দিকে চাহিয়া আশ্বস্ত হইয়া নাই, গবর্ণমেণ্টের কার্যকলাপ পর্যালোচনা করিয়া আশ্বস্তের প্রত্যাশা করে নাই, তাহাদের চিত্তবৃত্তি তখন এইরূপ বিকৃত হইয়াছিল। তাহারা কোন সংকার্য করিলেও ভাবিত, গবর্ণমেণ্ট তাহাদিগকে যোর দুর্দশা সস্ত করিবেন। এ সম্বন্ধে এক জন ইন্ডরেজ ঐতিহাসিক লিখিয়াছেন—“আমরা যে কোন বিষয়ে অব্যবস্থিততা বা অধীরতা দেখাইতাম, তাহাতেই তাহারা (সিপাহিরা) মনে করিত, উহার মূলে কোন গুপ্ত অভিসন্ধি আছে। মিরাতের এই ভয়ঙ্কর রাত্রিতে যে সকল সিপাহি শৃঙ্খলার সহিত আমাদের আদেশ প্রতিপালন করিয়াছিল, তাহারাও স্পষ্ট প্রকাশ করে যে, সামরিক বিভাগের কর্তৃপক্ষের সন্ধিচার ও কৃতজ্ঞতার উপর তাহাদের কোনরূপ আস্থা নাই, তাহারা কেবল আপনাদের কাপ্তেনের উপর নির্ভর করিয়াই রহিয়াছে; নচেৎ তাহারাও সুকোমলত সিপাহিদিগের দলে মিশিত。”*। ভারতবর্ষীয় সৈনিকসম্প্রদায় গবর্ণমেণ্টের কার্যকলাপের কিরূপ বিদ্বেষী হইয়াছিল, কর্তৃপক্ষের উপর কিরূপ বিশ্বাস ও আস্থাশূন্য হইয়া পড়িয়াছিল, তাহা ইহাতে স্পষ্ট প্রতিপন্ন হইতেছে। ব্রিটিশ গবর্ণমেণ্ট যদি অধীরতার সীমা অতিক্রম না করিয়া, উদ্বারভাবে শাসনদণ্ড পরিচালনা করিতেন, লোকের চিরন্তন স্তম্ভ, চিরন্তন বিশ্বাস ও চিরন্তন অমুহূর্ত সমস্তই পদদলিত

* Martin, Indian Empire, Vol. II, p. 150.

না করিয়া যদি আপনাদের বিচার-গৌরবের পরিচয় দিতেন, তাহা হইলে, প্রভু-ভক্ত সৈনিকপুঙ্খেরা কখনও তাঁহাদের বিরুদ্ধে উত্তেজিত হইত না। ইহারা আপনাদের সেনাপতির উপর বিশ্বাস স্থাপন করিয়াছিল, যো-
 তর বিপত্তিকালেও প্রাণপণ করিয়া সেনাপতির পার্শ্বে দণ্ডায়মান ছিল, আপ-
 নাদের সতীর্থ, স্বশ্রেণী ও স্বদেশীয়গণের বিরুদ্ধে অস্ত্রচালনা করিয়াও বিদেশী
 ইঙ্গরেজের জীবন-রক্ষার চেষ্টা পাইয়াছিল, কিন্তু গবর্ণমেন্টের উপর বিশ্বাস-
 স্থাপন করিতে উন্মুগ্ন হন নাই। ইহাদের প্রভু-ভক্তি, ইহাদের বিশ্বাস ও
 ইহাদের ধীরতা পূর্ণমাত্রায় ছিল, কিন্তু গবর্ণমেন্টের কূট-নীতির বিচিত্র
 আবর্তে পড়িয়া তৎসমুদয় ইতস্ততঃ বিক্ষিপ্ত হইয়া গিয়াছিল।

এই রাত্রিতে মিরাতের রাজার ও পার্শ্ববর্তী মুন্সের উত্তেজিত লোক উন্নত
 সিপাহিদিগের সহিত সম্মিলিত হইয়াছিল। ইঙ্গরেজ কর্তৃপক্ষের কার্যা-
 প্রণালী দেখিয়া, সিপাহিদিগের ত্রায় ইহারাও ইঙ্গরেজ বিদ্রোহী হইয়া
 উঠিয়াছিল, উত্তেজনার তীব্র স্রোতে ভাসমান হইয়া এই রাত্রিতে
 ইহারাও ইঙ্গরেজের সর্দনাশ-সাধনে রুতসঙ্কল্প হইয়াছিল। ইহাদের
 এই ভয়ঙ্কর কাণ্ড-সাধনের প্রবৃত্তি কিছুতেই তিরোহিত হয় নাই, ইহারা
 নরহত্যা, গৃহ-দাহ ও গৃহ-বিলুপ্তন পূর্বক মিরাতের সমস্ত ইউরোপীয় নিবাস
 অশ্রুতপূর্বক শোচনীয় দৃশ্যের রঙ্গভূমি করিয়া তুলে। সমস্ত রাত্রি
 মিরাতে এইরূপ ভয়ঙ্কর কাণ্ড হইতে থাকে। ক্রমে ভয়ঙ্কর রাত্রি প্রভাত
 হয়, উষা অরুণ-রঞ্জিত হইয়া জগতীতল আশ্রয় করে, বৈশাখের প্রচণ্ড
 সূর্য্য পূর্বগগন-প্রান্তে উদ্ভিত হইয়া সমস্ত নগর আলোকিত করিয়া
 তুলে। পলায়িত ইঙ্গরেজেরা সতয়ে ধীরে ধীরে মাথা তুলিয়া আপনা-
 দের আশ্রয়স্থান হইতে বহির্গত হন। এখন তাঁহাদের দুর্ভবস্থার একশেষ
 হইয়াছিল, তাঁহাদের অধ্যুষিত গৃহ ভস্মীভূত হইয়া গিয়াছিল, তাঁহাদের
 আত্মীয়গণের ক্ষতবিক্ষত মৃত দেহ ইতস্ততঃ পড়িয়া রহিয়াছিল, তাঁহা-
 দের গৃহস্থিত দ্রব্যাদি বিলুপ্তিত বা বিচূর্ণীকৃত হইয়াছিল। তাঁহারা
 এখন বাহিরে আসিয়া বিষবদনে সঞ্জলনয়নে এই শোচনীয় দৃশ্য দ্রেক্ষিতে
 লাগিলেন। তাহাদের প্রমোদ-কানন, বিশ্রাম-ভবন, সমস্তই এখন মগ-
 শ্মশানের আকারে পরিণত হইয়াছিল। চারি দিকে ভস্ম-স্তুপ, মৃত দেহ,

বিশৃঙ্খল ও বিক্ষিপ্ত ভগ্ন দ্রব্যাদি ব্যতীত আর কিছুই তাঁহাদের প্রতিগোচর হইল না। তাঁহারা আত্মীয়গণের গভাসু দেহরত্ন দেখিয়া নীরবে অশ্রুপাত করিতে লাগিলেন, চির-সঞ্চিত সম্পত্তির বিলয় ও বিক্ষয় দেখিয়া নীরবে দীর্ঘ নিশ্বাস ফেলিতে লাগিলেন। তাঁহাদের প্রতিহিংসা উদ্দীপ্ত হইল, কিন্তু তাঁহারা সেই প্রতিহিংসা চবিতার্থ করিতে সমর্থ হইলেন না। বিপক্ষগণ স্থানান্তরে গিয়াছিল, বাজার ও পার্শ্ববর্তী গ্রামের লোক আপনাদের নির্দিষ্ট স্থানে যাইয়া আপনাদের নির্দিষ্ট কার্যে ব্যাপৃত হইয়াছিল। ইঙ্গবেজেরা ইহাদের সন্ধান করিতে পারিলেন না। তাঁহাদের সৈন্যগণ বিপক্ষ সম্প্রদায়কে সমূলে বিক্ষয় করিতে কৃতসঙ্কল হইয়াছিল, কিন্তু তাহাদের সমক্ষে সঙ্গ-সিদ্ধির সুযোগ উপস্থিত হইল না। মিরাটের ইঙ্গবেজেরা এখন দিশাহারা ও কর্তব্যবিমুখ হইয়া পলাইয়াছিলেন। এই আকস্মিক বিপৎপাতে, ভয়, উদ্বেগ ও শোকের তীব্র আঘাতে তাঁহাদের বুদ্ধির স্খিবতা ছিল না। তাঁহারা উপস্থিত সময়ে বিপক্ষদিগকে আক্রমণ করিবার কোন চেষ্টা করিলেন না। যখন মিরাটের ইউরোপীয় সৈন্যগণ আপনাদের নিবাসভূমিতে নীরবে দণ্ডায়মান ছিল, বিপক্ষসম্প্রদায় দীর্ঘ অভিমুখে প্রশ্রয় করিয়াছে জানিয়া, যখন তাহারা ক্রমে সেই পথে যাওয়ার উদ্বেগ করিতেছিল, তখন সিপাহীগণ নিরাপদে স্থানান্তরে যাইয়া আশ্রয় গ্রহণ করে।

এই সময়ে একজন ইঙ্গরেজ সৈনিকপুরুষ প্রদীপ্ত হিংসার তৃপ্তিসাধনে বিমুখ হন নাই। লেপ্টেনেন্ট মোলার আপনাব একজন বন্ধুর স্বীকে বিপক্ষের অস্ত্রাঘাতে গভাসু দেখিয়া হত্যাচারীর অনুসন্ধানে প্রবৃত্ত হন। তিনি জানিতে পারেন যে, বাজারের একজন কসাই এই নৃশংস কার্য করিয়াছে। মোলার অবিলম্বে বাজারে যাইয়া সেই ব্যক্তিকে ধরিয়া সৈনিক-নিবাসে উপস্থিত হন। মুহূর্ত্ত মধ্যে বিচারের আয়োজন হয়, মুহূর্ত্ত মধ্যে বিচার-কার্য শেষ হইয়া যায় এবং মুহূর্ত্ত মধ্যে হতভাগ্য কসাইর প্রাণশূন্য দেহ নিকটবর্তী একটি আত্মরক্ষের শাখার ঝুলিতে থাকে। সেই সময় মিরাটের ইঙ্গরেজগণ প্রতিহিংসার বৈকল্য উদ্ভেজিত হইয়া উঠিয়াছিলেন, তাহাতে অনেকের প্রাণ এইরূপে নষ্ট হইত। ইহারা যথাসময়ে সঙ্কীর্ণ হইয়া সিপাহিদিগের সহিত সম্মুখুদ্ধ করিতে পারেন নাই। যখন সিপা-

হিরা উন্নতভাবে ইউরোপীয় সৈনিক নিবাস আক্রমণ করে, ইউরোপীয়দিগের গৃহ সকল যখন হতাশনে ভয়াভূত হইতে থাকে, তখন ইঙ্গরেজ সেনাপতি যুদ্ধবেশে ঘটনাস্থলে উপনীত হইয়া শাস্তিস্থাপনে সমর্থ হন নাই। অনেক ইঙ্গরেজ তখন আপনার প্রাণ লইয়া ব্যস্ত ছিলেন। ভগ্ন মন্দির, বিজন বৃক্ষ-বাটিকা প্রভৃতি তখন অনেকের আশ্রয়স্থান হইয়া উঠিয়াছিল। ইঙ্গরেজেরা সময়ে এই সকল স্থানে আশ্রয়গোপন করিয়াছিলেন, সময়ে এই সকল স্থানে থাকিয়া মুহূর্তে মুহূর্তে আপনাদিগকে প্রণটসর্ষস্ব ও হতজীবন বলিয়া মনে করিতে-ছিলেন। যখন রাত্রি প্রভাত হইল, সিপাহিরা যখন স্থানান্তরে চলিয়া গেল, তখন ইহারা বাহিরে আসিয়া আপনাদের বীভূত, পরাক্রম ও ক্ষমতা দেখাইতে অগ্রসর হইলেন। বাজারের অনেক দোকানদার, পল্লীবাসী অনেক লোক ইহাদের বিষ-নয়নে পতিত হইল। ইহারা অনেককেই হত্যাকারী বলিয়া সন্দেহ করিয়া ফাঁসি দিতেন অথবা গুলির আঘাতে শ্বনষ্ট করিয়া ফেলিতেন। কিন্তু কর্তৃপক্ষ সহসা এই কার্যের অনুষ্ঠানে প্রবৃত্ত হন নাই। স্মরণ্য প্রতিহিংসাপূর্ণ ইঙ্গরেজেরা আপনাদের প্রবল বাসনা পূর্ণ করিবার ঈর্ষ্যবোধ পান নাই।

সিপাহিরা কোম্পানির কার্যকলাপে উত্তেজিত হইয়া ভয়ঙ্কর কাণ্ডের অবতারণা করিয়াছিল বটে, কিন্তু সেই ভয়ঙ্কর সময়ে প্রভুভক্ত ভারত-বর্ষীয়গণ যেরূপ বিশ্বস্ততার পরিচয় দিয়াছিল, ইতিমধ্যে তাহার বিবরণ অনন্তকাল বর্তমান থাকিবে। ইহারা স্বদেশীয়দিগের করণল আক্রমণ হইতে বিপন্ন ইঙ্গরেজদিগকে রক্ষা করিতে বিমুখ হয় নাই। ইহাদের সংকার্যের কথা পূর্বে একবার লিখিত হইয়াছে। উপস্থিত স্থলেও দুই একটি উল্লেখ করা যাইতেছে :—১১গণিত পদাতিক দলের দুইজন সিপাহি দুইটি ইঙ্গরেজ-মহিলাকে তাহাদের সম্মানগণের সহিত বিশেষ সাবধানে ইউরোপীয় সৈনিক নিবাসে লইয়া যায়। একজন মুসলমান কয়েকটি খ্রীষ্টধর্মাবলম্বীকে আশ্রয় দিয়া তাহাদের প্রাণরক্ষা করে। ইহাতে যে, আপনার প্রাণহানির সম্পূর্ণ সম্ভাবনা আছে, তাহা জানিয়াও আশ্রয়দাতা দয়াপ্রদর্শনে বিমুখ হয় নাই। একটি পরিচারিকা ও একজন ধোপা একটি বিপন্ন ইঙ্গরেজমহিলার সম্মানগুলিকে রক্ষা করে। ইহারা আপনাদের কাপড় দ্বারা উক্ত মহিলার মুখ অবগুপ্তিত করিয়া, তাহাকেও রক্ষা করিতে চেষ্টা পাইয়া-

ছিল, কিন্তু চূর্ভাগ্যক্রমে তাহাদের চেষ্টা সফল হয় নাই। এক জন আক্রমণকারী ঘোঁসটা খুলিবামাত্র মহিলাটিকে চিনিতে পারে এবং শিক্কাষিত তরবারির আঘাতে তাহাকে দ্বিধা করিয়া ফেলে। হতভাগিনীর সন্তানগুলি কেবল পরিচারিকা ও রজকের সাহায্যে অক্ষত শরীরে থাকে*। মিরাটের ভীষণ কাণ্ডের রঙ্গস্থলেও এইরূপ মাধুর্য্যময় কোমল দৃশ্যের আবির্ভাব হইয়াছিল। অতি সামান্য অশান্তার লোকেও এইরূপ মহত্ত্ব ও উদারতা দেখাইয়া, বিনশ্বর জগতে অবিনশ্বর কীর্তিস্তম্ভ স্থাপন করিয়াছিল। অপক্ষপাত ইতিহাস কখনও এই পবিত্রতাময়—মধুময় স্মিত্রি আপনার হৃদয় হইতে অপসারিত করিবে না, এবং অপক্ষপাত বিচারকও এই পবিত্রতা ও মধুরতার যথোচিত সম্মান করিতে কখনও বিমুখ হইবেন না।

ইঙ্গরেজ ঐতিহাসিক ৩ ইঙ্গরেজ রাজনীতিজ্ঞগণের অনেকে, মিরাটের এই গোলযোগের প্রসঙ্গে সেনাপতি হিউইটের প্রশংসা করেন নাই। যখন সিপাহিরা অস্ত্রশস্ত্রে সজ্জিত হইয়া আপনাদের সতীর্থগণের শৃঙ্খল-মোচনে অগ্রসর হয়, তখন সেনাপতি হিউইট প্রকৃত প্রস্তাবে কিছুই করেন নাই। তাঁহার অধীনে অনেকগুলি ইউরোপীয় সৈন্য ও অনেকগুলি কামান ছিল। কিন্তু তিনি এই সমুদয় লইয়া যথাসময়ে বপকদিগের সম্মুখে উপস্থিত হন নাই। আকস্মিক বিপৎপাতে তিনি অধীর হইয়া পড়িয়াছিলেন, তাঁহার কার্যপ্রণালীর কিছুমাত্র স্থিরতা ছিল না†। কহ আবার হিউইটের সঙ্গে ভারতের প্রধান সেনাপতির উপর দোষারোপ করিতেও বিমুখ হন নাই। লর্ড এলেনবরা একদা আপনার বক্তৃতায় কহিয়াছিলেন,—“মিরাটের সিপাহিরা অপরাহ্ন ৬টা ব সময় আমাদের বিরুদ্ধে সমুপিত হয়। এই সময়ে মিরাটে এক দল ইউরোপীয় পদাতিক, এক দল অশ্বারোহী ও অনেকগুলি কামান ছিল, তথাপি উন্নত সিপাহিরা নিরাপদে ৩০।৪০ মাইল অতিক্রম করিয়া চলিয়া যায়। কেন এরূপ হইল? মিরাটের সৈন্যগণ, যে সেনাপতির অধীনে থাকিত, সে সেনাপতির বিষয় তাহার কিছুই জানিত না। কেমন গবর্নমেন্ট এইরূপ সেনাপতিকে সৈন্যপরিচালনায় নিযুক্ত করিয়া সাধুবাদ প্রাপ্ত হন না। এ সময়ে ভারতের প্রধান সেনাপতি কোথায়

* Kaye, Sepoy War, Vol. II, p. 74.

† Holmes, Indian Mutiny, p. 105.

ছিলেন ? তিনি কেন এই সময়ে আপনার সৈন্যগণের সম্মুখে উপস্থিত হইলেন ? বিপদ যে, ক্রমে গুরুতর হইয়া উঠিতেছিল, তাহা তিনি অবশ্য জানিতেন ; এই বিপদ যে, ক্রমে তাঁহার চারিদিকে প্রসারিত হইতেছিল, তাহাও তিনি অবশ্য অবগত ছিলেন ; তথাপি তিনি বিপদাক্রান্ত ভূখণ্ড পশ্চাতে ফেলিয়া স্মৃতে শৈল-বিহার কল্পিতে থাকেন । প্রধান সেনাপতির গুরুতর কর্তব্য তাঁহার হস্তে সমর্পিত আছে, তাঁহার কখনও এরূপ করা উচিত নয় * ।”

সিপাহিরা কেন সহসা ইঙ্গরেজদিগকে আক্রমণ করিয়াছিল, কেন সহসানর-শোণিত-স্রোত প্রবাহিত করিয়া আপনাদের সংহারিণী শক্তির পরিচয় দিয়াছিল, তাহার কারণ নির্দেশস্থলে অনেকে উল্লেখ করিয়াছেন যে, তৃতীয় অখারোহী সৈনিকদলের ৮৫ জন সিপাহিকে কঠোররূপে দণ্ডিত করা-তেই, এইরূপ শোচনীয় ঘটনার আবির্ভাব হইয়াছিল । বিলাতের অনেক প্রধান রাজপুরুষও এই মতের পোষকতা করিয়াছেন । ইষ্ট ইণ্ডিয়া কোম্পানির ভূতপূর্ব সভাপতি কর্ণেল স্কাইস্ কহিয়াছেন যে, সন্দেহযুক্ত টোটাগ্রহণে অসম্মতি প্রকাশহেতু যদি মিরাতের ৮৫ জন সিপাহিকে সাধারণ কয়েদীর স্থায় দুর্ভিক্ষ শৃঙ্খলে আবদ্ধ করিয়া, ১০ বৎসর কাল কঠোর পরিশ্রম করাইবার জন্ত, সাধারণ কারাগৃহে রাখা না হইত, তাহা হইল, সিপাহিরা তাহাদের আফিসরদিগের শোণিতে আপনাদের হস্ত কলঙ্কিত করিত না । স্কাইস সাহেব হৃদয়স্তরে কহিয়াছেন,—“কাওয়ার্জের প্রশস্ত ক্ষেত্রে দশ মূহুর্তে সিপাহিদিগকে দুর্ভিক্ষ শোহ শৃঙ্খলে আবদ্ধ করা হয়, সেই মূহুর্তেই সমস্ত সৈন্যের হৃদয়ে তাড়িত-প্রবাহের ন্যায় সমবেদনার গতি প্রসারিত হইয়া উঠে । ইহার পূর্বে সিপাহিদিগের মনে সন্দেহ ও সন্ত্রাস জন্মিয়াছিল বটে, কিন্তু সকলে পরস্পর সমবেদনাসূত্রে আবদ্ধ হয় নাই, সকলের অনভূতি ও সকলের ধারণাও সমান হয় নাই । কিন্তু যখন তাহারা আপনাদের দলের কতকগুলিকে কারাগারে আবদ্ধ দেখিল, তখন সকলেই সেই অপমান, সেই শোচনীয় অধঃপতন, আপনাদের বলিয়া ধরিয়া লইল ।” সেনাপতি হিউইট্ এই প্রসঙ্গে নির্দেশ করিয়াছেন যে, মিরাতের সিপাহিরা, বোধ হয় পূর্বে,

* Martin, Indian Empire, Vol. II, p. 154.

† Ibid, p. 153-154.

পরস্পর পরামর্শ করিয়া ইঙ্গ-রেজদিগকে আক্রমণ করে নাই । এক দল সৈন্য তাহারের অশস্ত্র কাড়িয়া লইবার জন্য অগ্রসর হইতেছে, সহস্র এইরূপ জনরব প্রচারিত হওয়াতে তাহাদের চিত্তবৃত্তি বিচলিত হয় । ৬০গণিত ইউরোপীয় সৈনিকগণ সায়ংকালীন উপাসনার জন্য উপাসনাগৃহে যাইতে কাওয়াজের ক্ষেত্রে সমবেত হইয়াছিল । যখন সিপাহিরা ইহাদিগকে সেই বিস্তীর্ণ প্রান্তরে সশস্ত্র দণ্ডায়মান দেখিল, তখন তাহাদের বিস্ময় জন্মিল যে, জনশ্রুতি অমূলক নয় । ভয়ঙ্কর সময় উপস্থিত হইয়াছে, এখন এই সশস্ত্র সৈনিকগণ তাহাদিগকে অশস্ত্র হইতে বিচ্যুত করিবে; সুতরাং তাহারা দালাবিলম্ব না করিয়া উন্নতভাবে ইঙ্গবেজদিগের বিরুদ্ধে সমুথিত হইল * । এক জন ইঙ্গরেজ ঐতিহাসিক † এই কথাই উল্লেখ করিয়াছেন † । কিন্তু উহা সিপাহিদিগের অভ্যুত্থানেই গৌণ কারণ মাত্র । ব্রিটিশ গবর্নমেন্ট দীর্ঘকাল হইতে উপস্থিত বিপদের বীজ বোপণ করিয়া আসিতেছিলেন । লর্ড ডালহৌসি যখন পঞ্জাব-কেশরীর পক্ষনদে ব্রিটিশ-পতাকা স্থাপন করেন, তখন হইতেই সিপাহিদিগের হৃদয় আন্দোলিত হইতে থাকে । ইহার পর সিপাহিরা যখন নাগপুর, কাঁসি, সেতুল্লা, অযোধ্যা, একে একে কোম্পানির অধিকার-ভুক্ত দেখিল, তখন তাহাদের হৃদয় অধিকতর আন্দোলিত হইতে লাগিল । তাহারা ভাবিল, কোম্পানি যেমন ছলে, বলে ও কৌশলে পববাজ্য গ্রহণ কবিত্তেছেন, তেমনি এক এক স্তরে ছলে, বলে, কৌশলে তাহাদের জাতিগত ও সম্প্রদায়-গত সম্মান নষ্ট করিতে উদ্যত হইবেন । সময়ের পরিবর্তনে ক্রমে ব্রিটিশ ভারতে অনেক অভিনব বিষয়—অনেক অভিনব পদ্ধতির আবির্ভাব হইতে লাগিল, ইঙ্গরেজী শিক্ষার প্রাচুর্য্যে চিরাচরিত জাতীয় প্রথাও কিয়দংশে শিথিল হইয়া পড়িল; তখন সিপাহিদের অধীরতা ক্রমে বাড়িয়া উঠিল তাহারা সুশিক্ষিত বা পরিণামদর্শী ছিল না, সুতরাং এই নূপ অচিন্তনীয় পরি-বর্তনে সন্তুষ্ট হইল না । বরং ইহাতে পূর্ন-সংস্কার বন্ধমূল হইয়া, তাহাদের সমক্ষে নানারূপ স্রাস্ত্রকার উৎকট দৃশ্য প্রসারিত করিতে লাগিল । তাহারা ভাবিল, ইঙ্গরেজ যেরূপ চাতুরীতে পঞ্জাব প্রভৃতি অধিকার করিয়াছেন,

* Indian Empire, vol. II, p. 147.

† Kaye, Sepoy War, Vol. II, p. 57.

সেইরূপ চাতুরীতেই এখন সাধারণের ধর্ম নষ্ট ও সন্ত্রাস-নষ্ট করিতে অগ্রসর হইয়াছেন*। ইহার পরে ক্রমে জনসাধারণের অপূর্ব কল্পনায় নানা কথার সৃষ্টি হইতে লাগিল, ক্রমে অপবিত্র টোটা ও অস্পৃশ্য ময়দার কাহিনী তড়িদবেগে চারিদিকে প্রসারিত হইল। সিপাহিরাও ক্রমে গভীর সন্ত্রাসে জ্ঞান-শূন্য হইয়া পড়িল। এক সময়ে তাহারা জাতিনাশ ও ধর্মনাশের ভয়ে অস্থির হইত, আর এক সময়ে, চির-ব্যবহৃত অস্ত্র শস্ত্র হইতে বিচ্যুত ও সৈনিকশ্রেণী হইতে নিষ্কাশিত হওয়ার আশঙ্কায় দিশাহারা হইয়া পড়িত। মিরার্টের সিপাহিদিগেরও ঠিক এই দশা ঘাইয়াছিল। এই উত্তেজনা ও আশঙ্কার সময়ে সাধারণে প্রচার করে যে, ইউরোপীয় সৈনিকেরা হঠাৎ আসিয়া সিপাহিদের অস্ত্রশস্ত্র কাড়িয়া লইবে, এবং তাহাদের সকলকেই লোহ-শৃঙ্খলে বদ্ধ করিয়া রাখিবে। এই জনশ্রুতিতে সিপাহিদের আশঙ্কা ও উদ্বেগ বৃদ্ধি পায়, সিপাহিরা প্রত্যেক ইউরোপীয় সৈন্যের প্রত্যেক কার্যই আশঙ্কা ও উদ্বেগের সহিত দেখিতে থাকে; স্মরণ্য তাহারা ৬০গণিত ইউরোপীয় সৈনিকদিগকে কাওয়াজের ক্ষেত্রে সমবেত দেখিয়া চমকিত হইয়া উঠে। তাহারা জনশ্রুতির উপর বিশ্বাস করিয়া ভাবিত থাকে, এই সকল সৈন্য তাহাদের অস্ত্রশস্ত্র কাড়িয়া লইয়া, তাহাদিগকে ঘেরাতির দুর্দশায় ফেলিবে। ৩গণিত অস্বারোহী দলই এই সময়ে বিশেষ উত্তেজিত হইয়া উঠিয়াছিল। তাহাদের ৮৫ জন সঙ্গী সৈনিকশ্রেণী হইতে নিষ্কাশিত হইয়া, কারাগারে সাধারণ কয়েদীর ন্যায় অবস্থিতি করিতেছিল। ইহাতে যুগপৎ ঘৃণা, বিরাগ, লজ্জা ও ক্ষোভে তাহারা উন্মত্তপ্রায় হইয়া উঠিয়াছিল। বাজারের লোকেও নানাদিক হইতে আসিয়া, ঘৃণা ও বিরাগেব সহিত তাহাদের প্রতিহিংসা উদ্দীপ্ত করিয়া তুলিতেছিল†। এখন ৬০গণিত সৈনিকদলকে সমবেত দেখিয়াই সেই সকল সৈনিকপুরুষ ভাবিল যে, তাহাদিগকে ইহাদের হস্তেও

* লক্ষ্যেতে সার হেনরি লরেন্সের সহিত যে জখাদারের কথোপকথন হয়, সেও ঠিক এই মত প্রকাশ করিয়াছিল। এই গ্রন্থের ৯৭ পৃষ্ঠা দেখুন।

† এ সম্বন্ধে এক জন ইঙ্গরেজ কহিয়াছেন যে, লোকের কথার এই সিপাহিরা অনিকতর উদ্বেজিত হয়। বাজারের লোক ইহাদিগকে এইরূপ কহিয়াছিল—“তোমাদের ভাই সকল এইরূপ খাদুতে (অর্থাৎ সিপাহিদিগের পায়ের শিকল লক্ষ্য করিয়া এইরূপ বলা হয়) অলঙ্কৃত হইয়া

তাহাদের সতীর্থগণের ত্রায় দুর্দশাগ্রস্ত হইতে হইবে । তাহারা পূর্ব হইতে-
ব্রিটিশ গবর্ণমেন্টের কার্য-কলাপ দেখিয়া ভীত হইয়াছিল ; এখন ভয়ের
আবেগে তাহাদের বীরতা দূর হইল । ইউরোপীয় সৈনিকেরা যখন উপাসনা-
গৃহে ঘাইবার জন্ত প্রস্তুত হইতেছিল, তখন সিপাহিরা অখারুড় হইয়া তীর-
বেগে কারাগারের অভিমুখে ধাবিত হইল । মুমায়মান বহু জলিয়া উঠিল ।
দেখিতে দেখিতে সেই বহু-শিখায় সমস্ত মমরাট পরিব্যাপ্ত হইল । গবর্ণ-
মেন্টের রাজনীতির গুণে, সিপাহিদিগের মনে যে গভীর আশঙ্কার সূত্রপাত
হয়, বসামুক্ত টোটা, অস্থি-চূর্ণ-মিশ্রিত ময়দা বা নিরস্ত্রীকরণের কথায় তাহা
যোরতর বিদ্রোহবুদ্ধিতে পরিণত হইয়া উঠে । পূর্ব-জাত তুমানল এত দিন
অলক্ষ্য ভাবে গতি বিস্তার করিতেছিল, টোটা প্রভৃতির কথারূপ বায়ুতে তাহা
এখন জ্বলন্ত হতাশন হইয়া, ভারতের দিগ্দিগন্তে দেশদেশান্তে আপনার
জালাময়ী শিখা প্রসারিত করে ।

মিরাটের পর মহাংগুরী দিল্লী যুদ্ধোত্তম সৈনিকদলে আক্রান্ত হয় । দিল্লীর
প্রাচীন ইতিহাস অনেক ঘটনাবৈচিত্র্য-পরিপূর্ণ । উপস্থিত সময়ে ইতিহাসের
এই বৈচিত্র্যপূর্ণ কথা জনসাধারণের স্মৃতি হইতে অপসারিত হয় নাই । হিন্দু-
রাজচক্রবর্তী মহাবীর পৃথীরাজের প্রিয় নিকেতন, মোগলসম্রাট, পুরুষশ্রেষ্ঠ
আকবর শাহের প্রামাদ-ভূমি, উপস্থিত সময়েও অতীত গৌরবের নানা কথায়
সাধারণকে সন্তুষ্ট করিতেছিল । কালের কঠোর আক্রমণে দিল্লী পূর্ব-গৌরব
হইতে বিচ্যুত হইয়াছিল, পরাক্রান্ত মোগলের বংশধর কালের কঠোর আক্র-
মণে ক্ষমতা-শূন্য হইয়া পড়িয়াছিলেন । তাহার বিস্তীর্ণ রাজ্য পরহস্তগত
হইয়াছিল, তাহার বহুসংখ্যক প্রজা পরের রক্ষাধীন হইয়া উঠিয়াছিল । যখন
সিপাহি-বিপ্লবের সূত্রপাত হয়, তাহার অর্দ্ধ শতাব্দী পূর্ব হইতে দিল্লীর মোগল

কারাগারে রহিযাছে । কিসের জন্য ? না, তাহারা আপনাদের ধর্ম্মাভিমান হইতে স্বলিত
হইতে ইচ্ছা করে নাই । আর তোমরা বাপুরুষ, তোমাদের অদৃষ্টে কি হইবে, কিছুই ভাবি-
তেছ না । যদি তোমাদের কিছুমাত্রও সম্মুখ হাঁধাকে, তাহা হইলে এখনি যাও, তাহাদিগকে
'কারাগার' হইতে মুক্ত কর ।" J. C. Wilson, Moradabada Report. Comp. Kaye,
Sepoy War, Vol. II, p. 57, note.

সিপাহিযুদ্ধের ইতিহাস ।

ধিপতি সম্পত্তিচ্যুত ও ক্ষমতা-চ্যুত হইয়া ব্রিটিশ কোম্পানির সম্পূর্ণ আয়ত হইয়া পড়েন । কিন্তু তাহার বংশের পূর্বতন গৌরব, পূর্বতন সম্মান ও পূর্বতন প্রভুশক্তির কথা অস্তহিত হয় নাই । আকবর শাহ যেরূপ ক্ষমতায় বিস্তীর্ণ সাম্রাজ্য প্রতিষ্ঠা করিয়া সকলের বরণীয় হইয়াছিলেন, শাহ জঁহা যেরূপ প্রভাবে শাসনদণ্ড পরিচালনা করিয়া আত্মপ্রাধান্য অক্ষুণ্ণ রাখিয়াছিলেন, আওরঙ্গজেব ভারতের নব্বত্র আপনার প্রভুত্ব বন্ধমূল রাখিতে যেরূপ প্রয়াস পাইয়াছিলেন, তাহা তখনও মোগলের স্মৃতিপটে জাগরুক ছিল । যদিও এখন মোগল-সাম্রাজ্যের ধ্বংস হইয়াছিল, মোগলের বিজয়-পতাকা যদিও এখন ভারতের অনেক স্থান হইতে অপসারিত হইয়া গিয়াছিল, তথাপি মোগলের ক্ষমতা ও মোগলের গৌরবের নিকট এখন সকলেই মস্তক অবনত করিতেছিল । এই ক্ষমতা ও গৌরবের কাহিনী এখন জনশ্রুতিতে পরিণত হইলেও, উহা সাধারণের মনে একপ দৃঢ়রূপে অঙ্কিত হইয়াছিল যে, কেহই সেই জনশ্রুতির অবমাননা করিতে সাহসী হয় নাই । ভারতে ব্রিটিশ কোম্পানির ক্ষমতা প্রতিষ্ঠিত হওয়ার পরেও, কিছুকাল গিল্লীর মোগল ভূপতির নামে টাকা প্রস্তুত হইয়াছিল । এখন এই ভূপতির অবস্থান্তর ঘটয়াছিল বটে, কিন্তু অবস্থান্তরপ্রাপ্তিতেও তিনি সাধারণের অনাদর বা অশ্রদ্ধার পাত্র হন নাই । হিন্দু ও মুসলমান, উভয়েই সমভাবে এক সময়ে মোগলের সরকারে প্রধান প্রধান রাজ-কার্যে নিযুক্ত ছিলেন । উভয়েই সমভাবে মোগলের সৈন্যচালনা করিতেন, রাজনৈতিক বিষয়ে মোগলকে সংপরামর্শ দিতেন এবং মোগলের অধিকৃত প্রদেশে শাসনকর্তার পদে অধিষ্ঠিত থাকিয়া আপনাদের ক্ষমতা ও সং কার্যে গৌরবান্বিত হইয়া উঠিতেন । এখন তাঁহাদের সম্মানগণ দেখিলেন যে, তাঁহাদের সেই ক্ষমতা, সেই প্রাধান্য, সেই প্রভুত্ব বর্তমান শাসনকর্তাদের অহুদার নীতিতে বিলুপ্ত হইয়া গিয়াছে । মোগলের রাজ্যে তাঁহাদের পূর্বপুরুষগণ যে গৌরবে সকলের বরণীয় হইয়া উঠিয়াছিলেন, ইঞ্জরেজের অধিকারে তাঁহাদের সে গৌরব চিরকালের জন্ত অস্তর্ধান করিয়াছে ; সুতরাং তাঁহার ইঞ্জরেজরাজ অপেক্ষা বর্তমান দেশে অধিপতিকেই অধিকতর শ্রদ্ধা ও অধিকতর সম্মানের সহিত চাহিয়া দেখিতেন । তাঁহাদের পূর্বপুরুষেরা, যাহার পূর্বপুরুষের সমদর্শিতা ও সুরাজনীতির গুণে

সেনাপতি, রাজস্ব-মন্ত্রী, সুবাদার প্রভৃতি হইতেন, তাঁহার বর্তমান অধোগতিতেও, তাঁহারা সেই অতীত গৌরবের কথা ভুলিয়া যান নাই। দিল্লীর সুরম্য রাজ-প্রাসাদ এখনও শোভা বিকাশ করিতেছিল। হিন্দু ও মুসলমান, উভয়েই এই রাজ-প্রাসাদ দেখিয়া ভাবিতেন যে, তাঁহাদের পূর্বপুরুষেরা এক সময়ে এই রাজ-প্রাসাদে সমাগত হইয়া রাজানুগ্রহে এবং আপনাদের ক্ষমতা ও প্রাধান্যের মহিমায় গৌরবান্বিত হইতেন, এখন তাঁহাদিগের সে দিন অত্মহিত হইয়াছে—সে আশা ও সে বিশ্বাসও সুদূরে অপসারিত হইয়া গিয়াছে। এখন তাঁহার বর্তমান ভূপতির বিচারে ক্ষমতা-চ্যুত, অধিকার-চ্যুত ও সম্পত্তি-চ্যুত হইয়াছেন*। মোগল সম্রাট তাঁহাদের পিতা বা তাঁহাদের পিতামহগণের প্রতি যে অনুগ্রহ দেখাইতেন, বর্তমান ইঙ্গরেজ-রাজ তাঁহাদিগকে সে অনুগ্রহে বঞ্চিত করিয়াছেন; সুতরাং দিল্লীর ভূপতি অবনতিগ্রস্ত হইলেও, তাঁহাদের পূর্বতন গৌরব ও পূর্বতন সম্মানের উদ্দীপক ছিলেন। দিল্লী এখন রাজলক্ষ্মীকর্তৃক পরিত্যক্ত হইলেও, আপনার পূর্বগৌরবে সাধারণের আদরণীয় ছিল। কবি যেমন উহা আপনার কবিত্ব-শক্তির উদ্দীপক ভাবিতেন, শিল্পী যেমন উহা আপনার শিল্পচাতুরীর বিকাশ-ক্ষেত্র বলিয়া মনে করিতেন, ঐতিহাসিক যেমন উহা আশ্রয়-ভূমি-গরিমার পরিচয়স্থল ভাবিতেন, ভারতের হিন্দু ও মুসলমান সম্প্রদায়ও তেমন উহা আশ্রয়-সম্মান ও আশ্রয়গোবের নিদর্শনভূমি বলিয়া সন্তুষ্ট থাকিতেন।

সিপাহিবিল্লবে দিল্লীতে যে সকল ঘটনা উপস্থিত হয়, তৎসমুদয় বর্ণনা করিবার পূর্বে, দিল্লীর রাজ-বংশের সম্বন্ধে কয়েকটি কথা বলা উচিত। খ্রীঃ উনবিংশ শতাব্দীর প্রারম্ভে লর্ড লেক ও ওয়েলেসলি দিল্লীর সম্রাট শাহ আলমকে পরাজয় মরহাট্টাদিগের হস্ত হইতে মুক্ত করেন। এই সময়ে শাহ আলমের অবস্থা নিতান্ত শোচনীয় ছিল। তিনি জরাজীর্ণ ও অন্ধ হইয়া দীনভাবে অবাস্থিত করিতেছিলেন†। মরহাট্টাদিগের হস্ত হইতে উদ্ধার

* Martin, Indian Empire, Vol. II, p. 156.

† লর্ড লেকের সহিত যুদ্ধ শাহ আলমের সাক্ষাৎকারের বিষয় সরকারি কাগজপত্রে এই ভাবে বর্ণিত হইয়াছে,—শাহ জঁহার নিশ্চিত সুরম্য রাজ-প্রাসাদে প্রধান সেনাপতি মোগল ভূপতির সম্বন্ধে উপনীত হন। ভূপতি অতি বৃদ্ধ ও অন্ধ হইয়াছিলেন। নানা দুর্ঘটনায় এই সময়ে

পাইয়া, বুদ্ধ মোগল সম্রাট এখন ইঙ্গরেজের হস্তে পড়িলেন। মরহাট্টাদিগের শেষ আশা নিশ্চল হইয়া গেল, ফরাসিরাও দুর্বল হইয়া ভারতবর্ষ অধিকারের আশায় জলাঞ্জলি দিল। সর্বত্র ইঙ্গরেজের প্রতাপ ও ইঙ্গরেজের প্রাধান্য অব্যাহত রহিল। যাহা হউক, ইঙ্গরেজ বাহিরে বুদ্ধ শাহ আলমের প্রতি কোন-রূপে অসম্মান প্রদর্শন করেন নাই। ভারতের গবর্নর জেনারেলগণ, শাহ আলমের সমাদর করিতেন। কিন্তু এই সমাদর, সম্মানপ্রদর্শনের সঙ্গে সঙ্গে ব্রিটিশ বণিক কোম্পানি আপনাদের স্বার্থ-সাধনে বৈদাসীন্য থাকেন নাই। তাঁহারা শাহ আলমকে উদ্ধার করিয়া, আপনাদের অধিকার বৃদ্ধি করেন, শাহ আলমের বিস্তৃত রাজ্য কোম্পানির অধিকারভুক্ত হইল। দিল্লীর যুদ্ধে লর্ড লেক্ যখন মহারাষ্ট্রীয়দিগের পরাক্রম খর্ব করিয়া, শাহ আলমের নিকট উপনীত হন, তখন তিনি মরহাট্টাগণ অপেক্ষা অধিকতর উদারতার পরিচয় দিতে পারেন নাই। মরহাট্টাগণ শাহ আলমের ভরণপোষণার্থে যে সম্পত্তি বা বৃত্তি নির্দ্ধারিত করিয়া দেন, লর্ড লেক্ তাহা কিছুই বাড়াইয়া দিতে সমর্থ হন নাই।

ইঙ্গরেজ কোম্পানি এইরূপে বুদ্ধ শাহ আলমকে আপনাদের সম্পূর্ণ আয়ত্ত রাখিলেন। শাহ আলম এত দিন সমগ্র ভারতের সম্রাট বলিয়া সম্পূর্ণ হইতেছিলেন, এখন সেই সম্রাটের প্রভুত্ব ও অধিপত্য সঙ্কুচিত হইয়া আসিল। দিল্লীর অধিপতি এখন আপনার ও আত্মীয় স্বর্গের ভরণপোষণ জন্য বার্ষিক কিছু অধিক ১০ লক্ষ টাকা বৃত্তি গ্রহণ করিতে লাগিলেন। পরাক্রান্ত তৈমুরবংশের এইরূপে অধঃপতন হইল। সমগ্র ভারতের অধিতীয় সম্রাট, অপরিসীম প্রভুশক্তির অধিতীয় অবলম্ব এইরূপে আপনার অসীম প্রভুত্ব হইতে বিচ্যুত হইয়া, ইঙ্গরেজ কোম্পানির নির্দ্ধিত বৃত্তি ভোগ করিতে লাগিলেন। এই শোচনীয় অবস্থাতেও বুদ্ধ শাহ আলম ধীরতা ও আত্ম-সন্তোষে জলাঞ্জলি দেন নাই। মোগল সম্রাটগণের অনেকে ভাবুক ছিলেন, অনেকের সরস লেখনী হইতে কবিত্তময়ী কোমল কথা নিঃসৃত হইত। বর্ষ-

তাঁহার অবস্থা বড় শোচনীয় হইয়াছিল। আপনার প্রাধান্য ও ক্ষমতা অন্তর্হিত হওয়ার হস্তে ভ্রষ্ট হইয়া, বুদ্ধ ও অন্ধ ভূগতি প্রাসাদে একখানি সামান্য আসনে উপবিষ্ট ছিলেন। সেই সময়ে তাঁহার অবস্থা মতিশর দীনভাবের পরিচয় দিতেছিল।—Kaye, Sepoy War, Vol. II, p.

য়ান্ অন্ধ শাহ আলম্ দুঃখদারিদ্র্যের চরম সীমায় পতিত হইয়াও, আপনার ভাবুকতার পরিচয় দিয়াছেন। পার্থিব বৈভব ও পার্থিব গৌরব-হইতে বিচ্যুত হইয়া এখন তিনি অপার্থিব বিষয়ে মনোনিবেশ করিয়াছিলেন। দীনতা হীনতার আবেগে সম্ভাড়াইত হইলেও, এখন তিনি উচ্চতর মহান্ ভাবে বিভোর হইয়া আপনার কবিত্বশক্তির পূর্ণ-বিকাশ দেখাইতে ক্রটি করেন নাই। বুদ্ধ সম্রাট্ এই অবস্থায় কহিয়াছেন, “দুর্দশার প্রবল ঝাটিকা উঠিয়া, আমাকে পশুদস্ত করিয়াছে। ইহা আমার সমস্ত গৌরব অনন্ত বায়ুবাশির মধ্যে ছড়াইয়া দিয়াছে এবং আমার রত্ন-সিংহাসন অপসারিত করিয়া ফেলিয়াছে। গাঢ় অন্ধকারের গভীর গহ্বরে নিমগ্ন হইলেও, আমি এক সময়ে দুর্দশার পবিত্র এবং সর্দশক্তিমান্ ঈশ্বরের দয়ার উজ্জ্বলতর হইয়া এই কষ্টময়—এই অন্ধকারময় স্থান হইতে উঠিতে পারিব *।” বুদ্ধ ভূপতি এইরূপে আপনার কবিত্বে আপনি মত্তৃপ্ত থাকিতেন, করুণ-রস-পূর্ণ গাথা রচনা করিয়া আপনিই আপনার চিন্ত-বিনোদন করিতেন, এবং উচ্চতর মহান্ ভাবে বিভোর হইয়া আপনিই আপনার ঘোর দারিদ্র্য-দুঃখ, নিরাশা ও বিষাদের কঠোর জ্বালা ভুলিতেন।

শাহ আলম্ দারিদ্র্য-গ্রস্ত ও আধিপত্য-শূন্য হইলেও, আপনার বংশো-চিত্ত উপাধি হইতে বিচ্যুত হন নাই। তাঁহার সম্রাট্ উপাধি এ সময়েও অসীম শক্তির অব্যয় ছিল, দিল্লীর সম্রাটের নামে, এ সময়েও লোকের ভক্তি ও শ্রদ্ধা উদ্দীপিত হইয়া উঠিত। শাহ আলম্ সম্পত্তি-দ্রষ্ট হইয়া-ছিলেন বটে, কিন্তু জনসাধারণের সম্মান হইতে স্বলিত হন নাই। এই সময়ে লর্ড ওয়েলেসলি ভাবিলেন যে, এই অধঃপতিত ভূপতি যদি আপনার পূর্বপুরুষগণের মনোহর প্রাসাদে অবস্থিতি করেন, তাঁহার চারি পার্শ্বে যদি তদীয় প্রভুভক্ত লোক থাকে, তাহা হইলে, এক সময়ে হয় ত, তাঁহার কোন উত্তরাধিকারী প্রগষ্ট রাজত্বের ভগ্নাংশের উপর স্বাধীন রাজ্য স্থাপনের চেষ্টা করিবেন। ইহাতে এক সময়ে হয় ত, ব্রিটিশ গবর্নমেন্টকে বিব্রত হইতে হইবে। এজন্য তিনি শাহ আলম্ ও তাঁহার সহচরবর্গকে মুক্তির স্থানান্তরিত করিবার প্রস্তাব করেন। কিন্তু স্থানান্তরিত হওয়ার

* Martin, Indian Empire, Vol. II, p. 456.

সংবাদে বৃদ্ধ সম্রাট সজ্জস্ত হইয়া উঠিলেন। এই গভীর সজ্জাস ক্রমে তাঁহার পরিবাসবহরের মধ্যে প্রসারিত হইল। পরিবারের সুবক বৃদ্ধ, স্ত্রী পুরুষ, আত্মীয় সজ্জন, সহচর অনুচর, সকলেই সমভাবে ভীত হইয়া উঠিল; সুতরাং লর্ড ওয়েলেসলি বৃদ্ধ ভূপতিকে আর অধিকতর অবনতির ক্রেশ দিতে ইচ্ছা করিলেন না। তিনি এই ভাবিয়া শাহ আলমকে দিল্লীর রাজ-প্রাসাদে রাখিতে সম্মত হইলেন যে, ভবিষ্যতে যখন তাঁহার উত্তরাধিকারিগণ আপনাদের পূর্বতন গৌরবের কথা ভুলিতে থাকিবেন, নিদ্বারিত বৃত্তি প্রাপ্ত হইয়া যখন তাঁহারা সামান্যভাবে আমেদ প্রমোদে কালাতিপাত করিবেন, তখন তাঁহাদিগকে সহজে স্থানান্তরিত করা যাইবে।

খৃঃ ১৮০৬ অব্দের ডিসেম্বর মাসে শাহ আলমের পরলোকপ্রাপ্তি হয়। তদীয় পুত্র আকবর শাহ তাঁহার উত্তরাধিকারী হন। তিনি ইঙ্গরেজ কোম্পানি হইতে আপনার নির্দিষ্ট বৃত্তি গ্রহণ করিতে থাকেন এবং নির্দিষ্ট ভূখণ্ডে শাহ আলমের স্থায় আপনার সর্বতোমুখী প্রভুত্ব পরিচয় দেন। ভারতের হিন্দু ও মুসলমান সম্প্রদায় এ সময়ও শাহ আলমের উত্তরাধিকারীকে আদ্বা ও সম্মানের সহিত চাহিয়া দেখিত, চিব-প্রসিদ্ধ মোগল-বংশের প্রধান পুরুষ ভাবিয়া এ সময়ও ধোকে তাঁহাকে ভারতের প্রধান সম্রাট বণিয়া অভিনন্দন করিত। ভারতের ভিন্ন ভিন্ন প্রদেশের ভূপতিগণ তাঁহার নিকট হইতে মনন্দ গ্রহণ করিতেন। এই সকল ভূপতির সিংহাসনে অধিরোহণমননে আকবর শাহ সকলকে খেলাত দিয়া আপনার একাধিপত্যে মিদর্শন দেখাইতেন। যখন অভিনব গবর্ণর জেনেবল এ দেশে উপস্থিত হইতেন, তখনও দিল্লীর অধিপতি, সন্মানে সময়ে এই একাধিপত্যের পরিচয়সূচক তাঁহার নিকট খেলাত পার্শ্ব দিতেন। খৃঃ ১৮২৭ অব্দ পর্যন্ত ইঙ্গরেজ বণিক কোম্পানি তাঁহার অনুজ্ঞা ও তাঁহার স্বাক্ষরিত ফর্মান ব্যতীত কোন নতন প্রদেশ অধিকার করিতে পারিতেন না*। দিল্লীর ইঙ্গরেজ রেসিডেন্টও পাহলা লইয়া তাঁহার নিকট গাঙ্কিতভাবে উপস্থিত হইতে সাহসী হইতেন না। যে ইঙ্গরেজ কোম্পানি তাঁহার পিপাসাকে আপনাদের নির্দিষ্ট বৃত্তিভোগী করিয়াছিলেন, সেই বণিক কোম্পানি

প্রতিনিধি যখন তাঁহার সমক্ষে আসিতেন, তখন তিনি উচ্চস্বরে কোনও কথা কহিতে, পারিতেন না, কোনরূপ গর্জন বা প্রভূত্বের পরিচয় দিতে সাহস পাইতেন না। তিনি নিঃশব্দে নম্রপদে দূর হইতে অভিবাদন করিতে করিতে তাঁহার কাছে আসিরা দাঁড়াইতেন। রাজ-প্রাসাদের ইঞ্জরেজ কাপ্তেন যদি সম্রাট্ কর্তৃক আহূত হইতেন, তাহা হইলে, তিনি রাজ-প্রাসাদের প্রাঙ্গণে জুতা পায় দিয়া, বা ছাতা লইয়া আসিতে পারিতেন না*। দীনতা ও পরাধীনতার শোচনীয় সময়েও মহাপরাক্রান্ত তৈমুরের বংশবরের এইরূপ সম্মান ও এইরূপ গৌরব ছিল। এইরূপ গৌরব ও সম্মানে উন্নত হইয়া আকবর শাহ জনসাধারণের মনে আধিপত্য বিস্তার করিয়াছিলেন। ইঙ্গরেজ কোম্পানি তাঁহাকে বৃত্তিভোগী করিয়া তুলিলেও তাহার রাজকীয় সম্মানের বিরুদ্ধে হস্তক্ষেপ করিতে সাহসী হন নাই। এ পর্যন্ত মোঘল সম্রাটের নামে মুদ্রা অঙ্কিত হইতেছিল। জনসাধারণ এ পর্যন্ত কেই সম্রাট মোঘল সম্রাটের অসাধারণ প্রভু-শক্তির নিদর্শন দেখিয়া হুঁসুড়িত হইতেন।

সময় অতিবাহিত হইতে লাগিল। ইঙ্গরেজ বণিক কোম্পানি ধাৰে ধাৰে আপনাদের আধিপত্য বৃদ্ধিমূল করিতে লাগিলেন। মরহাট্টাদিগের পরাজয়ে ও করাসিদিগের ক্ষমতানাশে ইঙ্গরেজের প্রাধান্য অধিক রহিল। যঁাহারা এক সময়ে বাণিজ্যসংক্রান্ত ক্ষতিলাভ গণনার জন্য ভারতে পদার্পন করিয়াছিলেন, ক্রম-বিক্রম ব্যতীত, যঁাহাদের অন্য কোন উদ্দেশ্য ছিল না, সময়ের পরিবর্তনে এখন তাহারা ভারতের অনেক ভলে আপনাদের প্রভু হইতে প্রস্তুত হইয়া তুলিলেন। এখন ইঙ্গরেজের অন্তঃশক্তি নির্ভীক হইল, বাঃশব্দে আশ্চর্যেরও কোন ভয় রহিল না। সুতরাং এখন হইতে কোম্পানি আপনাদের অথবা প্রাধান্যের পরিচয় দিতে অগ্রসর হইলেন। দিল্লীর মোঘল সম্রাটের উপরেই প্রথমে তাঁহাদের দৃষ্টি নিপতিত হইল। মোঘল সম্রাট এত দিন আপনার বংশোচিত প্রাধান্য দেখাইয়া আসিতেছিলেন, এত দিন তাঁহার নামে টাকা প্রস্তুত হইতেছিল, তাঁহার নামে খেলাত প্রদত্ত হইতেছিল, তাঁহার নামে সর্দার বাহির হইতেছিল, তাঁহার নামে নজর দেওয়া হইতেছিল; প্রাধান্যের

* Russell's Letter. Times, August, 26th. 1858. Comp. Russell, My Diary in India. Vol. II, p. 65. Martin, Indian Empire, Vol. II, p. 457.

এই সকল নিদর্শন, আনুগত্যস্বীকারের এই সকল প্রথা ইঙ্গরেজের সহ্য হইল না। ইঙ্গরেজ সময় পাইয়া, এখন এই নিদর্শন তুলিয়া ফেলিতে এবং এই প্রথার গতিরোধ করিতে উদ্যত হইলেন। পূর্বে সম্রাটের অনুমতি ব্যতীত ইঙ্গরেজ কোম্পানি কোন প্রদেশে আধিপত্য স্থাপন করিতে পারিতেন না, কোন নতন স্থান অধিকার করিতে হইলেই বাদশাহের ফরমান গ্রহণ করিতে হইত। লড আমহষ্ট্‌ খ্রীঃ ১৮২৭ অব্দে সম্রাটের নিকট এইরূপ আনুগত্য স্বীকার করিতে অসম্মত হন। তিনি বৃদ্ধ আকবর শাহকে অতিরিক্ত ৫ লক্ষ টাকা দিতে প্রতিশ্রুত হইয়া তাঁহাকে এই অস্বীকারপাশে আবদ্ধ করেন যে, অতঃপর কোম্পানি যখন কোন স্থান অধিকার করিবেন, তখন তাঁহাদিগকে আর দিল্লীশ্বরের অনুমতি বা ফরমানের প্রতীক্ষা করিতে হইবে না*। এইরূপে আরও অনেক বিষয়ে কোম্পানির যথেষ্টাচার প্রকাশ পায়। কোম্পানি দিল্লীর সম্রাট-পত্নী ও সম্রাটের উত্তরাধিকারীকে নজর দিতেন। ভারতের ভিন্ন ভিন্ন প্রদেশের ভূপতিগণ এ অংশে যে প্রথার অনুসরণ করিতেন, ইঙ্গরেজ কোম্পানি তাহার অগ্রমাত্র ও ব্যতিক্রম করিতে সাহসী হইতেন না। খ্রীঃ ১৮২২ অব্দে কোম্পানি প্রথমে এই প্রথার প্রতিকূলে দাঁড়াইয়া আপনাদের দুঃশীলতা ও অকৃতজ্ঞতার পরিচয় দিতে প্রবৃত্ত হন। খ্রীঃ ১৮২২ অব্দে কোম্পানির প্রধান সেনাপতির নজর দেওয়া বন্ধ হয়। দিল্লীর রেসিডেন্ট কোম্পানির প্রতি নিবি স্বরূপ হইয়া যে নজর দিতেন, ১৮২৭ অব্দে তাহাও বন্ধ হইয়া যায়। বৎসরের পর বৎসরের পরিবর্তনেও ইঙ্গরেজ কোম্পানির দুঃশীলতার পরিবর্তন হইল না। তাঁহারা এক অশিষ্টাচার ও অকৃতজ্ঞতার পর, আর এক অশিষ্টাচার ও অকৃতজ্ঞতার পরিচয় দিতে লাগিলেন। খ্রীঃ ১৮৩৬ অব্দে ইঙ্গরেজ আফিসরদিগের নজর দেওয়া বন্ধ হইল। ইহার পর সম্রাট-পত্নীকে যে নজর দেওয়া হইত, তাহাও উঠিয়া গেল। এই আনুগত্য ও অধীনতা স্বীকারের পরিবর্তে কোম্পানি দিল্লীশ্বরকে বার্ষিক দশ হাজার টাকা দিতে লাগিলেন। কিন্তু ইহাতেও তাঁহার প্রকৃষ্ণিত্রি দুর্গতির শেষ হইল না। ইঙ্গরেজ কোম্পানি আরও অনেকরূপে তাঁহার অবমানন। ও লাঞ্ছনা করিতে লাগি-

* Bell, Indian Mutiny, Vol. I, p. 454.

লেন। ভূপতি দিল্লীর বাহিরে আসিতে পারিতেন না। দিল্লীর রাজকুমারদিগের জন্য সম্মান-সূচক তোপ-ধ্বনিও হইত না। রাজকুমারগণ রাজকীয় সম্মানের সহিত দিল্লী হইতে কোন স্থানে যাইতে পারিতেন না*। এইরূপে সম্রাটশ্রেষ্ঠ আকবরের গৌরবান্বিত বংশের প্রতি অর্গোরব ও অসম্মান প্রদর্শিত হইতে লাগিল। দিল্লীর অধিপতি ও তাঁহার উত্তরাধিকারিগণ এইরূপে প্রভুত্ব ও প্রাধাত্যের সর্ব প্রকার চিহ্ন হইতে বঞ্চিত হইয়া কয়েদীর ন্যায় দিল্লীর প্রাসাদে অবস্থিত করিতে লাগিলেন : বৎসরের পর বৎসরে, ইংরেজ কোম্পানি এক একটি করিয়া দিল্লীর রাজলক্ষণ উচ্ছেদ করিতে লাগিলেন। বৎসরের পর বৎসরে, দিল্লীর বৃদ্ধ ভূপতি ও তাঁহার আত্মীয়গণ তীব্র যাতনার তুযানলে দগ্ন হইতে লাগিলেন। অবশেষে দিল্লীর প্রধান রাজলক্ষণ স্থলিত হইল। যে প্রচলিত টাকা সর্বত্র দিল্লীখরের প্রভাব বিকাশ করিতেছিল, তাহার রূপান্তর ঘটিল। খ্রীঃ ১৮৩৫ অব্দে দিল্লীখরের নামাঙ্কিত মুদ্রার পরিবর্তে ভারতবর্ষে কোম্পানির মুদ্রা চলিতে লাগিল †। দিল্লীর মোগলবংশের প্রধান পুরুষ সমুদয় রাজচিহ্ন হইতে বিচ্যুত হইয়া সামান্য লোকের ন্যায় কোম্পানির রুত্তি ভোগ করিতে লাগিলেন। বাঁহার পূর্বপুরুষগণ এক সময়ে কোম্পানির বণিক্দিগকে ভারতবর্ষে আশ্রয় দিয়াছিলেন, বাঁহার পূর্বপুরুষের সৌজন্যে বণিক্ কোম্পানি বাঙ্গালার আপনাদের ব্যয়সা চালাইবার সুবিধা পাইয়াছিলেন, এবং বাঁহার পিতা বণিক্ কোম্পানিকে বাঙ্গালা, বিহার ও উড়িষ্যার দেওয়ানি দিয়া গৌরবান্বিত করিয়াছিলেন, তিনিই এখন সেই বণিক্ কোম্পানির বিচারে, সেই বণিক্ কোম্পানির কৃতজ্ঞতায়, এইরূপ ক্ষমতাশূন্য, প্রভুত্বশূন্য ও রাজলক্ষণশূন্য হইয়া পড়িলেন।

ইংরেজ কোম্পানি ত্রিশ বৎসরের মধ্যে মহিমাবান্বিত আকবরের বংশের এই ছুববস্থা ঘটাইলেন। ত্রিশ বৎসরের মধ্যে যেন কোন অভাবনীয় শক্তির বলে মোগলবংশের গৌরবস্বর্ষ্য অনন্ত আকাশতল হইতে অন্তর্হিত হইল। ইংরেজ কোম্পানি আপনাদের স্বার্থসাধন ও প্রভুত্বসংরক্ষণ উদ্দেশে এইরূপ

* Russell's Letter, Times, August, 20th. 1858, Comp. Diary in India, Vol. II, p. 63-64. Martin, Indian Empire, Vol. II, p. 459.

† Kaye, Sepoy War, Vol. II, p. 9. note.

করিলেন বটে, কিন্তু দিল্লীর রাজ-বংশ ও জনসাধারণের স্মৃতিতে যে চিত্র বিরাজ করিতেছিল, তাহা মুছিয়া ফেলিতে সমর্থ হইলেন না। এখনও দিল্লীর রাজ-প্রাসাদ সাধারণের সমক্ষে অপূর্ণ শোভা বিকাশ করিতেছিল। শাহজহা যেখানে আপনার ভুবনবিখ্যাত রত্নসিংহাসন স্থাপন করিয়াছিলেন, আওরঙ্গজেব যেখানে “জগজ্জয়ী” উপাধি পরিগ্রহ করিয়া শাসনদণ্ড অক্ষুণ্ণ রাখিতে প্রয়াস পাইয়াছিলেন, তাহা আজ পর্যন্ত সাধারণের মনে পূর্বতন মহত্ত্ব ও গৌরবের কাহিনী বন্ধমূল রাখিয়াছিল। ইঙ্গরেজ কোম্পানি এই মহত্ত্ব ও গৌরব-কাহিনীর ধ্বংস করিতে পারিলেন না। তাঁহারা যতই কঠোরতাব পরিচয় দিষ্টে লাগিলেন, আশ্রয়প্রার্থী স্থাপনের উদ্দেশ্যে যতই কূট রাজনীতির নিদর্শন দেখাইতে লাগিলেন, ততই সাধারণের স্মৃতিতে সেই পুৰাতন কথা নবীন ভাবে জাগিয়া উঠিতে লাগিল। সাধারণে দীর্ঘনিশ্বাসের সহিত সমগ্র ভারতের অদ্বিতীয় অধিপতির শোচনীয় পরিণাম চাহিয়া দেখিল এবং দীর্ঘনিশ্বাসের সহিত আকবর ও শাহজহাের কীর্তিকলাপ স্মরণ করিয়া গভীর দুঃখ প্রকাশ করিতে লাগিল।

খ্রীঃ ১৮০৭ অব্দের ২৮এ সেপ্টেম্বর ৮২ বৎসর বয়সে আকবর শাহ লোকান্তরিত হন। তদীয় পুত্র আবুল মজঃফর সুরাজউদ্দিন মহম্মদ বাহাদুর শাহ পাতশাহ উপাধি ধারণ পূর্বক দিল্লীর সিংহাসনে উপবেশন করেন। তিনি ইতিহাসে সচরাচর বাহাদুর শাহ নামে প্রসিদ্ধি লাভ করিয়াছিলেন। বাহাদুর শাহ ধীর, শান্ত, কবিতাপ্রিয় ও স্নয়ং কবিত্ব-শক্তিসম্পন্ন ছিলেন। তিনি বার্ষিক রুত্তি বাড়াইয়া দিবার নিমিত্ত কোম্পানিকে বিশেষ অনুরোধ করেন। বাহাদুর শাহের পক্ষে এই আশ্রয় নূতন উপস্থিত হয় নাই। কোম্পানি সে রুত্তি নির্দারিত করিয়া দিয়াছিলেন, তাহাতে সমস্ত পোষ্য-বর্গের ব্যয় নির্বাহ হইত না বলিয়া, আকবর শাহ উক্ত রুত্তি বৃদ্ধি করিবার চেষ্টা পাইয়াছিলেন। এই উদ্দেশ্যে তিনি খ্রীঃ ১৮০০ অব্দে বিলাতে ডিরেক্টরদিগের নিকট এক জন দূত পাঠাইয়া দেন। ডিরেক্টরসভা ইহাতে এই প্রস্তাব করেন যে, তাঁহাদের উপর এখন দিল্লীর ভূপতিস্বয়ং কিছু ক্ষমতা, বা যে কিছু অধিকার আছে, তাহা যদি ভূপতি সম্পূর্ণরূপে পরিত্যাগ করেন, তাহা হইলে, তাঁহারা বার্ষিক অতিরিক্ত ৩ লক্ষ টাকা দিতে প্রস্তুত

আছেন। কিন্তু আকবর শাহ ডিরেক্টরসভার এই প্রস্তাবে সম্মত হন নাই। আপনার যে কিছু সম্মান ও গৌরব অবশিষ্ট আছে, বার্ষিক ৩ লক্ষ টাকার বিনিময়ে তাহা ছাড়িয়া দিতে তাঁহার প্রবৃত্তি হয় নাই। তিনি এই বলিয়া আশ্রয় পক্ষ সমর্থন করেন যে, ইস্ট ইণ্ডিয়া কোম্পানির সহিত যে সন্ধি হয়, তদনুসারে কোম্পানি তাঁহার পরিবারবর্গের ভরণ-পোষণ জন্য যথোপযুক্ত রুত্তি দিতে ধর্ম্মত ও শ্রায়ত বাধ্য আছেন। কিন্তু তাঁহার এই কাতরোক্তিতে সে সময় কোন ফল হয় নাই। এখন বাহাদুর শাহ ডিরেক্টরদিগের নিকট আবার সেই আপত্তি উপস্থিত করেন। তাঁহার পিতা এ সম্বন্ধে যে যুক্তি দেখাইয়াছিলেন, তিনিও সেই যুক্তি অবলম্বন করিয়া কহেন যে, কোম্পানি এখন যে রুত্তি দিতেছেন, তাহাতে তাঁহার বহুসংখ্যক পরিবারের ভরণ-পোষণ কিছুতেই নির্দাহ হইতেছে না। খ্রীঃ ১৮৩০ অব্দে যখন কোম্পানি দিল্লী-ধ্বংসের ক্ষৌণ প্রত্নশক্তি সমূলে বিনষ্ট করিবার জন্য অতিরিক্ত ৩ লক্ষ টাকা দিবার প্রস্তাব করেন, তখন তাঁহার পীকার করিয়াছিলেন যে, দ্বিতীয় অধিপতিকে এখন যে টাকা দেওয়া বাইতেছে, তাহা অতি সামান্য। দিল্লীর রাজবংশ অতি বিস্তৃত, সুতরাং সকলের ভরণ-পোষণ এত ধ্বংস করিতে হইতেছে, এবং সকলে ক্রমে দারিদ্র্যকষ্টের একশেষ ভুগিতেছেন*। কোম্পানি মুখে এইরূপ মৌজ্ঞ্য দেখাইয়াছিলেন বটে, কার্যে সে মৌজ্ঞ্য রক্ষা করিতে পাবেন নাই। দিল্লীধ্বংস হস্তে তখন যে নামমাত্র ক্ষমতাটুকু ছিল, তাহাতেই তাহাদের নির্দারণ ঈর্ষার সঞ্চারণ হইয়াছিল। যে স্থিতিতে দীপশিখা মুহূর্ত্তে মুহূর্ত্তে নির্দারণ-প্রায় হইতেছিল, তাহা এখন ঘোর অন্ধকারে পরিণত করিতেই ইঞ্জরেজ কোম্পানি স্থির প্রতিজ্ঞ হইয়াছিলেন। সুতরাং তাঁহার দিল্লীধ্বংসের নামমাত্র সামান্য অধিকারটুকু হরণ করিবার প্রস্তাব করিয়া আপনাদের পরশ্রীকাতরতা দেখাইতে সক্ষম হন নাই। বাহাদুর শাহ আপনার রুত্তি বাড়াইবার যে প্রস্তাব করেন, সাধারণের অর্ধের অপব্যয় হইবে বলিয়া লেফটেনেন্ট গবর্নর প্রথম সে প্রস্তাব গ্রাহ্য করেন নাই। এই সময়ে লর্ড অক্লেণ্ড ভারতবর্ষের গবর্নর জেনেরলের পদে অধিষ্ঠিত ছিলেন। বাহাদুর

* Martin, Indian Empire, Vol. II, p. 459.

শাহের প্রস্তাব তাঁহার নিকট উপস্থিত হইল। তিনি এই মত প্রকাশ করিলেন যে, বাহাদুর শাহ যদি পূর্বপ্রস্তাবে সম্মত হন, তাহা হইলে তিনি বৃত্তি বাড়াইয়া দিতে প্রস্তুত আছেন। কিন্তু বাহাদুর শাহ, তাঁহার পিতার ন্যায় তেজস্বী ছিলেন, সুতরাং তিনি আত্মগৌরবের ক্ষতি করিতে সম্মত হইলেন না। যখন গবর্ণর জেনেরলের নিকট তাঁহার প্রার্থনা অগ্রাহ হইল, তখন তিনি অভীষ্ট-সিদ্ধির জন্য বিলাতে এক জন বিখ্যস্ত এজেন্ট দ্বারা আবেদন করিতে ইচ্ছা করিলেন।

পূর্বে উক্ত হইয়াছে যে, আকবর শাহ আপনার নিদ্ধারিত বৃত্তি বাড়াইবার প্রস্তাব করিয়া বিলাতে এক জন দূত পাঠাইয়াছিলেন। এই দূত বঙ্গের চিরপ্রসিদ্ধ, চিরস্মরণীয়, প্রধান পুরুষ মহাত্মা রাজা রামমোহন রায়। আকবর শাহ ইঁহাকে 'রাজা' উপাধিতে ভূষিত করিয়া ইঙ্গলণ্ডে পাঠাইয়াছিলেন। কিন্তু এই রাজকীয় সম্মান না পাইলেও প্রসিদ্ধ দূতের কোনরূপ অবমাননা হইত না। রামমোহন যে অলোকসাধারণ মহত্ত্ব ও উদারতায় অলঙ্কৃত ছিলেন, যে ভূয়োদর্শিতার তাঁহার হৃদয় উন্নত হইয়াছিল, সেই মহত্ত্ব, উদারতা ও ভূয়োদর্শিতার বলেই তিনি সমস্ত সভ্যজগতের সম্মানের পাত্র হইয়াছিলেন। আজ পর্যন্ত তাঁহার নাম সাদরে পরিগৃহীত হইতেছে, আজ পর্যন্ত তাঁহাকে পৃথিবীর সমস্ত শিক্ষিত-সম্প্রদায় ভক্তি ও শ্রীতির পুষ্পাঞ্জলি দিতেছেন। রাজা রামমোহন ইঙ্গলণ্ডে বাইয়া আপনার অসাধারণ প্রতিভায় সকলকে চমকিত করিয়া তুলিলেন, কিন্তু যে কর্তব্য-ভার তাঁহার হস্তে সমর্পিত হইয়াছিল, ডিরেক্টরসভার বিচারগুণে তাহার কিছুই সম্পন্ন হইল না। অভিজ্ঞ দূত ডিরেক্টরদিগের নিকট মোগল ভূপতির বৃত্তি বাড়াইবার আবেদন করিলেন, নানা যুক্তি দেখাইয়া আত্মপক্ষ সমর্থন করিতে লাগিলেন, কিন্তু ডিরেক্টরেরা কোন কথায় কর্ণপাত করিলেন না। রাজা রামমোহনের প্রয়াস বিফল হইল। কোম্পানির কঠোরতায় ও কোম্পানির স্বার্থপরতার মহিমায় বৃদ্ধ মোগল ভূপতির শেষ আশা নির্মূল হইয়া গেল। বাহাদুর শাহ যখন দেখিলেন যে, তাঁহার পিতার উদ্দেশ্য সিদ্ধ হইল না, তখন তিনি এক জন ইঙ্গরেজ দ্বারা আত্মপক্ষ সমর্থনের ইচ্ছা করিলেন। তাঁহার আশা ছিল যে, বিলাতের কর্তৃপক্ষ অবশ্য তাঁহার আবেদনে কর্ণপাত করিবেন, অবশ্য তাঁহার

ন্যায্য প্রার্থনা পূর্ণ করিতে অগ্রসর হইবেন। এইরূপ আশা করিয়া, তিনি এক জন সুবক্তা ও সমদর্শী ইঞ্জরেজের সাহায্যপ্রার্থী হইলেন।

জর্জ টম্পসন নামক এক জন ইঞ্জরেজ এই সময়ে আপনার উদ্দীপনা-পূর্ণ বক্তৃতায় ইউরোপে বিশেষ প্রতিপত্তি লাভ করিয়াছিলেন। তিনি নিগূহীত লোকের স্বার্থরক্ষার জন্ত যেরূপ যত্ন করেন, তাহাতে অনেকেই তাঁহার পক্ষপাতী হইয়া উঠেন। জর্জ টম্পসন ভারতবর্ষে আসিলে বাহাদুর শাহ তাঁহাকে দিল্লীতে আনিয়া, আপনার অভীষ্ট কার্যসাধনে তাঁহার সাহায্য প্রার্থনা করেন। তাঁহার অনেকগুলি অভিযোগ ছিল। পূর্বে কোম্পানির কর্মচারিগণ তাঁহাকে নজর দিতেন। লর্ড এলেনবরার আদেশে উহা রহিত হয়*। ইহার পর গবর্নমেন্ট তাঁহার বৃত্তি বাড়াইয়া দিতে অসম্মত হন। তিনি

* লর্ড এলেনবরার সেক্রেটারিগণ এক সময়ে তাঁহাকে না জানাইয়া দিল্লীর মোগল অধিপতি বাহাদুর শাহকে নজর দিয়াছিলেন। এই বিষয় যখন গবর্নর জেনেরলের গোচর হয়, তখন তিনি সান্ত্বিত্য বিধান করেন এবং স্বপ্নের সহিত এই নজরদানরূপ প্রথা রহিত করেন। অশ্রুতম সেক্রেটারি উইলিয়ম এডওয়ার্ডস সাহেব উক্ত নজর দেওয়ার বিবরণ এই ভাবে বর্ণন করিয়াছেন :—“গবর্নর জেনেরল দিল্লীতে উপস্থিত হইলে গবর্নমেন্টের পক্ষ হইতে কয়েক জন কর্মচারী পূর্বে সম্রাটসকাশে উপনীত হইয়া, তাঁহার শারীরিক কুশলবার্তা জিজ্ঞাসা করিতেন। এই সময়ে তাঁহাদের সকলকেই নজরস্বরূপ নির্দিষ্টসংখ্যক মোহর দিতে হইত। ব্রিটিশ গবর্নমেন্টের উপর যে, মোগল সম্রাটের আধিপত্য আছে, এবং ভারতবর্ষে গবর্নমেন্টের যে সমস্ত অধিকার রহিয়াছে, তৎসমুদয় যে, সম্রাটের করদ রাজ্যের মধ্যে পরিগণিত, এই নজর দেওয়াতেই তাহা স্বীকার করা হইত। এই প্রথা বহুকাল হইতে চলিয়া আসিতেছিল। ইহার বিরুদ্ধে কোনরূপ আপত্তি উপস্থিত হয় নাই। সুতরাং গবর্নর জেনেরলকে না জানাইয়া আমি, টম্পসন সাহেব ও কর্নেল ব্রডফুটের সহিত হাতীতে চড়িয়া, দিল্লীর রাজপ্রাসাদে যাত্রী করিলাম। আমাদের সকলের হাতেই এক একটি রেশমের ব্যাগ ছিল। সম্রাটকে নজর দেওয়ার জন্ত আমরা এই সমস্ত ব্যাগ মোহরে পূর্ণ করিয়াছিলাম। আমাদের সকলেরই পাহুকা পরিত্যাগ করার প্রয়োজন হইয়াছিল, যেহেতু ভারতবর্ষে সকল সময়েই এই নিয়ম প্রচলিত আছে যে, অধীনের কর্মচারীকে তাহার প্রভুর নিকট যাইতে হইলে, পাহুকা পরিত্যাগ করিয়া আসিতে হয়। উপস্থিত সময়ে আমরা আমাদের পাহুকা কাশ্মীরকাপড়ের খণ্ডে আচ্ছাদিত করিয়া, সম্রাটসকাশে উপস্থিত হওয়ার বন্দোবস্ত করিয়াছিলাম। আমরা এই ভাবে ধীরে ধীরে “দেওয়ানিখাসে” উপনীত হইলাম। সম্রাট সিংহাসনে উপবিষ্ট ছিলেন। তাঁহার বয়স ৭০ বৎসরের অধিক বোধ হইল। বয়সের আধিক্যে তিনি দুর্বল ও কুশ হইয়া

আত্মসম্মান ও আত্মগৌরবের ক্ষতি করিতে প্রস্তুত নহেন, সুতরাং তিনি আপ-
নার চিরন্তন অধিকার পরিত্যাগ করিয়া গবর্নমেন্টের প্রতিশ্রুত বার্ষিক ৩ লক্ষ
টাকা গ্রহণে সম্মত হন নাই। এখন আপনার যে কিছু সম্মান ও অধিকার আছে,
তাহা অব্যাহত রাখিয়া ডিরেক্টরসভা যাহাতে তাঁহাদের বৃত্তি বাড়াইয়া দেন,

পড়িয়াছিলেন। আমরা সিংহাসনের নিকট উপনীত হইয়া, সম্মানের সহিত অভিবাদন করি-
লাম, এবং আমাদের হাতে যে মোহরপূর্ণ ব্যাগ ছিল, একে একে তাহা সমর্পণ করিয়া অতি
দিনীতভাবে সম্রাটের কুশল জিজ্ঞাসা করিলাম। যে অবিপত্তিগণ অপ্রতিহতভাবে এক সময়ে
এই বিস্তীর্ণ সাম্রাজ্য শাসন করিয়াছিলেন, আমি যখন সেই অধিপতিদিগের উত্তরাধিকারীর
নিকট ধীরে ধীরে উপনীত হইয়া, নজর সমর্পণ করি, তখন আমার মনে যুগপৎ ভক্তি ও ভয়ের
আবির্ভাব হইয়াছিল। তৈমুরবংশীয় ভূপতির নিকট এই শেষ বার ব্রিটিশ গবর্নমেন্টের পক্ষ
হইতে নজর সমর্পিত হয়। সম্রাট নজর গ্রহণ করিয়া আমাদেরকে খেলাতে ভূষিত করিতে
আদেশ দিলেন। আদেশ প্রতিপাদিত হইল। আমরা খেলাত ধারণ করিলাম। যোগলাই
পাগড়ি আমাদের মাথার বান্ধিয়া দেওয়া হইল। আমরা সকলেই সম্রাটকে বিনম্রভাবে অভি-
বাদন করিয়া, সে স্থান পরিত্যাগ করিলাম। রাজপ্রাসাদ হইতে বাহির হইয়া আমরা আবার
হাতীতে উঠিলাম। সম্রাট-প্রদত্ত এই মজার পরিচ্ছদ ধারণ করিতে আমাদের অবস্থান্তর
ঘটিল। পূর্বে যে গার্ভীয়া ও সম্মানের ভাব আমাদের মনে উদ্ভিত হইয়াছিল, তাহা দূর
হইল। আমি হাওদার উপর হইতে সেই মজার পোষাক খুলিয়া তাড়াতাড়ি সকলের আগে
গবর্নরজেনেরলের শিবিরে উপনীত হইলাম। * * আমার আর দুই জন সঙ্গী কি ভাবে আগিতে-
ছেন, তাহা দেখিবার জন্ম লর্ড এলেনবরাকে বিনয়ের সহিত অচরোধ করিলাম। আমার
সঙ্গীষ্ম যখন সেই বেশে হস্তীতে ছিলেন, তখন তাহাদিগকে ঠিক যেন, পাগল বলিয়া বোধ
হইয়াছিল। গবর্নরজেনেরল উপস্থিত ঘটনা জানিয়া জন্ম আগ্রহ প্রকাশ করিতে আমি
তাহাকে সকল কথা খুলিয়া বলিলাম। তিনি সাতিশয় মিনিট হইয়া, আপনাদিগকে অপ-
মানিত বোধ করিতে লাগিলেন। এই প্রথম বার উপস্থিত যাবৎ অবৈধ বলিয়া আমার স্পষ্ট
প্রতীতি হইল। ইহাতে অন্ততঃ প্রাচ্য ধারণানুসারে ভারতরাজ্যের অধিবাসী মহারাজীণী
বিষ্ণুটোরিয়াকে দিল্লীর সম্রাটবংশের নিকট অবগতি স্বীকার করিতে হইয়া থাকে।

গবর্নরজেনেরল অবিলম্বে এই নজর দেওয়ার প্রথা রহিত করিবার জন্য আদেশ প্রচার
করিলেন, এবং গত দশ বৎসর ধরিয়া দিল্লীর অধিপতিকে নজরস্বরূপ কতটাকা দেওয়া হইয়াছে,
আমাকে তাহা ঠিক করিতে কহিলেন। যেহেতু এই টাকার একটা গড়পড়তা ধরিয়া তিনি
সম্রাটকে কিছু অতিরিক্ত বৃত্তি দিতে ইচ্ছা করিয়াছিলেন।—William Edwards,
Reminiscences of a Bengal Civilian. Comp. Kaye, Sepoy War, Vol. II.
Appendix. p. 661-663.

তাহার জন্ম তিনি জর্জ টম্পসনকে আগ্রহসহকারে অনুরোধ করেন। কিন্তু কোম্পানি পূর্বেই স্থির করিয়াছিলেন যে, যদি তাঁহাদের প্রস্তাবিত বিষয়ে দিল্লীর ভূপতি সম্মত না হন, তাহা হইলে তাঁহাকে আর অতিরিক্ত বৃত্তি দেওয়া হইবে না। সুতরাং জর্জ টম্পসন উপস্থিত বিষয়ে রাজা রামমোহন রায় অপেক্ষা অধিক কিছু করিতে সমর্থ ছিলেন না। ডিরেক্টরসভা কিছুতেই আপনাদের সম্বন্ধ পরিত্যাগ করিলেন না। তাঁহারা স্পষ্টাক্ষরে নির্দেশ করিলেন, “এই প্রস্তাব (দিল্লীর ভূপতি আপনার সমুদয় স্বত্ব পরিত্যাগ করিলে তাঁহাকে বার্ষিক অতিরিক্ত বৃত্তি দেওয়ার) পরিত্যাগ করা আমাদের পক্ষে অসম্ভব। মোগল অধিপতি এই প্রস্তাবে সম্মত না হওয়াতে বুঝা যাইতেছে যে, আমরা তাহার উপকারের জন্ম যে অর্থ দিতে প্রতিশ্রুত হইতেছি, তাহা গ্রহণ করা তাহার অভিপ্রেত নয় *।” ডিরেক্টরেরা কি ভাবে এই উপকার করিতে চাহিয়াছিল ? এক জন অধঃপতিত ভূপতির শোচনীয় অবস্থায় দুঃখিত হইয়াই কি, তাঁহারা আপনাদের স্বভাবসিদ্ধ সৌজন্যের পরিচয় দিতে অগ্রসর হইয়াছিলেন ? দয়া ও পরোপকার কি, আপনা হইতেই তাঁহাদিগকে অর্থসাহায্য করিতে বাধ্য করিয়াছিল ? দারিদ্র্যের কঠোর দংশনে যাহার হৃদয়গ্রন্থি বিচ্ছিন্ন হইতেছে, দুঃখের অনন্ত সাগরে যিনি ভাসিয়া বেড়াইতেছেন, তাঁহাকে উদ্ধার করিবার জন্যই কি, তাঁহারা আপনা হইতে হস্ত প্রসারণ করিয়াছিলেন ? সমুদয় সোনারূপের ব্যক্তি গস্তীর ভাবে—ঘৃণা ও বিরাগের সহিত উত্তর করিবেন—“না।” ডিরেক্টরেরা পরোপকারবৃত্তিতে পরিচালিত হন নাই, দয়া ও সৌজন্যের উপদেশে অর্থসাহায্য করিতেও অগ্রসর হন নাই। তাঁহারা স্বার্থসাধনমানসে সেই অতিরিক্ত কয়েক লক্ষ টাকা দিতে ইচ্ছা করিয়াছিলেন। যে প্রাধান্য ও ক্ষমতা এক সময়ে আফগানিস্তানের পার্শ্বত্ব প্রদেশ হইতে সুদূরবিস্তৃত ভারতবর্ষের দক্ষিণ প্রান্ত পর্যন্ত প্রসারিত হইয়াছিল, আকবর বা শাহজহাঁ যে প্রাধান্য ও ক্ষমতার বলে সমগ্র ভারতের অধিতায় সম্রাট বলিয়া সম্পূর্ণ হইয়াছিলেন, সেই প্রাধান্য ও ক্ষমতা যে অতি ক্ষীণ ছায়া মাত্র এখন অবশিষ্ট ছিল, ডিরেক্টরেরা তাহাও

* Letter of the Court of Directors, Feb. 11, 1846. Comp. Kaye, Sepoy War, Vol. II. p. 12, note.

হরণ করিতে কৃতসঙ্কল্প হইয়াছিলেন। এই সঙ্কল্পসিদ্ধির মানসেই তাঁহার কয়েক লক্ষ টাকা দিতে স্বীকৃত হন। ইহা উপকার নহে, ঘোড়তর অকৃত-জ্ঞতা, দয়া নহে, ঘোড়তর বিশ্বাসঘাতকতা। বণিক কোম্পানি বাণিজ্য-বেশে আসিয়া যাঁহার পূর্বপুরুষদিগের আশ্রয়ে বাস করিয়াছিলেন, যাঁহার পূর্বপুরুষগণের অনুগ্রহে ভারতে ব্রিটিশ কোম্পানির রাজ্য প্রতিষ্ঠিত হইয়াছিল, এখন তাঁহার অসীম দুর্গতির সময় কোম্পানি তাঁহাকে কিছু টাকা দেওয়ার লোভ দেখাইয়া তাঁহার হস্তে যে কিছু ক্ষমতা ছিল, সমস্ত গ্রহণ করিতে উদ্যত হন, এবং এইরূপ টাকা দেওয়ার দৃষ্টান্ত দেখাইয়া, জগতের সমক্ষে আপনাদের পরোপকারের পরাকাষ্ঠার পরিচয় দেন।

এক জন ইন্সপেক্টর ঐতিহাসিক (জন্ উইলিয়ম্ কে) এই প্রসঙ্গে উল্লেখ করিয়াছেন, “বস্তুতঃ দিল্লীর ভূপতির বৃত্তি বাড়াইবার যথোপযুক্ত কারণ ছিল না। উদারভাবে দেখিতে গেলে মাসিক এক লক্ষ টাকাই যথেষ্ট বোধ হয়, বহুপরিবারের পক্ষেও এই মাসিক লক্ষ টাকাই যথেষ্ট। দিল্লীর নামমাত্র ভূপতিকে ইহার অতিরিক্ত টাকা দেওয়া অপব্যয় মাত্র *।” কিন্তু কে সাহেব যাহা পর্যাপ্ত বলিয়াছেন, আর এক জন ইন্সপেক্টরের নিকট তাহাই অকিঞ্চিৎকর বলিয়া প্রতিপন্ন হইয়াছে। এই সহৃদয় ব্যক্তি হুঃখের সহিত লিখিয়াছেন, “দিল্লীর রাজপ্রাসাদে ৫,০০০ লোক বাস করিত। ইহাদের মধ্যে ৩,০০০ ব্যক্তি তৈমুরবংশীয়, স্মৃতরাং দিল্লীশ্বরের আত্মীয়†। দিল্লীর ভূপতি আপনার অসংখ্য আত্মীয়ের ভরণপোষণ জঙ্ঘ সর্বদাই ব্যতিব্যস্ত থাকিতেন। রাজবংশীয়েরা সর্বদাই “আরও চাই, আরও চাই” বলিতেন। ইঁহারা এরূপ দরিদ্র হইয়াছিলেন যে, অনেকের আহারের সংস্থান ছিল না। ইঁহাদের ভরণপোষণ জঙ্ঘ যাহা নির্দ্বারিত করিয়া দেওয়া হইয়াছিল, তাহার

* Kaye, Sepoy War, Vol. II. p. 12. কে সাহেব বলেন যে, এই লক্ষ টাকা ব্যতীত মোগল ভূপতি আপনার জমীর উপস্বৰ্ণ ও বাড়ীভাড়া পাইতেন। ইহাতেও তাঁহার অনেক টাকা আর হইত (Sepoy War, Vol. II. p. 12, note.)। কিন্তু বহুসংখ্য পরিবার থাকিতে এই আরও তাঁহার পক্ষে পর্যাপ্ত ছিল না।

† বন্ সাহেব লিখিয়াছেন যে, আত্মীয় ও অহুচরে দিল্লীর ভূপতির প্রাসাদে ১২,০০০ লোক থাকিত।—Ball, Indian Mutiny, Vol. I. p. 454.

পরিমাণ অপেক্ষা ইহাঁদের সংখ্যা অনেক বেশী ছিল * ।” এই চিত্রে পরাক্রান্ত তৈমুরের আত্মীয়গণের শোচনীয় অবস্থা বেশ প্রতিকলিত হইয়াছে। বস্তুতই এই চিত্র গভীর শোক ও দুঃখের উদ্দীপক। বাহাদের বিস্তৃত রাজ্য অধিকার করিয়া কোম্পানি জগতের সমক্ষে ধনসম্পত্তির মহিমায় গৌরবান্বিত হইয়াছিলেন, এক সময়ে তাঁহারা ই কোম্পানির শাসনে এইরূপ দুঃখদারিত্রের একশেষ ভুগিতেছিলেন। দিল্লীধরকে যে বৃত্তি দেওয়া হইতেছিল, তাহা পর্যাপ্ত হইলে দিল্লীর রাজবংশীয়গণ কখনও এইরূপ শোচনীয় দশায় পতিত হইতেন না, এবং কখনও আহাদের অভাবে জীবন্ত হইয়া, আপনাদের কষ্টময় জীবন অতিপাত করিতেন না।

বাহাহুর শাহ একটি পরমহুন্দরী পূর্ণবৃত্তীর পাণি-গ্রহণ করিয়াছিলেন। এই রাজমহিষীর নাম জেনত্ মহল। সৌন্দর্য্য-গরিমার সহিত জেনত্ মহলের সাহস, তেজস্বিতা ও আত্মাভিমান ছিল। ইঙ্গরেজ ঐতিহাসিকও ইহার কার্যদক্ষতা ও সাহসিকতার প্রশংসা-বাদে নিরন্ত থাকেন নাই †। জেনত্ মহলের একটি পুত্রসন্তান ভূমিষ্ঠ হয়। এই রাজকুমার ইতিহাসে জোয়ান্ বখ্ত নামে প্রসিদ্ধ। বাহাহুর শাহ বৃদ্ধাবস্থায় এই পুত্র-রত্ন পাইয়া তাহাকে পরম আদর ও স্নেহের সহিত প্রতিপালন করেন। জোয়ান্ বখ্ত ক্রমে বৃদ্ধ পিতার এমন স্নেহের পাত্র হইয়া উঠেন যে, বাহাহুর শাহ অন্যান্য রাজকুমারকে অতিক্রম করিয়া ইহাঁকেই দিল্লীর রত্নসিংহাসন দিতে কৃতসঙ্কল্প হন। এ দিকে জেনত্ মহল আপনার ক্ষমতা, কার্যদক্ষতা, তেজস্বিতা—ইহার উপর, আপনার সৌন্দর্য্যগরিমায় বৃদ্ধ ভূপতির উপর আধিপত্য স্থাপন করিয়াছিলেন। ভূপতি ইহার অভিমতের বিরুদ্ধে কোন কাজ করিতেন না, কিংবা ইহার শাসন অতিক্রম করিয়াও এক পদ অগ্রসর হইতেন না। জেনত্ মহল আপনার পুত্র-রত্নকে দিল্লীর সিংহাসনে অধিষ্ঠিত করিতে বাহাহুর শাহের নিকট বিশেষ আগ্রহ প্রকাশ করিতে লাগিলেন। প্রিয়তমা প্রণয়িনীর এইরূপ আগ্রহে বাহাহুর শাহের পূর্ব-

* Russell's Letter. Times, August 20th. 1858. Comp. Indian Empire, Vol. II. p. 458. Russell, Diary, Vol. II. p. 57.

† Martin, Indian Empire, Vol. II. p. 453.

সম্ভ্রম দৃঢ়তর হইল। বাহাদুর শাহ ও জেনত মহল, উভয়েই একবাক্যে আপনাদের প্রিয়তম পুত্র জোয়ান্ বখ্তের পক্ষ-সমর্থনে উদ্যত হইলেন, সুতরাং মোগলবংশের রাজ-সিংহাসন ও রাজ-উপাধি লইয়া একটা গোলযোগের সূত্রপাত হইল।

এই গোলযোগের কথা সংক্ষেপে বর্ণনীয়। খ্রীঃ ১৮৪২ অব্দে জ্যেষ্ঠ রাজ-কুমার দারা বখ্তের মৃত্যু হয়। এই সময়ে বাহাদুর শাহের বয়স ৭০ বৎসরেরও অধিক হইয়াছিল, সুতরাং তাঁহার অস্তিমকাল বড় দূরবর্তী ছিল না। এজন্য গবর্নরজেনেরল দিল্লীর উত্তরাধিকারীর সম্বন্ধে কি করা কর্তব্য, তাহা ভাবিতে থাকেন। বলা বাহুল্য যে, এ সময়ে লর্ড ডালহৌসী ভারতবর্ষের গবর্নরজেনেরলের পদে অধিষ্ঠিত ছিলেন। তিনি দিল্লীর এই অধঃপতিত রাজবংশের সমুচিত গৌরব রক্ষা করিতে যত্নশীল ছিলেন না। পূর্বে এই বংশের প্রতি যেরূপ সম্মান প্রদর্শিত হইত, তাহাতে তিনি বড় বিরক্ত হইয়া উঠেন। বাহাদুর শাহের মৃত্যুর পর মোগল ভূপতির সমস্ত রাজকীয় সম্মান বিনষ্ট করিতেই তাঁহার একান্ত ইচ্ছা হয়। পূর্বে যখন একবার এত সম্মানের উচ্ছেদসাধনের প্রস্তাব হয়, তখন বিলাতের ডিরেক্টর-সভা মহস্মা উহার অনুমোদন করেন নাই*। ডিরেক্টরেরা উপস্থিত বিষয়ের সমস্ত বিবরণ জানিবার জন্য আগ্রহ প্রকাশ করেন। সুতরাং গবর্নরজেনেরল উপস্থিত সময়ে দিল্লীর রাজসিংহাসনের উত্তরাধিকারীর সম্বন্ধে কিছুই মীমাংসা করিতে পারেন নাই। কুমার ফকির উদ্দীন নামক একটি ত্রিশ বৎসরবয়স্ক রাজকুমারের সিংহাসন পাওয়ার সম্ভাবনা ছিল। এই রাজকুমার ইঞ্জরেজদিগের প্রিয় ছিলেন, ইঞ্জরেজ-সমাজে বাইতেও তিনি ভালবাসিতেন; সুতরাং বাহাদুর শাহের স্থলে ইহাকে রাজ-সিংহাসন দিলে লর্ড ডালহৌসীর বাসনা অনেকাংশে পূর্ণ হইত। ডাল-

১৮৪৪ অব্দের ১লা আগষ্ট ডিরেক্টর-সভা উপস্থিত বিষয়ে এই মত প্রকাশ করেন,—“গবর্নর জেনেরল দিল্লীর এজেন্টকে এইরূপ আদেশ দিয়াছেন যে, দিল্লীর ভূপতির মৃত্যু হইলে, গবর্নর জেনেরলের বিশেষ অভিমত ব্যতীত মৃত ভূপতির উত্তরাধিকারীকে রাজ-সিপাহি'র সম্বন্ধে যেন কিছু না বলা হয়। এই আদেশে যদি রাজ-উপাধির উচ্ছেদসাধন গবর্নর জেনেরলের অভিপ্রেত হয়, তাহা হইলে, আমরা উপস্থিত বিষয়ের সমস্ত যুক্তি পর্যালোচনা না করিয়া উহার অনুমোদন করিতে পারি না।”—Kaye, Sepoy War, Vol. II. p. 14, note.

হোসী এই ইঙ্গরেজপ্রিয় যুবককে অনায়াসে হস্তগত করিয়া, তাঁহার প্রভু-শক্তির মূলে কুঠীরাঘাত করিতে সমর্থ হইতেন ।

লর্ড ডালহৌসী আপনাদের অনেকগুলি অস্ত্রবিধা দূর করিবার জন্য এই-রূপ বন্দোবস্ত করিতে ইচ্ছা করিয়াছিলেন । এই সকলের মধ্যে দুইটি অস্ত্র-বিধাই তাঁহার মতে প্রধান বোধ হইয়াছিল । উহার একটি এই—দিল্লীর ভূপতির এখন যে কিছু প্রাধান্য ছিল, তাহা ইঙ্গরেজের চক্ষুঃশূলস্বরূপ হইয়া উঠিয়াছিল । লর্ড ডালহৌসী এই প্রভু-শক্তির গোঁব রক্ষা করিতে সম্মত ছিলেন না । দিল্লীশরের নিকট কোনও বিষয়ে অবনতি পৌঁকার করা, তিনি অবমাননা বলিয়া বোধ করিতেন । যে কোন প্রকারেই হউক, সর্বত্র বণিক্ কোম্পানির প্রভু-শক্তি অপতিহত রাখাই তাঁহার একমাত্র উদ্দেশ্য ছিল । তিনি স্পষ্টাক্ষরে উল্লেখ করিয়াছেন, “ভারতবর্ষের অধিপতিগণ পূর্বে বাহাই থাকুন না কেন, এখন তাঁহাদের রাজকীয় সম্মান অন্তর্হিত হইয়াছে । এখন ব্রিটিশ গবর্ণমেন্ট ভারতবর্ষের অধিতীয় প্রভু হইয়া উঠিয়াছেন । দিল্লীশরের পূর্ন-পুরুষগণ যে প্রভু-শক্তির মহিমায় আপনাদের প্রাধান্য অক্ষুণ্ণ রাখিয়া-ছিলেন, এখন আমরা সেই প্রভু-শক্তি অধিকার করিয়াছি ; সুতরাং এখন দিল্লীর নাম-মাত্র সম্রাটকে আমাদের প্রতিযোগী করিয়া তুলার উচিত নয় * ।” পূর্বে উল্লেখ করা গিয়াছে যে, লর্ড ডালহৌসী ভারতের জাতীয় চরিত্র বুঝিতে পারেন নাই । ভারতের প্রাচীন রাজবংশের প্রতি তাঁহার কিছুমাত্র সমবেদনা ছিল না । ভারতবর্ষীয়গণ আপনাদের প্রাচীন বংশের প্রতি কিরূপ শ্রদ্ধা ও সম্মান প্রদর্শন করে, তাহা তিনি বুঝিতেন না । এক জন প্রাচীন রাজ্যাধিপতিকে তাঁহার অধিকার হইতে বিচ্যুত করিলে, সাধারণে কিরূপ বিরক্ত ও ক্ষুব্ধ হইয়া উঠে, তাহা তিনি জানিতেন না † । সুতরাং লর্ড ডালহৌসী ভারতবর্ষকে ভারতবর্ষীয়দিগের চক্ষে দেখিতেন না । দিল্লীর

* Minute. February 10, 1849. Comp. Kaye, Sepoy War, Vol. II. p. 16.

• † সিপাহীযুদ্ধের ইতিহাসের প্রথম খণ্ডে লর্ড ডালহৌসীর ভারতরাজ্যশাসনের সমালোচনা-গ্রন্থে এই বিষয় বিশদরূপে লিখিত হইয়াছে । উক্ত গ্রন্থের ২৫৮ পৃষ্ঠা হইতে ২৭২ পর্যন্ত পড়িলেই সঁসস্ত জানা হইবে । লর্ড ডালহৌসীর পর-রাষ্ট্র-গ্রন্থ নীতির সম্বন্ধে যে সমস্ত সঙ্কল্প ইঙ্গরেজ আপনাদের মত প্রকাশ করিয়াছেন, উক্ত গ্রন্থে তৎসমুদয়ও উক্ত করা হইয়াছে ।

রাজ্যাধিপতি ক্ষমতাহীন ও শোচনীয় দশাগ্রস্ত হইলেও সাধারণে তাঁহার চিরন্তন রাজ-উপাধির ও রাজবংশের কিরূপ আদর করিত, তাহা লর্ড ডালহৌসী বুঝেন নাই। পরিবর্তন-শীল সময় যদিও এখন সেই রাজবংশের পূর্ব-তন ধোরব নষ্ট করিয়াছিল, তথাপি সাধারণের পূর্ব-স্মৃতি মুছিয়া ফেলিতে সমর্থ হয় নাই। আপনাদের স্বার্থসাধনই লর্ড ডালহৌসীর একমাত্র উদ্দেশ্য হইয়া উঠিয়াছিল, সুতরাং তিনি সাধারণের এই অনুভূতি বা সমবেদনার কিছুমাত্র সম্মান করিলেন না। ব্রিটিশ গবর্নমেন্টের প্রভুশক্তির প্রাধান্য রক্ষার জন্য তিনি দিল্লীর মোগল ভূপতির রাজকীয় উপাধির বিরুদ্ধে সমুখিত হইলেন। বাহাদুর শাহের মৃত্যুর পর তাঁহার উত্তরাধিকারীকে এই রাজকীয় সম্মানে গৌরবাধিত করা এখন তাঁহার নিকট রাজ-নীতি-বিরুদ্ধ, অধিকন্তু অযৌক্তিক ও অপমানজনক বলিয়া বোধ হইল।

লর্ড ডালহৌসীর দ্বিতীয় প্রধান অসুবিধা—দিল্লীর রাজপ্রাসাদ আপনাদের দুর্গস্বরূপ করিতে সমর্থ না হওয়া। ঐ রাজ-প্রাসাদে তৈমুরবংশের বহুসংখ্যক ব্যক্তি অবস্থিত করিতেন। উহা উত্তর-ভারতের একটি প্রধান দুর্গ বলিয়া পরিগণিত হইত। উক্ত সুদৃশ্য দুর্গ পরের হস্তে রাখা লর্ড ডালহৌসীর একান্ত অনভিপ্রেত ছিল। কোনরূপে বৃদ্ধ ভূপতিকে স্থানান্তরিত করিয়া ঐ দুর্গ ব্রিটিশ কোম্পানির অধিকার-ভুক্ত করিতেই এখন তাঁহার ইচ্ছা হইল। দিল্লীর রাজ-প্রাসাদ অধিকার করিয়া তিনি উহাতে অস্ত্রাগার স্থাপন করিতে সচেষ্ট হইলেন*। তিনি এই বলিয়া আত্মপক্ষ সমর্থন

* লর্ড ডালহৌসী যখন এই অভিমত প্রকাশ করেন, তখন স্যার চার্লস্ নেপিয়ার ব্রিটিশ ভারতের প্রধান সেনাপতি ছিলেন। তিনি খ্রীঃ ১৮৪২ অব্দের ১০ই ডিসেম্বর রাজ-প্রাসাদে অস্ত্রাগার-স্থাপনসম্বন্ধে গবর্নরজেনারলের নিকট এই পত্র লেখেন—“অস্ত্রাগার সম্বন্ধে নিম্নলিখিত কতকগুলি আপত্তি আছে;—১ম। প্রাসাদ নগরের যে স্থলে অবস্থিত আছে, তাহার চারিদিকেই ঘন-সন্নিবিষ্ট লোকালয় রহিয়াছে। এই স্থলে বারুদাগার স্থাপন করিলে যদি উহা ফুটিয়া উঠে, তাহা হইলে বহুসংখ্যক লোকের জীবন নষ্ট হইতে পারে। ২য়। এতদ্বারা দিল্লীর মনোরম্য প্রাসাদও বিধ্বস্ত হইবে। ৩য়। ইহাতে গবর্নমেন্টের আশঙ্কিত ও অনেক ক্ষতি হইবে। ৪র্থ। উহা সুরক্ষিত নহে; উহার প্রাচীর সুদৃঢ় নয়। কতকগুলি লোক একত্র হইলেই অনায়াসে ঐ প্রাচীর ভাঙিতে পারে। এই সকল কারণে আমার মতে কোন

করিতে লাগিলেন যে, এই দুর্গ কোম্পানির হস্তগত হইলে, শত্রুর প্রবল আক্রমণ হইতে কোম্পানি আত্মরক্ষা করিতে সমর্থ হইবেন। সুতরাং এই রূপ উপযুক্ত স্থান হস্তগত করিতে কাল-বিলম্ব করা উচিত নয়। লর্ড ডালহৌসী বুদ্ধ বাহাদুর শাহের মৃত্যু পর্যন্ত অপেক্ষা করিতে ইচ্ছা করিলেন না। তিনি ভাবিলেন যে, বুদ্ধ ভূপতিকে প্রলোভন দিয়া অনায়াসেই স্থানান্তরিত করা যাইতে পারে। তিনি এই প্রস্তাব করিলেন যে, দিল্লীর প্রায় বার মাইল দক্ষিণে কুতবমিনার নামক প্রসিদ্ধ স্তম্ভের নিকট দিল্লীশরের আবাস-গৃহ রহিয়াছে। ঐ স্থানে এক জন মুসলমান যোগীর—বিশেষ বাহাদুর শাহের পূর্বপুরুষগণের সমাধি থাকাতে উহা দিল্লীর রাজবংশের নিকট পরম পবিত্র বলিয়া পরিগণিত হইয়া থাকে। বাহাদুর শাহকে সপরিবারে ঐ স্থানে আনিয়া রাখা যাইতে পারে। লর্ড ডালহৌসী এইরূপ অপরূপ যুক্তি দেখাইয়া অভীষ্ট সিদ্ধ করিতে উদ্যত হইয়াছিলেন।

উপরে যে দুইটি অস্থবিধার বিষয় লিখিত হইল, তাহা স্বার্থান্ধ ব্রিটিশ রাজপুরুষের নিকট অস্থবিধা বলিয়াই বোধ হইতে পারে। কিন্তু গবর্ণমেন্ট আপনাদের এই অস্থবিধা দূর করিতে উদ্যত হইলে, সাধারণে কত দূর সন্তুষ্ট হইবে, তাহা বোধ হয় লর্ড ডালহৌসী ভাবেন নাই। আপনাদের প্রাধান্ধ অক্ষর ও প্রভু-শক্তি অপ্রতিহত রাখিবার জন্ত অপরের চিরন্তন অধিকারে হস্তক্ষেপ করা লোকতঃ ও ত্রায়তঃ বিরুদ্ধ। বিশেষ যখন এক জনের অস্থগ্রহে আপনাদের আধিপত্যের ভিত্তি প্রতিষ্ঠিত হইয়াছে, তখন সময় বুঝিয়া সেই অস্থগ্রহকারীর সম্ভানের ক্ষমতা নষ্ট করিতে হস্ত প্রসারণ করা যার-পর-নাই অকৃতজ্ঞতার পরিচায়ক। কিন্তু লর্ড ডালহৌসীর হৃদয়ে এ সকল চিন্তা বা অনুভূতির আবির্ভাব হয় নাই। ভারতবর্ষবাসী অস্থগ্রহ করিলেও, তাহার নিকট যে, কৃতজ্ঞতা দেখাষ্টতে হয়, এরূপ ধারণা কখনও তাঁহার মনে

নিরাপদ স্থানে অস্ত্রাগার নির্মাণ করা উচিত। নগরের ৩৪ মাইল দূরে একটি শুদ্ধ বাড়ী আছে। উহা বেশ অস্ত্রাগার করা যাইতে পারে। কিন্তু উক্ত গৃহের জীর্ণ-সংস্কার করা বহু-ব্যয়-সাগ্য। নগরের নিকটে একটি উপযুক্ত অস্ত্রাগার নির্মাণ করিলে যেরূপ সুবিধা হইবে, তাহার তুলনায় উক্ত গৃহের জীর্ণ-সংস্কার-ব্যয় লাভজনক হইবে কি না, আমার সে বিষয়ে বিশেষ সন্দেহ আছে।”—Kaye, Sepoy War, Vol. II. p. 17, note.

উদ্ধিত হয় নাই। তিনি কেবল আপনাদের প্রাধান্য রক্ষার জন্ত এইরূপ সঙ্গীর্ণ রাজনীতির পরিচয় দিতে অগ্রসর হইয়াছিলেন; ইহাতে তাঁহার কিছু-মাত্র সমবেদনা দেখা যায় নাই। তিনি মন্ত্রি-সভার সদস্যগণের পরামর্শ গ্রহণ করিয়াও কর্তব্যপথ অবধারণ করেন নাই। আপনার সংস্কার ও ধারণায় যাহা ভাল বোধ হইয়াছিল, তাহাই করিতে উদ্যত হইয়াছিলেন; সুতরাং তাঁহার সিদ্ধান্ত ভূয়োদর্শনের উপর স্থাপিত হয় নাই। তিনি ভারতের প্রাচীন রাজবংশের সমুদয় চিহ্ন মুছিয়া ফেলিতে ইচ্ছা করিয়াছিলেন। এখন এই ইচ্ছা যাহাতে পূর্ণ হয়, তাহার দিকেই তাঁহার বিশেষ তীক্ষ্ণ দৃষ্টি ছিল।

লর্ড ডালহৌসীর এই মতের সমর্থন করিতে যাইয়া কেহ কেহ উল্লেখ করিয়াছেন যে, লর্ড ডালহৌসী দিল্লীর অধিপতির রাজকীয় সম্মান নষ্ট করার জন্য যে সুযোগ প্রতীক্ষা করিতেছিলেন, এখন সেই সুযোগ উপস্থিত হইয়াছিল। যখন বাহাদুর শাহ রাজ্যাধিপতি বলিয়া সম্মানিত হইতেছিলেন, তাঁহার রাজকীয় ক্ষমতা ও প্রাধান্যের নিকট যখন সকলকেই মস্তক অবনত করিতেছিল, ভারতের দিগন্তে দেশান্তে যখন তিনি প্রতাপাধিত মোগল সম্রাট বলিয়া পূজিত হইতেছিলেন, তখন দারাবখ্দের জন্ম হয়। দারাবখ্ৎ জীবিত থাকিলে তাঁহাকে বাজ-উপাধিতে বঞ্চিত করা অপেক্ষাকৃত দুঃস্থ হইত। যেহেতু তাঁহার স্মৃতিতে পিতার সেই রাজকীয় সম্মান, সেই রাজকীয় গৌরব, সেই প্রভূত ক্ষমতা ও সেই দিগন্তবিশ্রুত আধিপত্যের কথা পূর্ণমাত্রায় বিরাজ করিত। সুতরাং তিনি সহজে আত্মসম্মানের অবমাননা করিতে প্রস্তুত হইতেন না। কিন্তু ফকির উদ্দীনের সম্বন্ধে ইহার কিছুই ঋটিতে পারে না। যখন ফকির উদ্দীনের জন্ম হয়, তখন বাহাদুর শাহ কোম্পানির নির্দিষ্ট বৃত্তিভোগী হইয়াছিলেন। তাঁহার প্রভুশক্তি তখন সম্বুচিত হইয়া আসিয়াছিল। তাঁহার পূর্বপুরুষ যে সময়ে দিল্লীর ধর্মসিংহাসনে উপবিষ্ট হইয়া, সমগ্র ভারতের অধিতীয় অধিপতি বলিয়া সম্মানিত হইতেন, সে সময় তখন অতীত কালের তরঙ্গে ভাসিয়া গিয়াছিল। ফকির উদ্দীন সেই সময়ের সেই প্রভু ও আধিপত্যের বিকাশ নিজে কিছুই দেখেন নাই। সুতরাং সে সময়ের সেই অপূর্ব চিত্র তাঁহার স্মৃতিপটে প্রতিফলিত হয় নাই।

এ অবস্থায় ফকির উদ্দীনকে বাহাহুর শাহের উত্তরাধিকারী করিয়া, তাঁহার রাজ-উপাধির গৌরব নষ্ট করা, বড় একটা দুর্ভাগ্য ব্যাপার নয়। তাঁহার পিতার যে সকল ক্ষমতা ছিল, সেই সকল ক্ষমতায় তাঁহাকে বঞ্চিত করাও ন্যায়বিরুদ্ধ নয়*। যখন ফকির উদ্দীন জন্মগ্রহণ করেন, তখন বাহাহুর শাহ নির্দিষ্ট বৃত্তি ভোগ করাতে ইংরেজ ঐতিহাসিক এইরূপ যুক্তি বিন্যস্ত করিয়াছেন। বাহাহুর শাহ কোম্পানির বৃত্তিভোগী হইলেও তাঁহার চিরন্তন ক্ষমতা ও অধিকারের উপর কোনরূপ হস্তক্ষেপ করা হয় নাই। বাহাহুর শাহ সে সময়েও সকলকে সনন্দ দিতে পারিতেন, সকলকে খেলাত দিয়া আত্মপ্রাধান্যের পরিচয় দিতে সমর্থ হইতেন, এবং কোন অভিনব প্রদেশাধিকারে সকলকে অনুমতি দিয়া সর্বোপরি তন প্রভু-শক্তির নিদর্শন দেখাইতে পারিতেন। সুতরাং বৃত্তিভোগী ভূপত্যিকে কেহই তাঁহার বংশোচিত ক্ষমতা বা অধিকার-শূন্য বলিয়া মনে করিত না। কুমার ফকির উদ্দীন বৃদ্ধ পিতার এই ক্ষমতা ও প্রাধান্য দেখিয়া আসিতেছিলেন। ইহাতে তাঁহার অবশ্য দৃঢ় বিশ্বাস জন্মিয়াছিল যে, তাঁহার পূর্ব-পুরুষ এক সময়ে সমস্ত ভারতের অধিতীয় সম্রাট হইয়া এইরূপ প্রাধান্যের পরিচয় দিতেন। সুতরাং আপনাদের এইরূপ প্রাধান্যের বিষয় তাঁহার বেশ মনে ছিল। তাঁহার পিতা নির্দিষ্ট বৃত্তিভোগী হইলেও, যখন সেই সম্মান ভোগ করিতেছিলেন, তখন তাঁহাকে উহাতে বঞ্চিত করা কখনও গ্যায়পরতার অনুমোদিত হইতে পারে না। যদি অপক্ষপাতে বিচার করা যায়, তাহা হইলে, এই সিদ্ধান্তই সূনীতির অনুমোদিত বলিয়া বোধ হইবে। আর যদি কৃতজ্ঞতার কথা তুলা যায়, তাহা হইলেও, এই সিদ্ধান্তের নিকট ব্রিটিশ গবর্নমেন্টকে অবশ্য মস্তক অবনত করিতে হইবে। বাহাহারা ন্যায়ের শাসন অতিক্রম করিয়া যথেষ্টারের পরিচয় দিতে অগ্রসর হন, তাঁহাদের নিকট ইহা অপসিদ্ধান্ত হইতে পারে। কিন্তু ন্যায়পর হৃদয়দর্শী বিচারকের নিকট ইহার কখনও কোনরূপ অবমাননা হইবে না।

লর্ড ডালহৌসীর অভিমত বিলাতের ডিরেক্টর-সভার গোচর হইল। ডিরেক্টরেরা এ সম্বন্ধে তর্কবিতর্ক করিতে লাগিলেন। এ সময় ডিরেক্টরদিগের মধ্যে দুই এক জন ডালহৌসীর মতের প্রধান পরিপোষক ছিলেন। কেহ

* Kaye, Sepoy War, Vol. II. p. 15.

কেহ কখন কখন তাঁহার রাজ-নীতির বিরুদ্ধে মত প্রকাশ করিতেন, আর এক দল দূর-দর্শিতা, ন্যায়-পরতা ও উদারতায় সকলের অগ্রণী ছিলেন। শেষে এই পক্ষেরই জয় হইল। ডিরেক্টরদের অধিকাংশ লর্ড ডালহৌসীর প্রস্তাব অগ্রাহ্য করিলেন। তাঁহাদের এই অভিমত যখন বোর্ড অব্‌ কন্ট্রোলে উপনীত হইল, তখন বোর্ড আবার তৎসম্বন্ধে বাদানুবাদে প্রবৃত্ত হইলেন। বোর্ড ডিরেক্টর-সভার ন্যায় ততটা উদার মতের পক্ষপাতী ছিলেন না। সুতরাং ডিরেক্টরদিগের সিদ্ধান্ত তাঁহাদের অনুমোদিত হইল না, তাঁহারা লর্ড ডালহৌসীরই সমর্থন করিতে লাগিলেন। এ বিষয়ে বোর্ডের সহিত ডিরেক্টরদিগের অনেক বাদানুবাদ চলে, অনেক মন্তব্য-লিপি লেখালেখি হয়। ডিরেক্টরসভা স্পষ্টাক্ষরে নির্দেশ করেন যে, গবর্ণর-জেনেরল নিজে কেবল এইরূপ প্রস্তাব করিয়া পাঠাইয়াছেন। এ সম্বন্ধে মন্ত্রি-সভার সদস্যদিগের অভিমত জানা যায় নাই। গবর্ণরজেনেরল যে প্রস্তাব করিয়াছেন, তাহাতে উদারতা বা দূরদর্শিতা প্রকাশ পায় নাই। এই প্রস্তাব কার্যে পরিণত হইলে, ভারতবর্ষের সমস্ত মুসলমান বিরক্ত হইয়া উঠিবে। দিল্লীর ভূপতির অভিমত লইয়া তাঁহাকে স্থানান্তরিত করিতে তাঁহারা প্রস্তুত আছেন। কিন্তু তাঁহারা, বলপূর্বক ভূপতিকে অশ্রু স্থানে লইয়া যাওয়ার প্রস্তাবের বিরোধী। ইহাতে ভারতের এক প্রান্ত হইতে আর এক প্রান্ত পর্য্যন্ত গভীর আন্দোলন উপস্থিত হইবে, এবং গবর্ণ-মেন্টের উপর সকলেরই অবিশ্বাস জন্মিবে। দীর্ঘকালের চেষ্টাতেও প্রজা-সাধারণের এই অবিশ্বাস অপসারিত হইবে না। ইহার পর ডিরেক্টরগণ এই বলিয়া আপনাদের উদার অভিমত-লিপির উপসংহার করেন,—“যদি আমা-দের প্রস্তাব রক্ষিত না হয়, বোর্ড যদি আমাদের অভিমতের বিরুদ্ধে দিল্লীর অধঃপতিত ভূপতির প্রতি কঠোরতা দেখাইতে উদ্যত হন, তাহা হইলেও আমরা আপনাদের পূর্বতন অভিমতের অগুমাত্রও পরিবর্তন করিব না। একটি প্রাচীন রাজবংশের প্রতি যেরূপ অবিচার করা হইতেছে, তাহার দায়িত্ব আমরা লইতে প্রস্তুত নহি। ইহাতে আমাদের ভারত-সাম্রাজ্যের প্রজাসাধারণের হৃদয়ে গভীর বিরাগের আবির্ভাব হইবে এবং ভারতবর্ষে বা অশ্রু ত্রিটিশ গবর্ণমেন্টের যে সুনাম বা ক্রমতা আছে, তাহারও অনেক

ক্ষতি হইবে।” কিন্তু ডিরেক্টরদিগের এই শেষ আবেদন—উদারতা, সম-
দর্শিতা ও ত্রাণপরতার এই শেষ প্রার্থনাও বিফল হইল। বোর্ড কিছুতেই
আপনাদের নির্দিষ্ট পথ হইতে স্থলিত হইলেন না। তাঁহাদের অটলতা,
তাঁহাদের স্থিরতা এবং অনুদার নীতির অগৌরব সম্পাদনে তাঁহাদের দৃঢ়তা
কিছুতেই পর্য্যুদত্ত হইল না। ১৮৪৯ অক্টোবর শেষ দিন তাঁহারা আপনাদের
মস্তব্য ভারতবর্ষের গবর্ণরজেনেরলের নিকট পাঠাইবার আদেশ দিলেন।

ডিরেক্টরদিগের মধ্যে য়াঁহারা আপনাদের উদার রাজনীতির সম্মান
রাখিতে বিশেষ প্রয়াস পাইয়াছিলেন, তাঁহাদের মধ্যে টুকর সাহেবের নাম
সর্বপ্রথমে উল্লেখ করা উচিত। এই সময়ে টুকরের বয়স প্রায় আশী বৎসর
হইয়াছিল। বয়সের আধিক্যে তাঁহার মনস্তিতা বা স্থিরতা কিছুমাত্র বিচলিত
হয় নাই। দূরদর্শী বর্ষীয়ান পুরুষ দৃঢ়তার সহিত কহিয়াছিলেন,—“দিল্লীর
রাজবংশীয়দিগকে যে, প্রলোভন দেখাইয়া স্থানান্তরিত করা যাইবে, ইহা
আমি ক্ষণকালের জন্যও বিশ্বাস করিতে পারি না। আপনাদের পৈতৃক
ভদ্রাসনের উপর ভারতবর্ষীয়দিগের বিরূপ মমতা, তাহা য়াঁহারা ভারতবর্ষের
অধিবাসীদিগের আচার ব্যবহারের বিষয় কিছুমাত্র অবগত আছেন, তাঁহা-
রাই বুঝিতে পারিবেন। উপস্থিত বিষয়ে এই মমতাবৃদ্ধির কতকগুলি
বিশেষ কারণ আছে। পূর্বগৌরব ও পূর্বসমৃদ্ধির জন্ত দিল্লীর রাজ-
প্রাসাদ অধঃপতিত রাজবংশীয়দিগের একান্ত শ্রদ্ধা ও প্রীতির বিষয় হইয়াছে।
যদি রাজবংশীয়দিগকে এখন স্থানান্তরিত করিতে হয়, তাহা হইলে সৈনিক-
বলের সাহায্য গ্রহণ করিতে হইবে। ইহাতে ব্রিটিশ গবর্ণমেন্টের য়ার-পর-
নাই অনুদারতা প্রকাশ পাইবে, এবং ব্রিটিশ নামেও য়ার-পর-নাই কলঙ্ক
স্পর্শিবে। লর্ড ডালহৌসীর কার্যদক্ষতার উপর আমার বিশেষ শ্রদ্ধা
আছে। কিন্তু বোধ হয় যে, অত্র লোকের মুখে সকল বিষয় শুনাতে তিনি
ভারতবাসীদিগের আচার ব্যবহার এবং সংস্কার ও ধারণার সম্বন্ধে অভি-
জ্ঞতা সংগ্রহ করিতে পারেন নাই।” কিন্তু বৃদ্ধ রাজনীতিজ্ঞের এই উদার মত
বোর্ড অংকট্টালের অনুমোদিত হয় নাই। বোর্ড রাজনীতির অবমাননা
করিয়া যথেষ্টাচারের প্রশ্রয় বৃদ্ধি করেন। য়াঁহারা দীর্ঘকাল ভারতবর্ষে
বাস করিয়া, অভিজ্ঞতা সংগ্রহ করিয়াছেন, দীর্ঘকাল ভারতবর্ষীয়দিগের মধ্যে

খাঙ্কিয়া তাহাদের আচার ব্যবহারের তত্ত্বজ্ঞ হইয়াছেন, তাঁহাদের অভি-
মত বোর্ডের নিকট উপেক্ষিত হয় ।

বিলাতের কর্তৃপক্ষের মন্তব্যলিপি ১৮৫০ অব্দের বসন্তকালে লর্ড ডাল-
হৌসীর নিকট উপস্থিত হয়। এ বিষয়ে যে, ডিরেক্টরসভা ও বোর্ডের
মধ্যে ঘোরতর তর্কবিতর্ক হইয়াছিল, তাহা লর্ড ডালহৌসী পূর্বেই
জানিতে পারিয়াছিলেন। এখন কর্তৃপক্ষের আদেশলিপি তাঁহার নিকট
পৌঁছছিল, কিন্তু এখন তিনি পূর্কসঙ্কল্প অনুসারে কার্য্য করিতে ইতস্ততঃ
করিতে লাগিলেন। বিলাতের কর্তৃপক্ষ যদিও তাঁহাকে, তাঁহার প্রস্তাব
কার্য্যে পরিণত করিতে ক্ষমতা দিয়াছিলেন, তথাপি এখন তাঁহার মনে যেন
কেমন একটা সন্দেহ জন্মিল। তিনি এ সম্বন্ধে কহিয়াছেন, “বিলাতের কর্তৃপক্ষ
আমাকে উপস্থিত বিষয়ে সমস্ত ক্ষমতা সমর্পণ করিয়াছেন বটে, কিন্তু আমি
জানিতে পারিয়াছি যে, দিল্লীর ভূপতির সম্বন্ধে আমি যে প্রস্তাব করিয়াছিলাম,
তাহা অনেক দূরদর্শী ও ভারতের অবস্থাভিজ্ঞ রাজপুরুষের অনুমোদিত হয়
নাই। এখন যদিও আমার পূর্কসঙ্কল্প দৃঢ়তর রহিয়াছে, তথাপি যখন এই
সকল দূরদর্শী রাজপুরুষ বিরুদ্ধমত প্রকাশ করিয়াছেন, তখন আমি উপস্থিত
বিষয় শীঘ্র শীঘ্র সম্পন্ন করিবার কোনও প্রয়োজন দেখিতেছি না।” এইরূপে
টুকর-প্রমুখ অভিজ্ঞ ডিরেক্টরের গুরুতর আপত্তি দেখিয়া, লর্ড ডালহৌসী
আপাততঃ নিরস্ত হইলেন। তিনি তাড়াতাড়ি যে রাজনীতিবিরুদ্ধ কার্য্য-
সম্পাদনে অগ্রসর হইয়াছিলেন, তাহা আপাততঃ স্থগিত রহিল। ডালহৌসী
ইহার মধ্যে মন্ত্রিসভার সভ্যদিগের মত জানিতে উদ্যত হইলেন।

যখন দিল্লীর রাজপ্রাসাদ ও রাজসিংহাসন লইয়া তর্কবিতর্ক হইতেছিল,
তখন বুদ্ধ বাহাহুর শাহ আপনার প্রিয়তম মহিষী জেনতমহলের বিশেষ
অনুরোধে ফকির উদ্দীনের বিরুদ্ধ পক্ষ অবলম্বন করেন। পূর্কে উক্ত হইয়াছে,
জেনতমহলের জোয়ানবখ্ত নামে একটি পুত্র ছিল। এই রাজকুমারের
বয়স এখন এগার বৎসর হইয়াছিল। জেনতমহলের একান্ত ইচ্ছা ছিল যে,
জোয়ানবখ্ত বাহাহুর শাহের স্থলে দিল্লীর রাজসিংহাসনে উপবিষ্ট হয়।
অভীষ্টসিদ্ধির জন্ত তিনি বুদ্ধ ভূপতিকে আপনার মতানুসারে কার্য্য করিতে
বাধ্য করেন। বাহাহুর শাহ মহিষীর কথামত ফকির উদ্দীনের সম্বন্ধে এই

আপত্তি উপস্থিত করেন যে, তাঁহার বংশে নিয়ম আছে, যদি রাজকুমারদিগের মধ্যে কাহারও কোনরূপ অক্ষুদ্র হয়, তাহা হইলে তাহার রাজসিংহাসন-প্রাপ্তির কোন অধিকার থাকে না। ফকির উদ্দীনের অক্ষুদ্র হইয়াছে, সুতরাং রাজসিংহাসনে তাঁহার কোনও অধিকার নাই। দিল্লীর পূর্বতন সম্রাটগণের অক্ষুদ্র হয় নাই*। বুদ্ধ বাহাদুরের এই আপত্তি গবর্নরজেনেরলের গোচর হইল। কিন্তু লর্ড ডালহৌসী কোনরূপ চূড়ান্ত আদেশ দিলেন না। তিনি

* বাহাদুর শাহের আপত্তির মূল ছিল। হুমায়ূনের পর দিল্লীর সম্রাটগণের কাহারও অক্ষুদ্র হয় নাই। আকবর শাহ হইতে এই প্রথা চলিয়া আসিতেছিল। তবে আকবরের পুত্র-বর্ডা সম্রাটগণ অক্ষুদ্র-প্রথার অনুবর্ত্তা হইতেন বটে, কিন্তু আকবর শাহের সময় হইতে ডহা মোগলরাজবংশের মধ্যে লোপ হয়। এ সম্বন্ধে মোঃনবী মৈয়দ আহম্মদ সিপাহীযুদ্ধের ইতিহাস-প্রণেতা কে সাহেবকে এইরূপ লিখিয়াছিলেন।;—“তৈমুরের সময় হইতে, মোঃনবীশের কাহারও অক্ষুদ্র হইলে তিনি যে, সিংহাসন পাইতেন না, ইহা ঠিক নহে। তৈমুর হইতে হুমায়ূন পর্য্যন্ত সকল মোগল সম্রাটেরই অক্ষুদ্র হইয়াছিল। পরে এই সকল কারণে উক্ত প্রথার লোপ হয় :—

যখন আকবরের জন্ম হয়, তখন তাঁহার পিতা হুমায়ূন শের শাহের সহিত যুদ্ধে পরাজিত হইয়া, পারস্যে অবস্থিত করিতেছিলেন। এই সময়ে হুমায়ূন এরূপ দুর্দশাগ্রস্ত হইয়াছিলেন যে, তিনি নবজাত পুত্রের অক্ষুদ্র করিবার সুযোগ প্রাপ্ত হন নাই। যখন হুমায়ূন দিল্লীর সিংহাসন পুনরধিকার করেন, তখন আকবরের বয়স ১২ বৎসর, সুতরাং অক্ষুদ্রের সময় অর্থাৎ হইয়াছিল। রাজ্যপুত্র-প্রাপ্তির প্রায় ছয় মাস মধ্যেই হুমায়ূনের মৃত্যু হয়, সুতরাং মুগলমান সম্প্রদায়ও এ সম্বন্ধে কোনরূপ উচ্চবাচ্য করেন নাই। বিশেষ হৃদয়গণ যেমন এই প্রথা অবশ্য পালনীয় ও অতি প্রয়োজনীয় বলিয়া মনে করেন, মুগলমানগণ তেমন করেন না।

আকবর হিন্দুদিগের সহিত বৈবাহিক সম্বন্ধ স্থাপন করেন। মোগল রাজবংশে অনেক হিন্দু-রাজকুমারীর বিবাহ হয়। ইহাতে অনেক হিন্দু-আচার ও হিন্দুরীতি মোগলবংশে প্রতিষ্ঠিত হইতে থাকে। এইরূপে হিন্দু-রাজকুমারদিগের যে সকল পুত্রসন্তান ভূমিত হয়, হিন্দুধর্ম্মানুসারে তাহাদের অক্ষুদ্র রহিত হইয়া যায়। কিছুকাল মধ্যে হিন্দুরীতি মোগলসম্রাটবংশে এরূপ বদ্ধমূল হয় যে, উক্ত প্রথা সমূলে বিনষ্ট হইয়া যায়। কোন শারীরিক কারণে ফকির উদ্দীনের অক্ষুদ্র হয়। কিন্তু ইহাতে তাঁহার সিংহাসনপ্রাপ্তির কোনও প্রতিবন্ধক উপস্থিত হইতে পারে না। বাহাদুর শাহ তাঁহার মহিষীর জাঁড়াপুতুলধরূপে ছিলেন। এই মহিষী ফকির উদ্দীনের সিংহাসনপ্রাপ্তির বিরুদ্ধে এইরূপ অলৌকিক আপত্তি উপস্থিত করেন।”—Kaye, Sepoy War, Vol. II. Appendix, p. 685-686.

কেবল সুযোগ প্রতীক্ষা করিতেছিলেন। কিরূপে অবলীলায় আপনার অভীষ্ট সিদ্ধ হইতে পারে, তাঁহার কেবল সেই দিকে দৃষ্টি ছিল। তিনি ফকির উদ্দীনকেই বাহাহুর শাহের উত্তরাধিকারী করিতে কৃতসঙ্কল্প হইয়াছিলেন। যেহেতু, ফকির উদ্দীন বয়োজ্যেষ্ঠ, অধিকতর, ইঙ্গরেজ-সমাজের অনুরক্ত। এই ইঙ্গরেজপ্রিয় রাজকুমারকে সিংহাসন দিলে লর্ড ডালহৌসী অন্যায়সে ইঁহাকে আপনাদের নির্দিষ্ট নিয়মে আবদ্ধ করিয়া, অভীষ্ট বিষয়ে কৃতকাৰ্য্য হইতে পারিবেন। সুতরাং তিনি বৃদ্ধ বাহাহুরের আপত্তি শুনিয়া, আপাততঃ কোন উত্তর দিলেন না।

এ দিকে গবর্নরজেনেরলের মন্ত্রিসভার সদস্যগণ উপস্থিত বিষয়ে ভিন্ন ভিন্ন মত প্রকাশ করিতে লাগিলেন। মন্ত্রিসভায় তিন জন সভ্য (স্যার ফ্রেডরিক কারি, স্যার জন লিট্‌লার ও জন লোইস্) ছিলেন। স্যার ফ্রেডরিক কারি কহিলেন, বাহাহুর শাহের ষেরূপ বয়স হইয়াছে, তাহাতে তাঁহার মৃত্যুসময় অধিক দূরবর্তী নহে। ভূপতির মৃত্যু হইলে তাঁহার উত্তরাধিকারীর সহিত দিল্লীর রাজপ্রাসাদ পরিত্যাগ করার সম্বন্ধে সুবিধামত বন্দোবস্ত করা যাইবে। সেনাপতি লিট্‌লারের মতেও উপস্থিত প্রস্তাব সঙ্গত বলিয়া বোধ হইল না। তাঁহার বিশ্বাস যে, ভারতবর্ষের মুসলমান-সম্প্রদায় মোগলরাজ-বংশের সাতিশয় সম্মান করিয়া থাকে। এখন এই বংশের কোনরূপ অবমাননা করিলে তাহারা সকলেই বিরক্ত ও উত্তেজিত হইয়া উঠিবে। এজন্য তাঁহার মতে উপস্থিত বিষয় তাড়াতাড়ি সম্পন্ন না করিয়া, ধীরভাবে কিছুকাল অপেক্ষা করা উচিত। ভূপতিকে বলপূর্বক স্থানান্তরিত না করিয়া ধীরে ধীরে তাঁহার মত লইয়া, তাঁহাকে অন্য স্থানে লইয়া যাওয়া কর্তব্য। কিন্তু সিবিল কর্মচারী লোইস, সেনাপতি লিট্‌লারের এই কথায় উপহাস করিয়া কহেন যে, ভারতবর্ষের মুসলমানগণ যে, দিল্লীর ভূপতির অনুরক্ত, ইহা তিনি- বিশ্বাস করেন না। যদি মুসলমান-সম্প্রদায় মোগল ভূপতির প্রতি অহুরাগই প্রদর্শন

জেনতম্‌হল অভীষ্টসিদ্ধির জন্য ষেরূপ কৌশল অবলম্বন করিয়াছিলেন, তাহাতে তাঁহার তীক্ষ্ণবুদ্ধির পরিচয় পাওয়া যায়। বলা বাহুল্য, ফকির উদ্দীন তাঁহার গর্ভজাত সন্তান হইলে তিনি কখনও এই কৌশল অবলম্বন করিতেন না।

করে, তাহা হইলে যত শীঘ্র ভূপতিকে “সম্রাট” উপাধিতে বক্ষিত ও স্থানা-
স্তরিত করা যায়, ততই ভাল ।

মন্ত্রিসভার সভ্যগণ এইরূপে আপনাদের মত প্রকাশ করিলে, অবশেষে
স্থির হইল যে, দিল্লীর বর্তমান ভূপতির মৃত্যু পর্য্যন্ত উপস্থিত বিষয়ে কিছু করা
হইবে না । বাহাহুর শাহের মৃত্যু হইলে ফকিরউদ্দীনকে রাজ-উপাধির যোগ্য
বলিয়া স্বীকার করা যাইবে । কিন্তু তাঁহার আর এক জন প্রতিদ্বন্দ্বী থাকিতে
তাঁহার নিকট হইতে আমাদের অভীষ্ট বিষয় লাভের সুবিধা দেখিতে হইবে ।
তাঁহাকে রাজপ্রাসাদ পরিত্যাগ করিয়া কুতবে বাস করার জন্য প্রলোভন
দেওয়া হইবে । আবশ্যক হইলে এই উদ্দেশ্যসাধনের জন্ত কিছু অতিরিক্ত দুষ্টি
দেওয়ারও বন্দোবস্ত করা যাইবে । মন্ত্রিসভার এই শেষ মীমাংসা দিলাতের
কর্তৃপক্ষকে জানান হইল । কর্তৃপক্ষ উহার অনুমোদন করিয়া, গবর্নমেন্টে-
রলকে পত্র লিখিলেন ।

লর্ড ডালহৌসী যখন জানিতে পারিলেন যে, তাঁহার প্রস্তাব কর্তৃপক্ষের
অনুমোদিত হইয়াছে, তখন তিনি গবর্নমেন্টের অভিপ্রায়, ফকিরউদ্দীনকে
গোপনে জানাইবার জন্ত দিল্লীর এজেন্ট স্যার তমাস্ (কোন কোন মতে থিও-
ফিলাশ্) মেটকাফ্ সাহেবকে আদেশ দিলেন । অবিলম্বে ফকিরউদ্দীনের সহিত
এজেন্টের সাক্ষাৎ হইল । এজেন্ট গবর্নমেন্টের অভিপ্রায় জানাইলেন । ফকির-
উদ্দীন গবর্নমেন্টের প্রস্তাবে অসম্মতি প্রকাশ করিলেন না ; তবে এইমাত্র
কহিলেন যে, তাঁহার রাজকীয় উপাধি পূর্ববৎ থাকিলে, তিনি গবর্নমেন্টের
প্রস্তাব অনুসারে দিল্লীর রাজপ্রাসাদ পরিত্যাগ করিয়া কুতবে নামক স্থানে
যাইতে প্রস্তুত আছেন । ফকিরউদ্দীন যে, এত সহজে গবর্নমেন্টের প্রস্তাবে
সম্মতি প্রকাশ করিবেন, ব্রিটিশ এজেন্ট তাহা পূর্বের কখনও ভাবেন নাই ।
এখন অতি সহজে উপস্থিত বিষয়ের মীমাংসা হইল দেখিয়া, তিনি মনে মনে
বড় সন্তুষ্ট হইলেন । সেই সময় একখানি অঙ্গীকারপত্র প্রস্তুত হইল ।
ফকিরউদ্দীন এই অঙ্গীকারপত্রে স্বাক্ষর করিলেন । উপস্থিত বিষয় যে, যখনিয়মে
লক্ষ্মণ হুইল, তাহার পমাণ জন্য কয়েক জন সাক্ষীর নামও উহাতে স্থান
পাইল । এইরূপে গোপনে গোপনে ব্রিটিশ এজেন্ট আপনাদের অনুকূল অঙ্গী-
কারপত্রে ফকিরউদ্দীনের স্বাক্ষর করিয়া লইলেন, গোপনে গোপনে গবর্নমেন্ট

আপনার অভিপ্রায়-সিদ্ধির সমস্ত আয়োজন করিলেন। অঙ্গীকারপত্র যথানিয়মে মোহর করা হইল। সুতরাং উহা গবর্ণমেন্টের চিরপোষিত কামনা পূর্ণ করার একখানি প্রধান দলিল হইয়া উঠিল। কাজ শেষ হইয়া গেল। ফকির-উদ্দীন রেসিডেন্টের নিকট বিদায় লইয়া, আবাস-গৃহে প্রত্যাগত হইলেন।

অতি সহজে বাহাহর শাহের উত্তরাধিকারীকে, আপনাদের অভীষ্ট বিষয় সম্পাদনে অঙ্গীকার-বদ্ধ করাতে গবর্ণমেন্ট সাতিশয় সন্তুষ্ট হইলেন বটে, কিন্তু যিনি অঙ্গীকার-বদ্ধ হইলেন, তাঁহার কিছুমাত্র সন্তোষ জন্মিল না। পূর্বপুরুষাগত রাজ-প্রাসাদ পরিত্যাগ করা তিনি বার-পর-নাই অপমানের বিষয় মনে করিয়াছিলেন। আপনাদের এই প্রাসাদ পরিত্যাগ করিয়া স্থানান্তরে নিকাশিত হইলে যে, আস্ত্র মর্গ্যাদার ক্ষতি হইবে, তাহাও তাঁহার হৃদয়ঙ্গম হইয়াছিল। কিন্তু ব্রিটিশ গবর্ণমেন্টের অভিপ্রায়ের বিরুদ্ধে কায্য করা তাঁহার ক্ষমতায়ত্ত ছিল না। রেসিডেন্ট যখন তাঁহাকে পীড়াপীড়ি করিতে লাগিলেন, তখন তিনি উপায়ান্তর না দেখিয়া বার-পর-নাই ঘৃণা ও বিরাগের সহিত অঙ্গীকারপত্রে স্বাক্ষর করেন। এই ঘৃণা ও বিরাগ তাঁহার হৃদয় হইতে অপসারিত হয় নাই। উহার তীব্র আবেগে তিনি কাতর হইলেন। পিতার উত্তরাধিকারী হওয়ার জন্য তাঁহার কিছুমাত্র আফ্লাদের আবির্ভাব হইল না। ক্ষুদ্রশোচনার প্রবল আঘাতে এই আফ্লাদ সমূলে বিনষ্ট হইয়া গেল।

ব্রিটিশ রেসিডেন্ট ও ফকিরউদ্দীনের মধ্যে উপস্থিত মীমাংসা গোপনে হইলেও, উহা দীর্ঘকাল বৃদ্ধ ভূপতি ও তাঁহার মহিষীর অবিদিত রহিল না। জেনতমহল আপনাদের গৌরবের ক্ষতিকর অঙ্গীকারের কথা শুনিয়া বড় বিরক্ত হইলেন। যুগপৎ ক্ষোভ, অভিমান ও বিরাগের তরঙ্গে তাঁহার হৃদয় আন্দোলিত করিতে লাগিল। তিনি দুঃসহ মনোযাতনায় অধীর হইয়া প্রতি মুহূর্তে অবশস্তাবী অধঃপতনের বিভীষিকা দেখিতে লাগিলেন।

বৃদ্ধ বাহাহর শাহ অভীষ্ট বিষয়ে ভগ্নোৎসাহ হইলেন বটে, কিন্তু একবারে হতাশ হইয়া পড়িলেন না। তিনি এখনও আপনদের কনিষ্ঠ পুত্রকে সিংহাসন দিবার নিমিত্ত ব্রিটিশ গবর্ণমেন্টকে অনুরোধ করিতে লাগিলেন; তাঁহার আশা ছিল যে, আপনায় প্রিয়তম মহিষীর যত্নে এক সময়ে জোয়ান-বৃদ্ধের অদৃষ্ট প্রসন্ন হইবে। তিনি যেরূপ জরাজীর্ণ হইয়াছিলেন, তাহাতে

সর্বদাই মৃত্যুসময় অতি নিকটবর্তী ভাবিতেন। কিন্তু তিনি বাহা ভাবিয়াছিলেন, ঘটনাচক্রে তাহার বৈপরীত্য ঘটিল। বুদ্ধ বাহাহুর জীবিত রহিলেন, তাঁহার কনিষ্ঠ পুত্রের প্রতিদ্বন্দ্বী ফকিরউদ্দীন লোকান্তরিত হইলেন। খ্রীঃ ১৮৫৬ অব্দের ১০ই জুলাই এই ঘটনা হয়। অসময়ে অতর্কিত ভাবে ফকিরউদ্দীনের প্রাণ-বায়ু বিহীন হইয়া গেল। অনেকে সন্দেহ করেন, বিষপ্রয়োগে তাঁহার মৃত্যু হইয়াছিল*। মৃত্যুসময় আসন্ন হইলে, দিল্লীশরের চিকিৎসক আমানুল্লা তাঁহার নিকট উপস্থিত হন। কিন্তু এই সময়ে তাঁহার প্রদত্ত ঔষধ কোন কার্যকর হয় নাই। কিয়ৎক্ষণমধ্যেই ফকিরউদ্দীনের প্রাসাদ মর্শভেদী রোদন-ধ্বনিতে পূর্ণ হয়। ইহার কিছুকাল পরেই, রাজপ্রাসাদে বুদ্ধ ভূপতির নিকট তাঁহার পুত্রের মৃত্যু-সংবাদ পহুছে।

বুদ্ধ বাহাহুর শাহ মহিষীর পরামর্শে ফকিরউদ্দীনের পরিবর্তে জোয়ান-বখ্তকে রাজ্যাধিকারী করিতে প্রয়াস পাইয়াছিলেন বটে, কিন্তু ফকিরউদ্দীনের প্রতি কখনও স্নেহশূন্য হন নাই। এখন পুত্রের মৃত্যু-সংবাদে তিনি অধীর হইয়া শোক প্রকাশ করিতে লাগিলেন। জেনতমহল তাঁহাকে সান্ত্বনা করিতে বিশেষ চেষ্টা করেন। ক্রমে শোকের আবেগ মন্দীভূত হয়। জেনতমহলের উৎসাহে বুদ্ধ ভূপতি ক্রমে আবার জোয়ানবখ্তের পক্ষ-সমর্থনে উদ্যত হন। ফকিরউদ্দীনের মৃত্যুর পরদিন যখন ব্রিটিশ এজেন্ট রাজপ্রাসাদে আগমন করেন, তখন বাহাহুর শাহ জোয়ানবখ্তকে আপনার সিংহাসন দিবার প্রস্তাব করিতে বিমুগ্ধ হন নাই। ইহার পরদিন আর এক জন

* এই দিনের রাজপ্রাসাদের দৈনন্দিন লিপিতে এইরূপ লিখিত আছে,—“রাজকুমার ক্রুধার্ত হওয়াতে ভাবেন যে, খালি পেটে থাকিলে পিতৃ বৃদ্ধি হইতে পারে। এজন্য তিনি তরকারির সহিত কিছু রুটি ভোজন করেন। তৎক্ষণাৎ তাঁহার বমি হইতে থাকে। অনবরত বন্দ-প্রযুক্ত তিনি বড় দুর্গল হইয়া পড়েন। তাঁহাকে রোগ-মুক্ত করিবার জন্য বিশেষ চেষ্টা করা হয়, কিন্তু কিছুতেই কিছু হয় না। হাকিম আমানুল্লা ঔষধের ব্যবস্থা করেন, তাহাতেও কোনও উপকার দেখা যায় না। ওটাব সময় যুগাজের আসন্নকাল উপস্থিত হয়। মুহূর্তকাল পরেই যুগাজের প্রাসাদে রোদনধ্বনি শুনা যাইতে থাকে। কিছুকালমধ্যেই তাঁহার মৃত্যু-সংবাদ গল্পাটের নিকট উপস্থিত হয়। মজাট, গভীর শোক প্রকাশ করেন। জেনতমহল তাঁহাকে সান্ত্বনা করিতে থাকেন।” Kaye, Sepoy War, Vol. II. p. 27, note.

প্রতিদ্বন্দ্বী রঙ্গম্বলে উপনীত হন, এই প্রতিদ্বন্দ্বীর নাম মির্জা কোরেস্। উপস্থিত সময়ে, ইনিই বাহাদুর শাহের পুত্রদিগের মধ্যে জ্যেষ্ঠ ছিলেন। মির্জা কোরেস্ আপনার অধিকার অব্যাহত রাখিবার জ্ঞান দিল্লীর ব্রিটিশ রেসিডেন্টের নিকট একখানি আবেদনপত্র সমর্পণ করেন। এই আবেদনে তিনি উল্লেখ করেন,—“বৃদ্ধ পিতা জোয়ানুবখ্তের পক্ষ প্রবল করিবার জ্ঞান তাঁহার প্রতিদ্বন্দ্বী—অর্থাৎ আমার ভাতাদিগকে কোনরূপ আপত্তি উত্থাপন করিতে নিষেধ করিয়াছেন। বৃদ্ধ পিতার উপর আমার যথেষ্ট ভক্তি ও শ্রদ্ধা আছে, তাঁহার যে কোন আদেশ পালনে, আমি সর্বদা প্রস্তুত রহিয়াছি, কিন্তু জেনতমহলের পরামর্শে যখন তিনি আমার অধিকার নষ্ট করিতে উদ্যত হইয়াছেন, তখন আমি বাধ্য হইয়া ইঙ্গরেজ গবর্নমেন্টের নিকট আবেদন করিতেছি। আমার আশা আছে যে, এই আবেদনের বিষয় অপক্ষপাতে বিচার করা হইবে। আমি এখন রাজ-কুমারদিগের মধ্যে বয়ো-জ্যেষ্ঠ, এতদ্ব্যতীত আমি মক্কাতীর্থে গিয়াছি, সমস্ত কোরাণ আমার মুখস্থ রহিয়াছে; সাক্ষাৎ হইলে, আমার অগ্রাণ্ড গুণও আপনার গোচর হইবে।”

এই সময়ে, লর্ড কানিংগ্ গবর্নরজেনেরলের পদে অবিস্থিত ছিলেন। রাজ্যশাসনজ্ঞান অভিনব মন্ত্রি-সভা সংগঠিত হইয়াছিল। এখন এই অভিনব গবর্নরজেনেরল ও অভিনব মন্ত্রি-সভার নিকট দিল্লীর রাজ-বংশের বিষয় উপস্থিত হইল। লর্ড কানিংগ্ অল্প দিন মাত্র ভারতবর্ষে পদা-র্পণ করিয়াছিলেন। ভারতের অভ্যন্তরীণ বিষয় তাঁহার সম্যক পরিজ্ঞাত হয় নাই, ভারতবাসীদিগের চিরন্তন আচার, ব্যবহার ও সামাজিক প্রথাও তিনি ভালরূপে বুঝিয়া উঠিতে পারেন নাই। দিল্লীর রাজবংশের বিষয় তাঁহার নিকট উপস্থিত হইলে, তিনি পূর্ববর্তী গবর্নরজেনেরল ও তাঁহার মন্ত্রিগণের সমস্ত মন্তব্যলিপি পড়েন। লর্ড ডালহৌসী, দিল্লীর রাজ-প্রাসাদ কোম্পানির অধিকার-ভুক্ত করিতে চাহিয়াছিলেন। উহা কোম্পানির সামরিক কার্যের জ্ঞান ব্যবহৃত হয়, ইহাই তাঁহার একান্ত ইচ্ছা ছিল। অভিনব গবর্নর-জেনেরল এখন লর্ড ডালহৌসীর মতেরই অনুমোদন করিলেন। এই সময়ে লর্ড ডালহৌসী যে সফল যুক্তি দেখাইয়া গিয়াছিলেন, তাহাই তাঁহার নিকট সমীচীন বোধ হইল।

দিল্লীর রাজপ্রাসাদ অধিকার করা উচিত বটে, কিন্তু দিল্লীর রাজকীয় উপাধির সম্বন্ধে কি করা কর্তব্য, লর্ড কানিংহাম তাহা ভাবিতে লাগিলেন। পূর্বে উক্ত হইয়াছে যে, তিনি অল্প দিন মাত্র এ দেশে পদার্পণ করিয়াছিলেন। যে কয়েক মাস হইল, আসিয়াছিলেন, সে কয়েক মাস কলিকাতার বাহিরে গমন করেন নাই। সুতরাং এ সম্বন্ধে পূর্ববর্তী গবর্নর-জেনেরল যাহা নির্দেশ করিয়া গিয়াছিলেন, এখন তাহাই তাঁহার অন্ধকার পথের আলোক স্বরূপ হইল। তিনি কহিলেন,—“দিল্লীর রাজ-বংশের প্রায় সমস্ত অধিকার একে একে স্থলিত হইয়াছে। এখন যাহা কিছু অবশিষ্ট আছে, তাহাও নষ্ট করা কিছুই দুঃস্থ নয়। এখন বাহাদুর শাহের মৃত্যুর পর অনায়াসে তাঁহার উত্তরাধিকারীদের ‘রাজ’-উপাধি লোপ করা যাইতে পারে। গবর্নর-জেনেরল ও প্রধান সেনাপতি দিল্লীর ভূপতিকে যে নজর দিতেন, তাহা বন্ধ করা হইয়াছে, দিল্লীশ্বরের নামে মুদ্রা অঙ্কিত হইত, এখন সে প্রথাও রহিত হইয়া গিয়াছে। গবর্নর-জেনেরলের মোহরে এখন আর দিল্লীশ্বরের নিকট অধীনতা প্রকাশের কোন চিহ্ন থাকে না। ভারতের রাজগণকেও এইরূপ মোহর ব্যবহার করিতে নিষেধ করা হইয়াছে। ব্রিটিশ গবর্নমেন্ট আপনাদের প্রভু-শক্তির সম্মান-রক্ষার জন্ত এইরূপ আনুগত্য স্বীকারে নিরস্ত হইয়াছেন। নজর প্রভৃতি রহিত করার সম্বন্ধে যে যুক্তি আছে, রাজ-উপাধি উচ্ছেদের সম্বন্ধেও সেই যুক্তি খাটিতে পারে। এখন মির্জা মহম্মদ কোরেস দিল্লীশ্বরের উত্তরাধিকারী ; ব্রিটিশ গবর্নমেন্ট ইহার অধিকার রক্ষা করিতে প্রস্তুত আছেন। মহম্মদ কোরেসের ‘রাজ’-উপাধির উপর কোন দাবি নাই। ইনি কখনও আপনার বংশে রাজকীয় ক্ষমতার পূর্ণ বিকাশ দেখেন নাই।” গবর্নর-জেনেরলের এই অভিমত তাঁহার মন্ত্রিগণের অনুমোদিত হইল। অবিলম্বে দিল্লীর ব্রিটিশ এজেন্ট মেট্‌কাক সাহেবকে উপস্থিত বিষয়ে এই ভাবে কার্য্য করিবার উপদেশ দেওয়া গেল :—

• “১ম। যদি দিল্লীর সম্রাটের পত্রের উত্তর দেওয়া আবশ্যিক হয়, তাহা হইলে এজেন্ট সম্রাটকে জানাইবেন যে, গবর্নর-জেনেরল জোয়ানুবৎসকে রাজবংশের উত্তরাধিকারী বলিয়া স্বীকার করিতে সম্মত নহেন।

২য়। ফকিরউদ্দীনের সহিত যে নিয়ম হইয়াছিল, সেই নিয়মে মির্জা মহম্মদ কোরেস্ দিল্লীর রাজ-সম্পত্তি অধিকার করিতে পারিবেন না। বাহা-ছুর শাহ বত দিন জীবিত থাকিবেন, তত দিন উত্তরাধিকারসম্বন্ধে সম্রাট্ বা তাঁহার বংশের কাহারও সহিত কোন পত্র লেখালেখি হইবে না।

৩য়। সম্রাটের মৃত্যু হইলে, গবর্ণমেন্ট মির্জা মহম্মদ কোরেস্কে বংশের প্রধান ব্যক্তি বলিয়া স্বীকার করিবেন। এ সম্বন্ধে ফকিরউদ্দীনের সহিত যে সকল নিয়ম হইয়াছিল, প্রায় তৎসমস্তই বলবৎ থাকিবে, কেবল ‘রাজ’-উপাধির পদবিবর্তে মির্জা কোরেস্ ‘শাহজাদা’ উপাধিতে বিশেষিত হইবেন। কিন্তু গবর্ণমেন্ট কোনরূপ লেখাপড়া করিবা, কোনরূপ অঙ্গীকারে আবদ্ধ হইয়া, বা অতিরিক্ত বৃত্তি দিয়া এই উপাধি দিতে প্রস্তুত হইবেন না।

৪র্থ। ভবিষ্যতে শাহাকে উত্তরাধিকারী বলিয়া স্বীকার করা যাইতে পারে, রাজ-প্রাসাদে রাজ-বংশের এমন কত ব্যক্তি অবস্থিত করিতেছেন, তাহার তালিকা দিতে হইবে। পুত্রই হউক বা পৌত্রই হউক, কত ব্যক্তিতে এই অধিকার বর্তিতে পারে, তাহারও বিবরণ দিতে হইবে। কিন্তু পূর্ববর্তী ভূপতির কোন দরতর আশ্রয়কে ইহার মধ্যে ধরা হইবে না।

৫ম। দিল্লীর রাজ-বংশের এখন যে বৃত্তি নির্দ্ধারিত আছে, শাহজাদাকে তাহা হইতে মাসে ১৫ হাজার টাকা দেওয়া যাইবে।”

খ্রীঃ ১৮৫৬ অব্দের শেষে লর্ড কানিংগ্ দিল্লীর মোগলবংশের সম্বন্ধে এইরূপ রাজ-নীতির পরিচয় দিতে উদ্যত হইয়াছিলেন। হুংখের সহিত বলিতে হইতেছে যে, এই রাজ-নীতি তাঁহার উদারতা ও মহত্ত্ব পূর্ণমাত্রায় রক্ষা করে নাই। লর্ড কানিংগ্ উপস্থিত বিষয় আপনার চক্ষে দেখেন নাই, আপনার হৃদয়ে অনুভব করেন নাই, এবং আপনার মতেও মিলাইরা লন নাই। লর্ড ডালহৌসী যাহা কহিয়া গিয়াছিলেন, বাহা করিতে উদ্যত হইয়াছিলেন, লর্ড কানিংগ্ এ দেশে আসিয়া তাহাই কহিয়া, তাহাই শেষ করেন। এ বিষয়ে ডালহৌসীর ধারণার সহিত, তাঁহার ধারণা এক হইয়াছিল, ডালহৌসীর হৃদয়ের সহিত তাঁহার হৃদয় মিশিয়া গিয়াছিল, এবং ডালহৌসীর অভিমতের সহিত তাঁহার অভিমত এক শ্রেণীতে সমাবেশিত হইয়াছিল। তিনি ভারতবাসীর চক্ষে দেখেন নাই, এবং ভারতবাসীর হৃদয়েও

অনুভব করেন নাই। এই সময়ে ভারতবাসীর সম্বন্ধে তাঁহার অভিজ্ঞতা বা দূরদর্শিতা ছিল না, তাঁহার জ্ঞান এ সময়ে কেবল ভারতের ব্রিটিশ রাজধানীতেই আবদ্ধ ছিল, সুতরাং তিনি ভারতবাসীদিগের ধারণা বা অনুভূতির বিষয় কিছুই জানিতে পারেন নাই। ভারতবাসী তাহাদের প্রাচীন রাজবংশের প্রতি কিরূপ সম্মান প্রদর্শন করে, প্রাচীন রাজ্যাদিপত্যিকে তাঁহার পূর্বতন দত্ত হইতে বিচ্যুত দেখিলে কিরূপ মৰ্ম্মাহত হয়, তাহা তিনি অনুধাবন করেন নাই। দিল্লীর মোগলবংশ যে, সমস্ত ভারতের মুসলমান সম্প্রদায়ের—সমস্ত ভারতবাসীর শ্রদ্ধা ও প্রীতির কেন্দ্রস্বরূপ ছিল, তাহা তিনি বুঝিতে পারেন নাই। লর্ড কানিংগ্ উপস্থিত বিষয়ে লর্ড ডালহৌসীর ছন্দানুবর্তী হইয়া সঙ্গীর্ণ রাজনীতির পরিচয় দিয়াছেন।

ব্রিটিশ গবর্ণমেন্টের শেষ সিদ্ধান্ত যখন জেনতমহলের গোচর হয়, তখন তিনি সাতিশয় ক্ষুব্ধ হইয়া উঠেন। ষাঁহার কিছুমাত্র আশ্বাদর বা আশ্বাসসম্মান আছে, তিনি কখনও অবলীলায় আপনার সমস্ত সম্মান বা অধিকারে জলাঞ্জলি দিতে প্রস্তুত হন না। জেনতমহলের আশ্বাসসম্মানবোধ ছিল, আশ্বাদর পূর্ণমাত্রায় বিকাশ পাইয়াছিল। তিনি যখন শুনিলেন যে, তাঁহার বংশের চিরন্তন উপাধি ভবিষ্যতে অনন্ত অতীত কাল-সাগবের গর্ভে নিমজ্জিত হইবে; তাঁহার পুরুষানুক্রমে যে প্রাসাদে অবস্থিতি করিতেছিলেন, যে প্রাসাদ তাঁহাদের পূর্বতন গৌরব ও পূর্বতন মহিমার চিহ্ন সাধারণের মধ্যে অক্ষুণ্ণ রাখিয়াছিল, যে প্রাসাদ বণিক কোম্পানির অধিকৃত হইবে, তখন তিনি স্থির থাকিতে পারিলেন না। ফ্রোভে, অভিমানে তাঁহার ধীরতা বিচ্যুত হইল। ইহার উপর প্রিয়তম পুত্র জোয়ানবখত উত্তরাধিকারী বলিয়া স্বীকৃত না হওয়াতে তিনি মৰ্ম্মজ্বালায় কাতর হইলেন। ষঃসহ যাতনায় তাঁহার হৃদয়-গ্রন্থি বিচ্ছিন্ন হইতে লাগিল, কিন্তু এ অবস্থাতেও তিনি নিরাশার অতল সাগরে নিমগ্ন হন নাই, এ অবস্থাতেও তাঁহার হৃদয় হইতে বাসনার শেষ চিহ্ন বিলুপ্ত হইয়া যায় নাই। ফকিরউদ্দীন যখন আপনাদের চিরন্তন সম্মানে জলাঞ্জলি দেন, তখন তিনি সাতিশয় বিরাগ দেখাইয়াছিলেন। শেষে মির্জা মহম্মদ কোরেস্কে যখন উত্তরাধিকারী বলিয়া স্বীকার করিয়া গবর্ণমেন্ট মোগলবংশের সমস্ত সম্মান নিঃশেষিত করিবার প্রস্তাব করেন, এবং যখন

জোয়ানবখ্ত গবর্ণমেন্টের নিকট উপেক্ষিত হন, তখন তাঁহার মানসিক যাতনা তীব্রতর হইয়া উঠে। বুদ্ধ বাহাহুর শাহের স্থিরতা ছিল না, তেজস্বিতা ছিল না, এবং আত্মসম্মানরক্ষার জন্ত বিশেষ কোন চেষ্টাও ছিল না। তিনি জানিতেন যে, গবর্ণমেন্ট তাঁহার উপাধি বা অবশিষ্ট সম্মানের উপর কোনরূপে হস্তক্ষেপ করিবেন না। তাঁহার মৃত্যুর পর তদীয় উত্তরাধিকারীর সম্বন্ধে গবর্ণমেন্টের যাঁহা ইচ্ছা হয়, তাহাই করিতে পারেন; এ বিষয়ে গবর্ণমেন্টের ইচ্ছার বিরুদ্ধে কার্য্য করা তাঁহার সাধ্যাত্ত নয়। গবর্ণমেন্টকে এ সময়ে আপনার বংশের প্রতি অনুগ্রহ দেখাইবার জন্য প্রবর্তিত করিতে পারেন, তাঁহার এমন সামর্থ্যও নাই; সুতরাং তিনি ভবিষ্যতের দিকে দৃষ্টি না রাখিয়া বর্তমান অবস্থাতেই সন্তুষ্ট ছিলেন। কিন্তু জেনতমহল বুদ্ধ স্বামীর ন্যায় বর্তমানে পরিতুষ্ট থাকেন নাই। সময় তাঁহার তেজস্বিতা-হরণে সমর্থ হয় নাই, বয়সও তাঁহার দৃঢ়তা বিচলিত করিতে সক্ষম হয় নাই। তিনি পূর্ণযুবতী ছিলেন। যৌবনের পূর্ণাবস্থায় যেরূপ সামর্থ্য, দৃঢ়তা ও তেজস্বিতার সঞ্চার হয়, জেনতমহলে তাহার কোন অভাব ছিল না। যৌবনের সহিত তাঁহার তেজস্বিতার সঞ্চার হইয়াছিল, এবং সৌন্দর্য্যের সহিত তাঁহার দৃঢ়তা বিকাশ পাইয়াছিল। তিনি যুসময়ের প্রতীক্ষায় রহিলেন। তাঁহার আশাও সঙ্গুল উভয়ই অটল রহিল। তিনি ভাবিলেন, জগতে কেহই অমর নহে। তাঁহার পুত্রের প্রতিদ্বন্দ্বী কিছু, অনন্তকাল জীবলোকে থাকিবেন না। এক সময়ে অবশ্য তাঁহার প্রাণবায়ু বহির্গত হইবে, হয়ত সেই সময়ে প্রিয়তম জোয়ানবখ্তের অদৃষ্ট প্রসন্ন হইতে পারে। অধিকন্তু গবর্ণমেন্টও কিছু চিরকাল এক নীতির অনুবর্তী হইয়া চলিবেন না। সময়ে গবর্ণমেন্টের পূর্বতন নীতিরও পরিবর্ত হইতে পারে। সময়ে এই অভিনব নীতির গুণে জোয়ানবখ্তও রাজসিংহাসনে বসিতে পারে। যত দিন বুদ্ধ স্বামী জীবিত আছেন, তত দিন আশঙ্কার কোনও কারণ নাই। গবর্ণমেন্টের ভবিষ্যৎ উদ্দেশ্য, এক সময়ে ভবিষ্যৎ উপায় দ্বারা বিফল করা যাইবে। জেনতমহল এইরূপে ভবিষ্যতের উপর নির্ভর করিয়া, আশাভরসায় বুদ্ধ বান্ধিয়া রহিলেন।

যে রাজকুমারের জন্ত বুদ্ধ স্মার্ট ও তাঁহার মহিষী প্রাণপণ করিয়াছিলেন, তিনি ক্রমে যৌবনে পদার্পণ করিলেন। বয়োবৃদ্ধির সহিত তাঁহার তেজস্বিতা ও

সাহস বাড়িতে লাগিল। তিনি জ্ঞানার্জনে, শিক্ষার উৎকর্ষসাধনে, অভিজ্ঞতা-সংগ্রহে উদাসীন রহিলেন না। কিন্তু ব্রিটিশ গবর্ণমেন্টের উপর তাঁহার যেন কেমন একটা বিরাগ জন্মিল। এই বিরাগ ক্রমে ঘনোভূত হইতে লাগিল। জোয়ানবখ্ত ক্রমে বণিক কোম্পানির ঘোরতর বিদ্রোহী হইয়া উঠিলেন।

জোয়ানবখ্তের এই ইঙ্গরেজবিদ্বেষের কারণ নির্ণয় করা কঠিন নহে। তাঁহার পিতা ও মাতা, উভয়েই তাঁহাকে পূৰ্ণপুরুষাগত রাজসিংহাসনে প্রতিষ্ঠিত করিতে বিশেষ চেষ্টা পাইয়াছিলেন। কিন্তু এই চেষ্টা ফলবতী হয় নাই। ব্রিটিশ গবর্ণমেন্ট তাঁহাকে পিতার রাজপদবীর উত্তরাধিকারী করিতে সম্মত হন নাই। তিনি আশা করিয়াছিলেন, পিতার মৃত্যুর পর রাজসিংহাসনে উপবেশন করিয়া, রাজসম্মানে গৌরবাধিত হইবেন, কিন্তু গবর্ণমেন্টের বিচারে সে আশা নিশ্চল হয়। এ ক্ষোভ তাঁহার হৃদয় হইতে দূর হয় নাই। এ বিষাদও তিনি অমনি অমনি ভুলিতে পারেন নাই। আশাতঙ্ক হওয়াতে তাঁহার যে মর্শাস্তিক বাতনা হয়, তাহা হইতে ক্রমে গভীর বিদ্বেষের সূত্রপাত হইতে থাকে। বাঁহাদের বিচারে তাঁহার আশালতা ছিন্ন হইয়াছে, তিনি তাঁহাদিগকে যুগপৎ ঘৃণা, বিরাগ ও বিদ্বেষের চক্ষে দেখিতে থাকেন।

দিল্লীর সন্ত্রাস্টের উত্তরাধিকারি-নির্ণয়-সময়ে জনসাধারণের মধ্যে যে, উদ্বেজনা দেখা গিয়াছিল, তাঁহার কোন প্রমাণ পাওয়া যায় নাই। মির্জা মহম্মদ কোরেম্ ও জোয়ানবখ্ত, উভয়েই সাধারণের সমান আদরের পাত্র ছিলেন। সূত্রাৎ ইঁহাদের মধ্যে যে কোন এক জন, দিল্লীর সিংহাসনে অধিষ্ঠিত হইউন না কেন, তাহাতে সাধারণের কোন আপত্তি ছিল না। সাধারণে ইঁহাদের এক জনের পক্ষ সমর্থনার্থ দলবদ্ধ হয় নাই। এ সম্বন্ধে তাহারা উদাসীনতারই পাত্রিত্ব দিতেছিল। সূত্রাৎ জোয়ানবখ্তের স্বপক্ষে সাধারণকে উত্তেজিত করার কোন হেতু ছিল না। কিন্তু দিল্লীর রাজবংশের চিরস্থান স্বঃলোপের প্রস্তাব হওয়াতে সাধারণে সাতিশয় অসন্তোষ প্রকাশ করিয়াছিল*। যে প্রাচীন বংশ এক সময়ে আফগানিস্তানের পার্শ্বত্যাগ প্রদর্শন হইতে ভারতের দক্ষিণ প্রান্ত

* যখন লর্ড ডায়েমন্ট দিল্লীর ভূপতির রাজবীর উপাধির উচ্ছেদসাধনের প্রস্তাব করেন, তখন দিল্লীর মুসলমানগণ ধোরতর উত্তেজিত হইয়া উঠে।—Indian Mutiny to the fall of Delhi, compiled by a former Editor of the "Delhi Gazette," p. 7.

পর্যন্ত, আপনার আধিপত্য রক্ষা করিয়াছিল, ভারতবর্ষের সমস্ত অধিবাসী এক সময়ে যাহার অপ্রতিহত প্রভুশক্তির নিকট মস্তক অবর্নিত রাখিয়াছিল, এখন সেই প্রাচীন রাজবংশের অবমাননা সাধারণে সহিতে পারে নাই। মির্জা মহম্মদ কোরেস্ বা জোয়ানবখ্ত, এই উভয়ের প্রতিদ্বন্দ্বিতায় সাধারণের হৃদয় তরঙ্গায়িত না হইলেও, সম্রাটবংশের অবমাননায়, চিরন্তন রাজকীয় উপাধি-লোপের আশঙ্কায়, সাধারণে বিরক্ত ও উত্তেজিত হইয়া উঠিয়াছিল।

খ্রীঃ ১৮৫৭ অব্দের কয়েক মাস অতীত হওয়ার পরে দিল্লীর মুসলমান সম্প্রদায়ের মধ্যে সাতিশর উত্তেজনার চিহ্ন দেখা যায়। পারস্যযুদ্ধের কথা লইয়া সাধারণে নানা কথা নানা ভাবে রঞ্জিত করিয়া লোকের হৃদয় তরঙ্গায়িত করিয়া তুলে। অনেকেই নানা ইঙ্গিতে ইঙ্গরেজদিগের ক্ষমতাবিনাশের আভাস দিতে থাকে। অনেকেই বিশ্বাস জন্মে যে, ভারতের উত্তরপশ্চিম হইতে একটি মহাশক্তি আবির্ভূত হইয়া ইঙ্গরেজ-শাসন নিপাণ্ড্য করিয়া ফেলিবে। পারস্যীকেরা আটকে উপস্থিত হইয়াছে, তাহারা বোলান গিরিসঙ্কট অতিক্রম করিয়াছে, এইরূপ নানা কথা বাজারে রাষ্ট্র হইতে থাকে। সাধারণে এই সময়ে আপনাদের কল্পনাশক্তির পূর্ণবিকাশ দেখাইতে নিরস্ত থাকে নাই। রুশিয়ার অধিপতি পারস্যের সহিত মিলিত হইয়াছেন, ফরাসী সম্রাট্ ও তুর্কদের সুলতানও ইহাদের সাহায্য করিতে অগ্রসর হইয়াছেন, এইরূপ নানা কথা নানা ভাবে পরিব্যক্ত হইতে থাকে। বাজারে, সৈনিক-নিবাসে, লোকালয়ে, মহাজনের দোকানে এই কথা সমভাবে সকলের যুগপৎ বিশ্বাস ভীতি, হর্ষ ও আনন্দের সঞ্চার করিতে থাকে। মুসলমানসম্প্রদায়ের মধ্যে পূর্নই প্রচার হইয়াছিল যে, ইঙ্গরেজেরা ভারতবর্ষে একশত বৎসর রাজত্ব করিবেন। ইহার পর তাঁহারা নিষ্কাশিত হইবেন, এবং তাঁহাদের স্থলে ভারতের রাজবংশ পুনঃ প্রতিষ্ঠিত হইবে। এখন সকলে এই ভবিষ্যদ্বাণী সফল হইল বলিয়া, বোধ করিতে লাগিল*। কোঁহুলের আবেশে সাধারণে

* সার জেমস্ আউট্রাম্ খ্রীঃ ১৮৫৮ অব্দের জাছুয়ারি মাসে লিখিয়াছিলেন,—"আমাদের সৈন্যগণ আমাদের দল পরিত্যাগ করিষা, আমাদের সহিত যুদ্ধ করিষাছে। কিন্তু শিখুদিগের হইতেই এই যুদ্ধের উৎপাত্ত হয় নাই। অযোধ্যা অবিকারের পূর্নই মুসলমানেরা ইহার সূত্রপাত করিয়াছিল। এই সময়ে মুসলমানদিগের মধ্যে বর্ণাঙ্ক লোক নানা স্থানে এই কথা প্রচার

এই ভবিষ্যদ্বাণীর প্রতি কোনরূপ অসম্মান দেখায় নাই, তাহারা দূরদর্শিতা বা সুশিক্ষার উন্নত ছিল না, সুতরাং উপস্থিত বিষয় ভালরূপে বিচার করিতে সমর্থ হয় নাই । তাহাদের সমক্ষে সকলে আগ্রহ ও উৎসাহের সহিত যাহা বলিত, কোঁতুহল-প্রযুক্ত তাহারা তাহাতেই বিশ্বাস করিত । যখন ইঙ্গরেজের সর্দরনাশ অবশ্যস্বাভাবী বলিয়া নানা কথা প্রচারিত হয়, তখন তৎসময়ে সহজেই তাহাদের আস্থা জন্মে । তাহারা আশস্ত হৃদয়ে আপনাদের দেশে প্রাচীন রাজবংশের পুনঃপ্রতিষ্ঠার প্রতীক্ষা করিতে থাকে, এবং মুহূর্ত্তে মুহূর্ত্তে পারসীক ও রুম, ফরাসী ও তুর্কী আসিতেছে বলিয়া, স্বপ্ন দেখিতে থাকে ।

কেহ কেহ এই প্রসঙ্গে নির্দেশ করিয়াছেন যে, পারসীক ভূপতির সহিত যুদ্ধ বাহাদুর শাহ ষড়যন্ত্রে লিপ্ত ছিলেন । পারস্যের সাহায্যে নষ্ট রাজ্যের উদ্ধার করা, উপস্থিত ষড়যন্ত্রের উদ্দেশ্য ছিল । পারস্যগুণ্ঠে বাহাতে পারসীক-

করে যে, এই ভবিষ্যদ্বাণী হইয়াছে, এক বিদেশী জাতি ভারতবর্ষে একশত বৎসর রাজত্ব করিবে । ইহার পর প্রকৃত বিশ্বাসিগণ (মহম্মদ ধর্ম্মাবলম্বিগণ) আপনাদের ক্ষমতা পুনরায় লাভ করিবে । যখন একশত বৎসর অতীত হয়, তখন মুসলমানেরা ভবিষ্যদ্বাণী উল্লেখ করিয়া হিন্দুসিপাহি-দিককে আপনাদের দমন আনিতে চেষ্টা করে । হিন্দুসিপাহিরা সাতিশয় কোঁতুহলপ্রিয় । তাহারা অপরের কথায় সহজেই বিশ্বাস করে । সুতরাং মুসলমানেরা যখন কহিল যে, ইঙ্গরেজেরা সকলের ধর্ম্ম নষ্ট করিতে কৃতসম্বল হইযাকে, সমস্ত ভারতবাসীকে খৃষ্টিয় ধর্ম্মে দীক্ষিত করিতে প্রয়াস পাইতেছে, তখন হিন্দুরা স্থির থাকিতে পারিল না । তাহারা মুসলমানশত্রুর অধীনে সঙ্কীর্ণ হইয়া আমাদের বিরুদ্ধে যুদ্ধ উপস্থিত করিল ।”

ভারতবর্ষের একখানি সংবাদপত্রে একটি কবিতা প্রকাশিত হয় । এই কবিতায় উক্ত ভবিষ্যদ্বাণী লিখিত হইয়াছিল । কবিতাটির ভাব এই,—“অগ্নি উদ্ভাসক ও গুণ্ঠিতানেরা একশত বৎসরকাল হিন্দুস্থান শাসন করিবে । যখন তাহাদের শাসনে যথেষ্টচার ও দোষাভ্যাসের বিশালা হইবে, তখন এক জন আরব রাজসমার জন্মগ্রহণ করিবেন, এবং অধপৃষ্ঠে অধিত্য হইয়া তাহাদের সকলকে নিহত করিয়া ফেলিবেন ।” এই ভবিষ্যদ্বাণী শাহ মহম্মদ উল্লাহ নামক এক জন মুসলমান ফকীরের নামে প্রচারিত হয় ।

অযোধ্যা গ্রহণ কল্পিতে যে সিপাহি-বিপ্লবের সূত্র পাঁত হয়, সাঁপ জেম্‌স্ আউট্রাম তাহ স্ত্রীকাল করেন নাই । কেবল সৈন্যদলের জরভিসন্ধিতে এই যুদ্ধ উপস্থিত হইয়াছিল, এ মতও তাঁহার অধুমোদিত হয় নাই । এই সূত্রটি যে, সিপাহিগুণ্ঠের মূল নহে, তাহা দেখাইবার জন্যই তিনি উক্ত ভবিষ্যদ্বাণী ও তৎপ্রযুক্ত মুসলমানদিগের উত্তেজনার কথা উল্লেখ করিয়াছেন ।—

দিগের ক্ষমতা প্রবল হয়, তজ্জন্তু দিল্লীর মুসলমানগণ ঈশ্বরের নিকট প্রার্থনা করিতেছিলেন। কিন্তু এই নির্দেশের কোন মূল ছিল কি না, তাহা আজ পর্য্যন্ত স্পষ্টরূপে নির্ণীত হয় নাই*। যখন ঐ বিষয় উত্তর-পশ্চিমাঞ্চলের লেপ্টেনেন্ট গবর্নর কল্বিন সাহেবের গোচর হয়, তখন তিনি উহাতে বিশ্বাস করেন নাই। উহা তাঁহার নিকট নিরবচ্ছিন্ন কল্পনামূলক বলিয়া বোধ হইয়াছিল। বস্তুতঃ ইতিহাসে এমন কোন প্রমাণ পাওয়া যায় নাই, যাহাতে উপস্থিত বিষয়ে বুদ্ধ বাহাদুর শাহের কলঙ্ক রটিতে পারে। পারস্যযুদ্ধ বাহাদুর শাহের কোনরূপ কোতূহল উদ্দীপ্ত করে নাই। পারসীকদিগের সাহায্যে তাঁহার প্রাণষ্ট গৌরবের উদ্ধার হইবে, বাহাদুর শাহ ইহাও কখন ভাবেন নাই। তিনি বর্তমান অবস্থাতেই পরিতৃপ্ত ছিলেন, এবং পরিতৃপ্ত থাকিয়াই ভবিষ্যতের প্রতি আপনার উদাসীনতা দেখাইয়া আসিতেছিলেন।

কি শুবে বাহাদুর শাহের উপর উদ্ভিখিত দোষের আরোপ হয়, এই স্থলে তাহার নির্দেশ করা উচিত। বাহাদুর শাহ যে, পারস্যধিপতির সহিত ষড়যন্ত্র করিয়াছিলেন, কেহ কেহ এই কারণ দেখাইয়া তাহার উল্লেখ করিয়াছেন। বলা বাহুল্য যে, এই কারণও কেবল অনুমানের উপর স্থাপিত হইয়াছিল :— মুসলমানদিগের মধ্যে সিয়া ও সুন্নি নামে দুইটি সম্প্রদায় আছে। এই সম্প্রদায়ের একটির প্রতি আর একটি বার-পর-নাই বিদ্বেষ প্রকাশ করিয়া থাকে। দিল্লীর অধিপতি সুন্নি, পক্ষান্তরে অযোধ্যার নবাব ও পারস্যরাজ সিয়ামতাবলম্বী ছিলেন। যখন বাহাদুর শাহ তাঁহার প্রিয়তম মহিষীর বাসনা পূর্ণ করিতে পারিলেন না, ইঙ্গরেজ গবর্নমেন্ট যখন জোয়ানবখতকে দিল্লীর ভবিষ্য ভূপতি বলিয়া স্বীকার করিতে সম্মত হইলেন না, তখন বুদ্ধ বাহাদুরের সিয়ামতগ্রহণে ইচ্ছা হয়। অযোধ্যার তাঁহার বংশের কর্যেক

* যখন বুদ্ধ ভূপতির বিচার হয়, তখন সাক্ষীর এজাহারে প্রকাশ পাইয়াছিল যে, পারস্য-যুদ্ধের কথা দিল্লীর রাজপ্রাসাদে কোতূহল উদ্দীপ্ত করে নাই। এ সম্বন্ধে ভূপতির চিকিৎসক আশাফুল্লা কহিয়াছেন, রাজপ্রাসাদে যে সকল সংবাদপত্র আসিত, তাহাতে যুদ্ধের অনেক সংবাদ থাকিত, কিন্তু ভূপতি সে বিষয়ে কিছুই মনোযোগ দিতেন না। পারস্যযুদ্ধের সংবাদ জানিবার জন্য তিনি কোনরূপ আগ্রহ প্রকাশ করেন নাই। এ বিষয়ে তাঁহার উদাসীনতাই লক্ষিত হইয়াছিল।—Kaye, Sepoy War. Vol. II. p. 37, note.

ব্যক্তি অবস্থিতি করিতেছিলেন ; ইঁহাদেরও সিয়ামতগ্রহণে প্ররক্তি জন্মে । ইঁহাদের এক জন দিল্লীতে আসিয়া কিছুদিন অবস্থিতি করেন । ইনি যখন দিল্লী হইতে প্রগন করেন, তখন প্রচার হয় যে, অযোধ্যার নবাব ও পারশ্যাধিপতি, উভয়েই একত্র হইয়া বাহাহুর শাহকে উদ্ধার করিতে ইচ্ছা করিয়াছেন । পারসীক ও রুষের সমবেত হইয়া, দিল্লীর অধিপতির বিনষ্টির জন্ত আসিতেছে, এই কিংবদন্তী এই সময় হইতেই দিল্লীর রাজপ্রাসাদে, দিল্লীর বাজারে প্রচারিত হইতে থাকে । মোগল সম্রাট্ সিংহাসনে অধিরূঢ় হইয়া পূর্বের ত্রায় অপ্রতিহতভাবে শাসনদণ্ড চালনা করিতে পারিবেন, পূর্বের ত্রায় মোগল সম্রাটের ক্ষমতা ও গৌরব সমস্ত ভারতবর্ষে পরিব্যাপ্ত হইবে, এইকপ নানা কথা এই সময় হইতেই সাধারণের মধ্যে আন্দোলিত হইতে থাকে* । কিন্তু বাহাহুর শাহ যে, এ বিষয়ে বিশেষ আগ্রহ ও উৎসাহ দেখাইয়াছিলেন, তাহার কোন প্রমাণ নাই ; পারস্যের সহিত সম্মিলিত হইলে তিনি যে, প্রণষ্ট রাজ্যের উদ্ধার করিতে পারিবেন, এ ভাবনাও তাঁহার মনে উদ্ভিত হয় নাট । আরু রুষের সম্রাট্ বা তুর্কসের সুলতান যে, তাঁহাকে ইঙ্গরেজের হস্ত হইতে বিমুক্ত করিয়া, স্বাধীন রাজ্যাধিপতির সম্মানিত পদে প্রতিষ্ঠিত করিতে সমর্থ হইবেন, ইঁহাও তিনি কখন ভাবেন নাই । তিনি এ সকল বিষয়ে উদাসীন ছিলেন । তাঁহার বিস্তৃত বংশের কোন ব্যক্তি অলীক স্বপ্নে বিভ্রান্ত হইয়া সাধারণের হৃদয় উত্তেজিত করিতে পারেন, এই উত্তেজনায় গতি দিল্লীর রাজপ্রাসাদ হইতে অন্ত্যায় স্থানে প্রসারিত হইতে পারে । কিন্তু বুদ্ধ বাহাহুর শাহ ইঁহাতে ভবিষ্য সুখের আশায় বুক বান্ধিয়া সাধারণকে উত্তেজিত বা উন্নত করিয়া তুলেন নাই ।

কেহ কেহ এইরূপও নির্দেশ করিয়াছেন যে, রাজ-প্রাসাদের অনেক অনুচর উপস্থিত বিষয় প্রসঙ্গে সাধারণকে ব্রিটিশ গবর্ণমেন্টের সহিত শত্রুতা-চরণে প্ররক্তি দিতেছিল । ইঁহাদের প্ররোচনা, ইঁহাদের বাক্চাতুরীতে এবং ইঁহাদের কোশল-জালে জনসাধারণের হৃদয় ক্রমেই উত্তেজনায় তরঙ্গে

* আসাহুল্লার এজাহারে এই বিষয় জানা গিয়াছিল । কে সাহেব সমস্ত সাক্ষীর মধ্যে ইঁহার এজাহারই অধিকতর বিশ্বাসযোগ্য বলিয়া নির্দেশ করিয়াছেন, কিন্তু বাহাহুর শাহ যে, এ বিষয়ের উদযোগী ছিলেন, কে সাহেব তাহার কোন প্রমাণ দিতে প করেন নাই ।

আন্দোলিত হইতে থাকে *। খ্রীঃ ১৮৫৭ অব্দে দিল্লীর মুসলমানসম্প্রদায়ের মধ্যে যেরূপ উত্তেজনা দেখা যায়, তাহাতেই বোধ হয়, কেহ কেহ ঐরূপ বিপ্লব করিয়াছিলেন। এই সময়ে যে, উত্তেজনার গতি বিস্তৃত হইয়াছিল, তদ্বিশয়ে মতদ্বৈধ নাই। কিন্তু দিল্লীর বৃদ্ধ ভূপতি যে, এই উত্তেজনা-অনলে ইন্ধনসংযোগ করিতেছিলেন, তাহা ইতিহাসের প্রমাণে দৃঢ়তর হয় নাই। যাহা হটক, খ্রীঃ ১৮৫৭ অব্দে দিল্লী ত্বরঙ্গায়িত হইয়া উঠিয়াছিল। মোগল সম্রাটের রাজকীয় অধিকারের অধঃপতনে দিল্লীর মুসলমানগণ ক্রমেই বিরক্ত হইয়া উঠিতেছিল।

কোম্পানি নানারূপে বাঁহার দুর্দশা ঘটাইয়া সাধারণকে উত্তেজিত করিয়া তুলিয়াছিলেন, এই উত্তেজনার সময়েও যিনি সাধারণকে উৎসাহ দিতে উদ্যত হন নাই, তিনিই শেষে সিপাহিযুদ্ধে লিপ্ত থাকার অপরাধে অভিযুক্ত হন। কোম্পানির বিচারে তাঁহাকে কিরূপ নিপৃহীত হইতে হইয়াছিল, তাহা যথাস্থলে বিবৃত হইবে। এই দুর্দশাগ্রস্ত বৃদ্ধ ভূপতির সম্বন্ধে এক জন মহাদয় ইঙ্গরেজ জলন্ত ভাষায় এইরূপ লিখিয়াছেন :—“বাঁহার পূর্বপুরুষের বিস্তীর্ণ রাজ্য বলেই হটক, বা অথ কোনরূপেই হটক, ক্রমে ক্রমে অধিকার করা হইয়াছে, তিনি কেবল শূত্র রাজ-উপাধি ও অর্থশূত্র ভাণ্ডার লইয়া রহিয়াছেন। যৌর দারিদ্র্যগ্রস্ত কপর্দক-শূত্র আত্মীয় স্বজনে বাঁহার প্রাসাদ পরিপূর্ণ রহিয়াছে, তাঁহাকে অকৃতজ্ঞতা-দোষে দূষিত করা বড় বিবম কথা। তিনি যে অবস্থায় পতিত হইয়াছেন, তাহার জ্ঞত্ব কি কোম্পানির নিকট তাঁহার কৃতজ্ঞতা প্রকাশ করা উচিত? ব্রিটিশ গবর্ণমেণ্ট গরিব অন্ধ শাহ আলমকে মরহাট্টাদিগের হস্ত হইতে টানিয়া আনিয়া শেষে তাঁহার গ্রাসাচ্ছাদনের সংস্থান পর্যন্ত লোপ করিয়াছিলেন; ইহার জ্ঞত্ব কি তিনি কোম্পানিকে আশীর্বাদ করিবেন? সত্য বটে, দিল্লীর মুসলমান ভূপতির ভারতসাম্রাজ্যে যে অধিকার স্থাপন করিয়াছিলেন, এখন আমাদেরও সেই অধিকার জন্মিয়াছে। কিন্তু তাঁহারা যে ভাবে ভারতবর্ষে আসিয়াছিলেন, আমরা সেই ভাবে উপস্থিত হই নাই। তাঁহারা দেশজয়মানসে বহুসংখ্যক সৈন্য লইয়া ভারতে উপনীত হইয়াছিলেন, আমরা সামান্য ব্যবসায়ীর ন্যায়

* Kaye, Sepoy War. Vol. II. p. 35.

সভয়ে ধীবে ধীরে আসিয়াছিলাম । দিল্লীশ্বরের নিয়োজিত শাসনকর্তাদের দয়া ও অনুগ্রহের উপরই আমাদের স্থায়িত্ব নির্ভর করিতেছিল । শাহ আলমের পূর্নপুরুষগণ আমাদের স্বদেশীয়গণের প্রতি যেমন অনুগ্রহ দেখাইয়াছিলেন, তাহার তুলনায়, শাহ আলমের প্রতি আমরা যে সৌজন্য দেখাইয়াছি, তাহা কিছুই নয় ।

“সিপাহি যুদ্ধের বহু পূর্ন হইতেই দিল্লীর ভূপতি সাতিশয় শোচনীয় ভাবে কালাতিপাত করিতেছিলেন । তাঁহার প্রাসাদ বস্তুতই পরাধীনতার ও দাসত্বের অলয়রূপ ছিল । তিনি জানিতেন, এখন তাঁহার প্রতি যে কিছু রাজ-সম্মান প্রদর্শিত হইতেছে, কালে তাহাতেও তদীয় উত্তরাধিকারিগণকে বঞ্চিত হইতে হইবে, কালে তাঁহার উত্তরাধিকারিগণের, আপনাদের প্রাসাদে বাস করিবারও, কোন ক্ষমতা থাকিবে না । দিল্লীর বাহিরে কোন স্থলে তাঁহাদিগকে নির্দাসিত ও অবরুদ্ধ থাকিতে হইবে । দিল্লীর ভূপতির যে সকল আশ্রয় স্বজন ছিলেন, আমরা তাঁহাদিগকে আমাদের কোন রাজকীয় কার্যে প্রবেশাধিকার দিই নাই । আমরা তাহাদিগকে যোরতর দারিদ্র্য-গ্রস্ত করিয়াছি, ঋণজালে জড়িত করিয়া তুলিয়াছি ; অথচ এ দিকে তাঁহাদের পার্থিব বিষয়-বাসনার জন্য তাঁহাদিগকে তিরস্কার করিতেও সম্মুচিত হই নাই । আমরা তাঁহাদের সম্মুখে সৈনিক-বিভাগে প্রবেশাধিকারের পথ অবরুদ্ধ রাখিয়াছি— আমরা তাঁহাদিগকে সমস্ত বিষয়কাম্যেই বঞ্চিত করিয়াছি । আমরা তাঁহাদের হস্ত হইতে সমস্ত সম্মান, সমস্ত উচ্চাশার বিষয়ই কাড়িয়া লইয়াছি । * * এরূপ শোচনীয় ভাবে, এরূপ হানতর সহিত কালাতিপাত করা অপেক্ষা মৃত্যু সহস্রগুণে শ্রেয়স্কর * ।”

ইহার পর অন্য স্থানে এই সছৃদয় স্থলেখকের সরস লেখনী হইতে এইরূপ মর্শ্বভেদী বাক্য নিঃসৃত হইয়াছে—“যখন দিল্লীর রাজ-বংশ আমাদের প্রতি সন্দেহ দেখাইতেছিলেন এবং আমাদের সহিত বন্ধুত্ব-পাশে আবদ্ধ ছিলেন, তখন আমরা রাজকীয় সম্মানের ক্ষতিকর নিয়ম সুকল প্রতিষ্ঠিত করিতে কুণ্ঠিত হই নাই । আমরা দিল্লীর ভূপতির সহিত

* Russell, Diary. Vol. II. p. 50-51. Compt. Martin, Indian Empire. Vol. II. p. 458.

যেকপ ব্যবহার করিতেছিলাম, তাহাতে আমাদের অবজ্ঞা ও অবহেলাই প্রকাশ পাইয়াছে। আমরা এইরূপে সমস্তই করিয়াছি, তথাপি রক্ত-সিংহাসনের এই ক্ষমতাশূন্য ব্যক্তি যে, আপনাকে জগতের অধিপতি, সমস্ত বিশ্বের এবং মাননীয় ইষ্টইণ্ডিয়া কোম্পানির প্রভু, ভারতবর্ষের অধিপতি, গবর্নরজেনেরল অপেক্ষা শ্রেষ্ঠ এবং সমাগরা ধরিত্রীর অধিস্বামী ভাবিতেন, তাহাও আমাদের অসহ্য হইয়া উঠিয়াছিল*।” কালের পরিবর্তনে দিল্লীর গৌরব এইরূপেই বিলুপ্ত হইয়াছিল, দিল্লীর সম্রাটগণ কালের পরিবর্তনে এক দল বিদেশী বণিকের অধীন হইয়া এইরূপ লাঞ্ছনা ও কষ্ট ভোগ করিতেছিলেন।

খ্রীঃ ১৮৫৭ অব্দের প্রথম কয়েক মাসের মধ্যেই উপস্থিত উত্তেজনার বিষয় কর্তৃপক্ষের গোচর হয়। মার্চ মাসের মধ্যভাগে দিল্লীর জুম্মা মসজিদে একখানি ঘোষণা-পত্র লাগাইয়া দেওয়া হয়। এই ঘোষণা-পত্রে উল্লেখ ছিল যে, ইহা পারস্যের ভূপতির নামে প্রচারিত হইয়াছে। ঘোষণা-পত্রের মর্ম্ম এই,—পারসীক সৈন্যগণ ইঙ্গরেজদিগের হস্ত হইতে ভারতবর্ষ উদ্ধার করিবার জন্ত অগ্রসর হইতেছে। অতএব এই সময়ে অবিশ্বাসীদিগের সহিত সমস্ত ধর্ম্মানুরক্ত মুসলমানেরই যুদ্ধ করা উচিত। ঘোষণা পত্রে মহম্মদ সাদিকের নাম স্বাক্ষর ছিল; কিন্তু মহম্মদ সাদিক কে, তাহা কেহই জানিত না। সাধারণকে যে, ইঙ্গরেজ গবর্নমেন্টের বিরুদ্ধে উত্তেজিত করিবার চেষ্টা হইতেছিল, উপস্থিত ঘোষণা-পত্রেই তাহার প্রমাণ পাওয়া যায়। যাহা হউক, উহা দীর্ঘকাল জুম্মা মসজিদে সংলগ্ন ছিল না; স্মৃতরাং সর্দসাদারণে উহা দেখিতে পায় নাই। মাজিষ্ট্রেটের আদেশে কয়েক ঘণ্টার মধ্যেই উহা ছিঁড়িয়া ফেলা হইয়াছিল। কিন্তু ঘোষণা-পত্র দীর্ঘকালস্থায়ী না হইলেও, এবং উহা সর্দসাদারণের চক্ষে না পড়িলেও, উহার মর্ম্ম প্রকারান্তরে সাধারণকে বুঝাইয়া দেওয়া হইতেছিল। কথিত আছে, এই সময়ে এতদ্দেশীয় কোন কোন সংবাদপত্রে তুচ্ছ বিষয়ে আন্দোলন উপস্থিত হয়। সম্পাদকগণ নামা ভাবে, নানা ছাঁদে এ সম্বন্ধে নানা

* Russell's Letter.—Times, August 20th. 1858, Comp. Indian Empire. Vol. II. p. 459.

সংবাদ প্রকাশ* করিতে থাকেন। তাঁহারা সোজা ভাবে কিছু না বলিয়া রূপকে বা দ্ব্যর্থভাবে সংবাদ লিখিতে থাকেন। এক সময়ে লিখিত হয় :— “মাজিষ্ট্রেটের নিকট সংবাদ আসিয়াছে যে, কয়েক সপ্তাহ মধ্যেই কাশ্মীর গ্রহণ করা হইবে।” এ স্থলে কাশ্মীর স্বনামপ্রসিদ্ধ দেশ নহে—দিল্লীর কাশ্মীর-তোরণ*। সুতরাং উক্ত সংবাদে ইহাই জানান হয় যে, কয়েক সপ্তাহ মধ্যে দিল্লীর কাশ্মীর-দরওয়াজা গবর্ণমেণ্টের অধিকৃত হইবে। এত-দেখীয় সংবাদপত্র এইরূপ দ্ব্যর্থভাবে নানা সংবাদ প্রচার করুক, বা নাই করুক, উপস্থিত সময়ে যে, দিল্লীর মুসলমানগণ উত্তেজনার পরিচয় দিতেছিল, তদ্বিষয়ে কোন সন্দেহ নাই। দিল্লীর রাজবংশের সম্বন্ধে আন্দোলন উপস্থিত হওয়াতে সাধারণের হৃদয়ও ক্রমে আন্দোলিত হয়। অনেকেই কহিতে থাকে যে, শীঘ্র গুরুতর বিপ্লব উপস্থিত হইবে। এই বিপ্লবে কোম্পানির রাজ্য উৎসন্ন হইয়া যাইবে। দিল্লীর সিপাহিদিগের মধ্যেও এইরূপ নানা কথার আন্দোলন হইতে থাকে, কিন্তু বুদ্ধ বাহাদুর শাহ এইরূপ আন্দোলনে মনোযোগ দেন নাই। তাঁহার নামে অনেক কথার সৃষ্টি হইতেছিল, তাঁহার নামে অনেকে, অনেকের উত্তেজনা বৃদ্ধি করিতেছিল, কোম্পানির শাসন বিলুপ্ত করিবার জন্ত তাঁহার নামে অনেক ষড়যন্ত্রের উৎপত্তি হইতেছিল; কিন্তু তিনি স্বয়ং উহার কিছুই জানিতেন না, উহার কোন আন্দোলনে মনোযোগ দিতেন না। মে মাসে যখন মিরাতের তৃতীয় অখারোহিদলের অবাধ্যতার সংবাদ দিল্লীতে উপস্থিত হয়, দিল্লীর এতদেশীয় কয়েক জন সৈনিক আফিসর যখন সেই অবাধ্য সৈনিকদিগের বিচারজন্ত মিরাতে গমন করেন, তখন অরশস্তাবী বিপ্লবের সম্বন্ধে আরও আন্দোলন উপস্থিত হয়। অনেকে মুক্তকণ্ঠে কহিতে থাকে যে, ভারতবর্ষে শীঘ্র মোগলশাসন পুনঃ প্রতিষ্ঠিত হইবে, ভারতবর্ষীয়গণ শীঘ্র আবার মোগল সম্রাটের অধীনে প্রধান প্রধান কার্যে নিযুক্ত হইবে, সিপাহিদিগের বাহুবলের অর্হিমায় কোম্পানির অধিকার সমূলে বিনষ্ট হইয়া যাইবে। এইরূপ আন্দোলন হইলেও বুদ্ধ ভূপতি উহাতে

* দিল্লীর প্রাচীণে পরিবেষ্টিত। উহাতে অনেকগুলি প্রবেশদ্বার আছে। এই প্রবেশ-দ্বারের একটির নাম কাশ্মীর-দরওয়াজা।

কর্ণপাত করেন নাই, কিংবা উহাতে মোড়িত হইয়া, আপনান বিলুপ্ত ক্ষমতা পুনরুদ্ধারের স্বপ্ন দেখেন নাই* ।

১০ই মে রাত্রিকালে উন্নত সিপাহিদিগের আক্রমণ নিরস্ত করিবার জন্ত, যখন ইন্ডরেজ পদাতিক ও কামানরক্ষক সৈন্য যুদ্ধবেশে মিরাতের বিস্তীর্ণ প্রান্তরে সমাগত হয়, তখন তৃতীয় অখারোহিদল বায়ুবেগে দিল্লীর অভিমুখে ধাবিত হইতে থাকে। পদাতিক সিপাহিগণও দ্রুতগতিতে তাহাদের অনুসরণ করে। আকাশ পরিষ্কার ছিল, নিম্নল আকাশে নিম্নল চন্দ্রকিরণ বিস্তার করিতেছিল, মিরাতের উন্নত সিপাহিসৈন্য এই জ্যেৎস্নাময়ী রাত্রিতে তীরবেগে দিল্লীর অভিমুখে অগ্রসর হইতে লাগিল। চারিদিক জ্যেৎস্নাবিধৌত হওয়াতে তাহাদের গতির কোন বিঘ্ন হইল না। তাহারা অবাধে, অব্যাহতবিক্রমে গ্রামের পর গ্রাম ছাড়াইতে লাগিল। এইরূপে সমস্ত রাত্রি অতিবাহিত হইল। ১১ই মে প্রাতঃকালে মহানগরী দিল্লী সিপাহিদিগের নেত্রপথবর্তী হইল। এই সময়ে সূর্য্য উদ্ভিত হইতেছিল। তরুণ সূর্যালোক যমুনার সুনীল জলে পতিত হওয়াতে অনুপম শোভা বিকাশ পাইতেছিল। সূর্য্য-কর-বিভাসিত সুনীল যমুনার উপর মোগল সম্রাটের রাজধানী দাঁড়াইয়া, আগন্তুক সিপাহিদিগের মনে যুগপৎ আশা ও আঙ্কল-দের তরঙ্গ তুলিয়া দিতেছিল। দিল্লীর যে দিক যমুনার দিকে, সেই দিকে একটি নৌসেতু ছিল। এই সেতু, এক দিকে সলিমগড়, অপর দিকে মিরাতে যাওয়ার পথ, পরস্পর সংযোজিত করিয়া দিয়াছিল। স্মৃতরাং মিরাত হইতে যাত্রা করিয়া দিল্লীর অপর তীরে উপনীত হওয়ার পর, এই সেতু

* যখন বাহাদুর শাহের বিচার হয়, তখন তাঁহার সেক্রেটারি আপনান এজাহারে প্রকাশ করেন যে, ভূগতি স্বয়ং ইন্ডরেজদিগের বিরুদ্ধে কোন প্রস্তাব করিয়াছিলেন কি না, তাহা তিনি অবগত নহেন। তবে তাঁহার অস্থচরণ রাজপ্রাসাদের দ্বারে বসিয়া কতিপয়—সিপাহিরা গবর্ণমেন্টের বিরুদ্ধে সম্মুখিত হইয়া অতি শীঘ্র এখানে আসিবে, এবং ইন্ডরেজ-শাসন উচ্ছেদ করিয়া মোগল-শাসন পুনঃ প্রতিষ্ঠিত করিবে।—Kaye, Sepoy War, Vol. II. p. 42, note.

অতিক্রম করিলেই সলিমগড়ের নিকট উপনীত হওয়া বাইত। দিল্লী* লোহিত প্রস্তরের প্রাচীরে পরিবেষ্টিত, ইহাতে এগারটি প্রধান প্রবেশ-দ্বার আছে। যে দিকে যমুনা প্রবাহিত হইতেছে, সেই দিক ব্যতীত আর সকল দিকে আটটি প্রবেশদ্বার আছে। এই আটটি প্রবেশ-দ্বারের নাম—কাশ্মীর, মোরী, কাবুল, লাহোর, ফরাস্ খাঁ, আজমীর, তুর্কমান এবং দিল্লী-দরওয়াজা। সম্রাটের বাসভবন নগরের প্রান্তভাগে যমুনাকূলে অবস্থিত। ইহার তিন দিক লোহিত প্রাচীরে পরিবেষ্টিত। কাশ্মীর-দরওয়াজায় সৈনিকনিবাস ছিল। নগররক্ষক সৈনিকেরা এই খানে অবস্থিতি করিত। মিরাতের অশ্ব-রোহী সিপাহীদের অগ্রগামি-দল বেলা ৮ আটটার পূর্বে যমুনার নৌসেতু পার হয়, টোল-ঘাটের অধ্যক্ষকে বধ করে এবং টোলগৃহে আগুন লাগাইয়া দিল্লীর প্রাচীরের নিকট উপনীত হয়। উত্তেজিত সৈনিক পুরুষেরা রাজ-প্রাসাদের নিকটে আসিয়াই বিকট চীৎকার করিয়া কহে যে, তাহার মিরাতের ইঙ্গরেজদিগকে হত্যা করিয়াছে, এখন ফিরিঙ্গীদিগের বিরুদ্ধে যুদ্ধ করিতে কৃতসঙ্কল্প হইয়া সম্রাটের সাহায্যপ্রাপ্তির জন্ত নগরমধ্যে প্রবেশ করিতে চাহিতেছে।

রণমত্ত আগন্তুক সিপাহিদিগের কোলাহল শুনিয়া দিল্লীর বৃদ্ধ ভূপতি প্রাসাদ-রক্ষক সৈনিকদিগের অধ্যক্ষ কাপ্তেন ডগলাসকে ডাকিয়া পাঠাইলেন। দেওয়ানিআমে † ভূপতির সহিত ডগলাসের সাক্ষাৎ হইল। ডগলাস কহিলেন যে, এই সৈন্যদিগকে ফিরিয়া বাইতে বলিবার জন্ত, তিনি নীচে বাইতে প্রস্তুত আছেন। কিন্তু বাহাজুর শাহ তাঁহাকে নীচে বাইতে নিষেধ করিলেন; যেহেতু নীচে গেলে সিপাহিরা তাঁহার প্রাণ নষ্ট করিতে পারে। ভূপতির চলিবার ভত শক্তি ছিল না, যষ্টির উপর ভর দিয়া এবং হাকিম

* এ স্থলে সম্রাট শাহজাহার নির্মিত নয়া বা নূতন দিল্লীর কথা বলা হইতেছে।

† দিল্লীর রাজ-প্রাসাদে অনেকগুলি গৃহ আছে। ইহাদের মধ্যে দুইটি গৃহ বিশেষ প্রসিদ্ধ; ইহার একটির নাম দেওয়ানিআম ও অপরটির নাম দেওয়ানিখাস। দেওয়ানিআমে রাজসভা হইত। এই খানে শাহজাহার প্রসিদ্ধ ময়ূর-সিংহাসন ছিল, এবং এই খানে নাদির শাহ প্রতারণা পূর্ব্বক মহম্মদ শাহের নিকট হইতে জগদ্বিখ্যাত কোহিনূর হীরক জইয়াছিলেন। দেওয়ানিখাস—সম্রাটের সম্মণাগৃহ। এই খানে রাজসংক্রান্ত গোপনীয় সম্মণা হইত।

আসামুল্লাহর হাত ধরিয়৷ তিনি দেওয়ানিআমে আসিয়াছিলেন । ডগ্‌লাস্ নীচে যাইতে চাহিলেও বুদ্ধ ভূপতি, পাছে তাঁহার প্রাণ নষ্ট হয়, এই আশঙ্কায় যাইতে পুনঃ পুনঃ নিষেধ করিতে লাগিলেন । সুতরাং ডগ্‌লাস্ গবাক্-দ্বার দিয়া আগন্তক সিপাহিদিগকে কহিলেন যে, তাহাদের উপস্থিতিতে ভূপতির বড় বিরক্তি বোধ হইতেছে, সুতরাং তাহাদের এখনি ফিরিয়া যাওয়া উচিত । কিন্তু ডগ্‌লাসের কথায় কোন ফল হইল না, তাঁহার কথা যেন শূন্যে মিশিয়া গেল । উহা উত্তেজিত সৈনিক পুরুষদিগের কর্ণে প্রবেশ করিল না । এ দিকে দিল্লীতে অনেকগুলি প্রবেশ-পথ ছিল । এক পথ দিয়া নগরে প্রবেশ করার সূযোগ না হওয়াতে আগন্তক সৈন্য অপর পথে নগরে প্রবেশ করার চেষ্টা পাইতে লাগিল । যমুনার দিকে যে কয়েকটি প্রবেশ-দ্বার আছে, তাহার দুই-টির নাম কলিকাতাদরওয়াজা ও রাজঘাটদরওয়াজা । কলিকাতাদরওয়াজা সেতুর অতি নিকটবর্তী ছিল । যখন এই প্রবেশ-দ্বার রুদ্ধ হইল, তখন আগন্তক অঝারোহীরা, যমুনানদী ও প্রাসাদ-প্রাচীরের মধ্যবর্তী রাজ-পথ দিয়া রাজঘাটদরওয়াজার দিকে ধাবিত হইল । সেখানকার মুসলমানেরা এই দ্বার খুলিয়া দিল । মিরাতের উত্তেজিত সৈন্যদল সেই দ্বার দিয়া নগরের মধ্যে প্রবেশ করিল ।

মিরাতের সিপাহিগণ যে, ইঙ্গরেজদিগকে হত্যা করিয়া মোগলের রাজধানীর অভিমুখে উন্নতভাবে অগ্রসর হইতেছে, তাহা পূর্বে দিল্লীর ইঙ্গরেজগণ জানিতে পারেন নাই । দিল্লী ও মিরাতের মধ্যে টেলিগ্রাফের তার কাটিয়া দেওয়া হইয়াছিল । কখন এই তার ছিন্ন হয়, তাহা কর্তৃপক্ষ জানিতে পারেন নাই । ১১ই মে প্রাতঃকালে যে, উন্নত সিপাহিদল ইঙ্গরেজের শোণিতপাতে কৃতসঙ্কল্প হইয়া অপ্রতিহততেজে মহানগরী দিল্লীর সম্মুখীন হইবে, তাহা তদ্রূপ ইঙ্গরেজেরা স্বপ্নেও ভাবেন নাই । তাঁহারা প্রফুল্লভাবে শয্যা হইতে উঠিয়াছিলেন, এবং প্রফুল্লভাবে আপনাদের দৈনন্দিন কার্য্যে অভিনিবিষ্ট হইয়াছিলেন । বিপদের আশঙ্কায়, সর্ব্বধ্বংসের দুশ্চিন্তায় তাঁহারা বিচলিত হন নাই ; কিন্তু বিপক্ষদল অতর্কিতভাবে তাঁহাদের নিকট-বর্তী হইল, এবং অতর্কিতভাবে তাঁহাদের জীবনের সহিত সমস্ত আশা ভরসা নিঃসূল করিয়া ফেলিল ।

১১ই মে প্রাতঃকালে দিল্লীর টেলিগ্রাফ অফিসের কর্মচারী টড সাহেব হঠাৎ বুকিতে পারিলেন যে, দিল্লী ও মিরাতের মধ্যে টেলিগ্রাফের তার নষ্ট হইয়াছে। ইহা বুকিতে পারিয়াই, তিনি সেই সময় যমুনার নৌসেতুর দিকে গেলেন। ইহার মধ্যেই মিরাতের তৃতীয় অশ্বারোহিদলের অগ্রভাগ তাঁহার সম্মুখে আসিয়া পড়িল। আগন্তুকদিগের নিষ্কোষিত তরবাতির আঘাতে তাঁহার প্রাণ নষ্ট হইল। কিন্তু এই হত্যা-সংবাদ তখনি দিল্লীর ব্রিটিশ রাজপুরুষদিগের গোচর হয় নাই। রাজপুরুষগণ হুখের আবেশে আপনাদের কার্য্য করিতেছিলেন, এ সংবাদ শীঘ্র শীঘ্র তাঁহাদের নিকট উপস্থিত হইয়া তাঁহাদিগকে আশ্রয় উদ্যোগী করিয়া তুলে নাই।

মিরাতের যে সনস্ত অশ্বারোহী দিল্লীতে উপনীত হয়, তাহাদের সংখ্যা বেশী ছিল না। ক্রমে মিরাতের পদাতিকগণ আসিয়া তাহাদের সঙ্গে মিলিত হয়। এদিকে দিল্লীর অনেক মুসলমান অধিবাসীও তাহাদের দল পরিপুষ্ট করে, এবং দিল্লীতে যে সকল সিপাহি-সৈন্য ছিল, তাহারাও ক্রমে তাহাদের পক্ষ-সমর্থনে উদ্যত হয়। কিন্তু দিল্লীর জনসাধারণের সকলে এই উন্নত সিপাহিদিগের সহিত সম্মিলিত হইয়া আপনাদের উন্নতভাবে পরিচয় দেয় নাই। বাহারা মাথার ঘাম পায়ে ফেলিয়া, আপনাদের জীবিকা-সংস্থান করে, দৈনন্দিন পরিশ্রমে বাহাদের দৈনন্দিন আহারীয় সামগ্রী সংগৃহীত হয়, আপনাদের অবলম্বিত কার্য্যের কোনরূপ বিশ্ব উপস্থিত হইলেই, বাহারা উদরান্নের জালায় অস্থির হইয়া পড়ে—সংক্ষেপে, পরিশ্রমই বাহাদের জীবনবন্ধার অদ্বিতীয় অবলম্বন, তাহারা উপস্থিত বিপ্লবে মাতিয়া উঠে নাই। পূর্বে তাহারা যেরূপ নিরীহভাবে আপনাদের কার্য্য করিত, যেরূপ নিরীহভাবে উদরান্নের সংস্থান করিয়া, দ্বী-পুলের সহিত অতিকষ্টে কালাতিপাত করিত, উপস্থিত সময়েও তাহাদের সেই নিরীহভাব দূর হয় নাই। কারবারের কোন ব্যাঘাত হইলে, আপনাদের বিশেষ কষ্ট হইবে, ইহা তাহারা বেশ জানিত। শান্তিভাবে শান্তিময় পথে থাকিয়া কোনরূপে আপনাদের জীবিকা-নির্দাহ করিতে পারিলেই, তাহারা অপরিসীম সুখানুভব করিত। কোনরূপ বিপ্লবের অভিঘাতে এই সুখ নষ্ট হয়, ইহা তাহাদের ইচ্ছা ছিল না। দিল্লীর অধিকাংশ শ্রমজীবী শান্তির এইরূপ পক্ষপাতী ছিল। ইহারা বিপ্লবের পরিপোষক হইয়া আপনা-

দের অনিষ্টসাধন করে নাই*। কিন্তু দিল্লীর চারিপার্শ্বে আর এক জাতি লোক বাস করিত, ইহারা গুজর নামে প্রসিদ্ধ। ইহারা কেহ কেহ সামান্য রকম কৃষিকার্য করে বটে, কিন্তু অধিকাংশই এখানে ওখানে গৃহ-পালিত পশু-দল লইয়া বেড়ায়, এবং যখন সুবিধা পায়, তখনি পরস্বাপহরণ করিয়া আপনাদের জীবিকা সংস্থান করে। প্রধানতঃ এই সম্প্রদায়ের লোকই দিল্লীর উত্তেজিত মুসলমান ও উত্তেজিত সিপাহিদিগের সহিত মিশিয়াছিল।

মিরাতের সিপাহিদিগের দিল্লীতে আগমনপ্রসঙ্গে কেহ কেহ উল্লেখ করিয়াছেন যে, ১১ই মে প্রাতঃকালে এক দল হিন্দু তীর্থ-ভ্রমণ উদ্দেশে দিল্লী হইতে মৌসুরীতে যাত্রা করে। ইহারা নৌসেতু পার হইয়া দিল্লীর অপর পারে উপস্থিত হইয়াছে, এমন সময়ে, ১৮ জন অশ্বারোহী বায়বেগে আসিয়া, তাহারা কি উদ্দেশে কোথায় বাইতেছে, জিজ্ঞাসা করে। “তীর্থ-যাত্রী, পুণ্যক্ষেত্র হরিদ্বারের উদ্দেশে যাত্রা করিয়াছে”, হিন্দুগণ আগন্তুক সৈনিক পুরুষদিগকে এই উত্তর দেয়। এই উত্তর শুনিয়াই, অশ্বারোহিদল তাহাদিগকে দিল্লীতে ফিরিয়া বাইতে কহে, তাহাদের কথা প্রতিপালিত না হইলে, প্রাণ বাইবে, বলিয়া তাহাদিগকে ভয় দেখায়। তীর্থযাত্রিদল বাঙ নিষ্পত্তি না করিয়া দিল্লীতে ফিরিয়া আইসে, এবং আগন্তুক অশ্বারোহীদিগকে, নৌসেতুর উপর এক জন ইউরোপীয়ের হত্যার পর, দিল্লী-তোরণ দিয়া নগরের মধ্যে প্রবেশ করিতে দেখে। অবিলম্বে নগরের কোতোয়াল এই সংবাদ কমিশনর ফেজার সাহেবের নিকট পাঠাইয়া দেন †।

আগন্তুক সিপাহিদিগের উপস্থিতির পরক্ষণে দিল্লীর অবস্থার পরিবর্তন হয়। সহসা সমস্ত নগর সত্তাড়িত হইয়া উঠে, সহসা বিকট কোলাহলে চারিদিক পার্শ্বপূরিত হইতে থাকে, শান্তিপ্রিয় অধিবাসিগণ বিস্ময় ও ভয়ের সহিত আত্মগোপন করে, বাজারের দোকান সকল বন্ধ হইয়া যায়। যে সকল অধিবাসী প্রতিমুহূর্তে ফিরঙ্গীবিনাশের স্বপ্ন দেখিতেছিল, বাহারা উন্নত সিপাহিদিগের সহিত মিলিত হইয়া ভয়াবহ কার্যসাধনে আপনাদের উদ্যম, উৎসাহ, ইহার উপর আপনাদের ইঙ্গরেজ-বিদ্বেষের পূর্ণ-বিকাশ

* Martin, Indian Empire, Vol. II. p. 157.

† Ibid, p. 159.

দেখাওঁতে ইচ্ছা করিয়াছিল, এবং মুহূর্তে মুহূর্তে এই বলবতী বাসনার তৃপ্তিসাধনের সুযোগ প্রতীক্ষা করিতেছিল, তাহারা সকলেই মহা-উল্লাসে ভৈরব-রবে সিপাহিদিগের পরিপোষক হয়। ১০ই মে সন্ধ্যাকালে মিরাতে যে ভয়ঙ্কর কাণ্ড ঘটয়াছিল, ১১ই মে প্রাতঃকালে মোগল সম্রাটের প্রিয় নিকতন মহানগরী দিল্লীতে তাহারই পুনরাবির্ভাব হয়। পূর্বে উল্লিখিত হইয়াছে, সিপাহিদিগের উত্তেজনা এরূপ বাড়িয়া উঠিয়াছিল যে, তাহাদের দ্বিধিদ্ভিক্-জ্ঞান ছিল না। তাহাদের বুদ্ধি, বিবেক এবং দয়া ও স্নেহ, সমস্তই দূর হইয়াছিল। কোমল বৃত্তির এইরূপ অন্তর্ধানে তাহাদের হৃদয় পাষণে পরিণত হইয়া উঠিয়াছিল। তাহারা ইন্সরেজ-কুল উৎসন্ন করিতে প্রতিজ্ঞাবদ্ধ হইয়াছিল। এই প্রতিজ্ঞা পূর্ণ করিতে তাহাদের কিছু-মাত্র ঔদাসীন্য বা কিছুমাত্র শৈথিল্য জন্মে নাই। তাহারা প্রমত্তভাবে নর-শোণিত-পাত করিয়া আপনাদের এই প্রতিজ্ঞা পূর্ণ করিয়াছিল। কোন প্রবল প্রতিদ্বন্দ্বীর শাসন ও ক্ষমতা সম্মুখে নষ্ট করিতে যখন হৃদয় মাতিয়া উঠে, চিরন্তন ধর্ম ও চিরাচরিত জাতিগত প্রথার সম্মান অক্ষুণ্ণ রাখিতে যখন হৃদয়ে অপরিসীম সাহস ও বলের সঞ্চার হয়, তখন পশ্চাতের দিকে দৃষ্টি থাকে না, পরে কি হইবে, তাহারও কোন ভাবনা থাকে না, তখন সম্মুখের অন্তরায় নষ্ট করিতেই উৎকট আগ্রহ জন্মিয়া থাকে। শেষে যখন এই আগ্রহ কার্যে পরিণত হয়, প্রতিদ্বন্দ্বীর বিরুদ্ধে যখন অস্ত্র সঞ্চালিত হইতে থাকে, তখন অদম্য হিংসার পরিতর্পণ ব্যতীত আর কোনও বিষয়ে প্রবৃত্তি থাকে না। প্রতিদ্বন্দ্বীর স্বশ্রেণীর, স্বদেশের ও স্বধর্মের যে কেহই হউক না কেন, তাহাকেই প্রবল শত্রু বলিয়া বোধ হইতে থাকে। সময়ের গতিতে উত্তেজিত সিপাহিদিগের এই দশা ঘটয়াছিল, সময়ের গতিতে সিপাহিরা এইরূপ উৎকট আগ্রহে অধীর হইয়া প্রতিহিংসার পরিতর্পণ করিতেছিল।

উপস্থিত সময়ে দিল্লীতে ৩৮, ৫৪ ও ৭৪গণিত তিন দল সিপাহিসৈন্য ছিল। এই তিন দলে ৩,৫০০ সৈনিক পুরুষ অবস্থিতি করিতেছিল। এতদ্ব্যতীত এক দল গোলন্দাজ সৈন্য ছিল। এই সৈন্যদলে ১৬০জন সৈনিক অবস্থিতি করিত। ৫২জন ইন্সরেজ সৈনিক পুরুষ পেনাসংক্রান্ত কার্যে নিযুক্ত ছিলেন।

মিরাতের উত্তেজিত সৈন্যগণ প্রবল বেগে নগরে প্রবেশ করিয়াছিল। ইহারা সম্মুখে যে সকল ইন্ধরেজের সাক্ষাৎ পায়, তাহাদিগকেই হত্যা করে, এবং তাহাদের গৃহে আগুন লাগাইয়া কলিকাতাতোরণের অভিমুখে অগ্রসর হইতে থাকে, যেহেতু ইহারা শুনিয়াছিল যে, এই স্থানে গেলে কমিশনর ফ্রেজার ও ডগ্লাম্ প্রভৃতি প্রধান প্রধান ইন্ধরেজের সাক্ষাৎ পাওয়া যাইবে। যখন তাহারা 'দীন দীন' রবে কলিকাতাতোরণের অভিমুখে সবেগে অশ্বচালনা করে, তাহাদের ভীষণ যুদ্ধ-রব যখন পথের পর পথ অতিক্রম করিয়া চারিদিকে ছড়াইয়া পড়ে, তখন দিল্লীর অনেক মুশমান এই ভৈরব রবে উন্নত হইয়া তাহাদের সঙ্গে মিলিত হয়। উন্নত সিপাহিরা জানিত যে, দিল্লীতে তাহাদের স্বদেশের যে সকল সৈনিক পুরুষ আছে, তাহারা কখনও আপনাদের চিরন্তন ধর্মরক্ষায় উদ্যমী থাকিবে না, কখনও আপনাদের ধর্মহত্যা চির-শত্রু ফিরিঙ্গীদিগকে বিনষ্ট করিবার জন্য, তাহাদের সাহায্য করিতে বিমুখ হইবে না। স্বদেশীয় সৈনিক পুরুষগণ যে তরবারি ধারণ করিয়া বীর-ব্রত-রক্ষায় নিযুক্ত রহিয়াছে, যে বন্দুকের বলে আপনাদিগকে সকল বিষয়ে নিরাপদ রাখিতে চেষ্টা পাইতেছে, সে তরবারি বা সে বন্দুক কখনও তাহাদের বিরুদ্ধে উত্তোলিত হইবে না। সুতরাং তাহারা আপনাদিগকে সহায়গুণ্য ভাবে নাই। কোম্পানির বিরুদ্ধে সমুখিত হইয়াছে বলিয়া, তাহাদের ভয়ও জন্মে নাই। তাহারা নির্ভয়ে, অবিকারচিত্তে দিল্লীতে প্রবেশ-পূর্বক ফিরিঙ্গীদিগের শোণিতস্রোত প্রবাহিত করিতে প্রবৃত্ত হয়।

এই সময়ে ৩৮গণিত সৈনিকদলের কতিপয় সিপাহি রাজপ্রাসাদ রক্ষা করিতেছিল। যখন মিরাতের উত্তেজিত সিপাহিগণ প্রাসাদের এক প্রান্তে উপস্থিত হয়, তখন কাপ্তেন ডগ্লাম্ ও কমিশনর ফ্রেজার সাহেব অপর প্রান্তে থাকিয়া উক্ত প্রাসাদরক্ষক সৈনিকদিগকে আপনাদের পক্ষে রাখিতে বিশেষ চেষ্টা করেন। কিন্তু তাঁহাদের চেষ্টা ফলবতী হয় নাই। মিরাতের রণমত্ত অশ্বারোহিগণ প্রবল বেগে আসিয়া উপস্থিত হইল, প্রাসাদরক্ষক সৈনিকেরা কমিশনর বা কাপ্তেন ডগ্লাম্‌সের কথায় কর্ণপাত না করিয়া আগন্তুকদিগের প্রতি সমবেদনা দেখাইতে লাগিল। জাতিনাশ ও ধর্মনাশের আশঙ্কায় দিল্লীর সিপাহিরাও সাতিশয় উত্তেজিত হইয়া উঠিয়াছিল। তাহাদের

উত্তেজনা তিরোহিত হইল না। যখন তাহারা মিরাতের সৈনিক পুরুষদিগকে চিরন্তন ধর্মরক্ষার জন্য দৃঢ়প্রতিজ্ঞ দেখিল, তখন তাহারাও দৃঢ়প্রতিজ্ঞ হইয়া, সেই সৈনিকপুরুষদিগের পরিপোষক হইতে লাগিল। এখন কর্তৃপক্ষের কোন কথা রক্ষিত হইল না। কর্তৃত্বে কোনও ফল দেখা গেল না। ক্ষমতা, আজ্ঞা সকলই এখন ব্যর্থ হইল। উত্তেজিত সিপাহীরা আর কাহারও ক্ষমতার নিকট মস্তক অবনত না করিয়া, আর কাহারও আদেশপালনে অগ্রসর না হইয়া, আপনারাই আপনাদের কর্তা হইয়া উঠিল, আপনারাই আপনাদের ইচ্ছানুসারে কার্য করিতে লাগিল। কমিশনর ও কাপ্তেন নিরুপায় হইলেন। তাঁহাদের ক্ষমতা, তাঁহাদের প্রভুত্ব, তাঁহাদের কর্তৃত্ব, এখন সমস্তই অন্তর্ধান করিল। এক মুহূর্ত্ত পূর্বে যাহারা তাঁহাদিগকে দেখিয়া বিনয় ও শীলতার সহিত অভিবাदन করিত, তাঁহাদের আদেশপালনে যাহারা সর্পদা প্রস্তুত থাকিত, এখন তাহারাি তাঁহাদের উপর কর্তৃত্ব দেখাইতে অগ্রসর হইল। এই আকস্মিক পরিবর্তনে—সময়ের এই বিচিত্র গতিতে ফেজার ও ডগ্লাস, উভয়েই বিস্মিত হইলেন। বিস্ময়ের সহিত তাহাদের ভয়ের আবির্ভাব হইল। তাঁহারা প্রতিমুহূর্ত্তে আপনাদের জীবন মঙ্গলটাপন্ন বোধ করিতে লাগিলেন। যখন অখারোহীরা ভীষণবেগে উপস্থিত হয়, তখন কমিশনর ফেজার ও কাপ্তেন ডগ্লাস, উভয়েই বগীতে চড়িয়া আক্রমণকারীদিগকে নিরস্ত করিতে প্রয়াস পাইতেছিলেন। পূর্বে উক্ত হইয়াছে, নগরের কোতয়াল কমিশনরকে উপস্থিত বিপদের সংবাদ জানাইয়াছিলেন। সংবাদ পাইয়াই, কমিশনর সাহেব গুলিভরা বন্দুক লইয়া বগীতে চড়িয়া, দুইজন অখারোহী আদালীর সহিত বাহিরে আইসেন, কাপ্তেন ডগ্লাসও তাঁহার সহিত মিলিত হন। অখারুঢ় সৈনিকেরা আদালীদিগকে দেখিয়াই জিজ্ঞাসা করে— “তোমরা ফিরিঙ্গীদিগের জন্য, না আপনাদের ধর্মরক্ষার জন্য প্রস্তুত রহিয়াছ ? জিজ্ঞাসামাত্রেই দুই জন আদালী বিকট স্বরে “দীন দীন” করিয়া উঠে। ফেজার ও ডগ্লাস সাহেব বহুদিনের পর মুসলমানের রাজধানীতে মুসলমানের যুদ্ধরব শুনিয়া ব্যাকুলভাবে গাড়া হইতে নামিয়া পুলিশষ্টেশনে উপস্থিত হইলেন। এদিকে আক্রমণকারী অখারোহীগণ তাঁহাদের সম্মুখে আসিতে লাগিল। ফেজার সাহেব একজনকে গুলি করিলেন। তাঁহার

নিক্রান্ত আর এক গুলিতে আর এক জনের অধিষ্ঠিত অক্ষু, আহত, হইল। কিন্তু ইহাতে আক্রমণকারীদিগের উদ্যম ও উৎসাহ ভঙ্গ হইল না। জনতা ক্রমে বৃদ্ধি পাইতে লাগিল। উন্মত্ত সিপাহিগণ ক্রমে দলবদ্ধ হইয়া, শ্রবণ বেগে, বিপুল উৎসাহে আসিয়া পড়িল। ফেজার সাহেব তখন পলায়ন ব্যতীত আর কোনও উপায় দেখিলেন না। তিনি আবার গাড়ীতে উঠিয়া, লাহোর-তোরণের অভিমুখে ধাবিত হইলেন*। এদিকে কাপ্তেন ডগলাস প্রাসাদের পরিখায় লাকাইয়া পড়িলেন †। পতনে বড় আঘাত লাগিল। তিনি পরিখায় পড়িয়া, আক্রমণকারীদিগের গুলিবৃষ্টি হইতে আত্মরক্ষা করিলেন বটে, কিন্তু পতনজনিত আঘাতে তাঁহার শক্তি বিনষ্ট হইল। প্রাসাদের কয়েক জন চাপারসী তাঁহাকে এই অবস্থায় ধরিয়া উপরে তুলিল, এবং এক জন তাঁহাকে পিঠে করিয়া, তাঁহার গৃহে আনিল। কমিশনের ফেজার সাহেব ও দিল্লীর কলেক্টর হচিন্সন সাহেব (ইনিও আহত হইয়াছিলেন) এইখানে উপস্থিত হইলেন ‡।

* কাছারও নগরে কমিশনের গাড়ী হইতে লাকাইয়া পড়িয়া, লাহোর-তোরণের নিকট আসিয়া সুবাদারকে দ্বাব রুদ্ধ করিতে কহেন। সুবাদার কমিশনের কথা রক্ষা করে। কমিশনের ও কাপ্তেন উভয়েই, আগন্তুক অশ্বারোহীদিগের সহিত একযোগে হওয়ার জন্য, সুবাদারকে তিরদ্বার করতে, সুবাদার কিছু ক্রুদ্ধ হয়। কিন্তু ক্রোধের আবেগে ইন্দুরজদিগের কোন অনিষ্ট করে নাই; প্রত্যুত তাঁহাদিগকে পলায়ন করিতে কহে।—Martin, Indian Empire, Vol. II. p. 159.

† পূর্বে বলা হইয়াছে, দিল্লীর সম্রাটের বাস-ভবন একটি সুদৃঢ় দুর্গ বলিয়া পরিগণিত হইত। শাহজহা উহা দুর্গস্বরূপ করিয়াই প্রস্তুত করিয়াছিলেন। সূতরাং উহা দুর্গ নামেই অভিহিত হইয়া থাকে। দুর্গের প্রাচীর ৪০১০ ফুট উচ্চ, পরিখা বিস্তৃত ও অতিগভীর। বিখ্যাত ফরাসীলক্ষণকারী বর্ণিয়ার লিখিয়াছেন যে, দুর্গের পরিখা জলপূর্ণ ও মন্যস্যবহুল ছিল। শেষে উহা লুকাইয়া যায়।—Travels of a Hindu. Vol. II. p. 288.

‡ এ সম্বন্ধে অনেক মতভেদ আছে। দিল্লীর অবিপতি এবং মোগলবেগ নামক এক ব্যক্তির (এ ব্যক্তি ফেজারের হত্যাকারী) বলিয়া ধৃত হয়। ১৮৫২ অব্দে ইহার বিচার হয়। বিচারকালে যে সকল সাক্ষীর এজোহার পাওয়া হয়, তাহাদের এক জন কহে, হচিন্সন সাহেব কাপ্তেন ডগলাসের সঙ্গে আইসেন। আর এক জন নির্দেশ করে, তিনি ফেজার সাহেবের সঙ্গে উপস্থিত হন। তৃতীয় ব্যক্তি বলে, কাপ্তেন ডগলাসের যখন কথা কহিবার সামর্থ্য জন্মিল, তখন তিনি

আক্রমণকাঙ্গ্রিগণ ক্রমে কাপ্তেন ডগ্লাসের গৃহের নিকটবর্তী হইল। এই সময়ে একজন ইঙ্গরেজ পাদরী ও কতিপয় ইউরোপীয় মহিলা কাপ্তেনের গৃহে অবস্থিতি করিতেছিলেন। পাদরী কোলাহল শুনিয়া নীচে নামিয়া আসিলেন; আসিয়া দেখিলেন, কাপ্তেন ও হচিন্সন, উভয়েই নীচে রহিয়াছেন। তিনি কতিপয় প্রাসাদরক্ষকদ্বারা ইহাঁদিগকে উপরে লইয়া গেলেন। কমিসর সাহেব নীচে সিঁড়ির নিকট থাকিয়া, উত্তেজিত লোকদিগকে নিরস্ত করিবার চেষ্টা পাইতে লাগিলেন। তিনি তরবারি হাতে করিয়া, সিঁড়ির নীচে দাঁড়াইয়া রহিয়াছেন, এমন সময়ে এক ব্যক্তি তাঁহাকে অস্ত্রাঘাত করিল। মুহূর্ত্তমধ্যে আর কয়েক জনের উত্তোলিত তরবারি তাঁহার দেহে নিপতিত হইল। মুহূর্ত্তমধ্যে কশিনর ফেজারের জীবনশূন্য ক্ষতবিক্ষত দেহ সিঁড়ির নীচে পড়িয়া গেল।

কমিশনরের হত্যার পর উন্নত লোকে উগরে গেল। ডগ্লাস, হচিন্সন প্রভৃতি ইঙ্গরেজ ও কতিপয় ইঙ্গরেজমহিলা উপবের ঘরে ছিলেন। প্রথমে সিঁড়ির উপরের দ্বার রুদ্ধ করিয়া, আক্রমণকারীদিগকে বাধা দেওয়ার চেষ্টা করা হইয়াছিল। কিন্তু জনতার প্রবলবেগে দ্বাররোধ করা কাহারও সাধ্য হইল না। নিমিষমধ্যে সমুদয় শেষ হইয়া গেল। নিমিষমধ্যে সকলের শব-নিঃসৃত শোণিত-স্রোত সমস্ত গৃহ প্লাবিত করিয়া ফেলিল।

নর-শোণিত-প্রবাহে দিল্লীর সম্রাটের বাস-ভবন এইরূপে কলঙ্কিত হইল। এই হত্যাকাণ্ডে দিল্লীর বৃদ্ধ ভূপতিকে অপরাধী করিবার চেষ্টা হইয়াছিল। কিছু দিন ধরিয়া অনেকের বিশ্বাস ছিল যে, উন্নত লোকে ইঙ্গরেজে মহিলাদিগকে টানিয়া বাহাদুর শাহের নিকট লইয়া আইসে, এবং বাহাদুরের সমক্ষে অথবা বাহাদুরের অনুমতিক্রমে ইহাঁদিগকে বধ করে। এই ঘটনা কল্পনায় রঞ্জিত হইয়া, নানা বিচিত্র কাহিনীর সৃষ্টি করে। কিন্তু শেষে উহা অলৌক বলিয়া প্রতীপন্ন হয়। বৃদ্ধ ভূপতির অনুমতিক্রমে যে, ইঙ্গরেজ কুলনারীগণ নিহত হইয়াছিলেন, তাহার কোন প্রমাণ পাওয়া যায় নাই। প্রত্নত, দিল্লী-ঈশ্বর উপস্থিত সঙ্কটে ইঙ্গরেজদিগের সপক্ষতাই করিয়াছিলেন। ইহার অনেক

হচিন্সন সাহেবকে তাঁহার গৃহে লইয়া যাইতে, আপনার চাপরানীদিগকে আদেশ দিয়াছিলেন।

প্রমাণ আছে। কাশ্মের ডগলাস, মৃত্যুর কিছু পূর্বে তাঁহার গৃহের মহিলা-দিগকে বাহাদুর শাহের মহিষীর গৃহে পাঠাইবার জন্ত, ভূপতির নিকট পাক্ষী চাহিয়াছিলেন। ভূপতি, কাশ্মেরের প্রার্থনা পূর্ণ করিতে উদাসীন হন নাই। পাক্ষী পছঁহিতে কিছু বিলম্ব হইয়াছিল। ইহার মধ্যেই সমস্ত শেষ হইয়া যায় *। উত্তেজিত সিপাহিগণ বৃদ্ধ বাহাদুরের নামে সকল কার্য্য করিতে ছিল বটে, কিন্তু বাহাদুর শাহ তাহাদের পক্ষসমর্থনে অগ্রসর হন নাই, তাহাদিগকে কোনরূপ উৎসাহ দিতেও তাঁহার প্রবৃত্তি জন্মে নাই। তিনি ইঙ্গরেজদিগের সহিত মিশিয়া, মিরাত হইতে সাহায্যপ্রাপ্তির প্রতীক্ষা করিতে-ছিলেন। যখন উন্নত সিপাহিদিগের আক্রমণে সমস্ত নগরে গোলযোগ উপস্থিত হয়, ইউরোপীয়গণ পলায়িত বা নিহত হইতে থাকে, তখন দিল্লীর বর্ষায়ান্ অধিপতি আশ্রয় কল্বিন সাহেবের নিকট একখানি পত্র পাঠাইয়া দেন। এই পত্রে তিনি উল্লেখ করিয়াছিলেন যে, সমস্ত নগর এবং দিল্লীর দুর্গ সিপাহিদিগের হস্তগত হইয়াছে। তিনি নিজেও সিপাহিদিগের অধীনে রহিয়াছেন। উত্তেজিত সৈনিকগণ নগরের ছান খুলিয়া মিরাতের প্রায় একশত সিপাহির সহিত মিশিয়াছে। ফেজারপ্রমুখ ইঙ্গরেজেরা নিহত হইয়াছেন। এই পত্র পাঠিয়া, কল্বিন সাহেব ১৫ই মে কলিকাতায় টেলি-গ্রাম করেন। ভারতবর্ষীয় গবর্ণমেন্ট এইরূপে কল্বিন সাহেবের নিকট হইতেই প্রথমে উপস্থিত দুর্ঘটনার সংবাদ অবগত হন †। যিনি প্রথমে সংবাদ দিয়া উত্তরপশ্চিমপ্রদেশের লেফ্টেনেন্ট গবর্ণরকে সতর্ক করিয়াছিলেন, এবং যাহার সাহায্যে লেফ্টেনেন্ট গবর্ণর প্রথমে গবর্ণমেন্টকে উক্ত সংবাদ জানাইতে সমর্থ হইয়াছিলেন, তিনি যে, উত্তেজিত সিপাহিদিগকে উৎসাহ দিয়া ইঙ্গরেজদিগের সর্বাংশ ষটাইয়াছিলেন, তাহা কখনও সম্ভবপর নহে।

রাজপ্রাসাদে রণমত্ত সিপাহিদিগের কোলাহল শুনিয়া, বৃদ্ধ ভূপতি সাতিশয় শঙ্কিত হইলেন। ৭ পূর্বে এই খানেই তাঁহার পূর্বপুরুষ বৃদ্ধ শাহ আলম একজন মুসলমানের অন্ত্রাঘাতে অন্ত নিদ্রায় অভিভূত হইয়াছিলেন। পূর্বকথা এখন বাহাদুর শাহের স্মরণ হইল। বাহাদুর শাহ এখন আপনা

* Kaye, Sepoy War. Vol. II, p, 80, note.

† Martin, Indian Empire. Vol. II, p, 159.

প্রাসাদে অতীতপূর্ব লোকারণ্যের আবির্ভাব দেখিয়া, বড় গোলযোগে পড়িলেন। উত্তেজিত সিপাহীদের শোণিতরঞ্জিত তরবারি আফালন করিতে করিতে, নগরের লোকদিগকে তাহাদের অনুবর্তী হইতে কহিতেছিল। তাহাদের ভৈরব রবে প্রতি মুহূর্তে সমস্ত প্রাসাদ কাঁপিয়া উঠিতেছিল। প্রাসাদপ্রাঙ্গণ তৃতীয় অখারোহিদল, ৩৮গণিত সৈনিকগণ ও মিরাটের পদাতিকদলে* পরিপূর্ণ হইয়াছিল। নগরের অনেক উত্তেজিত মুসলমান অধিবাসী চারি দিক হইতে আসিয়া, ইহাদের সংখ্যা বৃদ্ধি করিতেছিল। প্রাসাদের বাহিরের গৃহগুলিকে অখারোহী সৈনিকেরা, আপনাদের অশ্বসকলের আস্তাবল করিল। মিরাটের পদাতিক সৈন্য সমস্ত রাত্রি হাঁটিয়া, পরিশ্রান্ত হইয়াছিল, তাহারা এখন মোগল সম্রাটের সুরম্য সভামণ্ডপে বিশ্রাম করিতে লাগিল। প্রাসাদের সর্বত্র সশস্ত্র রক্ষক সন্নিবেশিত রহিল। দেখিতে দেখিতে অসহায় শোচনীয়দশাগ্রস্ত অনীতিপর বুদ্ধ বাহাতুর শাহের প্রশস্ত বাসভবন সুরক্ষিত সৈনিকনিবাসে পরিণত হইল।

এ দিকে দিল্লীর ইন্ধরেজপল্লী—দরিয়াগঞ্জে অবাধে ভয়ঙ্কর কাণ্ড ঘটিতে থাকে। এই ভয়ঙ্কর ঘটনার কোনটি কোন্ সময়ে সম্পন্ন হয়, তাহা সূক্ষ্মরূপে নির্দেশ করিবার কোনও উপায় নাই। বেলা দুই প্রহরের মধ্যেই প্রধান প্রধান ইন্ধরেজেরা যুদ্ধোন্মত্ত সিপাহীদের আক্রমণে মৃত্যুমুখে পতিত হইতে থাকেন। দুই প্রহরের সময় দিল্লীর ব্যাঙ্ক আক্রান্ত ও বিলুপ্ত হইল। ব্যাঙ্কের কর্মচারিগণ এই আক্রমণে বাধা দিতে গিয়া নিহত হন। ইন্ধরেজের লিখিত ইতিহাসে এই প্রসঙ্গে একটি ঘটনার উল্লেখ দেখা যায়। ঘটনাটি এই—দিল্লীর ব্যাঙ্কের কার্য্যাধক্ষকেরে স্ফোর্ড সাহেব আপনার স্ত্রী ও সন্তানবর্গের সহিত বাহিরের একটি ঘরের ছাদে আশ্রয় লইয়াছিলেন। সাহেবের হাতে নিক্ষেপিত তরবারি ও তাঁহার স্ত্রীর হাতে স্ত্রীস্ব বড়শা ছিল। সাহেব তরবারির সাহায্যে অনেকক্ষণ আত্মরক্ষা করেন। এক ব্যক্তি উপস্থিত ঘটনাস্থলে ছিলেন। ইনি কহিয়াছেন,—বিবি বেরেস্ফোর্ডের বড়শার আঘাতে এক জন আক্রমণকারী

* মিরাটের পদাতিক সৈন্যদল কখন দিল্লীতে উপনীত হয়, তাহা সূক্ষ্মরূপে জানা যায় নাই। এ সম্বন্ধে তিন ভিন্ন ভিন্ন মত প্রকাশ করিয়াছেন।

ধরাশায়ী হয় । কিন্তু শেষে ইহারা সকলেই বিনষ্ট হন । ব্যাক্ত অবাধে বিলুপ্তিত হয় * । “দিল্লী গেজেট” নামক সংবাদপত্রের ছাপাখানাও এইরূপে বিলুপ্ত হইয়া যায় । প্রায় দুই প্রহরের সময় ছাপাখানার খ্রীষ্টধর্মাবলম্বী কম্পোজিটরগণ নিহত হয় । আক্রমণকারিগণ ছাপাখানার সমস্ত অক্ষর মারাত্মক কার্যসাধনের জন্য লইয়া যায় । সিপাহিরা ইন্ডরেজদিগের উপর এতদূর ক্রুদ্ধ হইয়াছিল যে, তাহারা যেখানে ইন্ডরেজ বা তাহাদের স্বধর্মের কোনও লোককে দেখিতে পায়, সেখানেই আপনাদের সংহারিণী-শক্তির পরিচয় দিতে থাকে । নগরের খ্রীষ্টধর্মাবলম্বিগণ অবাধে নিহত হন । তাঁহাদের সম্পত্তি অবাধে বিলুপ্তিত হয়, এবং তাঁহাদের গৃহ অবাধে দগ্ধ হইতে থাকে † ।

এই সময় হইতেই দিল্লীর সৈনিক-নিবাসে এতদেশীয় সৈনিকপুরুষদিগের মধ্যে উত্তেজনার চিহ্ন লক্ষিত হয় । নগরের কিছু দূরে পাহাড় আছে ‡ । এই পাহাড় ও ষমুনার মধ্যস্থলে দিল্লী অবস্থিত । নগরের প্রায় দুই মাইল দূরে—পাহাড়ের উত্তরে সৈনিক-নিবাস ছিল । দিল্লীর সিপাহিগণ পূর্বে কোনওরূপ অসন্তোষ প্রকাশ করে নাই, কোনওরূপ বিরাগ বা কোনওরূপ অবাধ্যতা পূর্বে তাহাদের অন্তর্নির্গূঢ় বিদ্বেষের পরিচয় দেয় নাই । মীর মন্দুরআলি এবং সহায় সিংহ নামক দিল্লীর বে দুই জন আফিসর ৩গণিত অশ্বারোহিদলের সৈনিকপুরুষদিগের বিচারজন্য মিরাতের বিচারা-

* Kaye, Sepoy War. Vol. II. p. 81.

† দিল্লী গেজেটের সহকারী সম্পাদক ওয়াজেনট্রিবার সাহেব এ বিষয়ে লিখিয়াছেন যে, অশ্বারোহীরা আপনাদের অশ্ব সকল বাহিরে রাখিয়া অনেক ইউরোপীয়ের গৃহে প্রবেশ করে । তাহারা বলিতে থাকে যে, তাহারা লুণ্ঠ করিবার জন্য আইসে নাই—ফিরিস্তিদিগের প্রাণ লইতে আসিয়াছে । যে গৃহে তাহারা ইউরোপীয়ের দেখা না পাইয়াছে, সে গৃহ নগরের উত্তেজিত লোকে বিনষ্ট করিতে ক্রটি করে নাই । আশ্ব ষট্টার মধ্যেই গৃহের সমস্ত জিনিস লুণ্ঠ করিয়া ইহারা সেই গৃহে আশ্রয় লাগাইতে থাকে ।—Wagentreiber, Narrative, Comp. Kaye. Sepoy War. Vol. II. p. 82, note.

‡ আরাবলী পর্বতের দুইটি শাখা ও ষমুনার মধ্যে নূতন দিল্লী বা শাহজাহাবাদ অবস্থিত । এই দুই পর্বত-শাখার নাম জজুলা পাহাড় এবং বেজুলা পাহাড় । বেজুলা পাহাড়ের উত্তরে সৈনিক-নিবাস ছিল ।

সনে উপবিষ্ট ছিলেন, তাঁহারাও স্পষ্ট নির্দেশ করিয়াছেন যে, দিল্লীর দুর্গটনার পূর্বে সিপাহিদিগের মধ্যে কোনওরূপ বিরাগের চিহ্ন দেখা যায় নাই * । যে দিন মিরাটের সিপাহিগণ ইঙ্গরেজদিগকে আক্রমণ করে, ইঙ্গরেজদিগের শোণিত-স্রোতে যে দিন মিরাট প্রাবিত হয়, সে দিন পর্য্যন্ত দিল্লীর সৈনিকনিবাসের সিপাহিরা শান্তভাবে আপনাদের কার্যে নিবিষ্ট ছিল। কেহ কেহ কহিয়াছেন যে, এই দিন অপরাহ্নকালে একখানি গাড়ী দিল্লীর সৈনিক-নিবাসে উপস্থিত হয়। এই গাড়ী এতদ্দেশীয় লোকে পূর্ণ ছিল। ইহাদের সামরিক পরিচ্ছদ ছিল না, কিন্তু ইহারা যে, মিরাটের সিপাহি, তাহা জানা গিয়াছিল † । যাহা হউক, রবিবার পর্য্যন্ত দিল্লীর সৈনিক নিবাসে কোনরূপ গোলযোগ উপস্থিত হয় নাই, সৈনিকনিবাসের সিপাহিদিগের শান্তভাবে কোন ব্যত্যয় দেখা যায় নাই। কিন্তু পরদিন এই অবস্থার পরিবর্ত্ত হয়। পরদিন বলবতী বৈরনির্গাতন-সূচ্য ও যোরতর বিদ্রোহ-বুদ্ধিতে সিপাহিরা বিচলিত হইয়া উঠে।

সোমবার প্রাতঃকালে দিল্লীর ৩৮, ৫৪ ও ৭৪ গণিত দলের সমস্ত সিপাহি এবং গোলন্দাজ সৈন্য কাওয়াজের প্রশস্ত ক্ষেত্রে সমবেত হয়। বারাকপুরের জমাদার ঈশ্বর পাণ্ডের বিচারের বিবরণ ও তাহার প্রাণদণ্ডের আদেশ-লিপি সমবেত সৈনিকদিগের সমক্ষে পঠিত হইতে থাকে। কর্তৃপক্ষ এই ঘটনা শুনাইবার জগুই, দিল্লীর সমস্ত সৈনিক পুরুষকে কাওয়াজের ভূমিতে আনিয়া ছিলেন। যখন উপস্থিত বিষয় তাহাদের সমক্ষে পঠিত হয়, তখন তাহারা উহার অমুমোদন করে নাই। জমাদারের প্রাণদণ্ডের কথা শুনিয়া তাহারা বিরক্তি প্রকাশ করে। এই বিরক্তি প্রকাশ ব্যতীত, সে সময়ে তাহাদের মধ্যে কোনরূপ বিদ্রোহের চিহ্ন লক্ষিত হয় নাই। সিপাহিরা কাওয়াজের প্রশস্তক্ষেত্রে হইতে আপনাদের আবাস-গৃহে প্রত্যাগত হয়। ইঙ্গরেজ আফিসরেরা সকলে একত্র হইয়া, নিশ্চিত মনে নিকটবর্ত্তী স্থানে প্রাতঃকালিক আহারে প্রবৃত্ত হন। ইহার পর তাঁহারা আপন আপন গৃহে যাইয়া, যখন

* Martin, Indian Empire., Vol. II. p. 165.

† দিল্লীর অধিপতির বিচারে কাপ্তেন টাইটলার আপনায় এজাহারে এই কথা প্রকাশ করেন।—Kaye, Sepoy War. Vol. II. p. 83. note.

স্নানাদি করিয়া, আপনাদের দৈনন্দিন কার্যে প্রবৃত্ত হইতেছিলেন, তখনও তাঁহাদের মনে কোনরূপ আশঙ্কা উপস্থিত হয় নাই, এই দিনে যে, তাঁহাদের সমস্ত আশা ভরসা ফুরাইবে, তাহা তখনও তাঁহারা বুঝিতে পারেন নাই । কিন্তু বেলা প্রায় ১০টার সময় তাঁহাদের মানসিক ভাবের পরিবর্ত্ত হয় । এই সময় তাঁহারা অবগত হন যে, ৩গণিত অধারোহিগণ মিরাত হইতে ত্বরিতগতিতে নগরে উপস্থিত হইয়াছে । ভৃত্য ও আদালীরা আপন আপন আফিসবাঁদিগকে শশব্যস্তে এই সংবাদ জানায় । আফিসরগণ তাড়াতাড়ি সজ্জিত হইয়া আপনাদের কর্তব্যসম্পাদনে উদ্যত হন । কিন্তু এখনও তাঁহাদের বিশ্বাস ছিল যে, এই সিপাহিরা কেবল কারাগারের কয়েদীদিগকেই বিমুক্ত করিবে । তাহারা ইহার অতিরিক্ত আর কিছুই করিতে সমর্থ হইবে না । যদি মিরাতের সিপাহিগণ প্রকৃত পক্ষেই যুদ্ধোন্মত্ত হইয়া থাকে, তাহা হইলে, তথায় যে সকল ইউরোপীয় সৈন্য আছে, তাহারা অবশ্য এই উন্মত্ত সৈনিকদিগকে আক্রমণ করিবে । স্মরণ্য দিল্লীতে যদি মিরাতের সিপাহিরা আসিয়া থাকে, তাহা হইলেও তাহাদের সংখ্যা খুব অল্প হওয়ারই সম্ভাবনা । আফিসরেরা এইরূপ ভাবিয়াই মনে মনে আশ্বস্ত হইয়াছিলেন । কিন্তু দেখিতে দেখিতে তাঁহাদের আশাস দূর হইল । দেখিতে দেখিতে তাঁহারা উন্মত্ত সৈনিকদিগের নিদারুণ অশ্রাবাতে আত্মবিসর্জন করিতে লাগিলেন ।

ত্রিগ্রেডিয়ার গ্রেবন্ দিল্লী স্টেশনের সমস্ত সৈন্যদলের অধ্যক্ষ ছিলেন । তিনি সৈন্যদিগকে কাওয়াজের ক্ষেত্রে আনিয়া, উপস্থিত বিপদনিবরণের জন্ত সকলকেই প্রস্তুত হইতে কহিলেন, সকলকেই বিশ্বস্তভাবে গবর্ণমেন্টের কার্য-সাদনে অনুরোধ করিতে লাগিলেন । সৈন্যগণ ত্রিগ্রেডিয়ারের কথায় যথো-চিত উৎসাহ দেখাইতে লাগিল । অবিলম্বে ৫৪গণিত সৈনিকদল নগরের অভিমুখে যাইতে আদিষ্ট হইল । ইহাদের সেনাপতি কর্ণেল রিগে আক্রমণ-কারীদিগকে নিরস্ত করিবার জন্ত ইহাদিগকে শীঘ্র শীঘ্র নগরের কাশ্মীর-তোরণের 'অভিমুখে লইয়া' যাইতে লাগিলেন । উন্মত্ত সিপাহিগণও এইখানেই আসিতেছিল । সেনাপতি আপনার সৈন্যদিগকে বন্ধু ভ্রিত্তে দিলেন না, তিনি কেবল গঙ্গিনের বলেই আক্রমণকারীদিগকে পশু-দস্ত করিতে ইচ্ছা করিয়াছিলেন । যখন এই সৈনিকদল নগরের অভি-

মুখে অগ্রসর হইতে লাগিল, তখন ইহাদের মুখের ভাব দেখিয়া, কেহই ইহাদিগকে বিশ্বাসঘাতক বলিয়া সন্দেহ করেন নাই। এক জন তরুণ-বয়স্ক ইঙ্গরেজ আফিসর ও একটি ইঙ্গরেজ-মহিলা কহিয়াছেন যে, এই সৈনিক-দলের প্রভু-ভক্তির উপর তখনও তাঁহাদের অবিশ্বাস জন্মে নাই। এই সিপাহিগণ যখন প্রশান্তভাবে প্রসন্নমুখে অগ্রসর হয়, তখন তাঁহারা এই বলিয়া আফ্লাদ প্রকাশ করিয়াছিলেন যে, এরূপ সাহসী সৈনিকদল তাঁহা-দিগকে রক্ষা করিবার জন্ত, তাঁহাদের স্বপক্ষে যুদ্ধ করিতে উদ্যত হইয়াছে। ৫৪গণিত সৈনিকদল কাশ্মীরতোবণের নিকট আক্রমণকারী সিপাহিদিগের দেখা পায়। এই আক্রমণকারী অপারোহী সৈনিকগণ তীব্রবেগে বিপুল উৎসাহে অগ্রসর হইতেছিল। তাঁহাদের পশ্চাতে বহুসংখ্যা পদাতিক সৈন্য ছিল, ইহাদের লোহিত পরিচ্ছদ পথের পূর্ণিতে মলিন হইয়াছিল। সে সময়ে সূর্যালোক ইহাদের সঙ্গিনে প্রতিফলিত হইয়া অপূর্ণ দৃশ্য বিকাশ করিতেছিল। আক্রমণকারীদিগের সংখ্যা কত ছিল, তাহা কর্তৃপক্ষ নির্দেশ করেন নাই। বাহিরের লোকের কেহ কেহ, ইহাদের সংখ্যা কুড়ি হইতে দেড় শত পর্যন্ত নির্দেশ করিয়াছে। যাহা হউক, ইহাদের দল যে, নগরের উন্নত লোকে পরিপুষ্ট হইয়াছিল, তাহাতে সন্দেহ নাই। আক্রমণ-কারী সিপাহিরা সৈনিকনিবাসের অভিমুখে অগ্রসর হইতেছিল, এমন সময়ে ৫৪গণিত সৈন্যদল তাহাদের সম্মুখীন হয়। তাহারা এই সৈন্যদলকে দেখিয়াও নির্ভয়ে অগ্রসর হইতে থাকে। অগ্রসর হইয়া, তাহাদিগকে কহে যে, তাহারা তাহাদের সহিত বিবাদে প্রবৃত্ত হয় নাই। তাহাদের আফিসর-দিগের সহিতই তাহাদের বিবাদ। ৫৪গণিত সৈনিকেরা তাহাদের বন্দুক ভরা নাই বলিয়া, বিপক্ষদিগের উপর গুলি চালাইতে বিলম্ব করে। কিন্তু যখন তাহাদিগকে গুলি ভরিতে আদেশ দেওয়া হইল, তখন তাহারা এই আদেশ পালন করিল বটে, কিন্তু তাহাদের নিষ্কিণ্ত গুলি বিপক্ষদিগের কাহা-রও গায়ে লাগিল না। এ দিকে বিপক্ষ অশ্বারোহীদিগ প্রবলবেগে আসিয়া আফিসরদিগকে হত্যা করিল। কর্ণেল রিপ্পের দেহ অস্বাভাবতে ছিন্নভিন্ন হইয়া গেল *। আর চারি জন ইঙ্গরেজ সৈনিকপুরুষও এইরূপে নিহত হইলেন।

* কথিত আছে, কর্ণেল রিপ্পে নিজে স্বীকার করিয়াছিলেন যে, তাঁহার নিজের সৈন্যগণ

যখন ৫৪গণিত সৈনিকেরা কর্ণেল রিপ্পের অধীনে নগরের অভিমুখে গমন করে, তখন দুইটি কামান লইয়া যাওয়ার উদ্দেশ্যে হইতেছিল। এই সৈনিকদলের অবশিষ্ট দুই রেজিমেন্ট সৈনিকনিবাসে ছিল। কামান দুইটি সজ্জিত হইলে মেজর পটসন্ সেই কামান ও অবশিষ্ট দুই রেজিমেন্ট লইয়া কাশ্মীর-তোরণের অভিমুখে অগ্রসর হন। গোলন্দাজ সৈনিকেরা যদিও সে সময়ে প্রকাশ্যে কর্তৃপক্ষের আদেশে ঔদাসীন্য দেখায় নাই, তথাপি তাহারা আপনাদের স্বদেশীয়ের বিরুদ্ধে যুদ্ধ করিতে অনিচ্ছুক ছিল। তাহারাও অত্যাচার সিপাহিদিগের ন্যায় আপনাদের সমবেদনায় জলাঞ্জলি দেয় নাই। উপস্থিত সময়ে সর্বত্রই প্রগাঢ় সমবেদনা-সূত্রে আবদ্ধ ছিল, সকলেই একপ্রাণ হইয়া আপনাদের চিরন্তন বিশ্বাস ও চিরন্তন ধর্মের গৌরব-রক্ষায় দৃঢ়প্রতিজ্ঞ হইয়াছিল। মেজর পটসন্ কামান ও ৫৪গণিত অবশিষ্ট দুই দল সৈন্য লইয়া তাড়াতাড়ি কাশ্মীরতোরণের অভিমুখে যাইতে লাগিলেন। তাঁহার উপস্থিতির পূর্বেই বিপক্ষগণ নগরের চারিদিকে ছড়াইয়া পড়িল। পটসন্ সাহেব সিদ্ধিষ্ট স্থলে অসিয়া বিপক্ষদিগের সাক্ষাৎ পাইলেন না। তাঁহার সম্মুখে বিপক্ষদলের ভীষণ আক্রমণের চিহ্নসকল দেখা যাইতে লাগিল। তাঁহাদের সর্ভাধ্বংসের বিচ্ছিন্ন দেহসকল ইতস্ততঃ পড়িয়া রহিয়াছিল। তাঁহারা কিছুকাল পূর্বে বাহাদের সহিত নানা আমোদ করিয়াছিলেন, নানা জৌতুকোক্তকে, নানা কথাবাতায় শুধে সময় অতিবাহিত করিয়াছিলেন, তাঁহাদের বিচ্ছিন্ন গতামু দেহ হইতে এখন অবিরল শোণিত-স্রোত প্রবাহিত হইতেছিল। কর্ণেল পটসন্ মহুত্তমধ্যে এই শোচনীয় ঘটনা দেখিয়া মর্মান্বিত হইলেন। কিন্তু এখন শোকপ্রকাশের সময় ছিল না। কাশ্মীর-

তাঁহাকে সঙ্গিনে রাখা বন্ধ করিয়াছিল। তিনি এই অবস্থায় সৈনিকনিবাসে আনীত হন। আহত কর্ণেলের জুসীতে করিয়া দিল্লী হইতে স্থানান্তরিত করিবার উদ্দেশ্যে হইয়াছিল। কিন্তু বেহারারা তাঁহাকে লইয়া যাওয়ার পক্ষপাত হয়। তাহারা গোপনভাবে ভীত হইয়া আপনাদের গৃহে পলাইয়া আসিলে বটে, কিন্তু রিপ্পেকে উন্নত সিপাহিদিগের হস্তে সমর্পণ করে নাই। তাহারা সৈনিকনিবাসের এক স্থানে আহত রিপ্পেকে লুকাইয়া রাখে, কয়েক দিন পরে এক জন উত্তেজিত সিপাহী তাঁহাকে দেখিতে পাইয়া বধ করে।—Martin, Indian Empire, Vol. II. p. 160.

তোরণের নিকটে, উক্ত তোরণের ভিতরে একটি বাড়ী আছে। ইঞ্জরেজেরা উহা “মেইনগার্ড” নামে অভিহিত করিয়াছেন। কাপ্তেন ওয়ালেস নামক এক জন সৈনিকপুরুষ ৮গণিত দলের কতিপয় সৈন্যসহ উক্ত স্থানে অবস্থিত করিতেছিলেন। কাপ্তেন আপনার অধীনস্থ সৈন্যদিগকে, আক্রমণকারীদের উপর গুলি চালাইতে আদেশ দেন। কিন্তু তাঁহার আদেশে কোনও ফল হয় নাই। কর্নেল পটসন্ নৃতদেহমকল এখন এই স্থানে লইয়া আসিলেন। তাঁহার সঙ্গে যে কামান ও ৫৪গণিত দলের যে অবশিষ্ট দুই রেজিমেন্ট সৈন্য ছিল, তৎসমুদয়ও এইখানে উপস্থিত হইল। সমস্ত সৈন্য এইখানে সমবেত হইয়া প্রতিমুহূর্তে উত্তেজিত সিংহিদিগের আক্রমণ-প্রতীকা করিতে লাগিল। নগরের মধ্যে কি ঘটতেছে, তাহা এইখানের ইঞ্জরেজ সেনাপতিদিগের গোচন হইল না। এই সময়েও এই সেনাপতিগণ আশ্চর্য্যস্বরূপে মিরাত হইতে সাহায্যপ্রাপ্তির অপেক্ষা করিতে লাগিলেন। মিরাতে যে ইউরোপীয় সৈন্য আছে, তাহারা হয় ত এতক্ষণ নগরের নিকটবর্তী হইতেছে, ইঞ্জরেজ সেনাপতিগণ কেবল ইহাই ভাবিতে লাগিলেন।

মেজর পটসন্ যখন সৈন্যদল ও কামান লইয়া মেইনগার্ডে উপস্থিত হইলেন, তখন তিনি কাপ্তেন ওয়ালেসকে ৭৪গণিত পরাত্তিক সৈন্যদল ও দুইটি কামান আনিতে সৈনিকনিবাসে পাঠাইয়া দেন। এই স্থলে বঙ্গা উচিত যে, ৫৪গণিত সৈন্যদল সৈনিকনিবাস হইতে গ্রহস্থান করিলে ৭৪গণিত দল, গোলন্দাজ সৈন্যের কাওয়াজের ক্ষেত্রে উপনীত হয়। এইখানে গোলন্দাজ সৈন্যের অধ্যক্ষ কাপ্তেন ডি টাসিয়র আপনার অধীনস্থ কতিপয় কামান ও সৈন্য লইয়া অবস্থিত করিতেছিলেন। মেজর আনট ৭৪ সৈন্যদলের অধ্যক্ষ ছিলেন। তিনি বেলা এগারটার সময় শুনিতে পাইলেন যে, ৫৪গণিত সৈন্যদলের আফিসরেরা নিহত হইয়াছেন। মেজর আনট এই সংবাদ পাইয়া সাহা করেন, তাহার বিষয় তিনি স্রয়ং এই ভাবে বিখিয়াছেন,—“আমি তৎক্ষণাৎ অস্বারূঢ় হইয়া আমার সৈনিকদলের লাইনে উপস্থিত হইলাম। উপস্থিত হইয়াই, যাহাদের দেখা পাইলাম, তাহাদিগকে কহিলাম যে, এখন সকলেরই বিশ্বস্তভাসব কার্য্য করিবার সময় হইয়াছে। আমরা কাশ্মীরতোরণের অভিমুখে যাইতে উদ্যত হইয়াছি। আমার ইচ্ছা যে, বিশ্বস্ত সৈনিকপুরুষেরা আমার

অনুগমন করে । এই কথা বলার পর, সিপাহিদিগের সকলেই আমাদের সম্মুখ-বর্ষী হইল ; আমি তাহাদিগকে বন্দুক ভরিতে আদেশ দিলাম, তাহারা যত্ন-মধ্যেই এই আদেশ পালন করিল, এবং তেজস্বিতার সহিত নির্দিষ্ট স্থানে অগ্রসর হইতে লাগিল । আমরা কাশ্মীরতোরণের নিকট সৈন্য-সম্মিলনস্থলে (মেইনগার্ডে) উপস্থিত হইলাম এবং মিরাতের সিপাহিদিগের আক্রমণে বাধা দিবার জন্য প্রস্তুত হইয়া রহিলাম । কিন্তু বেলা ৩টা পর্য্যন্ত শত্রুপক্ষের কাহারও দেখা পাইলাম না । শত্রুগণ নগরে কি করিতেছে, তাহাও আমাদের গোচর হইল না * ।”

বেলা প্রায় অতীত হইল । পশ্চিমগগনস্থিত সূর্যের মৃদু কিরণ ইঙ্গরেজ-সৈন্যের সম্মিলনস্থল মেইনগার্ডে আসিয়া পড়িল । কিন্তু এখনও নগরের ঘটনা ইঙ্গরেজ সৈনিকপুরুষদিগের গোচর হইল না । দুই একাট পলাতক ইউরোপীয় প্রাণের দায়ে ব্যতিব্যস্ত হইয়া এইখানে আসিল বটে, কিন্তু ইহাদের মুখে কোন বিশেষ সংবাদ পাওয়া গেল না । ইহারা ত্বরন্ত আক্রমণকারীর কঠোর হস্ত হইতে কিরূপে আপনাদের প্রাণ বাঁচাইয়া পলাইয়া আসিয়াছে, তাহাই কেবল ভীতি-ব্যাকুলচিত্তে ভগ্নস্বরে কহিতে লাগিল । এই সময়ে ৩৮ ও ৫৪গণিত দলের কত লোক মিরাতের সিপাহিদিগের সপক্ষতা করিতেছিল, তাহা জানা যায় নাই । কিন্তু দিল্লীর সমস্ত ভারতবর্ষীয় সৈনিকদলই যে, পরস্পর সমবেদনা-স্বত্রে দৃঢ়বদ্ধ হইয়াছিল, তদ্বিষয়ে বোধ হয়, সন্দেহ নাই । এই দিন সূর্যাস্ত পর্য্যন্ত ইহাদের অনেকে ইঙ্গরেজ কর্তৃপক্ষের সপক্ষতা করিতেছিল । কর্তৃপক্ষের আদেশের অবমাননা করিতে ইহারা তখনও প্রস্তুত হয় নাই । কিন্তু অনেকে আবার আপনাদের ধর্ম্মনাশের আশঙ্কায় সন্ত্রস্ত হইয়া উঠিয়াছিল । মেইনগার্ডে যে সকল এতদ্দেশীয় সৈন্য ছিল, ইঙ্গরেজ সেনাপতিগণ প্রতিমুহূর্ত্তে তাহাদের উপরও সন্দেহ করিতেছিলেন, প্রতিমুহূর্ত্তে তাহাদের আশঙ্কা হইতেছিল যে, যে সকল সৈনিককে তাহারা বন্দুক ভরিতে আদেশ দিয়াছেন, তাহারাই হয়ত উন্মত্ত হইয়া তাহাদের উপর গুলি-বৃষ্টি করিবে । এইরূপ আশঙ্কায়, এইরূপ দুশ্চিন্তায় ইঙ্গরেজ সৈনিকপুরুষেরা উক্ত সৈন্য-সম্মিলনস্থলে অবস্থিত

করিতে লাগিলেন। প্রতিমুহূর্ত্তে তাঁহাদের আশঙ্কা ও চুশ্চিস্তার আবেগ গভীরতর হইতে লাগিল। এই সময়ে অকস্মাৎ নগরের দিকে গভীর শব্দ শুনা যাইতে লাগিল। মুহূর্ত্তমধ্যে ধূম ও অগ্নিশিখা দৃষ্টিগোচর হইল। ইহার পরক্ষণেই কামানের ঘোরতর শব্দে উক্ত সেনা-নিবেশ-ভূমি কম্পিত হইয়া উঠিল। যে দিকে শব্দ শুনা যাইতেছিল, হৃদয়ের সৈনিকপুরুষগণ সেই দিকে দেখিলেন যে, ধূমরাশি স্তম্ভাকারে উঠিয়া আকাশ ঢাকিয়া ফেলিতেছে। জলন্ত বহ্নিশিখা এই গভীর ধূমস্তম্ভ ভেদ করিয়া অনন্ত গগনে উখিত হইতেছে। ইহা দেখিয়াই সকলে বুঝিতে পারিল যে, দিল্লীর অস্ত্রাগার ফুটিয়া উঠিয়াছে। কিন্তু এই ঘটনা লোকের ইচ্ছায় হইয়াছে, কি কোন আকস্মিক কারণে ঘটয়াছে, তাহা তখন কেহই বুঝিতে পারিল না। যখন মেইনগার্ডের সৈনিকগণ এই ভীষণ দৃশ্যের দিকে চাহিয়া রহিয়াছিল, তখন দুই জন ইউরোপীয় আফিসর সেই স্থলে উপনীত হইল। ইহারা গোলন্দাজ দলের কর্মচারী। নিবিড় ধূমবাশি ভেদ করিয়া আসাতে ইহাদের এক জনের মূণ এরূপ কাল হইয়াছিল যে, সহসা দেখিলে ইহাকে চেনা যাইত না। ইহারা আসিয়া অস্ত্রাগারের ভীষণ কাহিনী বিবৃত করিয়া, সকলকে চমকিত করিয়া তুলিল।

দিল্লীর প্রসিদ্ধ অস্ত্রাগার নগরের অন্তর্ভাগে বাজপ্রাসাদের কিয়দূরে অবস্থিত ছিল। অস্ত্রাগারে সমস্ত আবশ্যক যুদ্ধোপকরণের, কিছুই অভাব ছিল না। কামান, বারুদ, গোলা, গুলি, সমস্তই এই অস্ত্রাগারে যথাস্থলে বথানিয়মে সন্নিবেশিত ছিল*। লেপ্টেনেন্ট জর্জ উইলোবি নামক এক জন সৈনিকপুরুষ এই অস্ত্রাগারের অধ্যক্ষ ছিলেন। ইহার অধীনে ৮ জন ইউরোপীয় কার্য করিতেন। অস্ত্রাগারের অবশিষ্ট লোক ভারতবর্ষীয়। সোমবার প্রাতঃকালে উইলোবি অস্ত্রাগারের কার্য পরিদর্শন করিতেছিলেন, এমন সময়ে, দিল্লীর ব্রিটিশ রেসিডেন্ট স্যার তমাস্ মেটকাফ্ তাঁহাকে জানান যে, মিবাট হইতে উত্তেজিত অশ্বারোহী সৈনিকদল নদী পার হইতেছে। ইহাদিগকে বাধা

* প্রধান বারুদাগার সৈনিকনিবাসের নিকট ছিল। অস্ত্রাগারে যে বারুদখানা ছিল, তাহাতে ৩০ পিপার বেশী বারুদ ছিল না। স্যার চার্লস্ নোথবারের প্রস্তাবানুসারেই প্রধান বারুদাগার নগরের দুই মাইল দূরে স্থাপিত হয়। এই গ্রন্থের ১৩০ পৃষ্ঠা দেখুন।

দিবার জন্ত রেসিডেন্ট দুইটি কামান প্রার্থনা করেন । তিনি এই কামান যখন নার নোসেতুতে রাখিয়া আগন্তুক অখারোহীদিগকে উড়াইয়া দিবার ইচ্ছা করিয়াছিলেন । কিন্তু পরক্ষণেই তিনি জানিতে পারিলেন যে, বাধা দিবার সময় অতিক্রান্ত হইয়াছে । অখারোহিগণ, সৈনিকগণ নদী পার হইয়া নগরে প্রবেশ করিয়াছে । ইহা অবগত হইয়াই মেটকাক্ সাহেব অবিশেষে কার্য্যান্তরে গেলেন, এবং উইলোবি আপনার অস্ত্রাগার রক্ষা করিবার উদ্যোগ করিতে লাগিলেন* । তাহার আশঙ্কা ছিল যে, আগন্তুক সৈন্যদিগের সহিত নগরের উন্নত লোকে অস্ত্রাগারে প্রবেশ করিয়া বারুদ গোলা গুলি ইত্যাদি লুণ্ঠিয়া লইতে পারে । মিরাত হইতে ইউরোপীয় সৈন্য না আগিলে তিনি দীর্ঘকাল এই অস্ত্রাগার রক্ষা করিতে পারিবেন না । অস্ত্রাগারের এক জন দ্বারবানের উপর উইলোবির সন্দেহ হয় । এই দ্বারবানের নাম করিমবক্ক্ । উইলোবির বিশ্বাস জন্মে যে, এই ব্যক্তি শত্রুপক্ষের সহিত মিলিত হইয়া তাহাদের অনিষ্ট সাধনের চেষ্টা পাতেছে । এই বিশ্বাসে উইলোবি আপনার এক জন ইউরোপীয় সহযোগীকে আদেশ দিয়াছিলেন যে, যদি করিমবক্ক্ অস্ত্রাগারের দ্বারের দিকে অগ্রসর হয়, তাহা হইলে, তৎক্ষণাৎ যেন তাহাকে গুলি করা হয় । অস্ত্রাগারে আর যে সকল এতদেশীয় লোক ছিল, তাহারাও উন্নত সিপাহিদিগের পক্ষসমর্থনে ক্রটি করে নাই । উপস্থিত সময়ে, সকলেই ইউরোপীয়দিগের বিরুদ্ধে অলক্ষ্যভাবে একসূত্রে গ্রথিত হইয়াছিল, এক আশঙ্কা, এক চিন্তা, এক অনুভূতি ও এক ধারণা, সকলকেই এক করিয়া তুলিয়াছিল ।

* উইলোবি সহকারী পোপটেনেন্ট্ ফরেষ্ট অস্ত্রাগারবিধ্বংসের যে বিবরণ দেন, তাহাতে তিনি উল্লেখ করিয়াছেন, “১১ই মে প্রাতঃকালে বেলা ৭।৮টার মধ্যে রেসিডেন্ট্ মেটকাক্ক্ সাহেব আশার গৃহে আসিয়া, আমাকে অস্ত্রাগারে যাইবা, আগন্তুক অখারোহীদিগকে বাধা দিবার জন্ত দুইটি কামান দিতে কহেন । আমরা অস্ত্রাগারে উপনীত হই এবং উইলোবির সঙ্গে অস্ত্রাগারের একটি উচ্চ স্থানে উঠিণা, নদীর দিকে চাহিয়া দেখি যে, আগন্তুক অখারোহীরা সেতু পার হইয়াছে । নগরদ্বার রোধ করা হইয়াছে কি না, জানিবার জন্য, উইলোবি ও রেসিডেন্ট শীঘ্র সে স্থান হইতে গমন করেন । কিন্তু ইহার মধ্যেই অখারোহীরা নগরে প্রবেশ করে । উইলোবি ফিরিয়া আসিয়া অস্ত্রাগাররক্ষার উদ্যোগ করিতে থাকেন — Bull, Indian Mutiny. Vol. I. p. 76.

সে সময়ে অনেক ইঙ্গরেজ স্থলদৃষ্টিতে ইহা বুঝিতে পারেন নাই। কিন্তু যখন ভয়ঙ্কর সময় উপস্থিত হইল, তখন তাঁহারা বুঝিতে পারিলেন যে, এক সময়ে যাহারা তাঁহাদের অধীনে শাস্ত্রভাবে কার্য্য করিয়াছিল, শাস্ত্রভাবে তাঁহাদের নিকট শীলতা ও নম্রতার পরিচয় দিয়াছিল, তাহারা সকলেই এখন তাঁহাদের বিরুদ্ধে সমুখিত হইয়াছে, এবং সকলেই পরস্পর একতাসম্পন্ন হইয়া এক উদ্দেশ্য সাধনের জন্ত প্রস্তুত রহিয়াছে। অত্যাগারে যে ৯ জন ইঙ্গরেজ ছিলেন, তাঁহারা আত্মরক্ষা করিতে দৃঢ়প্রতিজ্ঞ হইলেন, এবং গিরাট হইতে শীঘ্র সাধ্য পাওয়া যাইবে ভাবিয়া, আশ্চর্য্যহৃদয়ে আপনাদের কর্তব্যকার্য্যে মনোনিবেশ করিলেন। অত্যাগারের দ্বার রুদ্ধ হইল। রুদ্ধ দ্বারদেশে গোলা-পূর্ণ কামান সকল সাজাইয়া রাখা হইল। এক এক জন আগুন হাতে করিয়া এই সজ্জিত কামানের কাছে দাঁড়াইয়া রহিলেন। এই কাজ শেষ হইলে, যে গৃহে বারুদ ছিল, সেই গৃহ হইতে অত্যাগারের প্রাঙ্গণস্থিত একটি বৃক্ষ পর্য্যন্ত, মাটির নীচে বারুদ সাজাইয়া রাখা হইল। এইখানে স্থলিনামক এক জন অত্যাগারের কর্ম্মচারী দাঁড়াইয়া রহিলেন। যদি আর কোন উপায় না থাকে, তাহা হইলে উইলোবর আদেশে তাঁহার এক জন সহকারী বকুলি সাহেব টুপি খুলিয়া ইঙ্গিত করিবামাত্র, মৃত্তিকার নিঃস্থিত বারুদে আগুন লাগাইয়া, সমস্ত অত্যাগার উড়াইয়া দেওয়া হইবে, এইরূপ বন্দোবস্ত করা হইল। স্থলি উইলোবর এই শেষ আদেশপালনের জন্ত মৃত্তিকার নিঃস্থিত সেই সজ্জিত বারুদের নিকট রহিলেন।

যখন অত্যাগারের ইঙ্গরেজরক্ষকগণ এইরূপ বন্দোবস্ত করিতেছিলেন, তখন বিপক্ষদিগের কয়েক জন আসিয়া দিব্লীর সন্ন্যাসীদের নামে, অত্যাগার তাহাদের হস্তে সমর্পণ করিতে কহিল। ইঙ্গরেজরক্ষকগণ কোন উত্তর দিলেন না, নীরবে ঐ কথা প্রত্যখ্যান করিলেন। ইহার পর আরও অনেকে আসিয়া কহিতে লাগিল যে, সন্ন্যাসী অত্যাগারের দ্বার খুলিয়া দিতে আদেশ দিয়াছেন, অত্যাগারে যে সকল যুদ্ধোপকরণ রহিয়াছে, ৩২ সমুদয় তিনি সৈন্যদিগের হস্তে সমর্পণ করিতে ইচ্ছা করিয়াছেন, কিন্তু উইলোবর এ কথাও কোন উত্তর দিলেন না। তিনি নীরবে আত্মরক্ষার উপায় দেখিতে লাগিলেন। দেখিতে দেখিতে বিপক্ষগণ দলবদ্ধ হইয়া অত্যাগারের প্রাচীরের নিকট দাঁড়া-

ইল এবং প্রাচীরের গায়ে কতকগুলি মই ফেলিয়া দিল । অস্ত্রাগারের ভিতর যে সকল এতদেশীয় কর্মচারী ছিল, তাহারা অবিলম্বে অস্ত্রাগারের ছোট ছোট ঢালু ছাদ দিয়া প্রাচীরের উপর উঠিল. এবং অপরপার্শ্বস্থিত মই দিয়া নীচে নামিয়া আসিয়া, আক্রমণকারীদের দলে মিশিল ।

ইঙ্গরেজরক্ষকগণ এখন কাঁপবিলম্ব না করিয়া, বিপক্ষদিগের উপর গোলা-বৃষ্টি করিতে লাগিলেন । গোলায় পর গোলা আসিয়া বিপক্ষদলে পড়িতে লাগিল । বিপক্ষেরাও এই বাধা অতিক্রম করিতে লাগিল । তাহাদের শিকশিষ্ট গুলিও রক্ষকদিগের দৃষ্টি ভেদ করিতে লাগিল । ৯ জন ইঙ্গরেজের মধ্যে ২ জন আহত হইলেন । এ দিকে আক্রমণকারিগণ অবিশ্রান্ত গুলি-বৃষ্টি করিতেছিল । তাহারা কিছুতেই নিরস্ত হইল না । অনেকে অনুমান করেন যে, মিরাতের ১১ ও ২০গণিত সৈনিকদলই প্রধানতঃ এই কার্য সাধন করিতেছিল *, আর দিল্লীর ৩৮গণিত সৈনিকদিগেরও অনেকে ইহাদের সহিত মিলিত হইয়াছিল † । বাহা হউক, আক্রমণকারিগণ একরূপ একলবেগে অস্ত্রবর্ষণ করিতে লাগিল যে, ইঙ্গরেজরক্ষকগণ আর কিছুতেই সেই আক্রমণের প্রতি রোধ করিতে পারিলেন না । তাহাদের শেষ উদ্যম পর্য্য-দন্ত হইল । তাহারা আর অগ্র উপায় না দেখিয়া, আপনাদের শেষ প্রতিজ্ঞা পূর্ণ করিতে উদ্যত হইলেন । উইলোবি অবিলম্বে ইঙ্গিত করিলেন । ইঙ্গিত করামাত্র, বকুলি মাথার টুপি খুলিয়া স্কলিকে দেখাইলেন । স্কলি নির্ভীকচিত্তে সজ্জিত বারুদে আগুন দিলেন । মুহূর্ত্তমধ্যে যোরতর শব্দের সহিত অস্ত্রাগার ফুটিয়া উঠিল ।

এই ভয়ঙ্কর ঘটনায়, ইঙ্গরেজ কর্মচারীর ৯ জনের মধ্যে, ৬ জনের প্রাণরক্ষা হইল । উইলোবি এক জন সহকারীর সহিত মেইনগাডে উপনীত হইলেন । আর কয়েক জন ভিন্ন দিক দিয়া পলাইয়া, মিরাত প্রভৃতি নিরাপদ স্থানে পঁহুছিলেন । কিন্তু যিনি সজ্জিত বারুদে আগুন দিয়াছিলেন, তাহার জীবন উর্দ্ধগামী অনন্ত ধূমস্তরের সহিত মিশিয়া গেল । স্কলি অসীমসাহসে ভ্রলন্ত বারুদে আত্মবিসর্জন করিলেন ।

* Kaye, Sepoy War, Vol. II. p. 90, note.

† Martin, Indian Empire, Vol. II. p. 162.

এই স্রষ্টার আক্রমণকারীদের অনেকের প্রাণ নষ্ট হয়। উইলোবি নির্দেশ করিয়াছেন যে, ইহাতে প্রায় এক হাজার লোক মুহুমুখে পতিত হইয়াছিল। পূর্বে যে হরিদ্বারতীর্থবাণীর বিষয় উল্লেখ করা হইয়াছে, তাহারাও এইরূপ নির্দেশ করিয়াছে। কিন্তু এক জন সংবাদলেখক (ইনি ভারতবর্ষীয়) বলিয়াছেন যে, বারুদাগার স্রষ্টার উঠাতে, নগরের ভিন্ন ভিন্ন রাস্তায় প্রায় ৫০০ পাঁচ শত লোকের জীবন নষ্ট হয়। কোন কোন বাড়ীতে এত গুলি আসিয়া পড়িয়াছিল যে, বালকেরা আপনাদের গৃহপ্রাপ্ত হইতে কেহ এক সের, কেহ দুই সের গুলি কুড়াইয়া লইয়াছিল*। অনাগার এইরূপে বিধ্বস্ত হওয়াতে আক্রমণকারী সিপাহীদের একটি প্রধান উদ্দেশ্য বিফল হয়, যেহেতু তাহারা এই অনাগারের যুদ্ধোৎসাহ লইয়া আপনাদের পক্ষ প্রবল করিবার ইচ্ছা করিয়াছিল। উইলোবি অধিকতর স্থলি এ বিষয়ে ঘেরূপ সাহস ও তেজস্বিতার পরিচয় দেন, তাহাতে ইঙ্গলণ্ডের সকলে তাঁহাদের যথোচিত প্রশংসা করেন। উইলোবির পাঁচ জন সহকারী † রাজকীয় সম্মানে ভূষিত হন। আর উইলোবি?—তাহার আদেশে এই প্রসিদ্ধ বারুদাগার বিনষ্ট হইয়াছিল—তিনি মিরাতে পলায়নসময়ে নিহত হন ‡।

যে পাহাড় দিল্লীনগর ও সৈনিকনিবাসের মধ্যে রহিয়াছে, তাহার সর্বোচ্চভাগে একটি গোলঘর আছে। ইঙ্গরেজী ইতিহাসে উহা ‘ফ্লাগ-ষ্টাফ টাউয়ার’ বা পতাকামন্দির নামে অভিহিত হইয়াছে §। ইউরোপীয়গণ এই স্থানে আগ্রয় গ্রহণ করেন। অচণ্ডিত দলের সিপাহীরা এই গৃহের নিকট থাকিতে আদিষ্ট হয়। দুইটি কামান এই স্থানে স্থাপিত

* Indian Empire. Vol. II. p. 162.

† লেফ্টেনেন্ট কপ্টে ও রেইনর, কণ্ডাক্টর বাকুনিও সা এন. সার্জেন্ট, ওড ওয়ার্ডিস্।

‡ কথিত আছে, লেফ্টেনেন্ট উইলোবি পলায়নসময়ে কোন পলায়ন ব্রাহ্মণকে গুলি করিয়া মারেন। এজন্য পল্লীবাসীরা তাঁহাকে হত্যা করে।—Martin, Indian Empire. Vol. II. p. 103. ঠিক নির্দেশ করিয়াছেন যে, স্ব. গ ও পলায়নসময়ে এক জন সওয়ার কর্তৃক নিহত হন।—History of the Seize of Delhi by an Officer p. 38.

§ উপস্থিত সময়ে দিল্লীর ইতিহাসে এই টাউয়ার সবিশেষ প্রসিদ্ধ হয়। ১১ই সের পূর্বে

হয়। সৈনিক আফিসর ব্যতীত এই স্থানে ১৯ জন মাত্র ইউরোপীয় বা খ্রীষ্টধর্মাবলম্বী ছিল। এতদ্ব্যতীত অনেক ইন্দুরেজ-মহিলা ও বালকবালিকায় গোলঘর পরিপূর্ণ হইয়াছিল। এই গোলঘর হইতে অস্ত্রাগারধ্বংসের চিহ্ন দৃষ্টিশোচন হয়। গোলঘরের ইউরোপীয়গণ গগনোখিত নিবিড় ধূমরাশি স্পষ্ট দেখিতে পায়। তখন বেলা প্রায় ৪টা। ইন্দুরেজেরা তখনও এই-খানে থাকিয়া মিরারের ইউরোপীয় সৈনিকপুরুষদিগের আগমন-প্রতীক্ষা করিতেছিলেন। কিন্তু যখন তাহাদের দেখা পাওয়া গেল না, সময় যখন ক্রমে অতীত হইতে লাগিল, উন্নত সিপাহিরা যখন ক্রমে তাঁহাদিগকে অধিকতর বিপন্ন করিয়া তুলিল, তখন তাঁহারা হতাশ হইলেন। মিরার হইতে ইউরোপীয় সৈন্যগণ আপনা হইতেই তাঁহাদের সাহায্যার্থ আসিবে, এ আশায় তখন তাঁহাদিকে জলাঞ্জলি দিতে হইল। এক জন ইন্দুরেজ আর উপায় না দেখিয়া, সাহসে ভর করিয়া উপস্থিত দুর্গতির সংবাদ মিরারে লইয়া যাইতে উদ্যত হইলেন। ইঁহার নাম বাট্‌সন্। ইনি ৭৪গণিত সৈনিকদলের ডাক্তর। বাট্‌সন্কে মিরারে যাইতে ইচ্ছুক দেখিয়া বিগ্রেডিয়ার গ্রেব্‌স্ একখানি পত্র লিখিয়া দিলেন। ডাক্তর আপনার স্ত্রী ও কন্যার নিকট বিদায় লইলেন এবং মুখে, হাতে, পায় রঙ মাখাইয়া সম্মাসীর বেশে নগর হইতে বাহির হইলেন। হিন্দুস্থানী ভাষায় ডাক্তরের অধিকার ছিল। সূতরাং কথা

কেহই উহার কোন সম্বান লয় নাই। উহা দ্বিতীয় অঙ্করূপ বলিয়াই ইন্দুরেজেরা জানিতেন। কিন্তু শেষে এই অঙ্করূপই বিপন্ন ইন্দুরেজদিগের আশ্রয়স্থল হইয়া উঠে। ওষাজেনটিশার নাহেব ঘটনাস্থলে ছিলেন। ইনি লিখিয়াছেন—“অনেকগুলি ইন্দুরেজমহিলা, বালকবালিকা এই সন্দর্ভ গৃহে একত্র হয়। গৃহের পর্বতি ১৮ ফীটের বেশী হইবে না, অনেক পরিচারক পরিচারিকাও এইখানে ছিল। হ্রস্ব শ্রীক্ষে অনেক মহিলা অবসন্ন হইয়া পড়িয়াছিলেন। অনেকে আপনাদের স্বামী, আপনাদের ভ্রাতা, আপনাদের ভগিনী ও অন্যান্য আত্মীয়স্বজনের হত্যার সংবাদে কাতরভাবে রোদন করিতেছিলেন। অনেকের স্বামী তখনও উজ্জ্বলিত সিপাহিদিগের মধ্যে আয়কারণ্যে নিরীষ্ট ছিলেন। ইঁহাদের অদৃষ্টে কিছু ঘটিয়াছে, তাহা তাঁহারা কিছুই জানিতে না পারিয়া অপরিমিত উদ্বেগ দেখাইতেছিলেন। এই গৃহ একটি অঙ্করূপে সকলেই এই অঙ্করূপে আবদ্ধ হইয়া কষ্টের একশেষ ভুগিয়াছিল।”—Wagentreiber Narrative, Comp. Kaye, Sepoy War, Vol. II. p. 92, note.

বার্তায় তাঁহাকে ধরিবার ততটা সুবিধা ছিল না। ডাক্তর বাট্‌সন্ এইরূপ সম্ম্যাসিবেশে সজ্জিত হইয়া নদী পার হইবার জন্য নৌসেতুর নিকট উপনীত হইলেন। কিন্তু তখন সেতু ভগ্ন হইয়াছিল; সুতরাং তিনি সেখান হইতে সৈনিক নিবাসের দিকে আসিয়া; খেয়া-নৌকায় নদী পার হইবার চেষ্টা করিতে লাগিলেন। এই অবসরে ৩০গণিত অশ্বারোহীদের কয়েক জন সৈনিকপুরুষ তাঁহার সম্মুখবর্তী হইল। বাট্‌সন্‌এর ভিন্ন বেশ ছিল বটে, কিন্তু এ বেশও প্রাকৃত স্বষ্টির ব্যত্যয় ঘটাইতে পারিল না। তাঁহার চক্ষুর বর্ণ তাঁহাকে ভিন্ন-দেশীয় বলিয়া প্রকাশ করিয়া দিল। অশ্বারোহীরা তাঁহাকে লক্ষ্য করিয়া বন্দুক ছুড়িতে লাগিল। নিকটবর্তী পল্লীবাসী গুজরেরা তাঁহার পরিচ্ছদাদি কাড়িয়া লইল। ডাক্তর বাট্‌সন্‌এর দুর্দশার একশেষ হইল। হিন্দী ভাষায় তাঁহার অভিজ্ঞতা, সম্ম্যাসীর ভাবে তাঁহার সাজসজ্জা, কিছুতেই তাঁহাকে বিপদের হস্ত হইতে রক্ষা করিতে পারিল না। তিনি অনারত গাত্রে কর্ণালের দিকে ধাবিত হইয়া কোনরূপে আপনার প্রাণ বাঁচাইলেন*। যদি ডাক্তর বাট্‌সন্‌ মিরাতে যাইতে পারিতেন, তাহা হইলেও মিরাতের কর্তৃপক্ষ যে, দিল্লীর বিপন্ন ইউরোপীয়দিগের উদ্ধারজন্য যত্নশীল হইতেন, অনেকে তাহা সম্ভবপর বলিয়া বোধ করেন নাই। মিরাতের হতাবশিষ্ট ইউরোপীয় সৈনিকপুরুষগণ যে, আপনাদের ৩৫ মাইল দূরে কতিপয় ইস্পরেজ এবং ইস্পরেজমহিলা ও বালকবালিকার জীবন সঙ্কটাপন্ন মনে করিয়া চমকিত হইয়া উঠিতেন, তাহা বোধ হয় না। যেহেতু ইহার পূর্বেদিনই এইরূপ ভয়ঙ্কর ঘটনা তাঁহাদের দৃষ্টিগোচর হইয়াছিল। তাঁহারা আপনাদের সমক্ষে আত্মীয়স্বজনের বিনাশ দেখিয়াছিলেন। নরহত্যা, গৃহদাহ ইত্যাদি শোচনীয় ফল পূর্বেই তাঁহাদের প্রত্যক্ষীভূত হইয়াছিল।

ক্রমে বেলা শেষ হইল। সূর্য ক্রমে অন্তাচলশায়ী হইতে লাগিল। দিল্লীর যেখানে যত সিপাহি ছিল, তাহারা আপনাদের সেনাপতিদিগকে

* ডাক্তর বাট্‌সন্‌এর পূর্বে আর এক জন ইস্পরেজ অশ্বারোহণে মিরাতে যাইতে উদ্যত হইয়াছিলেন। কিছু দূর যাওয়ার পরই ৩০গণিত দলের এক জন সিপাহির গুলিতে তিনি নিহত হন।—Holmes Indian Mutiny. p. 111. Comp. Cave-Browne, Punjab and Delhi. Vol. I. p. 74.

পরিত্যাগ করিতে ক্রমে প্রতিজ্ঞাবদ্ধ হইল। চারিদিকেই উত্তেজিত সিপাহি-দিগের অন্তর্ধানিতে, উন্নত জনগণের ভীষণ শব্দে সমস্ত নগর পরিপূর্ণ হইয়া উঠিল। নগরের ভিতরে, বাহিরে, সর্বত্রই উত্তেজিত লোকে চীৎকার করিয়া কহিতে লাগিল যে, দিল্লীর সম্রাট তাহাদের পক্ষ সমর্থন করিতেছেন, তাহারা সম্রাটের জন্যই ফিরিঙ্গীদিগের সহিত যুদ্ধ করিতেছে। প্রশোপাঙ্কিত মোগলের সিংহাসন পুনঃপ্রতিষ্ঠা এবং আপনাদের চিরন্তন ধর্মের গৌরব-রক্ষাই তাহাদের এই যুদ্ধের একমাত্র উদ্দেশ্য। এই সকল কথায় লোকের হৃদয় অধিকতর উত্তেজিত হইয়া উঠিল। জনসাধারণের অনেকে যখন ভাবিল যে, চির-মাত্র মোগল সম্রাট দিল্লীর সিংহাসনে বসিয়া পুনর্ব্বার শাসন-দণ্ড চালনা করিবেন, ভারতের সকলকেই সমভাবে প্রধান প্রধান রাজকীয় কার্যের ভার দিবেন, এবং চিরন্তন ধর্ম ও চিরাচরিত প্রথার গৌরব-রক্ষায় যত্নশীল থাকিবেন, তখন তাহারা বিপুল উৎসাহে আক্রমণকারী সিপাহি-দিগের দলে মিশিল। মিরাতের ইউরোপীয় সৈন্যদিগকে উপস্থিত না দেখাতে তাহাদের সাহস বাড়িয়া উঠিল। ভীষণ বিপ্লবের বিপুল তরঙ্গ-ঘাতে সমস্ত নগর আন্দোলিত হইতে লাগিল।

সিপাহিরা গৃহ-দাহ—গৃহবিলুপ্তনেই নিখুঁত থাকে নাট; তাহারা ইঙ্গ-রেজদিগের সহিত সম্মুখযুদ্ধ করিয়া আপনাদের পরাক্রম দেখাইয়াছিল। এই সময়ে দিল্লীতে সিপাহি-ইঙ্গরেজে প্রকৃতপ্রস্তাবে যুদ্ধ হইয়াছিল*। ইঙ্গরেজেরা এই যুদ্ধে সিপাহিদিগকে নিরস্ত করিতে সমর্থ হন নাই। তাঁহারা সংখ্যায় অল্প ছিলেন। আক্রমণকারীদিগের প্রবল পরাক্রমে সহজেই তাঁহাদের ক্ষমতা পশুদস্ত হইয়া যায়। অনেকে বিপ্লবের অন্ত্রাঘাতে মৃত্যুমুখে পতিত হন, অনেকে আর কোন উপায় না দেখিয়া নানা দিকে পলায়ন করেন। তাহারা এই বিপ্লবের বিবরণ লিখিয়াছেন, তাঁহাদের অনেককে স্বীকার করিতে হইয়াছে যে, সিপাহিরা ইতস্ততঃ বিশৃঙ্খলভাবে ছড়াইয়া পড়িয়া নরহত্যা বা গৃহবিলুপ্তনেই রত থাকে নাই, এবং ইউরোপীয় প্রভু-দিগের হস্ত হইতে নিরুত্তি পাইয়া আপনাদের মধ্যেই বিবাদবিসংবাদে সমর্থ অভিবাহিত করে নাই। তাহাদের অধ্যক্ষ না থাকিলেও তাহারা পরস্পর

* Martin, Indian Empire. Vol. II. p. 165.

একীভূত হইয়া আপনাদের বিপক্ষদিগকে নির্জিত করিয়াছিল। তাহাদের সঙ্কল্প, তাহাদের উদ্দেশ্য এক ছিল। তাহারা এই সঙ্কল্প ও উদ্দেশ্যসিদ্ধির প্রণালী অবধারণ করিয়া সুপ্রণালীতে ইঙ্গরেজদিগের সহিত যুদ্ধ করিয়াছিল।

মেইনগার্ডে যে সকল ইউরোপীয় ছিলেন, ৩৮গণিত দলের সিপাহিগণ তাঁহাদের উপর গুলি-বৃষ্টি করিতে থাকে। এজন আফিসর নিহত হন। অন্যান্য ইঙ্গরেজ উপায়ান্তর না দেখিয়া পলাইবার উদ্ভোগ করেন। মেইনগার্ডের সম্মুখে সিপাহিরা অনবরত গুলিবৃষ্টি করিতেছিল; স্মুতরাং ঐ পথে পলায়নের সুবিধা ছিল না। মেইনগার্ডের প্রাচীরের উপরিশাগের কোন কোন স্থান, কামান বসাইবার জন্য ঢালু করা ছিল। এই ঢালু স্থান দিয়া পরিখায় পড়িয়া। পলায়ন করা বাতীত আশ্রয়স্থান আর কোন উপায় ছিল না। পরিখার গভীরতা প্রায় ৩০ ফীট। আফিসরেরা আর কালবিলম্ব না করিয়া শেষে এই উপায়ে আশ্রয়লাভ করিতে উদাত হইলেন। যখন তাঁহারা পলায়নের উদ্ভোগ করিতেছেন, তখন মেইনগার্ডের গৃহ হইতে কাতর-ধ্বনি হইতে লাগিল। এই গৃহে যে সকল ইঙ্গরেজ-মহিলা ছিলেন, তাঁহারা ব্যাকুল হইয়া কাঁদিতে লাগিলেন। আফিসরেরা ইহাদিগকে ফেলিয়া পলাইতে পারিলেন না। এ দিকে মেইনগার্ডেও থাকিতে তাঁহাদের সাহস হইল না; স্মুতরাং তাঁহারা উক্ত গভীর পরিখায় পড়িয়া সকলকেই রক্ষা করিতে কৃতসঙ্কল্প হইলেন। আফিসরেরা আপনাদিগের কোমরবন্ধ খুলিলেন, পকেট হইতে কুমাল বাহিব করিলেন। কোমরবন্ধের সহিত কুমাল বাঁধিয়া তাহার সাহায্যে কয়েক জন নীচে পড়িলেন, এবং উপরে বাঁহারা ছিলেন, তাঁহাদিগকে একে একে ধরিয়া নীচে নামাইয়া আনিলেন। ইউরোপীয় মাহলাদিগকে এইরূপে পরিখার মধ্যে আনা হইল। পরিখার অপর পার্শ্বে ক্ষুদ্র জঙ্গল ছিল; সকলে পরিখা হইতে উঠিয়া এই জঙ্গলে বা অন্য কোন স্থানে আশ্রয়গোপন করিতে ইচ্ছা করিলেন। পরিখায় নামার ন্যায় পরিখা হইতে উঠাও বড় চুক্‌ক ছিল। কিন্তু বিপদ যখন উপস্থিত হয়, জীবন যখন বিপদের হস্তগত হইয়া উঠে, তখন-অপূর্ব সাহস, অপূর্ব উৎসাহ, অপূর্ব শক্তি ও অপূর্ব অধ্যবসায় আপনা হইতেই বিকাশ পায়। উপস্থিত সময়েও আফিসরদিগের অপরিসীম সাহস ও শক্তির সকার হইল। অপরিসীম অধ্যবসায়

তাহাদিগকে সকল বাধা অতিক্রম করিতে উৎসাহ-যুক্ত করিল। সকলে বহু কষ্টে পরিখার অপর পারে উঠিলেন। উঠিয়া কেহ নিকটবর্তী ভঙ্গলে লুকাইলেন, কেহ সৈনিকনিবাসের দিকে গমন করিলেন, কেহ বা রেসিডেন্ট মেটকাফ সাহেবের যমুনাতীরবর্তী বাস-গৃহের অভিমুখে অগ্রসর হইতে লাগিলেন* ।

পূর্বে বলা হইয়াছে যে, পাহাড়ের উপরিস্থিত গোলঘরে অনেক ইউরোপীয় আশ্রয় গ্রহণ করিয়াছিলেন। এই গোলঘর ও সৈনিকনিবাসের মধ্যে যে সকল ইউরোপীয় বাস করিতেন, তাহারা প্রায় সকলেই এইখানে আসিয়া লুক্কায়িত হইয়াছিলেন। যাহারা সহরে বাস করিতেন, তাহাদের অনেকে এই আশ্রয়-স্থানে আসিয়া আশ্রয়-রক্ষা করিতে সমর্থ হন নাই। যেহেতু অনেকের নিকট সংবাদ পাঠান হয় নাই, অনেকে আবার বহুদিলম্বে সংবাদ পাইয়াছিলেন। যাহারা যথাসময়ে সংবাদ প্রাপ্ত হন, তাহাদের কেহই এইখানে আসিতে উদ্যমী হন নাই † । বিগ্রেডিয়র গ্রেবন্ এইখানে থাকিয়া উন্নত সিপাহিদিগের গতিবিধি দেখিতেছিলেন। তিনি সৈনিকনিবাস রক্ষা করিতে বিশেষ চেষ্টা পাইয়াছিলেন। কিন্তু তাহার এই চেষ্টা সফল হইল না। এই স্থানে যে সকল সিপাহি ছিল, ক্রমে তাহাদের চিত্তবৃত্তি পরিবর্তিত হইল। বেলা যতই অবসান হইতে লাগিল, ততই তাহারা উন্নত সিপাহিদিগের দলে মিশিতে আগ্রহযুক্ত হইয়া উঠিল। পাহাড়ের উপরিস্থিত পতাকা-মন্দির হইতে অস্ত্রাগার বিনষ্ট হওয়ার চিহ্ন স্পষ্ট লক্ষিত হইয়াছিল। সিপাহিরা উহা দেখিয়া স্থির থাকিতে পারিল না। কিন্তু তাহারা ইউরোপীয়দিগকে বিনষ্ট করিতে উদ্যত হয় নাই। তাহারা আপনাদের উন্নত সতীর্থগণের সহিত সম্মিলিত হইতে ইচ্ছা করিয়াছিল বটে, কিন্তু যে সকল ইঙ্গরেজ তাহাদের সমক্ষে ছিল, তাহাদিগকে বিনষ্ট করে নাই। অস্ত্রাগার বিনষ্ট

* যাহারা মেটকাফ সাহেবের গৃহে উপনীত হন, মেটকাফের ভৃত্যগণ তাহাদিগকে খাদ্য-সামগ্রী দিয়া সমস্ত গু করে। এই স্থান হইতে তাহারা দেখিতে পান যে, সৈনিকনিবাসের দিকে প্রকৃতপ্রস্তাবে যুদ্ধ হইতেছে। সন্ধ্যাসময়গমে সমস্ত সৈনিকনিবাস বধন জালিয়া উঠে, তখন তাহারা যমুনার দিকে ষাইয়া পলায়ন করেন।—Martin, Indian Empire. Vol. II. p. 165.

† Mutiny of the Bengal Army. p. 40.

হওয়ার ঐক্যবাদের সিপাহিরা উত্তেজিত হইয়াছিল। কিন্তু এই উত্তেজনার আবেগে তাহারা ইউরোপীয়দিগকে আক্রমণ করে নাই। এ পর্য্যন্ত তাহাদের শাস্ত্যভাব অব্যাহত রহিয়াছিল, এ পর্য্যন্ত তাহারা যুগপৎ আশা, ভয় ও আশঙ্কার সহিত উন্নত সিপাহিদিগের কার্যকলাপ পর্যালোচনা করিতেছিল। ইউরোপীয়গণ যখন তাহাদিগকে তাঁহাদের সঙ্কটাপন্ন জীবন রক্ষা করিতে কহেন, তখন তাহারা তাঁহাদের সেই কাতরভাবে এরূপ মুগ্ধ হইয়াছিল যে, অনেকে ভয়ব্যাকুলা ইঙ্গরেজমহিলাদের সমক্ষে সঙ্গিন্ পরি-
ত্যাগ করিয়া আপনাদের বিশ্বস্ততার পরিচয় দেয়, এবং সেই বিপন্ন কুলনারী-
দিগকে কোন নিরাপদ স্থানে লইয়া বাইতে ইচ্ছা প্রকাশ করে * ।

ইউরোপীয়গণ অধিককাল ঐ স্থানে থাকিতে পারিলেন না। বিপদ ক্রমে গুরুতর হইয়া উঠিল। উন্নত সিপাহিরা কামান সকল দখল করিয়া সমুদয় ইউরোপীয়কে সমূলে উৎসন্ন করিতে উদ্যত হইল। ইঙ্গ-
রেজেরা আর আশ্রয়স্থানের কোন উপায় দেখিলেন না। বিগ্রেডিয়ার গ্রেব্‌স্
যখন শুনিতে পাইলেন যে, মেইনগাডে আফিসরেরা নিহত হইয়াছেন, উন্নত সিপাহিরা দলবদ্ধ হইয়া অনেক স্থানে প্রাধান্যস্থাপন করিয়াছে, তখন উপায়ান্তর না দেখিয়া সকলকে পলাইয়া আশ্রয়স্থান করিতে কহিলেন। বিগ্রে-
ডিয়ার পূর্বে এইরূপ আদেশ দিলে, অনেকের প্রাণ রক্ষা হইত। যখন মিরাতের সিপাহিরা দিল্লীতে উপস্থিত হয়, তখন ইউরোপীয়গণ অনায়াসে কর্ণালে যাইয়া আশ্রয়স্থান করিতে পারিতেন। হুঃখের বিষয় যে, বিগ্রেডিয়ার প্রাতঃ-
কালে এই আদেশ দেন নাই † । যখন বেলা শেষ হয়, সূর্য্য যখন ধীরে ধীরে অস্তাচলশায়ী হইতে থাকে, উন্নত সিপাহিদিগের প্রবল আক্রমণে যখন সমস্ত বিশৃঙ্খল হইয়া পড়ে, তখন বিগ্রেডিয়ার আর কোন উপায় না দেখিয়া শেষে সকলকে কর্ণালে যাইতে আদেশ দেন। এখন কোনরূপ শৃঙ্খলা ছিল না। যিনি যে উপায় সম্মুখে দেখিলেন, তিনি সেই উপায়ে আশ্রয়স্থান করিতে উদ্যত হইলেন। গোলঘরের নীচে ষোড়া, গাড়ী প্রভৃতি

* Bell, Indian Mutiny, Vol. I. p. 78.

† Indian Mutiny to the fall of Delhi, compiled by a former Editor of the Delhi Gazette, p. 17.

ছিল। ইউরোপীয়েরা আপনাদের আত্মীয়স্বজনকে এখন এই সকল গাড়ীতে উঠাইয়া দিলেন, এবং কালবিলম্ব না করিয়া মিরাত বা কর্ণালের অভিমুখে অগ্রসর হইতে লাগিলেন। গাড়ী প্রভৃতির অভাবে অনেক পদব্রজেও যাইতে লাগিলেন। যে সকল সিপাহি তাঁহাদের নিকটে ছিল, তাহারা এখন তাঁহাদের সঙ্গে যাইতে আদিষ্ট হইল। এই সকল সিপাহি পলাতকদিগের সঙ্গে যাইতে অনিচ্ছুক হইলেও, বাহিরে তাঁহাদের আদেশের কোনরূপ বিরুদ্ধাচরণ করিল না। তাহারা আফিসরদিগের আদেশে শ্রেণীবদ্ধ হইল, এবং আফিসরদিগের আদেশে কিয়দূর তাঁহাদের সঙ্গে সঙ্গে গেল, অবশেষে তাহারা ছত্রভঙ্গ হইয়া সহরের বাজারের দিকে ছড়াইয়া পড়িতে লাগিল। ৩৪ জন আফিসর তাহাদিগকে শ্রেণীবদ্ধ করিয়া রাখিতে চেষ্টা পাইলেন, কিন্তু চেষ্টা ফলবতী হইল না। সিপাহিরা এই সময় আফিসরদিগকে আপন আপন প্রাণ বাঁচাইতে কহিল। তাহারা স্পষ্ট নির্দেশ করিতে লাগিল যে, উন্নত জনগণ শীঘ্রই সৈনিকনিবাসে আসিয়া পড়িবে, শীঘ্রই সমস্ত সৈনিকনিবাস তাহাদের হস্তগত হইবে, অতএব এই সময়ে ইঙ্গরেজদিগের, পলাইয়া আত্মরক্ষা করা উচিত। তাহারা এইরূপে আপনাদিগের আফিসরদিগকে সাবধান করিল, এবং সাবধান করিয়া তাহাদিগকে ছাড়িয়া অতীষ্ট স্থানে যাইতে লাগিল। সময়ের উত্তেজনায় সিপাহিরা আপনাদের আফিসরদিগকে ছাড়িয়া বটে, কিন্তু তাহাদের জীবনের কোন অনিষ্ট করিতে উদ্যত হইল না। তাহারা আফিসরদিগের নিকট শাস্তভাব দেখাইয়াছিল। কিন্তু কোম্পানির কার্যকলাপের উপর তাহাদের কোনরূপ আস্থা ছিল না। তাহারা স্বশ্রেণীর, স্বজাতির অনেককে ইঙ্গরেজের বিরুদ্ধে সমুখিত দেখিল। দেখিয়া স্পষ্ট বুঝিতে পারিল যে, কতিপয় ইঙ্গরেজ আফিসরের অনুগমন করিলে, স্বশ্রেণীর, স্বজাতির এই সকল লোক তাহাদের উপর খড়াহস্ত হইয়া উঠিবে। অধিকন্তু ইঙ্গরেজের নিকটে থাকিলে, ইঙ্গরেজের কৌশলে তাহাদের জাতি ও ধর্ম নষ্ট হইবে। সুতরাং তাহারা আপনাদের আফিসরদিগকে ছাড়িয়া স্থানান্তরে গেল। কিন্তু পূর্বতন অনুরাগ ও পূর্বতন প্রীতির উপদেশে তাহারা সেই আফিসরদিগের কোনরূপ অনিষ্ট করিতে উদ্যত হইল না।

বিগ্রেডিয়ার গ্রেব্‌স্ শেখসময় পর্য্যন্ত সৈনিকনিবাস রক্ষা করিতে স্থির-

প্রতিজ্ঞ হইয়াছিলেন। তিনি এইজন্য মেজর আবটকে দুইটি কামান পাঠাইয়া দিতে আদেশ করেন। মেজর আবট মেইনগার্ডে ছিলেন। তিনি বিগ্রেডিয়ারের আদেশপালনে সমর্থ হন নাই। কামান কেন বিগ্রেডিয়ারের কাছে পৌঁছে নাই, মেজর আবট নিজে তৎসম্বন্ধে এইরূপ বলিয়াছেন,— “আমি এই আদেশপালনে উদ্যত হইয়াছিলাম, এমন সময় মেজর পটর্সন আমাকে কহিলেন যে, আমি চলিয়া গেলে তিনিও এই স্থান ছাড়িবেন। * * * * । এক জন ডেপুটি কলেक्टर আমাকে অন্ততঃ ১৫ মিনিট অপেক্ষা করিতে কহিলেন। বিগ্রেডিয়ারের আদেশ অমান্য করা হয় বলিয়া, আমি ইহাতে আপত্তি করিতে লাগিলাম। শেষে ডেপুটি কলেक्टरের বিশেষ অনুরোধে আমাকে ১৫ মিনিট অপেক্ষা করিতে হইল। নির্দিষ্ট সময় অতীত হইলে আমি মেইনগার্ড হইতে যাত্রা করিতে উদ্যত হইয়াছি, এমন সময়ে যে দুইটি কামান পাঠাইয়া দিয়াছিলাম, কয়েক জন সৈনিকপুরুষ তাহা লইয়া পুনরায় মেইনগার্ডে আসিয়া পৌঁছছিল। আমি কারণ জিজ্ঞাসা করিলাম। তাহারা কহিল যে, কামানপরিচালকেরা কামান ছাড়িয়া চলিয়া গিয়াছে, সুতরাং তাহারা যাইতে পারে নাই। উদ্বেজিত সিপাহিরা সৈনিকনিবাসে যাইয়া, গুলি চালাইয়াছে কি না, আমি ইহা জিজ্ঞাসা করিলাম। আমার আর্দালী কহিল যে, সে কয়েক বার বন্দুকের আওয়াজ শুনিয়াছে। আর্দালী ইহা কহিয়াই আমাকে তাড়াতাড়ি সৈনিকনিবাসে যাইতে বলিল। আমি তখন আমার লোকদিগকে যথানিয়মে শ্রেণীবদ্ধ হইতে আদেশ দিলাম। আমার আর্দালী কহিল—‘আর শ্রেণীবদ্ধ হওয়ার সময় নাই, শীঘ্র এ স্থান হইতে প্রস্থান করুন।’ ইহাতে আমি বুঝিলাম যে, আর্দালী আমাকে সৈনিকনিবাস-রক্ষার জন্য তাড়াতাড়ি যাইতে বলিতেছে। আমি তখন আমার লোকদিগকে যাত্রা করিতে আদেশ দিলাম। কিছু দূর অগ্রসর হইয়াছি, এমন সময়ে, মেইনগার্ডের দিকে বন্দুকের আওয়াজ শুনিতে পাইলাম। আমি কারণ জিজ্ঞাসা করিলে, কেহ কেহ কহিল যে, ৩৮গণিত দলের সিপাহিরা, ইঙ্করেজ আফিসরদিগকে গুলি করিতেছে। আমার সঙ্গে প্রায় ১০০ একশত লোক ছিল। আমি ইহাদের সকলকেই আক্রান্ত আফি-

সরদিগের সাহায্যের জন্য মেইনগাডে ফিরিয়া যাইতে আদেশ দিলাম। ইহা কহিল,—‘এখন আর সময় নাই। ইহার মধ্যে সকলেই হত হইয়াছে। আমরা আর কাহাকেও রক্ষা করিতে পারিব না, কেবল আপনাকে রক্ষা করিবাছি। এখন মরিবার জন্য আপনাকে আর কখনও সেখানে ফিরিয়া যাঁতে দিব না।’ ইহা কহিয়া সকলে আমাকে পরিবেষ্টন করিয়া দাঁড়াইল এবং তাড়াতাড়ি আমাকে লইয়া সৈনিকনিবাসে আসিল। সৈনিকনিবাসে কিছুক্ষণ থাকিয়া, আমি ‘ফ্লাগ্‌ষ্টাফ্ টাউয়ের’ বিগ্রেডিয়ারের সন্ধান লইলাম। কিন্তু কোন উত্তর পাইলাম না * ।”

উপস্থিত সময়ে ইঙ্গরেজ সৈনিকপুরুষদিগের কার্যপ্রণালী কিরূপ বিশৃঙ্খল হইয়া পড়িয়াছিল, তাহা উল্লিখিত বিবরণে বুঝা যাইবে। বিপদ যখন গুরুতন হইয়া উঠিয়াছিল, তখন ইঙ্গরেজেরা নানা চিন্তায় উদ্ভ্রান্ত হইয়া পড়েন। সুতরাং তাঁহারা সকল বিষয়ে সমান মনোযোগ দিতে সমর্থ হন নাই। গোলঘর হইতে যখন পলায়নের আদেশ দেওয়া হয়, তখন কয়েকটি ইঙ্গরেজকুলনারী এই বলিয়া দিল্লী পরিত্যাগ করিতে আপত্তি করেন যে, তাঁহাদের আপন আপন স্বামী আসিয়া না পঁছছিলে, তাঁহারা স্বনাস্তরে যাইতে পারেন না। প্রাতঃকাল হইতে ইহাদের অনেকের সাক্ষাৎ পাওয়া যায় নাই। এখন ইহাদের কোন সংবাদ না পাইলে তাঁহারা যাইতে পারেন না† । কিন্তু রাত্রি সমাগত দেখিয়া ৩৮গণিত দলের কাপ্তেন টাইটলার সকলকেই পলাইতে কহেন। ইঙ্গরেজ সৈনিকপুরুষ, ইঙ্গরেজ-কুলনারী, ইঙ্গরেজ-বালক-বালিকা—সংক্ষেপে দিল্লীর হতাবশিষ্ট সমস্ত ইউরোপীয় ও খ্রীষ্ট-ধর্মাবলম্বী, প্রাণের দ্বায়ে বিব্রত হইয়া নানা দিকে পলাইতে থাকেন।

এইরূপে পাহাড়ের শিখরস্থিত গোলঘর হইতে, নগর হইতে ইউরোপীয়েরা আপনাদের আত্মীয়স্বজনের সহিত ভয়ব্যাকুলচিত্তে শশব্যস্তে বাহির হইতে লাগিলেন। পলায়নকালে ইহাদের দুর্গতির একশেষ হয়। ইহারা

* Martin, Indian Empire, Vol. II. p. 162-163. মেজর আবট্ এই মে সিরটি বিভাগের সহকারী আর্জেন্টাইনজেনারেলকে দিল্লীর ঘটনার যে বিবরণ দেন, তাহাতে এইরূপ লিখিত হইয়াছিল।—Ball, Indian Mutiny, Vol. I. p. 106-110.

† Martin, Indian Empire, Vol. II. p. 163.

কিরূপে জঙ্গলে, আশ্রয়গোপন করিয়াছিলেন, কিরূপে ভগ্ন বাড়ী প্রভৃতিতে আশ্রয় লইয়াছিলেন, কিরূপে নানা-সঙ্কট-পূর্ণ স্থল-পথ জল-পথ অতিক্রম করিয়াছিলেন, খাদ্য-বিহীন ও বস্ত্র-বিহীন হইয়া কিরূপে দিবসের প্রচণ্ড রৌদ্র ও রাত্রির দুরন্ত হিম মাথায় লইয়াছিলেন, ইহাদের কোমলাঙ্গী কুল-নারীগণ আপনাদের স্বামিগণ হইতে বিচ্ছিন্ন হইয়া, কিরূপ কষ্টে পড়িয়া-ছিলেন, এবং ইহাদের কোমলপ্রাণ শিশুসন্তানগণ পিতামাতা হইতে বিযুক্ত হইয়া কিরূপ যাতনাভোগ করিয়াছিল, তাহা অনেক ইঙ্গরেজ নিদারুণ অনুশোচনার সহিত বর্ণনা করিয়াছেন। পলাতকগণ নানা বিশ্ববিপত্তি অতিক্রম করিয়া, কেহ কেহ মিরাতে, কেহ কেহ কর্ণালে, কেহ কেহ বা অস্থালায় বাইয়া উপস্থিত হন। কেহ কেহ হাঁটিতে অশক্ত হওয়াতে তাহাদের সঙ্গিগণকর্তৃক পরিত্যক্ত হন। পথের অনন্ত কষ্টে, খাদ্যাদির অভাবে বা উত্তেজিত লোকের আক্রমণে কেহ কেহ মৃত্যুর ক্রোড়ে আশ্রয় লইয়া, সমস্ত যন্ত্রণা হইতে অব্যাহতি লাভ করেন।

উন্নত সিপাহিগণ ও রাজারের উত্তেজিত লোকের আক্রমণে যখন দিল্লীতে ভয়ঙ্কর কাণ্ড ঘটতেছিল, ঘোরতর বিদ্রোহ, বলবতী বৈরনির্ঘাতন-স্পৃহা, অসীম উত্তেজনা যখন এই সকল লোককে ইউরোপীয়দিগের ধন-প্রাণ বিনষ্ট করিতে প্রবর্তিত করিয়াছিল, দয়া, সমবেদনা, কোমলতা প্রভৃতি সমস্তই অন্তর্ধান করাতে যখন ইহাদের হৃদয় পাষণ্ডময় হইয়া উঠিয়াছিল, তখন অনেক স্থানে মাধুর্যের কমনীয় ছবি বিকাশ পাইয়া অনেক পথশাস্ত্র, দুঃখার্ভ, শোচনীয়-দশাগ্রস্ত ইউরোপীয়কে শান্তিসুখ সমর্পণ করে। দিল্লী ও দূরবর্তী লোকালয়ের অনেকে পলাতক ইঙ্গরেজদিগের যথোচিত সাহায্য করে। ইহাদের সাহায্য না পাইলে, বোধ হয়, কোন ইউরোপীয়ের প্রাণরক্ষা হইত না, এবং কোনও ইউরোপীয়, বোধ হয়, এই ভয়ঙ্কর বিপ্লব হইতে রক্ষা পাইয়া জগতের সমক্ষে আপনাদের শোচনীয় কাহিনী বলিতে সমর্থ হইতেন না। পাহাড়ের উপরিস্থিত গোলঘর হইতে যখন ইঙ্গরেজেরা, ভয়-ব্যাকুলচিত্তে দলে দলে গাড়াতে উঠিয়া নানাদিকে পলায়ন করেন, তখন অনেক গাড়বানু তাহাদের গাড়া হাঁকাইয়া লইয়া যায়, এবং তাহাদিগকে দূরতর স্থানে লইয়া গিয়া পলায়নের সুবিধা করিয়া দেয়। দিল্লীর অনেকে, আপনাদের জীবন

সকটাপন্ন করিয়াও, নিরাশ্রয় ইঙ্গরেজদিগকে আশ্রয় দিতে বিমুখ হয় নাই। এক জন দর্জী অন্যান্য পাঁচ জন ইউরোপীয়কে লুকাইয়া রাখিয়াছিল *। এইরূপে আরও অনেকে, দিল্লীবাসীদিগের সাহায্যে অনেক স্থানে লুকাইয়া আপনাদের প্রাণরক্ষা করে। এই সময়ে দিল্লীর কলেজে রামচন্দ্র নামক এক জন খ্রীষ্টধর্মাবলম্বী হিন্দু, গণিতশাস্ত্রের অধ্যাপক ছিলেন। ধর্ম্মান্তর পরিগ্রহ করাতে ইনি সহজেই উন্নত সিপাহিদিগের কোপে পতিত হন। বুধসিংহ নামে অধ্যাপক রামচন্দ্রের একটি প্রাচীন ভৃত্য ছিল। এই প্রাচীন ভৃত্য সাহায্য না করিলে, রামচন্দ্র কখনও আপনার প্রাণ রক্ষা করিতে পারিতেন না। বিশ্বস্ত বুধসিংহ এই অধ্যাপককে উন্নত সিপাহিদিগের হস্ত হইতে বিমুক্ত করিতে যেরূপ যত্ন করিয়াছিল, তাহাতে তাহার অসাধারণ প্রভু-ভক্তির পরিচয় পাওয়া যায়। অধ্যাপক সামান্য কুলির বেশে দিল্লী হইতে বাহির হইয়া ধীরাজকিপাহাড়ী নামক স্থানে উপনীত হন। এই স্থানে বুধসিংহের পরিবারবর্গ অবস্থিত করিত। অধ্যাপক রামচন্দ্র ধীরাজকিপাহাড়ী হইতে, নানা বিপ্লব অতিক্রম করিয়া, অক্ষত-শরীরে ইঙ্গরেজশিবিরে উপনীত হন। সঙ্গে কেবল তাঁহার সেই প্রাচীন ভৃত্য বুধসিংহ ছিল †। দিল্লীতে ওয়ালিয়ত আলি নামক এক জন খ্রীষ্ট-ধর্ম্মাবলম্বী মুসলমান ছিলেন। ইঁহার স্ত্রীর নাম ফতেমা। উপস্থিত বিপ্লবে ফতেমা আপনার সন্তানগুলিকে লইয়া পলায়ন করেন। ওয়ালিয়ত আলি নিহত হন। ইনি যখন পলাইতেছিলেন, তখন এক জন উত্তেজিত সৈনিকপুরুষ আপনার সতীর্থদিগকে এই বলিয়া ইঁহার হত্যায় বিরত থাকিতে বলে যে, ওয়ালিয়ত আলির পিতা এক জন ধার্মিক মুসলমান ছিলেন। তিনি পুণ্যতীর্থ মক্কায় যাইতেও ক্রটি করেন নাই। এ ব্যক্তি অবশ্য টাকার লোভে পড়িয়া খ্রীষ্টধর্ম্ম অবলম্বন করিয়াছে, পুনর্ব্বার মুসলমানও হইতে পারে ‡। সিপাহিরা আপনাদের ধর্ম্মে কিরূপ আশ্রয়ান্বেষণ

* Martin, Indian Empire. Vol. II: p. 174. Comp. Ball, Indian Mutiny. Vol. I. p. 105.

† The Rev. Sherring, the Indian Church during the great Rebellion, p. 67-68.

‡ Ibid. p. 48.

ছিল, এবং আপনাদের ধর্ম রক্ষা করিতে কিরূপ যত্ন প্রদর্শন করিত, তাহা এই বিবরণে বুঝা যাইতেছে।* বলা বাহুল্য যে, আপনাদের এই চির-পবিত্র—
 চিরন্তন ধর্মের বিনাশ-আশঙ্কাতেই, তাহারা শেষে ঘোরতর উত্তেজিত হইয়া উঠে। ফতেমা নিজে স্বীকার করিয়াছেন যে, তিনি আপনার সন্তানগুলিকে লইয়া ৩ দিন মীরজা হাজি নামক রাজ-পরিবারের এক ব্যক্তির বাটীতে অবস্থিত করেন। ইহার মধ্যে ঘোষণা প্রচার হয় যে, যাহারা খ্রীষ্টধর্মাবলম্বী-দিগকে আশ্রয় দিবে, তাহাদের প্রাণ বিনষ্ট হইবে। সুতরাং ফতেমা উপায়ান্তর না দেখিয়া স্থানান্তরে যাইতে উদ্যত হন। ইঙ্গরেজ গবর্নমেন্ট এক সময়ে দিল্লীর রাজমহিষী জেনতমহলকে বিরক্ত করিতে ক্রেটি করেন নাই; কিন্তু এই জেনতমহল উপস্থিত সময়ে প্রায় ৫০ জন ইউরোপীয়কে লুকাইয়া রাখেন। তিনি লুক্কায়িত বিপ্লবদিগের প্রাণ রক্ষা করিতে বিশেষ চেষ্টা পাইয়াছিলেন। যতক্ষণ তাঁহার ক্ষমতা ছিল, ততক্ষণ এই বিপ্লবগণ আশ্রয়দাত্রী জেনতমহলের করুণায় নিরাপদ থাকেন। শেষে যখন উত্তেজিত সিপাহিদিগের পরাক্রমে সকলে ব্যতিব্যস্ত হইল, রাজপ্রাসাদ যখন সিপাহীদের হস্তগত হইল, তখন রাজমহিষী আর কোন উপায় না দেখিয়া আশ্রিত-দিগকে ছাড়িয়া দিতে বাধ্য হন*। এইরূপে অনেক সদাশয় লোকে বিপ্লব ইউরোপীয়দিগের রক্ষার জন্য যত্ন করিয়াছিল। ইউরোপীয়গণ কেহ কেহ সদাশয় আশ্রয়দাত্রীদিগের অনুগ্রহে প্রাণ রক্ষা করেন, কেহ কেহ আপনাদের বিশ্বস্ত পরিচারক বা পরিচারিকাদিগের অসীম প্রভু-ভক্তিতে আগ্রহ মৃত্যুর হস্ত হইতে মুক্ত হন†। দিল্লীর ভিতরে অপূর্ন ভীষণ ভাবের সহিত যেমন অপূর্ন মধুর ভাব কোমলতার রাজ্য বিস্তার করিয়াছিল, দিল্লীর বাহিরেও ভীষণতার সহিত সেইরূপ মধুর ভাব বিকাশ

* Indian Church during the great Rebellion. p. 51.

† দিল্লীর অনেক পরিচারক ও পরিচারিকা ইউরোপীয়দিগকে পূর্নহইতেই সাবধান করিয়া দিয়াছিল। ইঙ্গরেজ সৈনিকপুরুষেরা যখন গোলাঘোগে ব্যতিব্যস্ত হইয়া পড়েন, তখন ইচ্ছাশীলদিগকে মৈনিকনিবাসে থাকিতে নিষেধ করে। যেহেতু ইহারি স্থানিয়াছিল যে, সৈনিকনিবাসের বাঙ্গালা উত্তেজিত লোকে দগ্ধ করিবে।—Martin, Indian Empire. Vol. II. p. 161.

পায়। পলাতক ইউরোপীয়গণ এক সময়ে উত্তেজিত লোকের আক্রমণে মর্মান্বিত হইতেছিলেন, আর এক সময়ে দয়াপর পল্লী-বাসীর অনন্ত করণায় শাস্তির অমৃতময় ক্রোড়ে স্থাপিত হইতেছিলেন। ৩৮গণিত পদাতিক-দলের এক জন অফিসর আপনাদের পলায়নবৃত্তান্ত এইরূপ লিখিয়াছেন,—

“আমরা তাড়াতাড়ি পলায়নের উদ্বোগ করিতে লাগিলাম। সিপাহিরা তাহাদের অফিসরদিগকে শীঘ্র শীঘ্র পলাইয়া নিরাপদ স্থানে যাইতে কহিল। এমন কি তাহারা আপনাদের কুটারেও বিপন্ন অফিসরদিগকে আশ্রয় দিতে চাহিয়াছিল। * * *। আমরা দৌড়িতে লাগিলাম। অবশেষে পরিশ্রান্ত হইয়া একটি বৃক্ষের তলায় বসিয়া পড়িলাম। কয়েক মিনিট বিশ্রামের পর আবার চলিতে আরম্ভ করিলাম। এই সময়ে চন্দ্র উঠিয়াছিল, সৈনিকনিবাস অগ্নিশিখায় আচ্ছাদিত হইয়াছিল। জ্বলন্ত হতাশনের প্রভাবে রাত্রিতেও দিবসের ন্যায় আলোক প্রসারিত হইয়াছিল। আমরা সমস্ত রাত্রি এইরূপে অতিবাহিত করিলাম। কিয়দূরে মাটির একটি ভগ্ন গৃহ ছিল। আমরা সকলে সেইখানে গিয়া লুকাইলাম। এই সময় কয়েক জন ব্রাহ্মণ আপনাদের কার্যে যাইতেছিলেন। ইহারা আমাদের এইরূপ কদর্য স্থানে লুক্কায়িত দেখিয়া, আমাদের সকলকেই তাহাদের পল্লীতে লইয়া আসিলেন, এবং সকলকেই চপাটি ও দুগ্ধ দিয়া সন্তুষ্ট করিলেন। কিছুক্ষণ পরে আমরা ইহাদের সাহায্যে পদব্রজে যমুনার একটি শাখা পার হইয়া যাই। * * *। পথে এক দল গুজর আমাদের দুরবস্থার একশেষ করে। শেষে কয়েকজন পরহুংখাতর দয়াপর ব্রাহ্মণ আমাদের দিকানা মক একটি পল্লীতে লইয়া আইসেন, ইহারা বিশ্রামের জন্য আমাদের গাটীয়া দেন, এবং আহারের জন্য আমাদের সম্মুখে রুটি ও ডাল আনিয়া উপস্থাপিত করেন। পল্লীবাসীরা নিরঙ্কর হইলেও আমাদের সহিত বড় সদয় ব্যবহার করে। * * *। কিন্তু এক দল উত্তেজিত লোক হঠাৎ আসিয়া আমাদের দুরবস্থা স্মরণ করিয়া। এই সময়ে এক জন সন্ন্যাসী আমাদের প্রতি বিশেষ অনুগ্রহ প্রদর্শন করেন। তিনি আমাদের গাটীয়া লুকাইয়া রাখেন। দিল্লী হইতে প্রস্থানের দুই দিন পরে, এক জন ভারতবর্ষীয় আমাদের সাহায্যার্থে মিরটে সংবাদ লইয়া যাইতে উদ্যত হয়। ফরাসী-

ভাষায় একখানি পত্র লিখিয়া এই ব্যক্তির হস্তে দেওয়া হয়। দুই দিন পরে আমরা হরটাদপুর নামক স্থানে উপনীত হই। এক জন বৃদ্ধ জর্মান এই স্থানের ভূস্বামী ছিলেন। ইঁহার নাম ফ্রান্সিস্ কোহেন, বয়স প্রায় ৮৫ বৎসর। বৃদ্ধ কোহেন আমাদেরকে তাঁহার গৃহে আশ্রয় দেন। আমাদের সঙ্গে যে সকল কুলনারী পথশ্রমে নিতান্ত কাতর হইয়া পড়িয়াছিলেন, তাঁহারা কোহেনের দ্বিতল গৃহে থাকিয়া শ্রান্তিবিনোদন করেন। ইঁহার মধ্যে মিরাত হইতে দুই জন সৈনিকপুরুষ ত্রিশ জন অস্বারোহী সৈন্য লইয়া আমাদের সাহায্যার্থ সেই স্থলে উপস্থিত হন। এই সৈন্যদলে কাশ্চেন ক্রেগীর ৩গণিত সৈন্যও ছিল*। ইঁহারা আপনাদের বিশ্বস্ততা হইতে এ পর্য্যন্ত স্থলিত হয় নাই। ফরাসী ভাষায় .ষ পত্র মিরাতে পাঠাইয়া দেওয়া হইয়াছিল, সেই পত্র পঁছছিলেই ইঁহারা হরটাদপুরে উপনীত হয়। ইঁহারা বিপ্লবদিগের সাহায্যার্থ ভিকা হইতে হরটাদপুর পর্য্যন্ত প্রায় ৪০ মাইল অতিক্রম করিয়া আইসে। দিল্লী হইতে পলায়নের অষ্টম দিন রাত্রিকালে আমরা ইঁহাদের সঙ্গে মিরাতে উপনীত হই।”

৩গণিত সিপাহিদলের চিকিৎসক উড্ সাহেব আপনার স্ত্রী ও অপর একটি ইউরোপীয় মহিলার (ইনি লেফ্টেনেন্ট পিলিনামক এক জন সৈনিক অফিসরের স্ত্রী) সহিত পলায়ন করেন। ডাক্তর উডের মুখে গুলির আঘাত লাগিয়াছিল। এই আঘাতে তাঁহার চিবুক ভাঙ্গিয়া যায়। পলাতকগণ দিল্লীর কোম্পানির বাগানে আসিয়া আশ্রয় গ্রহণ করেন। বাগানের লোকে তাঁহাদিগকে বসিবার জন্ত খাটিয়া দেয়, এবং আপনাদের কুটীরে লুকাইয়া রাখে। বাগানরক্ষক তাঁহাদের সহিত সন্ধ্যাবহার করিতে কোনও

* মিরাতের বিপ্লবের সময় কেবল কাশ্চেন ক্রেগীর সৈন্যগণই আপনাদের অধিনায়কের নিকট শাস্তভাব দেখায় নাই। অন্যান্য দলের অনেক সিপাহিও বিশ্বস্ত রহিয়াছিল। ভিন্ন ভিন্ন দলে প্রায় ২০।৩০ জন সিপাহি ক্রেগীর অধীনে সজ্জিত হয়। প্রবল হতাশনের মধ্যে ক্রেগীর গৃহ রক্ষা করু এবং ক্রেগীর সঙ্গে ইউরোপীয় সৈনিকনির্বাসে উপস্থিত হয়। ২।১ জন বাতীত ইঁহারা কখনও কোনও ঘটনায় উৎসুক সিপাহিদিগের সহিত সম্মিলিত হয় নাই। মিরাতের সিপাহিদিগের মধ্যে কেবল ইঁহাদিগকেই সৈনিকশ্রেণীতে থাকিতে অনুমতি দেওয়া হয়।—
Martin, Indian Empire. Vol. II. p. 167-168, note.

ক্রেটি করে নাই। এক দল দস্যু ইহার মধ্যে আসিয়া পলাতকদিগের গাড়ী ভাঙ্গিয়া দেয়, এবং ঘোড়া লইয়া যায়। পলাতকগণ সেখানে অধিক ক্ষণ না থাকিয়া প্রস্থান করেন। ১১ই মে রাত্রি ৩টার সময় ইঁহারা একটি পল্লীতে উপস্থিত হন। পল্লীবাসিগণ ইঁহাদিগকে দুধ ও রুটি এবং শুইবার জন্তু খাটিয়া দেয়। এক জন প্রাচীন হিন্দু এই পল্লীর মোড়ল ছিলেন। রাত্রি প্রভাত হইল; বিপন্নগণ তখন খোলা জায়গায় অবস্থিতি করিতেছিলেন। সিপাহিরা আসিয়া পাছে ইঁহাদের কোনও অনিষ্ট করে, এই আশঙ্কায়, উক্ত গ্রামাধ্যক্ষ ইঁহাদিগকে গোশালায় লুকাইয়া থাকিতে পরামর্শ দেন, এবং গোশালা হইতে গরুগুলি বাহির করিয়া লন। পলাতকেরা এখানে গিয়া আশ্রয় গ্রহণ করেন। অবিলম্বে গ্রামের একটি মহিলা আসিয়া ইঁহাদিগকে নীরবে থাকিতে কহে, যেহেতু কয়েক জন সিপাহি তখন গ্রামে প্রবেশ করিয়াছিল। ইঁহারা প্রথমে ভাবিলেন, মহিলাটি বুঝি অনর্থক ভয় দেখাইতেছে; কিন্তু শেষে উক্ত মহিলার কথা ঠিক হইল। ইঁহারা যেখানে লুক্কায়িত ছিলেন, সেইখানেই এক জন সিপাহি আসিয়া দাঁড়াইল। এই সিপাহি আপনাদের দ্রব্যাদি স্থানান্তরিত করিবার জন্ত গরু ও গাড়ী লইতে আসিয়াছিল। সদাশয় প্রাচীন গ্রামাধ্যক্ষ কালবিলম্ব না করিয়া সিপাহিদিগকে গরু ও গাড়ী দিলেন। সিপাহি অতীষ্ট বিষয় পাইয়া চলিয়া গেল। গ্রামাধ্যক্ষ সিপাহিকে শীঘ্র শীঘ্র গ্রাম হইতে বিদায় দিতে ইচ্ছা করিয়াই, তাড়াডাড়ি তাহার আবশ্যক গরু ও গাড়ী সংগ্রহ করিয়া দিয়াছিলেন। যেহেতু তিনি জানিতেন যে, সিপাহি গ্রামে কিছু ক্ষণ থাকিলেই বিপন্ন ইঙ্গরেজদিগের সন্ধান পাইবে। ডাক্তার উড ও দুইটি কুলনারী এইরূপে বর্ষায়ান্ গ্রামাধ্যক্ষের দয়ায় আসন্ন বিপদ হইতে পরিত্রাণ পাইয়া, উক্ত স্থান পরিত্যাগ করিতে উদ্যত হইলেন। যাইবার সময় গ্রামের লোকে ইঁহাদিগকে আহারের জন্য কয়েকখানি রুটি এবং পানের জন্য পাত্র ভরিয়া জল দিল। ইঁহারা পথ চিনিতেন না, এজন্য গ্রামের একটি সুবক ইঁহাদের সঙ্গে কিছু দূর যাইয়া পথ দেখাইয়া দিয়া আসিল। অনেক বিঘ্নবিপত্তি অতিক্রম করিয়া, ইঁহারা রাত্রি ৪টার সময় আর একখানি গ্রামে আসিয়া পৌঁছছিলেন এবং গ্রামের প্রান্তভাগস্থিত একটি বৃক্ষের তলায় বিশ্রাম করিতে লাগিলেন। রাত্রি শেষ হইল। প্রাতঃকালে গ্রামবাসিগণ আপনা-

নাদের কার্যে যাইতে লাগিল। ইহা একটি হিন্দুপল্লী। এক জন প্রাচীন হিন্দু পলাতকদিগকে এইরূপ বিপন্ন দেখিয়া গ্রামে লইয়া আইসেন, এবং দুগ্ধ ও কুটি দিয়া ইহাদিগকে সন্তুষ্ট করেন। ডাক্তরের আহত স্থান পরিকার করার জন্য, এই দয়াপর আশ্রয়দাতা জল গরম করিয়া আনিয়া দিতেও ক্রটি করেন নাই। নিকটবর্তী আর একটি পল্লীতে এক জন ব্রাহ্মণ বাস করিতেন। বিপন্ন ইঙ্গরেজ ও ইঙ্গরেজ-মহিলারা নিকটবর্তী গ্রামে আসিয়াছেন শুনিয়া, এই ব্রাহ্মণ স্বগ্রামের অনেকগুলি লোক লইয়া ইহাদিগকে দেখিতে আইসেন। পূর্বে বলা হইয়াছে যে, গুলির আঘাতে ডাক্তর উডের যুথের নিয়ন্ত্রণ তাজিয়া গিয়াছিল। এজন্য ডাক্তর দুগ্ধ পান করিতে পারিতেন না। উক্ত ব্রাহ্মণ আসিয়া ডাক্তরকে কাঠের নলদ্বারা দুগ্ধ টানিয়া পান করিতে কহেন, এবং এই জন্য নিজে একটি কাঠের নল প্রস্তুত করিয়া আনিয়া দেন। দয়াসু ব্রাহ্মণের সংপরামর্শে ডাক্তর উডের অনেক উপকার হয়। ডাক্তর উড নলদ্বারা দুগ্ধ পান করিয়া অনেক সুস্থ হন। বিপন্ন ইঙ্গরেজ ও ইঙ্গরেজ-মহিলারা এইরূপে প্রাচীন পল্লীবাসীর আশ্রয়ে সমস্ত দিন অতিবাহিত করেন। শেষে আশ্রয়দাতার আশঙ্কা বাড়িয়া উঠে। ইঙ্গরেজেরা তাঁহাদের গ্রামে লুক্কায়িত রহিয়াছে, ইহা জানিতে পাবিলেই, দিল্লীর সিপাহিরা তাড়াতাড়ি আসিয়া গ্রাম জালাইয়া দিবে। এজন্য উক্ত প্রাচীন ব্যক্তি ডাক্তর উড প্রভৃতিকে স্থানান্তরে বাইতে কহেন। আশ্রিত ইঙ্গরেজেরা অধিকতর বিপন্ন হন, ইহা উক্ত আশ্রয়দাতার অভিপ্রেত ছিল না। তিনি উন্নত সিপাহিদিগের আক্রমণ হইতে অব্যাহতি লাভের উদ্দেশ্যেই আশ্রিতদিগকে অপেক্ষাকৃত নিরাপদ স্থানে বাইতে কহিয়াছিলেন। এই সময়ে প্রচণ্ড সূর্যের উত্তাপে সমস্ত দিক দগ্ধ হইতেছিল, উত্তপ্ত বায়ু প্রবলবেগে বহিতেছিল; সূতরাং ইঙ্গরেজ-মহিলাদ্বয় আহত ডাক্তরকে লইয়া অস্ত্র বাইতে সাহসী হইলেন না। গ্রামের আর এক ব্যক্তি এই বিপত্তিকালে ইহাদিগকে একটি জীর্ণ ক্ষুদ্র গৃহে লইয়া আইসে, এবং দুইটি বিছানা আনিয়া দিয়া মুম্বাইতে কহে। নিদারুণ গ্রীষ্মকালে যখন প্রচণ্ড সূর্য অনলকণা বিকীর্ণ করিতেছিল, তখন বিপত্তিগ্রস্ত পলাতকগণ দরিদ্র পল্লীবাসীর অসীম করুণা ও অনুগ্রহে আশ্রয় পাইয়া, বিশ্রাসসুখ অনুভব করিতে থাকেন। ক্রমে বেলা শেষ হইল। ক্রমে রাত্রি সমাপ্ত

হইয়া দিবসের উত্তাপ অল্পতর করিয়া তুলিল। ডাক্তর উড্ ও দুইটি কুল-নারী আপনাদের আশ্রয়স্থান হইতে বাহির হইয়া পথ অভিবাহনে প্রবৃত্ত হইলেন। পাঁচ দিন হইল, ইঁহারা দিল্লী হইতে প্রস্থান করিয়াছিলেন, তথাপি দশ মাইলের অধিক আসিতে পারেন নাই। যাহাহউক, পরদিন বেলা ২টার সময় ইঁহারা আর একটি পল্লীতে উপস্থিত হন। এই পল্লীর অধিবাসিগণও ইঁহাদের সহিত যথোচিত সদ্ব্যবহার করে। উপস্থিত সময়ে বিপন্নদিগের প্রতি যত দূর সম্ভব, দয়া ও অনুগ্রহ দেখাইতে ইঁহারা কাতর হয় নাই। পলায়িতেরা যাহা প্রার্থনা করেন, পল্লীর মহিলারা অনিবার্যভাবে সরলভাবে তাহাই আনিয়া দেয়। ইঁহাদের প্রদত্ত শীতল জলে পলায়িতদিগের তৃষ্ণা শান্তি হয়। ডাক্তরের মুখ ধৌত করার জন্ত ইঁহাদের জ-কুল-নারীগণ একটি জলপাত্র চাহেন, পল্লীবাসিনীরা সন্তুষ্টচিত্তে তাহা আনিয়া দেয়। এতদ্ব্যতীত ইঁহারা ইঁহাদের আহারের জন্ত নানাবিধ শাকসবজিতে ভাল তরকারি রাখিয়া আনে। ইঁহাদের মধ্যে একটি ইঁহাদের মহিলা কহিয়াছেন যে, দিল্লী পরিত্যাগ করা অবধি এরূপ সুস্বাদু দ্রব্য তাঁহারা আর কখনও আহার করেন নাই। এইরূপে পল্লীবাসিনীগণ বিপন্নদিগকে আহারীয় ও পানীয় দিয়া সন্তুষ্ট করে। পলাতকগণ পরে সে স্থান পরিত্যাগ করিয়া বলগড়-নামক আর এক পল্লীতে উপনীত হন। রাজপুতবংশীয়া একটি রাণী এই স্থানে কর্তৃত্ব করিতেন। বলগড়ের রাণী বিপন্নদিগের কষ্ট দেখিয়া, ইঁহাদিগকে আপনার গৃহে আনিয়া আশ্রয় দিলেন, এবং ইঁহাদিগের আহারের জন্ত খাদ্যসামগ্রী প্রস্তুত করিতে কহিলেন। ডাক্তর উড্ ও তাঁহার সঙ্গিনী মহিলাদ্বয় রাণীর এইরূপ অনুগ্রহে আহারপানে পরিতুষ্ট হইয়া, সে রাত্রি সেইখানে অতিবাহিত করিলেন। পরদিন মেজর পটর্সন অতর্কিতভাবে বলগড়ে উপস্থিত হইলেন। কিছুক্ষণ পরে লেফটেনেন্ট পিলিও আর এক দিক হইতে সেইখানে পহঁছিলেন। পিলি আপনার সহধর্মিণীকে অক্ষতশরীরে দেখিয়া ঈশ্বরকে ধন্যবাদ দিলেন। সঙ্কলে এখন আশাবিত্ত হৃদয়ে বলগড় হইতে প্রস্থান করিলেন। এই সময়ে ডাক্তর উডের চলিবার শক্তি ছিল না। গুরুতর আঘাতে ডাক্তর উড্ বড় অবসন্ন হইয়া পড়িয়াছিলেন। উপস্থিত সময়ে পথের কয়েক জন দরিদ্র মজুর আপনাদের সদাশয়তা ও দয়ার একশেষ দেখায়।

ইহারা চলৎশক্তিশূন্য ইঙ্গরেজ-চিকিৎসককে বহন করিয়া এক গ্রাম হইতে অন্য গ্রামে লইয়া যায় । দরিদ্র ও নিরক্ষর লোকেও পথে বিপন্নদিগের দুর্গতি দেখিয়া সাহায্যদানে বিমুখ হয় নাই । এইরূপ সাহায্য করিলে যে, উন্নত সিপাহিদিগের কোপে পতিত হইতে হইবে, তাহা ইহারা জানিত, তথাপি ইহাদের করুণা, ইহাদের সমবেদনা এবং ইহাদের উপকারের ইচ্ছা কিছুতেই অন্তর্হিত হয় নাই । ইঙ্গরেজেরা আপনাদের কুলনারীদিগকে লইয়া এইরূপে দরিদ্রপন্নীবাসীদিগের অসীম অনুরূপ ও অনন্ত করুণায় নিরাপদে অক্ষত-শরীরে কর্ণালের অভিমুখে অগ্রসর হইতে লাগিলেন । পাতিয়ালার মহারাজ ইহাদিগের দুর্গতির সংবাদ পাইয়া সাহায্যার্থ ১০ জন সুসজ্জিত অশ্বারোহী পাঠাইয়া দেন । এই মৈনিকপুরুষেরা যেরূপ দ্রুতগামী অশ্বে অধিষ্ঠিত ছিল, সেইরূপ সুদৃশ্য পরিচ্ছদে পরিশোভিত ছিল । ইহারা ২০এ মে বিপন্নদিগকে কর্ণালে পঁহুছাইয়া দেয় * ।

৭৪গণিত সিপাহিদলের ডাক্তর বাট্‌সন্ যে, হিন্দুস্থানী ভাষায় বিশেষ অভিজ্ঞ ছিলেন, তাহা পূর্বে বলা হইয়াছে । এক জন সন্ন্যাসী ডাক্তরের জীবন সঙ্কটাপন্ন দেখিয়া, তাঁহাকে দাছুপছী যোগীর বেশে সজ্জিত করেন । উক্ত যোগী তাঁহার কাপড় রঙ্গ করিয়া দেন, এবং তাঁহার গলদেশে রুদ্রাক্ষ-মালা সমর্পণ করেন । দয়ালু সন্ন্যাসী বিপন্ন ডাক্তরের জীবনরক্ষার জন্যই তাঁহাকে এইরূপ ভিন্ন বেশ পরিগ্রহ করিতে উপদেশ দিয়াছিলেন । ডাক্তর এইরূপে সন্ন্যাসীর বেশে ২৫ দিন এখানে ওখানে ঘুরিয়া বেড়ান, কখনও বৃক্ষশ্রেণীর অন্তরালে কখনও বা লোকালয়ে আশ্রয় গ্রহণ করেন । একদা কয়েক জন হিন্দু সন্ন্যাসি-বেশধরী বাট্‌সন্কে দেখিয়া কহেন,—“আপনি কখনও সন্ন্যাসী নহেন । আপনার কটা চক্ষুই আপনাকে ভিন্নজাতীয় বলিয়া পরিচিত করিতেছে । আপনি নিশ্চিতই কিরিপ্পি ।” কিন্তু এই সকল হিন্দু, ডাক্তরকে ইঙ্গরেজ বলিয়া চিনিতে পারিলেও তাঁহার প্রতি কোনরূপ অসদ্যবহার করেন নাই † । এক জন প্রাচীন

* Martin, Indian Empire. Vol. II. p. 168-169. Comp. Indian Mutiny to the fall of Delhi, p. 20-30.

† Indian Empire. Vol. II. p. 169. Comp. Bal, Indian Mutiny. Vol. I. p. 97.

লোক একটি অসহায়। ইঞ্জেরজমহিলা ও তাহার সন্তানকে অনেক দিন রক্ষা করেন। আশ্রয়দাতা, ইহাদিগকে সিপাহিদিগেব ভয়ে এক গ্রাম হইতে আর এক গ্রামে লইয়া যান, এবং অপরের অগোচরে গোপনীয় স্থানে লুকাইয়া রাখেন। ইহাদের আশ্রয়স্থান যখনই উন্নত লোকের সন্দেহের বিষয় হইয়াছে, তখনই ব্রদ্ধ আশ্রয়দাতা ইহাদিগকে সে স্থান হইতে অত্র স্থানে লইয়া গিয়াছেন * । মিরাটের কমিশনার গ্রিথেড সাহেব এই সময়ে লিখিয়াছিলেন—“দিল্লী হইতে যে সকল পলাতক আসিয়াছেন, তাঁহারা সকলেই স্বীকার করিয়াছেন যে, অনেক লোকে তাঁহাদিগকে আশ্রয় দিয়াছে, এবং তাঁহাদের প্রতি যথোচিত সৌজন্য দেখাইয়াছে। এক জন সন্ন্যাসী যমুনায় একটি ইউরোপীয় শিশুসন্তান পাইয়া এখানে লইয়া আইসে। তাহাকে পারিতোষিক দিতে চাহিলে, সে উহা লইতে অসম্মতি প্রকাশ করিয়া কহে যে, যদি কোন পারিতোষিক দিতে ইচ্ছা হয়, তাহা হইলে যেন তাহার এই কার্যের জন্ত তাহার নামে একটি কুপ খনন করিয়া দেওয়া হয়। আমি তাহার এই ইচ্ছা পূর্ণ করিতে প্রতিশ্রুত হই † ।” কাপ্তেন হলাণ্ড নামক এক জন সৈনিকপুরুষ কহিয়াছেন—“আমি যে গ্রামে উপস্থিত হই, সেখানে দুখ না পাওয়াতে পণ্টুনামক এক জন ঝাড়ুদার এবং তাহার পরিবারের কয়েক ব্যক্তি প্রত্যহ নিকটবর্তী গ্রাম হইতে দুখ আনিয়া দিত। ইহার পর তিনি কহিয়াছেন—“আমি যমুনাদাসনামক এক জন ব্রাহ্মণের আশ্রয়ে ৬ দিন থাকি। বাড়ীর যে ঘরটি সর্দাপেক্ষা ভাল, ব্রাহ্মণ তাহাই আমার বাসের জন্ত ছাড়িয়া দেন, এবং তিনি যত ভাল খাদ্যসামগ্রী সংগ্রহ করিতে পারেন, তাহাই দিয়া আমাকে পরিভূষণ করেন ‡ । এক জন ইঞ্জরেজ ডেপুটি কলেক্টরের স্ত্রী যখন দিল্লী হইতে পলায়ন করেন, তখন দুই জন বিশ্বস্ত চাপারশী তাঁহার বিশেষ সহায়তা করে। ইহাদের এক জন আজমীর-তোরণ অতিক্রমসময়ে উত্তেজিত লোকের হাতে পড়িয়া নিহত হয়। অপর জন ডেপুটি কলেক্টরের স্ত্রীর সঙ্গে সঙ্গে বেড়াইয়া

* Indian Mutiny to the Fall of Delhi, p. 20.

† Martin, Indian Empire. Vol. II. p. 169.

‡ Kaye, Sepoy War. Vol. II. p. 98, note.

তাঁহাকে নিরাপদ স্থানে লইয়া আইসে* । যে সকল ইউরোপীয় মিরাতের পরি-
বর্তে অশ্বালার অভিমুখে প্রস্থান করিয়াছিলেন, তাঁহাদের অনেকে কর্ণালের
নবাবের সদাশয়তায় বিশেষ উপকৃত হন । দিল্লীর জজ্ বস্ সাহেব কর্ণালে
আসিলে নবাব তাঁহাকে কহেন, “উপস্থিত গোলযোগের বিষয় ভাবিতে
ভাবিতে রাত্রিতে আমার নিদ্রা হয় নাই । এখন আমি আপনাদের পক্ষ-
সমর্থনে কৃতসঙ্কল্প হইয়াছি । আমার তরবারি, আমার সম্পত্তি এবং আমার
অনুচরবর্গ, এখন সমস্তই আপনাদের জন্ত সমর্পিত হইতেছে।” নবাব
কেবল এই কথা বলিয়াই নিরস্ত থাকেন নাই । ইঙ্গবেঙ্গদিগের সাহায্য-
জন্ত তিনি পঞ্জাবী পুলিশ সৈন্তের অনুকরণে একশত অশ্বারোহী সেনা
প্রস্তুত করেন † । উপস্থিত বিপ্লবে এইরূপে অনেকেই ইঙ্গবেঙ্গের সাহায্য-
দানে অগ্রসর হইয়াছিলেন, অনেকেই অনুকম্পা ও অনুগ্রহ দেখাইয়া
বিপন্ন ইউরোপীয়দিগের জীবন রক্ষা করিয়াছিলেন । দরিদ্র পল্লীবাসী
হইতে সম্ভ্রান্ত ধনি-সম্প্রদায়, নিয়ন্ত্রণের নিরঙ্কর লোক হইতে উচ্চশ্রেণীর
শিক্ষিত ব্যক্তিগণ, সংক্ষেপে প্রধান প্রধান ভূস্বামী হইতে সামান্ত ঝাড়ুদার
পর্যন্ত, সকল শ্রেণীর লোকই বিপন্ন ইউরোপীয়দিগের উদ্ধারসাধনে উদ্যত
হইয়াছিল । ইহারা আপনাদের সম্পত্তি, আপনাদের আবাস-পল্লী, অধিক
কি আপনাদের জীবন পর্যন্ত সঙ্কটাপন্ন করিয়াও নিরাশ্রয়কে আশ্রয় দিতে,
বিপন্নকে বিপদ হইতে উদ্ধার করিতে কাতর হয় নাই । এই ভয়ঙ্কর
সময়ে এইরূপ দয়া ও এইরূপ সদাশয়তা প্রদর্শিত না হইলে, নিরুপায়,
নিরাশ্রয় ইউরোপীয়গণ কখনও নিরাপদ স্থানে উপনীত হইতে পারিতেন
না । যখন ইঙ্গবেঙ্গেরা কোমলমতি শিশুনস্তান ও কোমলাঙ্গী-মহিলাদিগকে
লইয়া হীতস্তম্ভে পলায়ন করেন, কেহ কেহ আহত হইয়া রুধিরাক্তশরীরে
দিবসের প্রচণ্ড রৌদ্র, রাত্রির প্রচণ্ড হিমের মধ্যে চূর্ণম কটকাকৌর্ণ পণ-
অতিবাহনে প্রবৃত্ত হন, আপনাদের গাড়ী, পাল্কি সমস্তই ফেলিয়া কখনও

* Lall, Indian Mutiny, Vol. I. p. 100-101. Comp. Indian Empire. Vol. II. p. 169.

† Indian Empire. Vol. II. p. 169-170.

বিজন জঙ্গলে, কখনও সঙ্গীর্ণ লোকালয়ে, কখনও বা অপরিষ্কৃত গহ্বরে আশ্রয়গোপন করেন, এবং প্রাণের দায়ে বিব্রত হইয়া নিম্নতর হইতে নিম্নতম-শ্রেণীর লোকের নিকট কাতরভাবে সাহায্য প্রার্থনা করেন, তখন ঐ সকল সদাশয় ভূস্বামী, ঐ সকল উচ্চশ্রেণীর দরিদ্র ও নিম্নশ্রেণীর নিরক্ষর লোক, ইহাদিগকে আশ্রয় না দিলে, ইহারা নিঃসন্দেহ পথপ্রান্তে বা নির্জন অরণ্য-মধ্যে অনন্ত নিদ্রায় অভিভূত হইতেন ।

পূর্বে উক্ত হইয়াছে যে, উন্নত সিপাহিদিগের দ্বিধিক্ জ্ঞান ছিল না । নগরের যে সকল উত্তেজিত লোক ইহাদের সহিত মিলিত হয়, তাহাদেরও ভবিষ্যতের দিকে দৃষ্টি ছিল না । সকলেই তখন ইঙ্গরেজদিগের স্বর্ধর্মের, স্বশ্রেণীর, স্বজাতির, সকলেরই বিনাশ-সাধনে উদ্যত হইয়াছিল । ইহাদের কেহই তখন শান্তভাবে অবলম্বন করে নাই, কেহই তখন সময়ের উত্তেজনায় আপনাদের ভয়ঙ্কর কার্য-সাধনে নিশ্চেষ্ট থাকে নাই । দিল্লীর ইউরোপীয়দিগের অনেকে আপনাদের স্ত্রীপুত্র লইয়া স্থানাঙ্করে পলাইয়া আশ্রয়-রক্ষা করিয়াছিল বটে, কিন্তু আরও অনেক ইউরোপীয় বা খ্রীষ্টধর্মাবলম্বী তখনও দিল্লীতে ছিল । ইহাদের অধিকাংশই দিল্লীর দরিয়াগঞ্জ নামক ইঙ্গরেজ-পল্লীতে বাস করিত । ১১ই মে প্রাতঃকালে যখন ইহারা শুনিতে পাইল যে, মিরট হইতে উন্নত সৈনিকগণ প্রবলবেগে যমুনার সেতুপার হইতেছে, তখন ইহারা একটি সুবিস্তৃত ও সুদৃঢ় গৃহে আশ্রয়রক্ষার জন্য সমবেত হয় । কিন্তু শেষে এই গৃহ ভস্মসাৎ হইল । ইহারা সকলে রাজ-প্রাসাদে যাঁইয়া আশ্রয় গ্রহণ করিল । কথিত আছে, ইহারা পাঁচ দিন এইখানে অবস্থিতি করে । ১৬ই মে ইহাদের আয়ুকাল পূর্ণ হয় । উত্তেজিত সিপাহিরা এই দিন গুলি বা তরবারির আঘাতে ইহাদিগকে বিনষ্ট করে * । ইঙ্গরেজ গবর্নমেন্ট যে কঠোর রাজনৈতির পরিচয় দিয়া আসিতে-

* কেহ কেহ বিশ্বাস করেন যে, সম্রাটের বাসভবনে একটি ভূগর্ভস্থ সঙ্গীর্ণ গৃহে এই সকল লোককে অবরুদ্ধ করিয়া রাখা হইয়াছিল । স্ত্রী-পুরুষ, বালক, বালিকা ঠাইয়া প্রায় ৫০ জন খ্রীষ্টধর্মাবলম্বী এইখানে ছিল । ৫ দিনের পর ইহাদিগকে কাটাগারা হইতে বাহিরে আনিয়া প্রথমে গুলি করা হয় । কিন্তু দটনাক্রমে লক্ষ্য ব্যর্থ হওয়াতে দিল্লীর ভূগতির এক জন অশুচর বিনষ্ট হয় । এজন্য শেষে তরবারির আঘাতে ইহাদিগকে বধ বশু করা হয় । কথিত আছে

ছিলেন, যে কঠোর রাজনীতির বলে প্রদেশের পর প্রদেশ, রাজবংশের পর রাজবংশ, রাজ্যের পর রাজ্য, একে একে ব্রিটিশ পতাকায় শোভিত হইয়াছিল, সেই কঠোর রাজনীতিতেই সিপাহিদিগের প্রকৃতি এইরূপ ভয়ঙ্কর হইয়া দাঁড়ায়। গবর্ণমেন্ট দীর্ঘকাল ধরিয়া সুনীতি, সদাশয়তা ও সুবিচারের নামে ধীরে ধীরে যে রূপ ভয়ঙ্কর কার্য সাধন করিতেছিলেন, যে রূপ কঠোরতার পরিচয় দিতেছিলেন, সিপাহিবা এক দিনেই অগির আঘাতে বা অবিশ্রান্ত গুলি-বৃষ্টিতে তাহার প্রতিশোধ লয়। ইহারা অতিদ্র ছিল না। অভিজ্ঞতার সহিত কূট-বুদ্ধি সংযোজিত হইলে, অলক্ষ্যভাবে ধীরে ধীরে পরের অনিষ্টসাধনে যে রূপ প্রবৃত্তি জন্মে, ইহারা সে রূপ প্রবৃত্তির পরিচয় দেয় নাই। ইহাদের সাহস, উৎসাহ ও কার্যক্ষমতা ছিল; কিন্তু তাদৃশ দ্রুতদর্শিতা ছিল না। যখন উত্তেজনা বুদ্ধি পাইল, জাতি-নাশ ও ধর্ম-নাশের আশঙ্কা যখন বলবতী হইয়া উঠিল, ইঙ্গরেজদিগকে যখন চিরন্তন মর্যাদার, চিরন্তন সম্মানের সংহারক বলিয়া প্রতীতি জন্মিল, তখন সেই উৎসাহ, সাহস ও কার্যক্ষমতা তাহাদিগকে তাহাদের জাতীয় ধর্মের অবমাননাকারাদিগের বিনাশ-সাধনে প্রবৃত্তি দিল। তখন তাহাদের প্রকৃতি কঠোর হইল এবং দয়া ও পরদুঃখানুভূতি দূরে পলায়ন করিল। তাহারা আপনাদের শত্রুবর্গের শোণিত-পাত করিয়া বলবতী প্রতিহিংসার পরিতর্পণ করিতে লাগিল। তাহাদের একাগ্রতা এরূপ প্রবল হইয়াছিল যে, তাহারা পশ্চাতে দৃষ্টিপাত করে নাই। তাহারা জানিত যে, প্রবলপরাক্রমে কোম্পানি বাহাদুর তাহাদের এট কার্গের প্রতিশোধ লইতে অগ্রসর হইবেন। কিন্তু ইহা জানিলেও তাহারা স্থির থাকিতে পারে নাই। কোম্পানির সমুদয় চিহ্ন বিলুপ্ত করিয়া ফেলিতে তাহাদের লক্ষ্যে অপারিসীম বলের সঞ্চার হয়। তাহারা নির্ভয়ে, নিরীকারচিত্তে নিষ্কোষিত অসি পত্রিগ্রহপূর্বক আত্মসম্মানের জন্য আত্মজীবন উৎসর্গ করে।

এই সময়ের সংবাদপত্রে অনেক লোমহর্ষণ ঘটনার বিবরণ প্রকাশিত

হই জন লোক তরবারি লইয়া এই ভয়ঙ্কর কার্য সম্পাদন করে। একটি মহিলা আপনার তিনটি সন্তান লইয়া কোনরূপে পলাইয়া আত্মরক্ষা করে।—Kaye, Sepoy War. Vol II. p. 99-100.

হয়। ইঙ্গরেজ-কুলনারীর প্রতি যোরতর অত্যাচারের কথা প্রকাশ করিয়া, ইঙ্গরেজেরা সাধারণকে চমকিত করিয়া তুলেন। উত্তেজিত পশু-প্রকৃতি লোকের পাশব প্ররক্তিতে কোমলমতি কোমলাঙ্গী মহিলারা, অবিবাহিতা সরলতাময়ী যুবতীরা বিরূপ নিগৃহীত হইয়াছিলেন, নিগ্রহ ও কষ্টের একশেষ ভোগ করিয়া, নিষ্ঠুর লোকের অন্ত্রাঘাতে বিরূপে ইহলোক হইতে অন্তর্হিত হইয়াছিলেন, তাহার বর্ণনা এই সময়ের অনেক সংবাদপত্রে, অনেক পুস্তকে প্রকাশিত হইয়া সহৃদয় পাঠকের মনে নিদারুণ ক্ষোভ, রোষ ও ঘৃণার আবেগ তুলিয়া দেয়। কিন্তু এই সকল বর্ণনা যে, প্রকৃত ঘটনামূলক, সে বিষয়ে কেহ কোনরূপ বিশদ প্রমাণ দেখাইতে পারেন নাই। লেখকেরা, বোধ হয়, অনেক স্থলে মোহিনী কল্পনার উদ্ভাস্ত হইয়াই আপনাদের এইরূপ পিতৃঐক্যময়ী বর্ণনায় পাঠকদিগকে চমকিত করিতে প্রয়াস পাইয়াছিলেন। এক জন সহৃদয় ইঙ্গরেজ ঐতিহাসিক এ সম্বন্ধে লিখিয়াছেন,—“এই সকল ঘৃণিত অত্যাচারের বর্ণনা কেবল বাজার গুজবের উপর স্থাপিত হইয়াছিল, কিংবা নিম্নশ্রেণীর নিরক্ষর লোকের কথা শুনিয়া ঐরূপ বর্ণনা করা হইয়াছিল। এই সকল লোক বেশ জানে যে, যে কথা যতই অতিরঞ্জিত ও গল্পবিত করা যায়, সে কথা অপরের মনোযোগ ততই আকর্ষণ করিয়া থাকে। বোধ হয়, সে সময়ে উচ্চশ্রেণীর লোকে এইরূপ অতিরঞ্জিত ও গল্পবিত কাহিনীতে অপরের কৌতুহল চরিতার্থ করিতে চেষ্টা করেন নাই। অত্যাচারের যেরূপ বর্ণনা করা হইয়াছে, তাহা কেবল মানবের উচ্চতর কল্পনাতেই শোভা পায়, যোরতর ছুরাচারের অবতারেরাই কেবল সেই সকল অমানুষিক ভয়ঙ্কর কার্যের অনুষ্ঠান করিতে পারে। ইঙ্গরেজমহিলাদের উপর যে অত্যাচারের উল্লেখ করা হইয়াছে, তাহা ব্রাহ্মণ হটক, বা ক্ষত্রিয় হটক, দ্বিজাতি হিন্দুগণকর্তৃক অনুষ্ঠিত হইলেই, তাহাদের জাতি নষ্ট হইয়া থাকে। অদিকন্তু ইহাদের চরিত্র ও আচারও এইরূপ পাপকার্যের একান্ত বিরোধী। যে সকল গুজর সর্দাদা পরস্পারহরণ করিয়া বেড়ায়, তাহারাও এইরূপ পাপকার্যের অনুষ্ঠানে প্রবৃত্ত হয় না। তাহারা লুঠপাট ব্যতীত আর কিছুতেই মনোযোগ দেয় না। সম্প্রতিহরণের অনুবাহে বিবাহিতা মহিলায় পরম আদরের ধন বিবাহের অঙ্গুরী টানিয়া লইতেও তাহাদের প্রবৃত্তি জন্মে।

ইহাতে যে, মহিলার পবিত্র বন্ধনের পবিত্রতা নষ্ট হইবে, তাহা তাহারা বুঝে না । বস্তুতঃ এই পবিত্রতা নষ্ট করিবার জন্যই, তাহারা উক্ত অসুগীয় অপহরণ করে না । মুসলমানদিগের কথা সত্য, কোরাণের উপদেশের সম্বন্ধে আমরা যাহাই মনে করি না কেন, নামমাত্র খ্রীষ্টধর্মাবলম্বী বিজেতার ইউরোপের যুদ্ধে নগরসমূহ যেরূপে উৎসন্ন করিয়াছিলেন, তাহার যে লোমহর্ষণ চিত্র ইতিহাসে রহিয়াছে, তাহার তুলনায় দিল্লীর উপস্থিত সময়ের দৌরাণ্য ও নিষ্ঠুরতার বিবরণ যে, অধিকতর ভয়ঙ্কর, সে বিষয়ে সন্দেহ আছে* ।”

খ্রীষ্টধর্মাবলম্বিগণ কেবল ইউরোপেই আপনাদের অত্যাচারের পরিচয় দেন নাই, ইহাদের আক্রমণে কেবল ইউরোপের সুদৃশ্য লোকালয়ই বিধ্বস্ত হইয়া যায় নাই, ইউরোপের ইতিহাসই কেবল ইহাদের এই ভয়ঙ্কর কার্যের চিত্র দেখাইয়া অপরকে চমকিত করিয়া তুলে নাট । ভারতের এই সিপাহি বিপ্লবের ইতিহাসেও ইহাদের প্রবল উত্তেজনা, প্রবল প্রতিহিংসা এবং তৎ-প্রযুক্ত ভয়াবহ কাণ্ডের নিদর্শন পাওয়া যায় । ইহারা দিল্লীর উক্ত দুর্ঘটনার পর পশ্চিমধ্যে ৭ জন লস্বরদারের (ইজারদারের) ফাঁসি দেন, এবং ৪ খানি গ্রাম জালাইয়া ফেলেন । যেহেতু, ইহাদের সন্দেহ জন্মিয়াছিল যে, লস্বরদারেরা পলায়িত ইঙ্গরেজ-মহিলাদিগকে হত্যা করিয়াছিল † । আর এক জন খ্রীষ্ট-ধর্মাবলম্বী সৈনিকপুরুষ (সেনাপতি নীল) এলাহাবাদ হইতে যাত্রাকালে এত লোক বিনষ্ট করেন যে, শেষে তাঁহার সৈন্যদলের একজন আফিসর, আর লোক পাওয়া যাইবে না বলিয়া, তাঁহাকে সেই সর্ববিধ্বংস হইতে নিরস্ত থাকিতে অনুরোধ করেন ‡ । খ্রীষ্টধর্মাবলম্বী সৈনিকপুরুষ নিরস্তলোকদিগকে গুলি করিয়া বধ করিয়াছেন, হিন্দুর পবিত্র দেবমন্দির বিনষ্ট করিয়া ফেলিয়াছেন, অধিক কি শরণাগত নিরপরাধ বালকেরও প্রাণনাশ করিয়া আপনার বীরত্বের পরিচয় দিয়াছে § । যথাস্থলে এই সকল ঘটনা বিবৃত হইবে । যাহারা দিল্লী হইতে পলায়ন করেন, তাঁহাদের একজন আশ্রয়গ্রহণ জন্য যে

* Martin, *India's Empire*. Vol. II, p. 172-173.

† Ball, *Indian Mutiny*. Vol. I, p. 106.

‡ Russell, *Diary*. Vol. I, p. 222.

§ Russell, *Diary*. Vol. I, pp. 219, 220, 222, 34০

স্থানে উপস্থিত হন, সেই স্থানের অধিবাসীদিগকে এই বলিয়া ভয় দেখাইয়াছিলেন যে, যদি তাহারা আশ্রয় না দেয়, তাহা হইলে তিনি তাহাদিগকে গুলি করিয়া বধ করিতে সক্ষুচিত হইবেন না *। এইরূপ সৌজন্ম ও এইরূপ কাতরতা দেখাইয়াই পলায়িত বিপন্ন খ্রীষ্টধর্মাবলম্বী পল্লীবাসীদের নিকট আশ্রয় প্রার্থনা করিয়াছিলেন। বস্তুতঃ গভীর উত্তেজনায় অধীর হইয়া খ্রীষ্টধর্মাবলম্বিগণও এই সময়ে ভয়ঙ্কর কার্যসাধনে বিরত থাকেন নাই। বাজারগুজব অথবা নিম্নশ্রেণীর লোকের কথা বিশ্বাস করিয়া, এবং কল্পনার তরঙ্গে ভাসমান হইয়া লেখকেরা সংবাদপত্রাদিতে যে বীভৎসকাণ্ডের বর্ণনা করিয়াছেন, তাহা এই সকল প্রকৃত ঘটনা অপেক্ষা গুরুতর বলিয়া পরিগণিত হইবে না।

ইঙ্গরেজদিগের স্বদেশের, স্বধর্মের সকল লোক দিল্লী হইতে নির্বাসিত বা দিল্লীতে নিহত হইল। ১৬ই মের পর, একজন ইউরোপীয়ও সহরে বা সৈনিক-নিবাসে রহিল না। ইঙ্গরেজেরা মোগলের রাজধানী হইতে অপসারিত হইলেন, এবং অনেকে শশব্যস্তে পলায়ন করিয়া আগ্রা মুত্হার হস্ত হইতে নিষ্কৃত পাইলেন। উত্তেজিত সিপাহিরা এখন বুদ্ধ বাহা-ছর শাহকে দিল্লীর হর্তা, কর্তা, বিধাতা বলিয়া স্বীকার করিল। ইঙ্গরেজেরা নিরাটে নিগৃহীত হইলেন, এবং দিল্লীতে হুরবন্দার একশেষ ভোগ করিলেন। চিরস্মরণীয় অক্ষকূপ ঘটনার পর হইতে, বোধ হয়, তাঁহাদিগকে আর কখনও এরূপ দুর্দশাগ্রস্ত হইতে হয় নাই। তাঁহারা আপনাদের দেশীয়দিগকে নিহত

* কথিত আছে, ঠানেশ্বরের লোক এই সাহেবকে আশ্রয় দিতে অসম্মত হওয়াতে, সাহেব তাহাদিগকে এইরূপ ভয় দেখাইয়াছিলেন। সাহেব সন্ত্রাসী ছিলেন; সম্মে বোধ হয় একটি শিশু সন্তানও ছিল। যিনি সহধর্মিণী ও শিশু সন্তানের সহিত ঘোরতর বিপদগ্রস্ত হইয়াছিলেন, তাহার সে সময়ের কঠোর ব্যবহারের বিরুদ্ধে কোন কথা বলা, অসুচিত হইতে পারে। কিন্তু সে সময়ে কিছু নম্রতা দেখাইলেই অধিক কাজ হইত। ব্রিটিশ কোম্পানি উদ্ভাবনকারীর অভাব দেখাষ্টয়া ঠানেশ্বরেরবিভাগ আপনাদের অধিকারভুক্ত করেন। এজন্য ঠানেশ্বরের লোক ইঙ্গরেজদিগের উপর বিরক্ত হয়। এই বিরক্তিবৃত্তি বোধ হয়, তাহারী উক্ত সাহেবকে আপনাদের পল্লীতে প্রবেশ করিতে দেয় নাই। এরূপ স্থলে নম্রতা দেখাইলেই পল্লীবাসীদিগের মন নরম হইত।—Martin, Indian Empire, Vol. II. p. 164.

হইতে ধ্বংস; এবং আপনারা আপনাদের আধিপত্য ও ক্ষমতা সুস্থি-
গিয়া, সমস্ত সম্পত্তি দূর রাখিয়া নগরদেহে নগরদে পলাইতে থাকেন। উক্ত-
জিত সিপাহিরা—নগরের উন্নত মুসলমানেরা, বৃদ্ধ সম্রাটের নামে তাঁহাদিগকে
এইরূপ ঘোর দুর্দশায় ফেলিয়া দেয়। সম্রাট নিজে কিছু না করিলেও, কেবল
তাঁহাব নামই, এই উত্তেজনার সময়ে সিপাহি ও নগরবাসীদিগের হৃদয়ে
অপরিসীম বল ও অপরিসীম সাহসের সঞ্চার করে। কবির উক্তি :—

“ভূপতির নামই উচ্চ শক্তির মন্দির”

সম্পূর্ণরূপে সফল হইয়াছিল। দিল্লীর মোগল সম্রাট সাধারণের হৃদয়ে
এইরূপই আধিপত্য স্থাপন করিয়াছিলেন; পূর্বতন গৌরব, পূর্বতন সম্মান
ও পূর্বতন আধিপত্যের মহিমায় তাঁহার নাম সাধারণকে এইরূপই সাতম ও
শক্তি দিয়াছিল। মিরাতের অগ্রগামী সৈন্যদলের অধিষ্ঠিত অশ্বের পদধ্বনি
যখন যমুনার সেতু হইতে উখিত হয়, তখনই দিল্লীর ইউরোপীয়দিগের সর্ব-
নাশের সূত্রপাত হইতে থাকে। সেই শব্দই যেন সর্বসংহারক কাল দূর
হইতে দিল্লীর ইউরোপীয় প্রবাসীদিগকে ডাকিতে থাকে। প্রাতঃকাল হইতে
সায়ংকাল পর্যন্ত ইউরোপীয়েরা আশঙ্কিত হৃদয়ে মিরাত হইতে সাহায্যপ্রার্থীর
প্রতীক্ষা করিতেছিলেন। যখন সূর্য্য অস্ত হইল, সায়ংকালীন অন্ধকার যখন
ধীরে ধীরে সমস্ত দিল্লী ঢাকিয়া ফেলিল, তখন মিরাতের ইউরোপীয় সৈন্যের
কোনও চিহ্ন না দেখিয়া হতাবশিষ্ট ইঙ্গরেজগণ হতাশ হইয়া পড়িলেন, এবং
হতাশ হইয়াই প্রাণের ভয়ে ইতস্ততঃ পলাইতে থাকেন।

কথিত আছে, এই সময়ে দিল্লীর দরিয়াগঞ্জবাজার উত্তেজিত সিপাহি-
দলের আবাস-ক্ষেত্র হইয়াছিল। নগরের সর্ব প্রধান পথ চাঁদনী চকের
সমস্ত দোকান বন্ধ হইয়া গিয়াছিল। পাঁচ দিন পর্যন্ত দোকান সকল এই
অবস্থায় থাকে। শেষে সম্রাট স্বয়ং নগরে বাহির হইয়া সকলকে দোকান
খুলিতে বলেন। তিনি সিংহাসনে বসিয়াবাইতে অসম্মতি প্রকাশ করিয়া-
ছিলেন; কিন্তু উত্তেজিত সিপাহিরা তাঁহাকে কহে যে, কলিকাতা হইতে
পেশাবর পর্ষান্ত, সৈয়দয় স্থানের ইঙ্গরেজেরাও এইরূপে নিহত হইয়াছে।

ভূপতি শেষে সিংহাসনে বসিতে সম্মত হন * । বলা বাহুল্য যে, বৃদ্ধ বাহাদুর

* Martin, Indian Empire. Vol. II. p. 174.

শাহ এই সময়ে উন্নত সিপাহিদিগের সম্পূর্ণ অধীন হইয়াছিলেন। তিনি জানিতেন যে, এই উত্তেজনার সময়ে সিপাহিদিগের কোন কথায় অসম্মত হইলে, তাঁহার জীবন মঙ্গটাপন্ন হইয়া উঠিবে। সুতরাং তিনি কোন উপায় না দেখিয়া সিপাহিদিগের প্রস্তাব অনুসারে কার্য্য কবিত্তে বাধ্য হন। সিপাহিরা, তাঁহাকে সমগ্র ভারতের স্বাধীন সম্রাটের গৌরবান্বিত পদে স্থাপিত করে। তাহারা এখন এই স্বাধীন সম্রাটের নামেই সকল কার্য্য কবিত্তে থাকে। কথিত আছে, বাহাদুর শাহ নগরের সমস্ত মহাজনকে ডাকিয়া বলিয়াছিলেন যে, যদি তাহারা উত্তেজিত সিপাহিদিগের প্রার্থনা পূরণ না করে, তাহা হইলে তাহাদেরও প্রাণ যাইবে। মহাজনেরা সিপাহিদিগকে ২০ দিনের জন্য ডাল, রুটি দিতে সম্মত হয়; কিন্তু সিপাহিরা ইহাতে অসন্তোষ প্রকাশ করাত্তে অবশেষে প্রত্যেক অখারোহীকে রোজ এক টাকা এবং প্রত্যেক পদাতিককে বোজ চারি আনার হিসাবে দেওয়া হইতে থাকে। লেফ্টেনেন্ট উইলোবি অস্তাগারের এক অংশ মাত্র বিধস্ত কবিয়াছিলেন বটে, কিন্তু সমস্ত গোলা, গুলি, বন্দুক তববারিপ্রভৃতি নষ্ট করিতে পাবেন নাই। এই সকল এখন উত্তেজিত লোকের হস্তগত হয় ও বাজারে বিক্রীত হইতে থাকে *।

দিল্লীর এই ভয়ানক ঘটনার সম্বন্ধে মেজর আবট্ কহিয়াছেন,—“আমি যত দূর দেখিয়াছি, তাহাতে আমার নিঃসন্দেহ বোধ হইয়াছে যে, দিল্লীর রাজপ্রাসাদে এষ্ট দুর্ঘটনার বীজ রোপিত ও অঙ্কুরিত হইয়াছিল। ভূপতি আপনার বিনষ্ট ক্ষমতা পুনরুদ্ধারের আশায় এ বিষয়ের অনুমোদন করিয়াছিলেন। তিনি এই উদ্দেশ্যে নিকটবর্তী প্রদেশের অধিপতিদিগের সাহায্য প্রার্থনা করিতেও নিরস্ত থাকেন নাই। ইঙ্গরেজ গবর্নমেন্ট সকলের ধর্ম্মনষ্ট কবিত্তে চেষ্টা করিতেছেন এবং সকলকে বলপূর্ব্বক খ্রীষ্টীয় ধর্মে দীক্ষিত

* অস্তাগারে ২ লক্ষ টোটা, ৮ হাজার কি ১০ হাজার বন্দুক ও নানাবিধ কামান, তরবারি ইত্যাদি ছিল। সৈনিক-নিবাসের বারান্দাগারে ১০ হাজার পিপা স্তরঙ্গ ছিল। এই সময়ে এক একটা বন্দুকের মূল্য উর্দ্ধসংখ্যা আট আনার বেশী ছিল না। একখানি ভাল তরবারি চারি আনার এবং একটা ভাল সপ্পিন্ এক আনার পাওয়া যাইত।—Martin, Indian Empire. Vol. II. p. 174. Comp. Ball, Indian Mutiny. Vol. I. p. 72.

করিতে উদ্যত হইয়াছেন, এই মিথ্যা সংবাদ প্রচার করিয়া তিনি ৩৮গণিত পদাতিক সিপাহিদিগকেও আপনার দলে আনিতে চেষ্টা করেন।

“এইরূপ ৩৮গণিত সৈনিকদল উত্তেজিত হইয়া ৫৮ ও ৭৪গণিত সিপাহি-দিগকে আপনাদের দলে আনে। * * * আমার দৃঢ় বিশ্বাস যে, ৫৮ ও ৭৪গণিত সিপাহিদিগকে ভয় দেখাইয়া, আমাদের বিপক্ষের দলে আনা হইয়াছিল। ৭৪গণিত সিপাহিরা যদি বিপক্ষদলে না আইসে, তাহা হইলে, ৩৮ ও ৫৮গণিত সিপাহিরা তাহাদিগকে সমূলে ধ্বংস করিবে বলিয়া ভয় দেখায়। আমার ৫৮গণিত সিপাহিরা যদি এই প্রস্তাবে সম্মত না হয়, তাহা হইলে, ৩৮ ও ৭৪গণিত সিপাহিরা তাহাদিগকে এইরূপে বিনষ্ট করিবে বলিয়া, ভীত কল্পিয়া তুলে। ৩৮গণিত সিপাহিরাই প্রথমে আমাদের বিরুদ্ধাচরণে অগ্রসর হইয়াছিল। আমার বিশ্বাস যে, এই দলের সিপাহিরা যদি প্রাসাদ-কার কার্গে কাশ্মীর-তোরণে না থাকিত, তাহা হইলে, এ দুর্ঘটনা হইত না। * * *।

“ডাক্ষর, টেলিগ্রাফ আফিস, ব্যান্স, দিল্লী গেজেটের ছাপাখানা এবং সৈনিক-নিবাসের সমস্ত গৃহ বিনষ্ট হইয়াছিল। যাহারা হত্যাকাণ্ড হইতে নিরুত্তীর্ণ হইয়াছিলেন, তাহারা যে অবস্থায় ছিলেন, সেই অবস্থাতেই প্রাণ লইয়া পলায়ন করেন। তাহারা বিনাসস্থলে পথ চলিতে থাকেন। আফিসর-দিগের যাহা কিছু ছিল, সমস্তই নষ্ট হইয়াছিল। আমাদের মধ্যে কেহ পরিচ্ছদ-পরিবর্তনেরও সময় পান নাই।”

মেজর আবট্ দিল্লীর বুদ্ধ ভূপতির সম্বন্ধে যে মত প্রকাশ করিয়াছেন, কোনও প্রমাণে সে মত দৃঢ়তর করা হয় নাই। এক জন সহৃদয় ইংরেজ ঐতিহাসিক স্পষ্টই কহিয়াছেন যে, এ পর্য্যন্ত এমন কোন প্রমাণ পাওয়া যায় নাই, যাহাতে দিল্লীর ভূপতিকে উদ্ধরূপ দোষী করা যাইতে পারে। আর ৩৮গণিত দলের সমস্ত সিপাহির উপর যে দোষের আরোপ করা হইয়াছে, ঘটনার দ্বারা বোধ হয়, তাহারও সমর্থন করা যায় না। যেহেতু, এই সিপাহি-দলেব অংশক্ কর্ণেল নিবেট অথবা কোনও আফিসর নিহত হন নাই *।

মিরাট হইতে ইউরোপীয় সৈন্যগণ কেন সিপাহিদিগের সাহায্যার্থ দিল্লীতে

উপস্থিত হইল না? এই উদাসীনতার জন্য সেনাপতি হিউইট্ ও ব্রিগেডিয়ার উইলসন্, ইহাদের মধ্যে কে অধিকতর দোষী? সেনাপতি কহিয়াছেন যে, মিরট্ স্টেসনের সৈন্যপরিচালনের ক্ষমতা ব্রিগেডিয়ার উইলসনের উপর ছিল। পক্ষান্তরে উইলসন সৈনিকবিভাগের কর্তৃপক্ষের নিকট এই কৈফিয়ৎ দিয়াছেন—“কোন স্টেসনের ব্রিগেডিয়ারের হস্তে কত অল্প ক্ষমতা আছে, তাহা সেনা-সংক্রান্ত আইনের সমুদয় পরিচ্ছেদ দেখিলেই বুঝা যায়। বিভাগের সেনাপতি সয়ং উপস্থিত থাকিতে আমি নিজে কোন ক্ষমতা পরিচালনা করিতে পারি নাই। আমি কেবল সেনাপতির আদেশানুসারে সৈন্য-সংক্রান্ত সমস্ত কার্য করিতে বাধ্য। সেনাপতির সম্বন্ধে আমি যে অভিমত প্রকাশ করিলাম, তাহা ঠিক হউক, বা না হউক, আমি নিজে যাহা ভাল বুঝিয়াছি, তদনুসারেই কার্য করিয়াছি। উত্তেজিত সৈনিকগণ, কোন দিকে প্রস্থান করিয়াছে, পূর্বে তাহা নির্দিষ্ট না থাকিতে আমার এখনও বিশ্বাস যে, আমি যাহা করিয়াছি, তাহাই ঠিক। ইউরোপীয় সৈন্যদল যদি উত্তেজিত সিপাহিদিগের নিকটবর্তী হওয়ার আশায়, বিনা লক্ষ্যে স্টেসন হইতে যাত্রা করিত, এবং আমাদের মহিলা, বালকবালিকা, পীড়িতগণ ও বহুমূল্য যুদ্ধোপকরণ যদি অরক্ষিত অবস্থায় থাকিত, তাহা হইলে মিরটের সেনাপতিদিগের বিরুদ্ধে এখন যে দোষের আরোপ করা হইতেছে, তাহা অপেক্ষা গুরুতর দোষ আরোপিত হইত *।”

ব্রিগেডিয়ার আত্মদোষক্ষালনের জন্য এইরূপ কৈফিয়ৎ দিয়াছিলেন। এ সম্বন্ধে কে সাহেব লিখিয়াছেন যে, ব্রিগেডিয়ার যে স্টেসনের সৈন্যাধ্যক্ষ ছিলেন, সেই স্টেসন নিরাপদ রাখাটী তাঁহার প্রধান কর্তব্য ছিল। এই প্রধান কর্তব্যে উদাসীন্য দেখাইয়া, তিনি মিরটের ইউরোপীয় সৈন্য স্থানান্তরিত করিতে প্রস্তুত হন নাই। কিন্তু সেনাপতি হিউইট্ সমস্ত মিরটবিভাগের সেনাপতি ছিলেন। দিল্লীর ন্যায় একটি প্রধান সৈনিক স্টেসনও এই বিভাগের অন্তর্ভুক্ত ছিল। সুতরাং এই বিভাগের সেনাপতির দিল্লীর বিষয় ভাবাও উচিত ছিল। সেনাপতি হিউইট্ যে স্টেসনে অবস্থিত করিতেন, কেবল সেই স্টেসন রক্ষা করিতেই সচেষ্ট ছিলেন। তাঁহার রক্ষাধীন অপর স্টেসনের দশা কি হইবে,

তাহা তিনি ভাঙবন নাই। যাহাহউক, ইঙ্গরেজেরা দিল্লীর ইউরোপীয়দিগের শোচনীয় পরিণাম দেখিয়া ষাঁহার উপরেই দোষারোপ করুন না কেন, উপস্থিত সময়ে তাঁহারা নিজেও নিশ্চেষ্ট ও নিক্রিয় হইয়া, আপনাই আপনাদের সমক্ষে দোষী হইয়াছিলেন। ইঙ্গরেজ কোম্পানি যখন সঙ্কীর্ণ রাজনীতির পরিচয় দিয়া উপস্থিত বিপ্লবের বীজ রোপণ করিতেছিলেন, তখন আশ্চর্য্যকার কোনও উপায় অবলম্বন করেন নাই। এ সম্বন্ধে একজন ইঙ্গরেজ ঐতিহাসিক লিখিয়াছেন,—“আমরা আমাদের মিত্র নিরাপদ ভাবিতেছিলাম। বিপদের অনেক চিহ্ন আমাদের গোচর হইয়াছিল, কিন্তু তৎসমুদয় আমরা উদাসীনভাবে দেখিতেছিলাম। আমাদের কাছে সমস্তই নিশ্চলবোধ হইতেছিল। ফরাল কাদম্বিনীর আবির্ভাব হইলেও, প্রবল ঝটিকার পূর্ন-সূচনা দেখিলেও, আমরা সমস্ত আকাশ নিশ্চল মনে করিতেছিলাম। * * * বারাকপুর এবং বহরমপুরে বাহা ষটিয়াছিল, তাহাতে আমাদের লোকের চৈতন্য হয় নাই। আমরা আসন্ন বিপদের গতি-রোধ জ্ঞাত সচেষ্ট হই নাই। * * * সৈনিকবিভাগের প্রধান প্রধান ব্যক্তি প্রধান সেনাপতিকে এই বলিয়া সন্তুষ্ট করিয়াছিলেন যে, নবীন নীরদ শীঘ্রই অপসারিত হইয়া যাইবে। এই বিশ্বাসেই উত্তর পশ্চিমাঞ্চলে, সর্হিন্দে, কাণপুরে, মিরাতে সৈনিক আফিসরেরা নিশ্চেষ্টভাবে কালাতিপাত করিতেছিলেন। শেষে যখন প্রবল ঝটিকা উপস্থিত হইল, তখন সকলেই ব্যতিব্যস্ত হইয়া পড়িলেন। তাঁহাদের আশ্চর্য্যকার আয়োজন ছিল না; সুতরাং কিরূপে উপস্থিত বিপদের গতি রোধ করিতে হইবে, তাহা তাঁহারা বুঝিতে পারিলেন না। * * * এই সময়ে উপস্থিত বিপদ নিবারণের কোনও চেষ্টা না হওয়াতে আমাদের বড় ক্ষতি হইয়াছিল। সিপাহিরা মিরাতে ইঙ্গরেজদিগকে পরাজিত করিয়াছে এবং দিল্লীতে বুদ্ধ মোগলকে সম্রাটের সম্মানিত পদে প্রতিষ্ঠিত করিয়া তুলিয়াছে, এই সংবাদ এক স্থান হইতে আর এক স্থানে প্রচারিত হয়। এক স্থান হইতে আর এক স্থানে এই জনরব শ্রুয় যে, ফিরিঙ্গিরা আক্রান্ত ও বিধ্বস্ত হইয়াছে। এই আক্রমণে তাহাদের সকলেই নিশ্চেষ্ট ও নিক্রিয় হইয়া পড়িয়াছে।

“এ সম্বন্ধে আর একটি কথা প্রসঙ্গক্রমে এই স্থলে বলা যাইতেছে।

এই সিপাহি-বিপ্লবের ইতিহাস আলোচনা করিয়া দেখিলে বোধ হয় যে, সিপাহিরা সকলেই একটি নির্দিষ্ট দিনে আমাদের বিরুদ্ধে সমুখিত হইবার জন্য ষড়যন্ত্র করিয়াছিল। মিরাতের তৃতীয় অধারোহীদল হঠাৎ অসময়ে যুদ্ধোন্মুখ হওয়াতে এই ষড়যন্ত্র বিফল হইয়া যায়। ইহাতেই আমাদের ভারতসাম্রাজ্য রক্ষা পাইয়াছে। * * যুদ্ধের অবসান হইলে, গবর্ণমেন্ট অপরাধীদিগকে শাস্তি ও নিরপরাধ উপযুক্ত লোকদিগকে পারিতোষিক দিবার অভিপ্রায়ে ক্রাজ্‌ফোর্ট উইলসন সাহেবকে বিশেষ কমিশনার করেন। উইলসন সাহেব লিখিয়াছেন—‘লোকের মুখে সকল কথা শুনিয়া আমার বিশ্বাস জন্মিয়াছে যে, ১৮৫৭ অক্টোবর ৩১এ মে রবিবার, সমস্ত সিপাহিসৈন্যের যুদ্ধে প্রবৃত্ত হওয়ার দিন ঠিক হইয়াছিল। এই উদ্দেশ্যে প্রত্যেক সৈন্যদলের ওজন করিয়া এক একটি সমিতি সংগঠিত হয়। সমিতি অবশুস্তাবী যুদ্ধের সমস্ত বন্দোবস্ত করিতে থাকে * * *। ৩১এ মে সকল স্থানের সমস্ত ইউরোপীয়কে বধ করিতে হইবে, ধনাগার অধিকার করিতে হইবে, এবং কয়েদীদিগকে খালাস দিতে হইবে, সমিতি ইহা সমস্ত সিপাহিদিগের গোচর করে। * * * দিল্লীতে যে সৈন্য ছিল, তাহাদিগকে, দিল্লী ও তাহার নিকটবর্তী স্থানের অস্ত্রাগার এবং দুর্গ অধিকার করিবার পরামর্শ দেওয়া হইয়াছিল। * * এইরূপে সমুদয় বন্দোবস্ত হয়। সিপাহিরা গোপনে গোপনে আমাদের সর্বনাশের জন্য যে আয়োজন করিয়াছিল, ৩ সপ্তাহ পূর্বে তাহার কোনও আভাস সাধারণকে জানাইতে তাহারা ইচ্ছা করে নাই। কিন্তু হঠাৎ ১০ই মে রাত্রিকালে এই আয়োজনের চিহ্ন পরিব্যক্ত হর। ১০ই মে রাত্রিতে হঠাৎ যে শোচনীয় ভীষণ ঘটনার সূত্রপাত হয়, ভারতে ব্রিটিশ অধিকারের প্রতিষ্ঠা অবধি সেরূপ ঘটনা পূর্বে আর কখনও দেখা যায় নাই।’

“একজন উপযুক্ত লোক এইরূপে আপনার মত প্রকাশ করিয়াছেন। * * ইঙ্গরেজেরা যেরূপ নিশ্চেষ্ট ছিলেন, তাহাতে যদি সিপাহিরা উক্ত নির্দিষ্ট দিনে সহসা ভারবর্ষের সকল স্থান আমাদের বিরুদ্ধে যুদ্ধে প্রবৃত্ত হইত, তাহা হইলে, বোধ হয় আমাদের অতি অল্প লোকই জীবিত থাকিত, এবং ভারতবর্ষ পুনরায় জয় করা আমাদের পক্ষে দুর্লভ কার্য হইত। হয়ত এই বিপুল সাম্রাজ্য একবারে ব্রিটিশ জাতির হস্ত হইতে স্থলিত হইয়া পড়িত। কিন্তু

নাশ্ব উক্তরূপ সঙ্কল্প করিয়া নাই করুক, ঈশ্বরের দয়ায় উহা সিদ্ধ হয় নাই । মরাটের দুর্ধটনার কয়েক বর্ষটা পরেই তাড়িতপ্রবাহ ভারতবর্ষের সর্বত্র ঐ সুঃসংবাদ লইয়া যায়, দেশের এক প্রান্ত হইতে অল্প প্রান্ত পর্য্যন্ত ঐ সংবাদ প্রকাশিত হইয়া পড়ে, এবং যে কোন স্থানে একজন ইঙ্গরেজ ছিলেন, সেই স্থানেই তিনি আশ্চর্যকার যথোচিত উপায় অবলম্বন করিতে থাকেন * ।”

ইঙ্গরেজের ইতিহাসে, ইঙ্গরেজ রাজপুত্রের বিজ্ঞাপনীতে এইরূপ সর্ব-
ব্যাপী ভয়ঙ্করের বিষয় জানা যায় । যদি সিপাহিরা একদিনে ভারতবর্ষের সর্বত্র
ইঙ্গরেজদিগকে আক্রমণ করিত, তাহা হইলে নিঃসন্দেহ প্রায় সমস্ত ইঙ্গরেজই
শূন্যস্থানে পতিত হইতেন । একপ অবস্থায় ভারতে পুনরায় আধিপত্য স্থাপন
অনন্ত ইঙ্গরেজের চুঃসাধ্য হইত । কিন্তু সিপাহিযুদ্ধের ইতিহাস আলোচনা
করিলে আরও একটি বিষয় জানিতে পারা যায় । উত্তেজিত সিপাহিরা ইঙ্গ-
বেজদিগের সহিত প্রকৃষ্টপদ্ধতিক্রমে ও ধারাবাহিকরূপে যুদ্ধ করে নাই ।
কোন কোন যুদ্ধে তাহারা অসাধারণ পরাক্রম দেখাইয়াছে, সাহস ও বীরত্বের
যথোচিত পরিচয় দিয়াছে, কিন্তু তাহারা দেশের এক প্রান্ত হইতে আর এক
প্রান্ত পর্য্যন্ত, এক জন সঙ্গী সেনাপতির অধীনে পরিচালিত হয় নাই ।
তাহারা নানা কারণে ইঙ্গবেজদিগের বিদ্রোহী হইয়া উঠিয়াছিল, সমস্ত
ইঙ্গরেজকে হত্যা করিতে কৃতসঙ্কল্প হইয়াছিল, কিন্তু সামরিক রীতিতে—
একীভূত মন্ত্রণায় ইঙ্গবেজ-শাসন পর্য্যন্ত করিবার চেষ্টা করে নাই ।
তাহাদের মধ্যে সুশিক্ষিত যোদ্ধা ছিল, হৃদয় অশ্রুশ্রম ছিল, কিন্তু তাহারা
প্রকৃত সামরিক রীতির অনুসরণ করে নাই । তাহারা এখানে ওখানে
ছড়াইয়া পড়িয়াছে, এখানে ওখানে ইঙ্গরেজদিগকে হত্যা করিয়াছে,
এখানে ওখানে ইঙ্গরেজবীরপুত্রের সমক্ষে আপনাদের বীরত্ব দেখাইয়াছে,
কিন্তু একটি মহাদলে পরিণত হইয়া একটি নির্দিষ্ট নিয়ম ও নির্দিষ্ট লক্ষ্য অনু-
সারে যুদ্ধার্থ অগ্রসর হয় নাই । যে প্রণালীতে বীরপ্রবর নেপোলিয়ন ইউরো-
পের সর্বত্র আপনাদের আধিপত্য বিস্তার করিয়াছিলেন, যে প্রণালীতে প্রসিদ্ধ
ওয়েলিংটন এই বীরপ্রবরের ক্ষমতা বিনষ্ট করিয়া ফেলিয়াছিলেন, উত্তেজিত
সিপাহিদল সেই প্রণালীর অনুবর্তী হয় নাই । যদি তাহারা এইরূপ নির্দিষ্ট

* Kaye, Sepoy War, Vol. II, p 101-110.

নিয়মে নির্দিষ্ট লক্ষ্যসাধনের জন্য ইঙ্গরেজদিগের সহিত যুদ্ধে প্রবৃত্ত হইত, তাহা হইলে তাহারা, একদিনে সকলে সকল স্থানে যুদ্ধে উদ্যত হউক, বা নাই হউক, আপনাদের আধিপত্য প্রতিষ্ঠিত করিতে সমর্থ হইত, এবং ইঙ্গরেজের শাসনপ্রণালী, ইঙ্গরেজের রাজনীতি, ইঙ্গরেজের প্রভুশক্তি, সমস্তই অতীত কালের অতল সাগরে ডুবাইয়া ফেলিতে পারিত ।

দ্বিতীয় ভাগ সমাপ্ত

পরিশিষ্ট ।

. ১৮৭ পৃষ্ঠার টিপনীতে দেওয়ানিআম ও দেওয়ানিখাসের সম্বন্ধে বাহা লিখিত হইয়াছে, তৎসম্বন্ধে কয়েকটি কথা আছে। সম্রাট্ শাহ জহাঁ প্রতিদিন দুই প্রহরের সময় দেওয়ানি-আমে বসিয়া প্রজাদিগের অভিযোগ শুনিতেন এবং বিচারের পর বখাযোগ্য আদেশ দিতেন। কেহ কেহ বলেন, এইখানে শাহ জহাঁর প্রসিদ্ধ ময়ূর-সিংহাসন ছিল * । কিন্তু গ্রন্থান্তরে দেখা যায় যে, উক্ত সিংহাসন দেওয়ানিখাসে রহিয়াছিল † । দেওয়ানিআমে একখানি মার্কেল প্রস্তরের সিংহাসন ছিল। সম্রাট্ এই সিংহাসনে বসিতেন। তদীয় পুত্রগণ সুসজ্জিত হইয়া, তাঁহার পার্শ্বে উপবেশন করিতেন। ইহাঁদের পশ্চাতে খোজাগণ সুদৃশ্য পরিচ্ছদে শোভিত হইয়া, দণ্ডায়মান থাকিত। সিংহাসনের সম্মুখে ৩ ফীট উচ্চ রূপার রেল পরিবেষ্টিত ষেত মার্কেলের বেদী ছিল। আবেদনপত্র সম্রাটের হস্তে সমর্পণ জন্ত, এই বেদীতে উজীর প্রভৃতি অমাত্যগণ থাকিতেন। তাঁহাদের পশ্চাতে অধীনস্থ প্রদেশের রাজারা, ভিন্ন দেশের দূতগণ দাঁড়াইতেন। তাহার পর মনসব্দারেরা এবং সকলের পশ্চাতে প্রজারা দাঁড়াইয়া থাকিত।

দেওয়ানিখাসে সম্রাটের বাস দরবার হইত। এইখানে ময়ূর-সিংহাসন ছিল। মহারাষ্ট্ররাজ-প্রবলপরাক্রম শিবজী এইখানে সম্রাট্ আওরঙ্গজেব কর্তৃক অপমানিত হইয়াছিলেন, এইখানে নাদির শাহের সহিত মহম্মদ শাহের সাক্ষাৎ হইয়াছিল এবং এইখানেই নাদির প্রতারণা পূর্বক জগদ্বিখ্যাত কোহিনূরহীরক হস্তগত করিয়াছিলেন।

ইঙ্গ-রেন্স গবর্ণমেণ্টের সময়বিভাগে “জেনেরল” “ব্রিগেডিয়ার” প্রভৃতি বিশেষ বিশেষ পদ-স্থচক অনেকগুলি কথা আছে। উপস্থিত গ্রন্থে আবশ্যকমত এই সকলের উল্লেখ করা হইয়াছে। উহার কোন্ কোন্টি কি কি অর্থ প্রকাশ করে, তাহা এই স্থলে সংক্ষেপে নির্দেশ করা যাইতেছে।

জেনেরল।—সৈন্যদলের প্রধান অধিনায়ক “জেনেরল” নামে অভিহিত হন। জেনেরলের অব্যবহিত পরে বাহারা সৈন্যদলে কর্তৃত্ব করেন, তাহার “লেফ্টেনেটজেনেরল” “মেজর-জেনেরল” বলিয়া উক্ত হন।

ব্রিগেডিয়ার।—সৈন্যদিগের দুই তিনটি বিশেষ বিশেষ দল লইয়া একটি বড় দল হয়। এই দলের নাম “ব্রিগেড”। যিনি ইহার উপর আধিপত্য করেন, তাহার নাম “ব্রিগেডিয়ার”। যেমন দিল্লীর ৩৮, ৫৪ ও ৭৪গণিত সৈন্যদল লইয়া একটি ব্রিগেড হইয়াছিল। ব্রিগেডিয়ার গ্লেবন্ ইহার অধক্ষ ছিলেন।

* Ball, Indian Mutiny, Vol. I. p. 454, note.

† Bholanath Chunder, Travels of a Hindu. Vol. II. p. 297.

আডজুট্যান্টজেনেরল।—দৈনিক বিভাগে যে কর্মচারী সৈন্যদলের শৃঙ্খলায় সম্বন্ধে সমস্ত বিষয়ের তত্ত্বাবধান করেন, কর্তৃপক্ষের আদেশ ব্রিগেডে পাঠাইয়া দেন, এবং সমস্ত সৈন্যের অগ্ৰহার সম্বন্ধে রিপোর্ট প্রস্তুত করেন, তাঁহার নাম “আডজুট্যান্ট জেনেরল”।

কোয়ার্টারমাষ্টার জেনেরল।—সৈন্যদলকে এক স্থান হইতে আর এক স্থানে যাত্রা হইলে যিনি পূর্বে সেই স্থান পর্য্যবেক্ষণ করেন, সৈন্যদিগের শিবির সন্নিবেশ-স্থল ও গমন-পথ নির্দ্ধারিত করিয়া দেন, তিনি “কোয়ার্টারমাষ্টার জেনেরল” বলিয়া অভিহিত হন।

সৈন্যদলে “কর্ণেল”, “লেফটেনেন্ট-কর্ণেল” “মেজর” প্রভৃতি থাকেন। “কর্ণেল” সৈন্যদলের সাধারণ অধিনায়ক। কিন্তু ইনি সাক্ষাৎসম্বন্ধে সৈন্যদলে কর্তৃত্ব করেন না। এই তাব “লেফটেনেন্ট-কর্ণেলের উপর সমর্পিত থাকে। কর্ণেলের পদ প্রদেশের অধিপতিদিগকে ও দেওয়া হয়। ইঁহারা অবৈতনিক কর্ণেল হন। “মেজর” প্রতিদলের তত্ত্বাবধান করেন, কর্ণেলের আদেশ কার্যে পরিণত করেন, এবং কোন বিশেষ ব্যক্তিকে বিশেষ কার্য সাধনের জন্য নির্দ্ধারিত করিয়া থাকেন। আডজুট্যান্টের কার্য মেজরের কার্যের অনুরূপ। কিন্তু আড-জুট্যান্ট মেজরের নিম্নপদহ।

প্রতি সৈন্যদলে ৮, ১০ কি ১২টি করিয়া উপদল থাকে। প্রতি উপদলে এক এক জন অধ্যক্ষ থাকেন, ইঁহাদের নাম কাপ্তেন। কাপ্তেন কাওয়াজের সময় উপস্থিত থাকেন, সৈন্যদিগের পরিচ্ছদ ও অস্ত্রাদি ভাল অবস্থায় আছে কি না, তাহা দেখেন। সংক্ষেপে আপন আপন দলের সমস্ত বিষয়ের জন্য ইঁহাকে দায়ী থাকিতে হয়। কাপ্তেনের নীচে প্রতি দলে এক একজন লেফটেনেন্ট থাকিয়া, কাপ্তেনের সাহায্য করেন।

তৃতীয় অধ্যায় ।

মঙ্গলপাঁড়ে ও জয়দারের প্রাণদণ্ড—অগ্রাণ্য সিপাহি-দলের আশঙ্কা-হৃদ্ধি—স্বাভাৱ ঘটনা—প্রধান সেনাপতি আনসনের বক্তৃতা—মিরাটের ঘটনা—গবর্নর জেনেরলের সহিত প্রধানতম সেনাপতির মতভেদ—অস্থি-চূর্ণ-মিশ্রিত ময়দা—চাপাটি—নানা সাহেব—লঙ্কোর ঘটনা ।

নিরাপদে নিৰ্কিঁবাদের বারাকপুরের গুরুতর কার্য সম্পন্ন হইয়াছে, ১৯গণিত সিপাহি-দল বিনা গোলযোগে, বিনা বাধায় আপনাদের অস্ত্র পরি-
ত্যাগ করিয়াছে, লর্ড কানিঙ্ এই সংবাদ পাইয়া সন্তুষ্ট ও স্তম্ভিত হইলেন ।
সংবাদ-প্রাপ্তিমাত্র তিনি এই বিষয় প্রধানতম সেনাপতির নিকটে টেলিগ্রাফ
করিলেন । সমস্ত নগরেও এই সংবাদ ঘোষণা করিয়া দেওয়া হইল । নগ-
রের ইউরোপীয় অধিবাসীরা সংবাদ পাইয়া নিশ্চিন্ত হইলেন । তাঁহারা
শ্রুতি মুহূর্ত্তে আপনাদের জীবন সঙ্কটাপন্ন বোধ করিতেছিলেন, শ্রুতি মুহূর্ত্তে
সশস্ত্র সিপাহি-কর্তৃক নিহত হওয়ার বিভীষিকা দেখিতেছিলেন, এখন শান্তি-
ময় সংবাদে তাঁহাদের হৃদয় শান্ত এবং তাঁহাদের আশঙ্কা ও উদ্বেগ দূরে
অপসারিত হইল ।

একটি গুরুতর কার্য নিৰ্কিঁব্বে সম্পন্ন হইল, এখন গবর্নমেন্ট আর একটি
গুরুতর কার্যে হস্তক্ষেপ করিবার অবসর পাইলেন । বহরমপুরের সিপাহিরা
শান্তভাবে আপনাদের সেনাপতির সম্মুখে অস্ত্র পরিত্যাগ করিয়া পবিত্র
সৈনিক-ব্রত হইতে বিচ্যুত হইয়াছে, শান্তভাবে বারাকপুর হইতে আপনাদের
নিৰ্কিঁষ্ট স্থানে গমন করিয়াছে, ভবিষ্য বিপদের নিবারণজন্য গবর্নমেন্ট
এক দল বীর-পুরুষকে এইরূপে তাহাদের অস্ত্র শস্ত্র হইতে বঞ্চিত করিয়াছেন,
কিন্তু ৩৪গণিত সৈনিকদের বিষয় বিচার করিয়া দেখেন নাই । গবর্নমেন্ট
এখন এই কাট্টর্য ব্যাপ্ত হইলেন । ৬ই এপ্রিল মঙ্গল পাঁড়ের বিচার
হইল ৮ বিচারপতিগণ ফাঁসীর দণ্ডদেশ দিলেন । মঙ্গল পাঁড়ের ক্ষতস্থান
ক্রমে ভয়ঙ্কর হইয়া উঠিয়াছিল । এই ক্ষত ভাল হওয়ার সম্ভাবনা ছিল
না । কিন্তু সিপাহি-যুবক গুলির আঘাতে নিপীড়িত হইলেও ধীরভাবে,

অবিকারচিত্তে মৃত্যুর জন্ত প্রস্তুত হইল। সে এই অন্তিম সময়েও মৃত্যু-
গণের বিরুদ্ধে কোন কথা বলে নাই। ৮ই তারিখ বারাকপুরের সমুদয় সৈন্যের
সম্মুখে ফাঁসীকাণ্ডে সিপাহি-যুবকের প্রাণবিয়োগ হয়। জমাদারের বিচার
১০ই তারিখে আরম্ভ হইয়া ১১ই তারিখে শেষ হইয়া যায়। ৩৪গণিত সিপাহি-
দলের জমাদার ইউরোপীয় সৈনিক পুরুষদিগকে মঙ্গল পাঁড়ের অস্থাবাতে
কাতর দেখিয়াও সাহায্য করিতে অগ্রসর হয় নাই, এই অগরাধে বিচার-
পতিগণ তাহারও প্রাণ-দণ্ডের আদেশ দেন। এই সময়ে প্রধান সেনাপতি
সিমলার শীতল সমীরণ সেবন করিতেছিলেন। সেনাপতি হিয়ার্সেকে
জমাদারের প্রাণদণ্ড করিবার ভার দেওয়া, তাঁহারই কর্তব্য ছিল। প্রধান
সেনাপতি প্রথমে এই ভার দিতে সম্মত হন নাই। শেষে তাঁহার মত
পরিবর্তিত হয়। তিনি ২০এ তারিখে হিয়ার্সেকে দণ্ডদেশ কার্যে পরি-
ণত করিতে আদেশ দেন*। এ জন্ত জমাদারের প্রাণদণ্ড ২১শে পর্য্যন্ত
স্থগিত থাকে। যে মুসলমান আর্দালী মঙ্গল পাঁড়ের আক্রমণ হইতে
লেফ্টেনেন্ট বগ ও তাঁহার সহকারীকে রক্ষা করিয়াছিল, তাহার পদোন্নতি
হয়। শেখ পন্টু হাবিলদারের শ্রেণীতে নিবেশিত হইয়া উঠে †।

এ পর্য্যন্ত ৩৪গণিত সিপাহি-দলের সম্বন্ধে কিছুই করা হয় নাই। সেনা-
পতিদিগের মতে এই সৈনিক সম্প্রদায় ১৯গণিত সিপাহি-দল অপেক্ষাও
অধিকতর অপরাধী বলিয়া পরিগণিত হইয়াছিল। ইহারা দীরভাবে মঙ্গল
পাঁড়ের আক্রমণ চাহিয়া দেখিয়াছিল, অবজ্ঞার সহিত লেফ্টেনেন্ট বগের
কথায় অনাস্থা প্রদর্শন করিয়াছিল, এজন্য সেনাপতিরা ইহাদের উপর
সাতিশর অসম্বৃত্ত হইয়াছিলেন। বারাকপুরের ইউরোপীয়দিগের বিশ্বাস
জন্মিয়াছিল যে, ৩৪গণিত সৈনিক দল সশস্ত্র থাকিলে পদে পদে বিপদ ঘটি-
বার সম্ভাবনা আছে। কিন্তু এই সৈনিক দলকে এখনও নিরস্ত করা হয় নাই।

• * Appendix to Parl. Papers on the Mutinies, 1857 ; pp. 104-107. Comp.
Martin, Empire in India. Vol. II. p. 133.

† সেনাপতি হিয়ার্সের আদেশে এই পদোন্নতি হয়। হিয়ার্সে এ অংশে আপনাকে কৃমতার
অতিরিক্ত কার্য করিতে গবর্নর জেনারেলের মন্ত্রিসভা কর্তৃক তিরস্কৃত হইয়াছিলেন। Martin,
Empire in India. Vol. II. p. 133.

ইহারা পূর্বের ন্যায় সামরিক পরিচ্ছদ ধারণ করিয়া, বারাকপুরের সৈনিক নিবাসে অবস্থান করিতেছিল, পূর্বের ন্যায় অস্ত্রশস্ত্রে শোভিত হইয়া, কাও-য়াজের প্রশস্ত ক্ষেত্রে বেড়াইতেছিল, স্মতরাং ইউরোপীয়দিগের আশঙ্কা বা উদ্বেগ দূরে অপসারিত হয় নাই। ফাঁসীকাষ্ঠে হৃদ্যস্ত মঙ্গলপাঁড়ে ও অবাধ্য জমাদারের প্রাণ-বায়ুর অবসান হইয়াছিল বটে, কিন্তু তাহাদের অন্যান্য বন্ধুগণ এখনও বন্দুক-ও তরবার লইয়া বীরোচিত গর্বের পরিচয় দিতেছিল, বারাকপুরের ইউরোপীয়গণ এজন্য মুহূর্তে মুহূর্তে নানারূপ বিপদের আশঙ্কা করিতেছিলেন। আফিসরেরাও এই আশঙ্কার হস্ত হইতে অব্যাহতি পান নাই। তাঁহারা যখন দিবাবসানে স্থানান্তরে যাইতেন, নিশীথে যখন আপনাদের কর্তব্য কার্যে অভিনিবিষ্ট হইতেন, তখন তাঁহাদের ভয় হইত যে, তাঁহাদের অধীনস্থ সিপাহিরাই হয় ত তাঁহাদিগকে আক্রমণ করিয়া, লেফ্টেনেন্ট বগের ন্যায় হৃদ্যশা-গ্রস্ত করিবে। স্মতরাং রাত্রিকালে বারাক-পুরের ইউরোপীয়েরা কেহ কোন স্থানে যাইতে সাহস পাইতেন না। সন্ধ্যা-সমাগমে তাঁহারা মহিলা-গোষ্ঠীতে যাইয়া, যে আমোদ উপভোগ করিতেন, এখন তাঁহাদিগকে সে আমোদে জলাঞ্জলি দিতে হইল। শীঘ্র শীঘ্র এই সৈনিক দলের বিচার না হওয়াতে, তাঁহারা ক্রমে গবর্ণমেন্টের উপর বিরক্ত হইয়া উঠিতে লাগিলেন। কিন্তু উপস্থিত সময়ে গবর্ণর জেনেরল বিশেষ বিবেচনা না করিয়া, এ সম্বন্ধে কোন কার্য করিতে সাহস পান নাই। হঠাৎ কোনরূপ গুরুতর দণ্ডদেশ প্রচার করিলে, পাছে সমস্ত সিপাহি বিরক্ত হইয়া উঠে, গবর্ণর জেনেরলের এই আশঙ্কা প্রবল ছিল। এজন্য তিনি ৩৪গণিত সিপাহি-দলের উত্তেজনার কারণ স্বল্পরূপে অনুসন্ধান করিতে আরম্ভ করিলেন। স্মতরাং সমস্ত এপ্রিল মাস এই সিপাহিরা পূর্বের ন্যায় সশস্ত্র ও পূর্বের ন্যায় গবর্ণমেন্টের কার্যে নিযুক্ত রহিল। তাঁহারা তাঁহাদের বিষয় অনুসন্ধান করিতেছিলেন, ইহাদের বিরাগ, ইহাদের উত্তেজনা ও ইহাদের অবাধ্যতার প্রকৃত কারণ নির্দেশ করিতে ব্যস্ত ছিলেন, তাঁহারা অবশেষে এই মত প্রকাশ করিলেন যে, ৩৪গণিত সিপাহি-দলের শিখ ও মুসলমান সৈন্য বিখ্যাসী, কিন্তু এই দলের হিন্দু-সৈন্য তাদৃশ বিখ্যাসী নহে। বিচারকগণ আপনাদের স্বল্প বিচার-নৈপুণ্য দেখাইতে গিয়া অতি-

বুদ্ধির পরিচয় দিতেও রিখু হন নাই । কলিকাতার টাকশালার যে সুবাদার কেল্লার দুই জন উত্তেজিত সিপাহিকে অবরোধ করিয়া, আপনার বিশ্বস্ততার পরিচয় দেন, বিচারকগণ তাঁহাকেও ঘোরতর অবিখ্যাসী বলিয়া নির্দেশ করিয়াছিলেন* । ৩৪গণিত সিপাহিদিগের কেহ কেহ স্থানান্তরে গিয়াছিল, ইহার ২৯এ মার্চের ঘটনার সময় বারাকপুবে উপস্থিত ছিল। সুতরাং যাহারা গবর্ণমেন্টের প্রতি বিশ্বাসী ও অমুরক্ত ছিল, যাহারা গবর্ণমেন্টের কার্য-সাধন উদ্দেশে স্থানান্তরে গিয়াছিল, অথবা যাহারা গবর্ণমেন্টের সম্মুখে আপনাদের বিশ্বাস ও প্রভু-ভক্তির পরিচয় দিতেছিল, গবর্ণর জেনেরল তাহাদিগকে বাদ দিয়া, অবশিষ্ট সৈন্যের নিরস্ত্রীকরণ দণ্ডের বিষয় বিবেচনা করিতে লাগিলেন ।

এই দণ্ডদেশ প্রচারের পূর্বে ভারতের অন্যান্য প্রদেশের সিপাহিদিগের মধ্যেও বিরাগ ও উত্তেজনার চিহ্ন লক্ষিত হইতে লাগিল। গবর্ণর জেনেরল চিন্তিত হইলেন, বহরমপুর ও বারাকপুরের সিপাহিদিগের আচরণে তাহার হৃদয় যে আশঙ্কার তরঙ্গে আন্দোলিত হইয়াছিল, তাহা ক্রমে গভীর হইয়া উঠিল। তিনি শাস্ত, বিবেচক ও দূরদর্শী ছিলেন। কিন্তু এই শাস্ত্যভাব, এই বিবেচনা ও এই দূরদর্শিতার বলেও প্রতিকূল ঘটনা-স্রোত সহসা নিরুদ্ধ হইল না। জালুয়ারি মাসের প্রারম্ভে যে ক্ষুদ্র মেঘ খণ্ডের উদয় হইয়াছিল, এপ্রিলে তাহা চারি দিকে প্রসারিত হইল। বারাকপুরের ঘটনা শেষ না হইতে হইতে, মঙ্গল পাণ্ডে ও জমাদানের শোচনীয় মানব-জীলার শেষ দৃশ্য স্মৃতি-পট হইতে অন্তর্দ্বন্দ্বিতা করিতে না করিতে, সুদূরবর্তী হিমালয়ের পাদদেশ হইতে আতঙ্ক-জনক সংবাদ প্রচারিত হইল।

* Kaye, Sepoy War. Vol. I. p. 551, note.

† ৩৪ গণিত সৈনিক-সম্প্রদায় হইতে তিন দল লোক চট্টগ্রামে প্রেরিত হইয়াছিল। গবর্ণমেন্ট ইহাদের রাজ-ভক্তির উপর সন্দেহান হন নাই, ইহার বারাকপুরের ঘটনার কথা শুনিয়া, একখানি আবেদন-পত্র পাঠাইয়া দেয়। এই আবেদনে লিখিত ছিল যে, মঙ্গল পাণ্ডে অন্যান্য ব্যবহারের কথা শুনিয়া, তাহার সত্যিশয়ন স্থাপিত হইয়াছে। তাহার নিশ্চিত জ্ঞান যে, গবর্ণমেন্ট তাহাদের ধর্মে কখনও হস্তক্ষেপ করিবেন না। তাহার চিরকাল বিশ্বস্তভাবে কাজ করিবে। Kaye, Sepoy War. Vol. I p. 551, note.

এই দু'রত্নর ভূখণ্ড ও কলিকাতার মধ্যে যে সকল সৈনিক নিবাস ছিল, তৎসমুদয় গভীর বিরাগের বিকাশ-ক্ষেত্র হইয়া উঠিল। সকল সৈনিক নিবাসের সিপাহিই গবর্ণমেন্টের কার্য-প্রণালীর উপর দোষ দিতে লাগিল এবং সকল সৈনিক নিবাসের সিপাহিই অভিনব বন্দুক ও বসায়ুক্ত টোটা লইয়া ঘোরতর আন্দোলনে ব্যাপ্ত হইল।

কলিকাতা হইতে হাজার মাইল দূরে—সুদূর-বিস্তৃত সমুদ্রত-পর্বত-মালার সন্নিহিত ভূখণ্ডে অস্থানা নামে একটি নগর আছে। ইহার পূর্বতন নাম অস্থালয়। পাণ্ডব-জননী কুন্তী এই স্থানে অবস্থিতি করাতে ইহা প্রাচীন ভারতে এই নামে প্রসিদ্ধ হইয়াছিল। অস্থালয় এখন সাধারণের নিকট অস্থানা নামে পরিচিত হইতেছে। অস্থালার পূর্বপ্রান্তে সুবিস্তৃত কুরুক্ষেত্র, —যে ক্ষেত্রে কুরু-পাণ্ডবের ভয়াবহ সমরে জ্ঞাতি-বিরোধের মীমাংসা হইয়াছিল, পৃথীরাজ ও সমরসিংহের শ্রাণ-বায়ুর সহিত ভারতের সৌভাগ্য-রবি অন্তর্দান করিয়াছিল, মরহাট্টারা আপনাদের জন্মভূমির রত্ন-সিংহাসন-লাভের আশায় জলাঞ্জলি দিয়াছিল, যে ক্ষেত্রে হিন্দু ও মুসলমান, বিজ্ঞতা ও বিজিত, উভয়েই একত্র অনন্ত নিদ্রায় অভিভূত হইয়া সাম্যের অপার মতিমা দেখাইয়াছিল, অস্থালার প্রান্ত ভাগ হইতে তাহার ভয়ানক অথচ শাস্তরসম্পদ দৃশ্য দর্শকের নেত্র-পথবর্তী হইয়া থাকে। ইদানীন্তন সভ্যতার প্রসূতি ইউরোপ-ভূমি যখন হিংস্র-পশু-পূর্ণ জঙ্গলে সমাবৃত ছিল, ইঙ্গলও বা কৃষিগা, জন্মনি বা অস্ত্রিয়ার নিরক্ষর অধিবাসিগণ যখন আপনাদের আরণ্য ভূখণ্ডে যুগয়ার আমোদে পরিতৃপ্ত হইতেছিল, ভারতের প্রাচীন ইতিহাসে তখনও অস্থালার কথা শুনিতে পাওয়া যায়। উপস্থিত সময়ে অস্থালায় গবর্ণমেন্টের সৈন্যের প্রধান আড্ডা ছিল। প্রধান সেনাপতি আনসন্ মার্চ মাসের মধ্যভাগে এইখানে আসিয়া, সিমলার শীতল সমীরণ সেবন করিতে যাইবার জন্য প্রস্তুত ছিলেন, এমন সময় সিপাহিদিগের বিরাগও অসন্তোষের বিষয় তাঁহার গোচর হইল। অস্থালায় বিভিন্ন সৈনিক-দলকে অভিনব বন্দুকের বিষয় শিক্ষা দেওয়া হইত। এই সকল দলের লোক তাদৃশ অভিজ্ঞ বা বিষয়-বুদ্ধি-সম্পন্ন ছিলেন। ইহার সামান্যভাবে সামান্য অবস্থায় সৈনিক-ত্রত গ্রহণ করিয়া এতদেশীয় রণনিপুণ আফিসরদিগের অধীনে পরিচালিত হইত।

অভিনব টোটার ইহাদের অন্তঃকরণ সহজেই বিচলিত হইবার সম্ভাবনা ছিল। টোটার চাকচাক্যশালী কাগজ দেখিয়া, যদি ইহারা মন্দেহাকুল হয়, জাতিচ্যুত, ধর্মচ্যুত ও আপনাদের আত্মীয়গণ কর্তৃক পরিত্যক্ত হওয়ার আশঙ্কায়, যদি ইহারা গবর্ণমেন্টের বিরুদ্ধ পক্ষ অবলম্বন করে, তাহা হইলে বিশেষ সাবধানে, বিশেষ সতর্কতার সহিত ইহাদিগকে শাস্ত করিবার চেষ্টা করা উচিত ছিল।

এতদেশীয় ৩৬গণিত পদাতিক সৈন্য প্রধান সেনাপতির সঙ্গে অঘালায় উপনীত হইয়াছিল। এই সৈন্য-দলের দুই জন আফিসর ইহার পূর্বে অঘালায় আসিয়াছিলেন, এক্ষণে ৩৬গণিত সিপাহিরা সকলে উপস্থিত হইলে ইহারা এক দিন তাহাদের সহিত সাক্ষাৎ করিতে গমন করেন। আফিসরদ্বয় সিপাহিদিগের ভাষুতে উপস্থিত হইলে এক জন সুবাদার তাঁহাদিগকে অভিনন্দন না করিয়া ঘৃণা ও বিরাগের সহিত নির্দেশ করেন যে, তাঁহারা সিপাহিদিগকে খ্রীষ্টীয় ধর্মে দীক্ষিত করিতে উদ্যত হইয়াছেন, অপবিত্র টোটা দ্বারা সকলের জাতি ও সকলের ধর্ম নষ্ট করিবার প্রয়াস পাইতেছেন। এই সময়ে লেফটেনেন্ট মার্টিনো নামক এক জন সৈনিক পুরুষ অঘালায় সিপাহিদিগকে অভিনব বন্দকের ব্যবহার-প্রণালী শিক্ষা দিতেন। আফিসরদ্বয় অবিলম্বে তাঁহাকে এই সংবাদ জানান, ইহার মধ্যে সিপাহিদিগের এক জন বালকের ন্যায় চীৎকার করিয়া মার্টিনোকে কহে যে, সে জাতিচ্যুত হইয়াছে। তাহার দলের কেহই তাহার সহিত ভোজন করিতে সম্মত হইতেছে না। মার্টিনো উদ্বিগ্ন হইলেন। আশঙ্কা ও ছশ্চিন্তার প্রবাহ একটির পর একটি করিয়া, তাঁহার হৃদয়ে আঘাত করিতে লাগিল। তিনি অহুস্কান করিয়া জানিলেন যে, অঘালায় শিক্ষাগারের সকল সিপাহিই অপবিত্র বসায়ুক্ত টোটা ব্যবহার করিতে হইবে বলিয়া, ভীত হইয়া উঠিয়াছে। কেহ কেহ ভাবিতেছে যে, হয় তাহারা এই টোটা ব্যবহার করিয়াছে, বাড়ীতে প্রত্যাবৃত্ত হইলে, তাহাদের আত্মীয়গণ নিঃসন্দেহ তাহাদিগকে পরিত্যাগ করিবে; সকলেই ভীত, সকলেই চঞ্চল, সকলেই পুরুষাত্মকৈক ধর্ম্মানুশাসন রক্ষা করিবার জন্য ব্যস্ত। মার্টিনো সিপাহিদিগের এইরূপ চাঞ্চল্য ও এইরূপ আশঙ্কা দেখিয়া সমস্ত বিষয় প্রধান সেনাপতিকে জানাইতে উদ্যত হইলেন। কিন্তু তিনি

সাক্ষাৎসম্বন্ধে প্রধান সেনাপতিকে কোন কথা জানাইতে সক্ষম ছিলেন না, গবর্ণমেন্টের কার্য-বিভাগের রীতি অনুসারে তাঁহাকে সমস্ত ঘটনা সহকারী আড্জুট্যান্ট-জেনেরলের নিকট লিখিয়া পাঠাইতে হইল। প্রধান সেনাপতি পূর্বেই উপস্থিত বিষয় অবগত হইয়াছিলেন, পূর্বেই সিপাহি-দিগের চাঞ্চল্য দর্শনে কোন রূপ কার্য-পদ্ধতি অবলম্বন করা আবশ্যক বিবেচনা করিয়াছিলেন। ২৩এ মার্চ তিনি অস্ত্র-শিক্ষাগার পরিদর্শন করিলেন। ইহার পূর্কদিন অপরাহ্নে তাঁহার নিকট সংবাদ আসিল যে, সিপাহির তাঁহাকে আপনাদের সম্বন্ধে কয়েকটি কথা বলিতে ইচ্ছা করিতেছে। প্রধান সেনাপতি এ জন্য সিপাহিদিগকে একত্র করিয়া, তাহাদের সম্মুখে আপনাদে মনোগত ভাব প্রকাশ করিতে উদ্যত হইলেন। এই উদ্দেশ্যে সিপাহিদিগকে সমবেত করা হইল। এতদেশীয় আফিসরগণ প্রধান সেনাপতির সম্মুখে দণ্ডায়মান হইলেন। সেনাপতি আনসন্ হিয়ার্‌সের ছায় হিন্দুস্থানী ভাষায় বক্তৃতা করিতে পারিতেন না, এ জন্ত লেফটেনেন্ট মার্টিনো তাঁহার কথা হিন্দুস্থানীতে বুঝিয়া দিবার জন্ত প্রস্তুত হইলেন। বক্তৃতার সময় প্রধান সেনাপতি এক একটি সংক্ষিপ্ত বাক্য কহিয়া ধামিতে লাগিলেন, মার্টিনো সেই বাক্যটি হিন্দুস্থানীতে অনুবাদ করিয়া সমবেত শ্রোতৃ-মণ্ডলীকে জানাইতে লাগিলেন। অনন্তর প্রধান সেনাপতি, সকলে ইহার ভাবার্থ হৃদয়ঙ্গম করিতে পারিয়াছে কি না, জিজ্ঞাসা করিয়া, আবার বলিতে লাগিলেন। বক্তৃতার মর্ম এই—

“সৈনিক পুরুষদিগকে অভিনব বন্দুকের ব্যবহার-প্রদানী শিক্ষা দিবার জন্য এখানে যে শিক্ষাগার প্রতিষ্ঠিত হইয়াছে, তাহাতে যে সকল সিপাহি আফিসর সমবেত হইয়াছেন, আমি তাঁহাদিগকে কয়েকটি কথা বলিতে ইচ্ছা করিতেছি। আপনাদের কর্তব্য কার্যে পারদর্শিতার জন্যই আফিসরগণ স্ব স্ব পদে নিয়োজিত হইয়াছেন, এ জন্য আমার আশা আছে যে, তাঁহারা উপস্থিত সময়ে এই পারদর্শিতার পরিচয় দিবেন, এবং তাঁহাদের অধীনে ~~সৈনিক~~ লোক আছে, তাহাদের ও সমস্ত ভারতীয় সৈন্যের উপকারার্থ, আপনাদের ক্ষমতা ও আপনাদের কার্য-তৎপরতা দেখাইবেন। তাঁহারা যে গবর্ণমেন্টের অধীনে কার্য করিতেছেন, সে গবর্ণমেন্টের উপর অযথা

সন্দেহ করিয়া আপনাদের মন অস্থির করা, তাঁহাদের উচিত হইতেছে না। এখন সৈন্যদিগকে 'পূর্বাপেক্ষা উৎকৃষ্ট বন্দুক ব্যবহার করিতে দেওয়া হইয়াছে। এই উৎকৃষ্ট বন্দুকের জন্য পূর্বাপেক্ষা উৎকৃষ্ট টোটা প্রচলিত করা আবশ্যিক হইয়া উঠিয়াছে। টোটা যে কংগ্রেজ শ্রেষ্ঠ হইতেছে, তাহা দেখিয়া সকল সিপাহিই এই আশঙ্কা করিতেছে যে, গবর্ণমেন্ট তাহাদের চির-সম্মানিত জাতি ও চির-পবিত্র ধর্ম নষ্ট করিতে উদ্যত হইয়াছেন।

“এই আশঙ্কা যে, কতদূর অমূলক ও কতদূর অসঙ্গত, তাহা মূহূর্তকাল চিন্তা করিলেই স্পষ্ট বুদ্ধিতে পারা যাইবে। এই উপায়ে সকলের জাতি নষ্ট করিলে গবর্ণমেন্টের কি লাভ হইবে? গবর্ণমেন্ট কি উদ্দেশ্য সাধনের জন্য সকলকে ধর্মচ্যুত করিবেন, ইহা কি কেহ পরিস্কাররূপে বুঝাইয়া দিতে পারেন? আমি স্পষ্টাঙ্করে নির্দেশ করিতেছি যে, ভারতবর্ষীয়দিগের চিরচরিত আচার ব্যবহারে বাধা দিতে অথবা ভারতের বিভিন্ন জাতির ক্রিয়াকলাপের বিঘ্ন জন্মাইতে, গবর্ণমেন্ট কখনও ইচ্ছা করেন নাই। আমার বিশ্বাস আছে, সকলেই এই অমূলক সন্দেহ আপনাদের হৃদয় হইতে অপসারিত করিবেন।

“যে সকল অভিনব টোটার উপকরণের সম্বন্ধে সিপাহিরা যুক্তি-সঙ্গত আপত্তি উত্থাপন করিবে, তৎসমুদয় সিপাহিদিগকে ব্যবহার করিতে দেওয়া হইবে না, সেনাপতির একরূপ নির্দেশ করিলেও সৈনিকদের অস্বাভাবিকতার কথায় বিশ্বাস স্থাপন করে নাই; প্রত্যহ তাহারা প্রকৃত কাম্য হইবে যে, তাহাদিগকে আর প্রকৃত শৈনিক শরম্বাদী বিচার করিতে পারা যায় না। আপনাদের প্রতিপালক গবর্ণমেন্ট ও আশ্রয়স্থলের উপরিতন কর্তৃপক্ষের আদেশ পালন করাই প্রকৃত সৈনিক পুরুষের প্রধান কর্তব্য। এইরূপ অবাধ্যতার জন্য কিরূপে কার্য-প্রণালী অবলম্বন করা উচিত, তাহা গবর্ণমেন্ট বিশেষরূপে জানেন। সৈনিকের উচিত চিন্তে, অমানভাবে কহিতেছি যে, এই সকল অবাধ্য শৈনিকের হৃদয় কঠোরতর শাস্তি ভোগ করিবে।

“কিন্তু কেবল ভয় প্রদর্শন করি আপনাদের উদ্দেশ্য নহে। তাহাদের বক্ষো-

দেশ সাহস ও সংকার্যের পরিচয়-সূচক চিহ্নে শোভিত রহিয়াছে, তাঁহা-
দিগকে, তাঁহাদের কর্তব্যের বিষয় বুঝাইয়া দেওয়া যে, অনাবশ্যক, তাহা
আমি বেশ বুঝিতে পারিতেছি। আমি তাঁহাদিগকে এখন নিশ্চিতরূপে
জানাইতেছি যে, গবর্ণমেন্ট এই সুবিস্তৃত ভূখণ্ডের অধিবাসিগণের কাহারও
আচার ব্যবহার বা জাতির উপর হস্তক্ষেপ করেন না। ভবিষ্যতেও গবর্ণমেন্ট
এ বিষয়ে হস্তক্ষেপ করিতে সর্বদা বিরত থাকিবেন। যে সকল এতদ্দেশীয়
আফিসর এখানে সমবেত হইয়াছেন, তাঁহাদের উপর আমার বিশ্বাস আছে।
আমি আশা করি, তাঁহারা এই বিস্ময় তাঁহাদের অধীনস্থ লোকদিগকে বুঝা-
ইয়া বলিবেন। আমার বিশ্বাস যে, তাঁহারা পবিত্র সৈনিক ধর্মের কলঙ্ক
মোচন করিতে যথাশক্তি চেষ্টা করিবেন এবং এত দিন সৈনিক শ্রেণীতে
ধাকিয়া আপনাদের যে উন্নত চরিত্রের পরিচয় দিয়া আসিয়াছেন, এখনও
সেই উন্নত চরিত্রের গৌরব অব্যাহত রাখিবেন।”

প্রধান সেনাপতি নীরব হইলেন। হিয়ার্সে সিপাহিদিগের মাতৃভাষার
বারাকপুরে যে তেজস্বিনী বক্তৃতা করিয়াছিলেন, তাহাতে কোন ফল হয়
নাই। সিপাহিরা আপনাদের সেনাপতির মুখে অনর্গল হিন্দুস্থানীতে নানা
প্রকার সাঙ্ঘনা-বাক্য শুনিয়াও শাস্ত, সন্তুষ্ট বা গবর্ণমেন্টের প্রতি অস্বস্তি হয়
নাই। এখন প্রধান সেনাপতির বক্তৃতার অনুবাদে যে, তাহা বা সন্তুষ্ট
হইবে, তাহা সম্ভাবিত নহে। যে সকল আফিসর প্রধান সেনাপতির
সম্মুখে দণ্ডায়মান ছিলেন, উপস্থিত বক্তৃতা কেবল তাঁহাদেরই শ্রুতিপথে
প্রবেশিত হইয়াছিল। বক্তৃতা শেষ হইলে তাঁহাদের দুই তিন জন মাটি নোর
নিকট আসিয়া, তাঁহাকে কহেন যে, প্রধান সেনাপতি বক্তৃতার সময় তাঁহা-
দের প্রতি যেরূপ সম্মান দেখাইয়াছেন, তজ্জন্য তাঁহারা সাতিশয় সন্তুষ্ট ও
কৃতজ্ঞ হইয়াছেন। যদিও তাঁহারা গবর্ণমেন্টের কোন অনিষ্ট সাধনে উদ্যত
হইবেন না, যদিও গবর্ণমেন্টের সদভিপ্রায়ের উপর তাঁহাদের বিশেষ
আস্থা আছে, তথাপি তাঁহারা হৃৎকের সহিত বলিতেছেন যে, টোটার
সম্মুখে এখন যাহা বলা হইতেছে, তাহাতে যদি এক জনের বিশ্বাস না জন্মে,
তাহা হইলেও আর দশ হাজার লোকের সম্পূর্ণ বিশ্বাস জন্মিয়াছে। গবর্ণমেন্ট
টোটা দ্বারা সকলের ধর্ম নষ্ট করিতে উদ্যত হইয়াছেন, এই বিশ্বাস

এখন সর্বজনীন হইয়া উঠিয়াছে। তাঁহাদের দলস্থ সৈনিক পুরুষদিগের কেবল এইরূপ বিশ্বাস জন্মেনাই, প্রত্যুত তাঁহাদের, বাস-গ্রামের সকলেরও ইহাতে প্রগাঢ় বিশ্বাস জন্মিয়াছে। সৈন্যগণ অভিনব টোটা ব্যবহার করিতে প্রস্তুত আছে। কিন্তু এই আদেশ পালন করিলে তাহাদিগকে যে, সামাজিক নিগ্রহ ভোগ করিতে হইবে, তাহা বিবেচনা করিয়া দেখার জন্য তাহারা তাহাদের পিতৃস্থানীয় প্রধান সেনাপতির নিকট প্রার্থনা করিয়াছে। তাহারা ইহাতে চিরকাল জাতিচ্যুত হইয়া থাকিবে, তাহাদের আত্মীয়গণ ইহাতে তাহাদিগকে চিরকালের জন্য পবিত্যাগ করিবেন। গবর্নমেন্টের আদেশ প্রতিপালন জন্ত, আপনাদের সেনাপতিগণের বশবর্তী হওয়ার নিমিত্ত, তাহারা জাতিভ্রষ্ট, ধর্ম-ভ্রষ্ট ও স্বজন-পরিত্যক্ত হইয়া সংসারে চিরকাল কষ্ট ভোগ করিতে থাকিবে। মাটিনো আফিসরগণের এই সকল কথা প্রধান সেনাপতিকে জানাইতে প্রতিশ্রুত হইলেন। তিনি আপনার প্রতিশ্রুতিপালনে বিনুথ হন নাই। তাহার লিখিত পত্র আডজুটান্ট-জেনেরলের কার্যালয়ে পৌঁছিল। মাটিনো স্পষ্টাক্ষরে নির্দেশ করিলেন, “সৈনিক দলে অনেক বুদ্ধিমান ও বিশ্বস্ত লোক আছে। এই সর্বল সৈনিক পুরুষ কহিতেছে যে, তাহারা আপনাদের সেনাপতিগণের আদেশ প্রতিপালন করিবে। কিন্তু ঈদৃশ বশবর্তিতার জন্ত তাহাদিগকে সমাজে বিস্তর কষ্ট ও বিস্তর নিগ্রহ সহ্য করিতে হইবে। আমি উপস্থিত সময়ে ভারতবর্ষীয়দিগের মনোগত ভাব যতদূর বুঝিতে পারিয়াছি, তাহাতে আমার দৃঢ় বিশ্বাস জন্মিয়াছে যে, তাহাদের এই সকল কথা অত্যুক্তি-পূর্ণ নহে। ভারতবর্ষীয়দিগের হৃদয় সহজেই ধর্ম-নাশের আশঙ্কায় বিচলিত হইয়া উঠে। তাহাদের কল্পনা প্রায়ই অনেক বিভীষিকাময় দৃশ্য দেখাইয়া তাহাদিগকে ক্রমে অধীর ও উন্মত্ত প্রায় করিতে থাকে। তাহাদের কল্পিত বিষয় মূর্খাংশে যুক্তি-বহির্ভূত ও অসম্ভাবিত হইলেও তাহারা ইহাতে বিশ্বাস স্থাপন করিতে অগুমাত্রও সঙ্কুচিত হয় না। উপস্থিত সময়ে এই বিস্তৃত ভূখণ্ডের অধিনাসীরা কি কারণে এত উত্তেজিত হইয়া উঠিয়াছে, তাহা আমি ঠিক করিতে পারিতেছি না। কিন্তু আমার বিশ্বাস যে, অভিনব টোটা সঙ্কল গরু ও শূকরের চর্কিতে অপবিত্র করা হইয়াছে বলিয়া, যে জনরব উঠিয়াছে, তাহা এই সর্বজনীন উত্তেজনা ও

আশঙ্কার মুখ্য কারণ নহে। অপবিত্র কস্যুক্ত টোটা আমার মতে ইহার গোণ কারণ বলিয়াই পরিগণিত হওয়া উচিত।” লেফটেনেন্ট মার্টিনোর এই পত্র আড্জুট্যান্ট জেনেরলের কার্যালয় হইতে প্রধান সেনাপতির নিকটে গেল। সেনাপতি আনসন্ গভীর চিন্তায় নিমগ্ন হইলেন। তিনি সেই দিনই গবর্নর জেনেরলকে লিখিলেন, “শিক্ষাগারের সৈনিকদল যে, সন্তুষ্ট আছে, এবং তাহারা যে সুস্থির হইবে, তদ্বিষয়ে আমার সন্দেহ নাই। কিন্তু তাহারা আপনাদের সতীর্থগণকর্তৃক কি ভাবে পরিগৃহীত হইবে, আমি তাহাই ভাবিতেছি।” এখন উপস্থিত বিষয়ে কি করিতে হইবে? কিরূপে সমুদয় সৈন্য পূর্বের ছায় সন্তুষ্ট ও পূর্বের ছায় অমুরক্ত রাখা যাইবে? আনসন্ আবার গভীরভাবে চিন্তা করিতে লাগিলেন; তিনি সহসা কোন সজ্জায় ঠিক করিয়া উঠিতে পারিলেন না। বক্তৃতা করিয়া বা ভয় দেখাইয়া, এখন তাহাদিগকে পূর্বের ছায় অমুরক্ত রাখার প্রয়াস পাওয়া নিষ্ফল। একরূপ করিলে তাহাদের হৃদয় অধিকতর বিচলিত হইবে, তাহারা অধিকতর অসন্তুষ্ট হইয়া গবর্নমেন্টকে আপনাদের ধর্ম-হস্তা শক্র বলিয়া মনে করিতে থাকিবে। আনসন্ একবার অভিনব বন্দুকের শিক্ষালয় উঠাইয়া দিবার ইচ্ছা করিলেন, কিন্তু একরূপ করিলে পাছে কাপুরুষতার পরিচয় দেওয়া হয়, তাহার ইহাই আশঙ্কা হইতে লাগিল। অবশেষে আনসন্ এই স্থির করিলেন যে, টোটার যে সকল কাগজের উপর সন্দেহ করা হইয়াছে, সে সকল কাগজের সম্বন্ধে যে পর্য্যন্ত মিরট হইতে কোন সংবাদ না আইসে, সে পর্য্যন্ত অস্থালার শিক্ষাগারে টোটার ব্যবহার স্থগিত রাখা উচিত।

এ দিকে গবর্নর জেনেরল কলিকাতার প্রশস্ত প্রাসাদে থাকিয়া অস্থালার শিক্ষাগারের বিষয় ভাবিতে লাগিলেন। শিক্ষাগারের কার্য স্থগিত রাখা তাঁহার নিকট সম্ভব বলিয়া বোধ হইল না। তিনি প্রধান সেনাপতিকে এই মর্মে পত্র লিখিলেন;—“অস্থালার শিক্ষাগারে তাহারা অভিনব বন্দুকের ব্যবহার-প্রণালী অভ্যাস করিতেছে, তাহারা বোধ হয় টোটা ব্যবহার করিতে কোনরূপ আপত্তি উত্থাপন করিবে না। টোটার কাগজ সর্ব্বাংশে বিস্কৃত। সিপাহিদিগের জ্ঞাতি নষ্ট হইতে পারে, এই কাগজে এমন কোন পদার্থ নাই। এখন যদি আমরা টোটা ব্যবহার করা স্থগিত রাখি, শিক্ষার্থী

সৈনিক পুরুষেরা যদি আপনাদের শিক্ষা সমাপ্ত না করিয়া, নির্দিষ্ট স্থানে চলিয়া যায়, তাহা হইলে আমাদের উদ্দেশ্য নষ্ট হইবে। ইহাতে সিপাহিরা ভাবিবে, টোটার অবস্থা কোন রূপ অস্পষ্ট পদার্থ ছিল। গবর্ণমেন্ট না বুঝিয়া অবৈধ উপায় অবলম্বন করিয়াছিলেন, এখন আপনাদের ভ্রম বুঝিতে পারিয়া, উহা পরিত্যাগ করিয়াছেন। এতদ্বারা গবর্ণমেন্টের শক্তি ও গবর্ণমেন্টের দৃঢ়তার হানি হইবে। এ জন্ত আমার মতে স্ক্রালালার শিক্ষাগারে টোটা ব্যবহার করিতে দেওয়াই উচিত। ইহাতে শিক্ষার্থীদের চিরন্তন সংস্কারের কোনও ব্যতিক্রম ঘটবে না, যেহেতু তাহারা বুঝিতে পারিয়াছে যে, টোটার কাগজে তাহাদের ধর্ম ও জাতির অনিষ্টকারক কোন পদার্থ বর্তমান নাই। তাহাদের এইরূপ বিশ্বাস দেখিয়া, অপরাপর সিপাহিরাও ক্রমে বুঝিতে পারিবে যে, অভিনব টোটার কোনরূপ অস্পষ্ট বা অপবিত্র পদার্থ দেওয়া হয় নাই। কিন্তু যদি টোটার ব্যবহার সহসা স্থগিত রাখা যায়, তাহা হইলে সিপাহিরা অধিকতর সন্দেহাকুল ও গবর্ণমেন্টের উপর অধিকতর শঙ্কান্বিত হইবে। তাহাদের এই সন্দেহ ও এই অশ্রদ্ধা দূর করা ভবিষ্যতে অসাধ্য হইয়া উঠিতে পারে।” গবর্ণর জেনেরল এই যুক্তি অবলম্বন করিয়া, স্ক্রালালার শিক্ষাগারে টোটা ব্যবহার করিতে আদেশ দিলেন। তিনি ভাবিয়াছিলেন যে, টোটার ব্যবহার স্থগিত রাখিলে গবর্ণমেন্টের পক্ষে কাপুরুষতার পরিচয় দেওয়া হইবে। কাপুরুষতার পরিবর্তে দৃঢ়তার পরিচয় দিলে বিপদের আশঙ্কা ক্রমে অপসারিত হইতে থাকিবে। স্তত্রাং স্ক্রালালার শিক্ষাগারে টোটার ব্যবহার বন্ধ রাখা হইল না। শিক্ষার্থীদেরকে উহা ব্যবহার করিতে দেওয়ার আদেশ প্রচারিত হইল।

গবর্ণর জেনেরলের পত্র স্ক্রালালায় পহুঁচিতে না পহুঁচিতেই প্রধান সেনাপতি সিমলায় যাত্রা করিয়াছিলেন। হিমগিরির শীতল সমীর দেবনে ৩০ তারিখ দিকে প্রকৃতির অপূর্ব গাভীরামময়ী শোভা সন্দর্শনে তাঁহার বড় সুখ বোধ হইতেছিল। তিনি এই সুখের আবেশে গবর্ণর জেনেরলকে লিখিলেন, “সিমলায় দৃশ্য এখন বড় রমণীয়। ইহার জল বায়ুও এখন বড় উৎকৃষ্ট, আমি সর্বাস্তঃকরণে কৃতজ্ঞতা করি। আপনি এইখানে আসিয়া, ইহার উৎকৃষ্ট জল বায়ুতে আপনার স্বাস্থ্য-সুখ বৃদ্ধি করিবেন।” কিন্তু এখন স্বাস্থ্য-

সুখ বৃদ্ধি করার সমর ছিল না। হিমজিরির শোভা দেখিয়া, আনন্দ উপভোগ করিবারও অবকাশ ছিল না। পঞ্চনদের সম্মুখত ক্ষেত্র হইতে বাঙ্গালার সম ধরাভুল পর্য্যন্ত, সকল স্থানই ঘোর অন্ধকারে পরিব্যাপ্ত হইতেছিল, সকল স্থান হইতেই আতঙ্কজনক সংবাদ প্রচারিত হইয়া গবর্ণর জেনেরলকে শঙ্কিত, বিচলিত ও চিন্তিত করিয়া তুলিতেছিল। সিপাহিদিগের অবাধ্যতার প্রকর্ষে বারাকপুরে যেমন অগ্নিকাণ্ড সজ্জ্বটিত হইয়াছিল, এখন অন্যান্য স্থানেও সেইরূপ অগ্নিকাণ্ড হইতে লাগিল। এপ্রেল মাসের মধ্যভাগে, অঞ্চালার এই ঘটনা সর্বদা ঘটতে লাগিল। গবর্ণমেন্ট টোটা ব্যবহার করার সম্বন্ধে যে সিদ্ধান্ত করিয়াছিলেন, তাহা অঞ্চালার শিক্ষালয়ের শিক্ষার্থীগণের গোচর হইয়াছিল। শিক্ষার্থীগণ আপনাদের টোটা মম বা ঘৃত দ্বারা সিক্ত করিয়া লইতেছিল। টোটার ব্যবহার স্থগিত না হওয়াতে তাহারা বাহিরে কোনরূপ অসন্তোষ প্রকাশ করে নাই, গবর্ণমেন্ট যে, তাহাদের ধর্ম্ম-নাশের জন্য ছুরভিসন্ধি করিয়াছেন, তদ্বিষয়েও তাহাদের কোনরূপ সন্দেহ বিকাশ পায় নাই। তাহারা বাহিরে এইরূপ সন্তুষ্ট ও এইরূপ অসন্দিগ্ধ হইলেও সমাজচ্যুত হওয়ার আশঙ্কা তাহাদের মনে বলবর্তী হইয়া উঠিয়াছিল। তাহারা গবর্ণমেন্টের আদেশে টোটা ব্যবহার করিতেছে, যাহা স্পর্শ করিতে তাহাদের সজাতি সমধর্ম্মাগণ ঘোরতর আপত্তি করিয়াছে, তাহারা অবলীলায় অসঙ্কোচে বিধর্ম্মী লোকের কথায় তৎসমুদয় স্পর্শ করিতেছে। এজন্য তাহাদিগকে অবশ্য সমাজ-চ্যুত ও জাতি-চ্যুত হইতে হইবে, আপনাদের দলে উপস্থিত হইলে সকলে তাহাদিগকে অবশ্য ঘৃণা ও অবজ্ঞার চক্ষে চাহিয়া দেখিবে, সুখ ও শান্তিলাভের আশায় গরীয়সী জন্ম-ভূমিতে প্রত্যাবৃত্ত হইলে, তাহাদের আত্মীয়গণ অবশ্য তাহাদিগহইতে দূরে অবস্থান করিবে। সিপাহিদিগের হৃদয় এইরূপ নানা প্রকার আশঙ্কার তরঙ্গে আন্দোলিত হইতেছিল। এই আন্দোলনের সঙ্গে সঙ্গে অঞ্চালা এখন প্রচণ্ড হতাশনের রঙ্গ-ভূমি হইয়া উঠিল। রাত্রির পর রাত্রি আসিতে লাগিল, প্রক্ৰিয়াত্রিতেই ইউরোপীয় সৈনিক নিবাস, মালগুদাম, চিকিৎসালয়, সিপাহিদিগের আবাস-গৃহ, সমস্তই একে একে অগ্নির করাল-শিখায় পরিবেষ্টিত হইতে আরম্ভ হইল। অঞ্চাগার কর্তৃপক্ষ চমকিত হইলেন।

প্রচণ্ড গ্রীষ্মের নিশীথে এইরূপ ভয়ঙ্কর অগ্নি-কাণ্ড দেখিয়া সকলে শঙ্কাকুল হইয়া উঠিতে লাগিলেন। 'এই আকস্মিক ঘটনায় বাহারা লিপ্ত হইয়াছে, তাহাদিগকে ধরিয়া সমুচিত শাস্তি দিবার জন্য বিচারকগণ নিয়োজিত হইলেন। কিন্তু তাঁহাদের চেষ্টা সফল হইল না। তাঁহারা অনেক আশ্রয়স্থল সন্ধি করিলেন, অনেক অনুসন্ধান করিয়া দেখিলেন, কিন্তু কাহাকেও অপরাধী বলিয়া নির্দেশ করিতে সমর্থ হইলেন না। ২২এ এপ্রেল-স্টেশনিক বিদ্যালয়ের এক জন সিপাহির আবাস-গৃহ দগ্ধ হয়, তৎপর রাতিতে ৬০গণিত সৈনিক দলের পাঁচখানি গৃহ ভস্মীভূত হইয়া যায়। কথিত আছে, মাসের শেষে শিক্ষাগারের এক জন শিখ এই সাক্ষ্য দেয় যে, টোটা ব্যবহার করিবার আদেশ প্রচারিত হওয়াতে সিপাহিরা সমুদয় গৃহ ভস্মসাৎ করিতে প্রতিজ্ঞাবদ্ধ হইয়াছে*। কিন্তু বিচারকগণের অনুসন্धानে কেহই অপরাধী বলিয়া নির্দিষ্ট হয় নাই, কেহই তাঁহাদের সন্মুখে শপথ করিয়া সাক্ষ্য দিতে চায় নাই। সাক্ষীদিগকেও প্রকৃত ঘটনা প্রকাশের জন্য কোনরূপ তাড়না করা হয় নাই†।

প্রধান সেনাপতি ছই বৎসর কাল এদেশে ছিলেন, ছই বৎসর ধরিয়া ভারতবর্ষের সৈনিক পুরুষদিগের আচার ব্যবহার দেখিয়া আসিতে ছিলেন। কিন্তু ইহাতেও তিনি ভারতবর্ষীয়দিগের মনোগত ভাব ভাল করিয়া বুঝিয়া উঠিতে পারেন নাই। প্রধান সেনাপতি নিজেই স্বীকার করিয়াছেন যে, অশ্বালার ঘটনায় তিনি বড় গোলযোগে পড়িয়াছেন। প্রতি রাতিতে এতগুলি ঘর পুড়িয়া গেল, অথচ কেহই অপরাধী বলিয়া ধৃত হইল না, ইহাতে তাঁহার বড় বিস্ময়ের উদ্রেক হইয়াছে। এপ্রেল মাসের শেষে তিনি গবর্নর জেনারলকে লিখিলেন, "আমরা অশ্বালার অগ্নি-কাণ্ডের কোনও অপরাধীকে ধরিতে পারিলাম না। ইহা অত্যন্ত বিস্ময়ের বিষয় বলিতে হইবে। হুরাশয় লোকে, যাহা তাহাদের অস্বীকার বলিয়া মনে করিতেছে, তাহার প্রতিশোধ দিবার জন্য তলে তলে কিরূপ যত্ন করিয়া পরস্পর দলবদ্ধ হইয়াছে, এবং তাহারা উপস্থিত ঘটনা লুক্কায়িত

* Holmes, History of the Indian Mutiny. p. 92.

† Kaye, Sepoy War, Vol. I. p. 562-563.

মাছে, তাহারা উহা প্রকাশ করিতে সমর্থ হইলেও ইহাদের ভয়ে কতদূর সাহস-শূন্য হইয়া পড়িয়াছে, তাহা এতদ্বারা স্পষ্ট প্রকাশ পাইতেছে।” এই লিপন-ভঙ্গীতেই স্পষ্ট প্রতিপন্ন হইতেছে যে, ইঙ্গরেজ রাজপুরুষেরা সকল বিষয়ের অভ্যস্তরে প্রবেশ করিতে সমর্থ ছিলেন না, ভারতবর্ষীয়দিগের মনোগত ভাবের উন্নয়নে তাঁহাদের কোন ক্ষমতা ছিল না। তাঁহারা কেবল বাহ্য দৃশ্যই পরিতৃপ্ত থাকিতেন। অভ্যন্তরীণ দৃশ্য দেখিয়া আপনাদের কর্তব্য অবধারণ করিতে তাঁহাদের চেষ্টা বা একাগ্রতা ছিল না। ভারতবর্ষের সৈনিক পুরুষেরা, ইঙ্গরেজদিগের উপর কিরূপ বিশ্বাস-শূন্য হইয়াছিল, কিরূপ অবজ্ঞা ও অশ্রদ্ধা সহিত ইঙ্গরেজদিগকে চাহিয়া দেখিতেছিল, তাহাও সেনাপতি আনসনের উল্লিখিত পত্রে পরিস্ফুট হইতেছে। তাহাদের আত্ম-বিরোধ এখন তিরোহিত হইয়াছিল, তাহাদের অনৈক্য ও অসন্তোষ এখন দূরে প্রস্থান করিয়াছিল, তাহারা আপনাদের সমস্ত বিবাদ, বিসংবাদ ভুলিয়া এখন ইঙ্গরেজের বিরুদ্ধে সমুথিত হইয়াছিল, একপরামর্শী হইয়া এখন ইঙ্গরেজের অনিষ্ট সাধনের উপায় দেখিতেছিল। তাহাদের সকলের হৃদয়ই ইঙ্গরেজ কর্তৃপক্ষের অমঙ্গল-কামনায় পাষণ্ডময় হইয়াছিল এবং সকলের মুখই ইঙ্গরেজ কর্তৃপক্ষের কাছে গোপনীয় অভিসন্ধির বিষয় বলিতে বন্ধ হইয়া গিয়াছিল।

সময় অতীত হইতে লাগিল। অনন্ত অসীম কালের পরাক্রমে দিনের পর সপ্তাহ, সপ্তাহের পর মাস অতিবাহিত হইল, কিন্তু সিপাহিরা শাস্ত ও নিরুদ্বেগ হইল না। যে ঘোর ঘনঘটাৎ ভারতীয় আকাশ আচ্ছন্ন হইতেছিল, তাহার বিলয় দেখা গেল না। এক হস্ত-পরিমিত নবীন নীরদ ক্রমে প্রশস্ততর, ক্রমে ঘোরতর হইয়া ইঙ্গরেজের প্রসন্ন মূর্ত্তি কাণীময় করিয়া ফেলিল। প্রথমে অনেকে অহুমান করিয়াছিলেন যে, সিপাহিদলের মধ্যে কেবল হিন্দুগণই উপস্থিত গোলযোগে উন্নত হইয়া উঠিয়াছে। বারাকপুরে ৩৪গণিত সৈনিক-দলের সঙ্কে যে অহুসন্ধান হয়, তাহাতে বিচারকগণ স্থির করিয়াছিলেন যে, উক্ত দলের শিখ ও মুসলমান সৈনিক পুরুষেরা কোনরূপ অবিস্থানের কাজ করে নাই। ১২গণিত নিরস্ত্রীকৃত সৈনিক-দলের কেবল হিন্দুরাই যে, গবর্ণমেণ্টের উপর সাতিশয় বিরক্ত

হটয়া উঠিয়াছিল, তাহাও সকলে বিশ্বাস করিয়াছিলেন। কিন্তু এই বিশ্বাস সমূলক কি না, হিন্দু বা মুসলমানের ষড়যন্ত্রে ১৮৫৭ সনের চিবস্বত্বীয় যুদ্ধের উৎপত্তি হইয়াছে কি না, তদ্বিষয়ে পরে আলোচনা করা যাইবে। উপস্থিত সময়ে ভারতের প্রধানতম শাসনকর্তার নিকট, হিন্দু ও মুসলমান, উভয়েই এক শ্রেণীতে নিবেশিত হইয়াছিল। এপ্রেল মাস শেষ না হইতে হইতেই গবর্ণর জেনেরল বৃষ্টিতে পারিয়াছিলেন যে, যে সকল ভারতবাসী একসময়ে তাঁহাদের বল বৃদ্ধি করিয়াছে, তাঁহাদের আপদ নিবারণের অবলম্বনরূপ রহিয়াছে, তাহাও সকলেই এখন তাঁহাদের বিরুদ্ধাচরণ করিতেছে। ভারতবর্ষের হিন্দু ও মুসলমান, সকলেই তাঁহাদের অনিষ্ট সাধনে সমুদাত হইয়াছে।

এই সপ্তাপন্ন সময়ে প্রধান সেনাপতির বিশেষ ধীরতা ও বিবেচনার সহিত কার্য করা উচিত ছিল। কিন্তু জেনেরল আনসন্ তাদৃশ কার্যাপটুতার পরিচয় দিতে পারেন নাই। ভারতীয় আকাশ ক্রমে চারিদিকে ঘোর-ঘনবটায় আচ্ছন্ন হইতেছিল—নবীন নীরদ ক্রমে বর্দ্ধিত-কলেবর হটয়া মুহূর্ত্তে মুহূর্ত্তে প্রলয়-কাণ্ডের সৃষ্টি করিতেছিল, এ সময়েও প্রধান সেনাপতির চৈতন্য হয় নাই। বাহাঁর হস্তে সৈন্যগণের পরিচালন-ভার সমর্পিত রহিয়াছে, যিনি সৈনিক বিভাগের সমস্ত কার্যের জন্য দায়ী রহিয়াছেন, তিনি উপস্থিত সময়ে স্থখে হামালয়ের শীতল সমীরণ সেবন করিতেছিলেন। বিপদ ক্রমে ভয়ঙ্কর মূর্ত্তি পরিগ্রহ করিতেছিল, তথাপি তিনি চিন্তিত হন নাই—এ সময়ে কি করিতে হইবে, উত্তেজিত সিপাহিদিগের হৃদয় শান্ত করার জন্ত কি উপায় অবলম্বন করা উচিত, গবর্ণর জেনেরলের মন্ত্রীসভা সর্বদা এই বিষয় লইয়া ব্যস্ত ছিলেন, কিন্তু প্রধান সেনাপতি এ সকল বিষয় পরিত্যাগ করিয়া, সুদূরবর্তী পর্বতমালায় মনোহর সৌন্দর্য্যে পরিতৃপ্ত হইতেছিলেন। কলিংশতা এ সময়ে স্বাস্থ্যকর ছিল, প্রধান সেনাপতিও কোনরূপ গুরুতর পীড়ায় আক্রান্ত হন নাই, তথাপি তিনি এই গোলযোগের সময় নিশ্চিন্ত মনে সিমলায় অবস্থিত করিতেছিলেন। গবর্ণর জেনেরলের মন্ত্রীসভার সহিত তাহার কোনরূপ সংস্রব ছিল না। মন্ত্রীসভার কার্যে ব্যাপৃত না থাকিলেও জেনেরল আনসন্ আপনার পুরা মাহিনা লইতে বিরত হন নাই। প্রধান সেনাপতির কাজে তিনি বার্ষিক লক্ষ টাকা পাই-

তেন ৬ এতদ্ব্যতীত গবর্ণর জেনেরলের মন্ত্রীসভার কার্যে তাঁহার বার্ষিক ষাট হাজার টাকা বেতন নির্দ্ধারিত ছিল। পূর্বে উক্ত হইয়াছে, সেনাপতি আনসন্ উপস্থিত সময়ে কলিকাতায় ছিলেন না, সুদূরবর্তী হিমালয়ের পার্শ্বত্যা-প্রদেশে—শৈলবিহারে চিত্ত বিনোদন করিতেছিলেন। সুতরাং ভারতবর্ষীয় ব্যবস্থাপক সভার কোনও কার্যে তাঁহাকে লিপ্ত হইতে হয় নাই; তথাপি প্রধান সেনাপতি, মন্ত্রীসভার কার্যের জন্য তাঁহার নির্দিষ্ট বেতন গ্রহণ করিতেছিলেন*। দরিদ্র ভারতের অর্থ এইরূপে ব্যয় হইয়াছিল। ভারতের দরিদ্র জনসাধারণকে নিরাপদে—সুখ-শান্তিতে রাখিবার জন্য যে অর্থ সংগৃহীত হইয়াছিল, ঘোর বিপত্তি-সময়ে—অশান্তির প্রাক্কালে তাহা এইরূপে ভারতের প্রধান শান্তি-রক্ষক প্রধান সৈনিকপুরুষ অসম্মুচিতচিত্তে গ্রহণ করিতেছিলেন।

লর্ড কানিং বাহার আশঙ্কা করিয়াছিলেন, ক্রমে তাহাই ঘটিল। হিন্দু ও মুসলমান এক উদ্দেশ্য সাধনের জন্য একত্র সম্বন্ধ হইয়াছিল, ক্রমে এই সম্মিলনের প্রমাণ পাওয়া গেল। কর্তৃপক্ষের নিকট নূতন রাইফল বন্দুকই সিপাহিদিগের উত্তেজনার প্রধান কারণ বলিয়া বোধ হইয়াছিল, যেহেতু বসাত্ত্ব টোটা ব্যতীত এই বন্দুক ব্যবহার করা যাইত না। হিন্দুগণ যে, এজন্য জাতিনাশ ও ধর্মনাশের আশঙ্কায় উত্তেজিত হইয়া উঠিয়াছে, ইহা তাঁহারা বুঝিতে পারিয়াছিলেন। পদাতিক সৈন্যদলে হিন্দুদের সংখ্যা অধিক ছিল, পক্ষান্তরে অশ্বারোহীদলে অধিক পরিমাণে মুসলমানেরা কাজ করিত। সুতরাং পদাতিক দলই কর্তৃপক্ষের আশঙ্কা ও উদ্বেগের বিষয় ছিল। তাঁহারা এই দলের উপরেই তীক্ষ্ণ দৃষ্টি রাখিয়াছিলেন। এখন মিরাত হইতে সংবাদ আসিল যে, অশ্বারোহী সৈন্যদলও গবর্ণমেন্টের বিরুদ্ধে সমুথিত হইয়াছে।

মিরাত একটি প্রধান সৈনিক নিবাস। এইখানে ইউরোপীয় ও ভারত-বর্ষীয়, সকল শ্রেণীর সৈনিক পুরুষেরাই বাস করিত। এইখানে কামান-রক্ষীদিগের একটি প্রধান আড্ডা ছিল। পদাতিক ও অশ্বারোহী, উভয় দলের বীরপুরুষেরাই বীর-ধর্ম প্রতিপালন জন্য এইখানে রণ-নিপুণ সেনাপতি-

গণের অধীনে আপন কার্যে অভিনিবিষ্ট থাকিত। এইখানে অভিনব টোটা প্রস্তুত করিবার প্রধান কারখানা ছিল। সৈনিক নিবাস কালীনদীর একটি শাখা দ্বারা দুই ভাগে বিভক্ত। ইহা দৈর্ঘ্যে ৫ মাইল, বিস্তারে ২ মাইল। উত্তর দিকে আফিসরদিগের আবাস-গৃহ শ্রেণীবদ্ধ ছিল, ঈর্হার নিকট ইউরোপীয় সৈনিক-পুরুষেরা বাস করিত। ইউরোপীয় সৈনিক নিবাসের অনেক দূরে—নদীর অপব পাশে সিপাহিদিগের বাসগৃহ ছিল। সুতরাং মিরাতে ইউরোপীয় ও এতদ্দেশীয়, সৈনিকেরা এক স্থলে বাস করিত না। উভয় সৈনিক নিবাসই উভয়ের বহু দূরে অবস্থিত ছিল। উপস্থিত সময়ে মিরাতে ১,৮৫৩ জন ইউরোপীয়, ও ২,৯২২ জন ভারতবর্ষীয় সৈন্য অবস্থিত করিতেছিল।

মিরাতের সিপাহিরা যে, গবর্ণমেন্টের উপর অসন্তুষ্ট হইয়াছে, এ সংবাদ পূর্বেই প্রচারিত হইয়াছিল। সুতরাং উত্তর-পশ্চিমাঞ্চলের সমুদয় প্রধান প্রধান সৈনিক নিবাসের সিপাহিরাই মিরাতের ঘটনা জানিবার নিমিত্ত বিশেষ আগ্রহ প্রকাশ করিতেছিল। সিপাহিদিগের এষ্ট আগ্রহ শীঘ্র শীঘ্র দূর হয় নাই। সকলেই পরস্পরকে মিরাতের সংবাদ জিজ্ঞাসা করিতেছিল—সকলেই দূরাগত আগস্ভকের নিকট, অথবা দূর্বর্তী পরিচিতের নিকট মিরাতের সংবাদ জানিতে ঔৎসুক্য দেখাইতেছিল। তাহাদের এষ্ট ঔৎসুক্য নিবারণিত হয় নাই—তাহাদের এই কৌতূহলও জন্মে বিলীন হইয়া যায় নাই। এপ্রেল মাসে মিরাতের জনতাপূর্ণ সৈনিক নিবাসে—বাজারের লোকারণ্যের কোলাহল মধ্যে, সকলেই কোন অবশ্যাস্তাবী ঘটনা—কোন আকস্মিক সংবাদের প্রতীক্ষা করিতেছিল। প্রতিদিন এই কৌতূহল বৃদ্ধি পাইতে লাগিল, প্রতিদিনই সিপাহিরা ইঞ্জরেজদিগের বিরুদ্ধে এক একটি নূতন কথা শুনিতে লাগিল। সুতরাং তাহারা স্থির থাকিতে পারিল না। ইঞ্জরেজেরা যে, তাহাদের ধর্ম্ম নষ্ট করিতে উদ্যত হইয়াছে, তাহাদের চিরস্থান আচার ব্যবহার কলঙ্কিত করিবার চেষ্টা পাইবে, এ বিশ্বাস তাহাদের জন্মে ক্রমে বদ্ধমূল হইতে লাগিল। কথিত আছে, যে সকল দ্রষ্টা লোক, জনসাধারণের গবর্ণমেন্টের বিরুদ্ধে উত্তেজিত কবিবার জন্য নানা স্থানে ঘুরিয়া বেড়াইতেছিল, তাহাদের কেহ এই সময়ে যোগী অথবা ফনী-

রের বেশে মিরাতে অবস্থিত করিতেছিল। এই ব্যক্তি হঠাৎ চড়িয়া বেড়াইত। ইহার সঙ্গে অনেক অনুচর থাকিত। ইহার উপর শাস্তি-রক্ষকদিগের সন্দেহ জন্মিল। তাঁহারা ইহাকে স্থানান্তরে বাইতে আদেশ দিলেন। সন্দিগ্ধ বাক্তি অনুচরগণের সহিত আপনার স্থান পরিত্যাগ করিল বটে, কিন্তু মিবাট ছাড়িল না। অনেকে অনুমান করেন যে, মিরাতের কোন সৈনিকদলে স্ত্রে মিশিয়া গিয়াছিল * ।

মিরাতের ন্যায় আর কোনও স্থলে বসাবৃত্ত টোটার সম্বন্ধে গভীর আন্দোলন উপস্থিত হয় নাই, আর কোনও স্থলে জাতিনাশ ও ধর্ম্মনাশের আশঙ্কায় সাধারণের হৃদয় অধিকতর সন্ত্রস্ত ও অধিকতর অধীর হইয়া উঠে নাই। সপ্তাহের পর সপ্তাহে মিরাতের সিপাহিদিগেব অসন্তোষ বৃদ্ধি পাইতেছিল, এখন উহা নিদারুণ শাত্রুভাবে পরিণত হইল। তৃতীয় অশ্বারোহীদল এই সময়ে মিরাতে ছিল। সাহসে ও বীরত্বে এই সৈনিক সম্প্রদায় সবিশেষ প্রসিদ্ধ। লর্ড লেক ইহাদের সমর-নৈপুণ্যের প্রশংসা করিতেন। লর্ড লেকের অধীনে ইহারা দিল্লীতে, লাসবারীতে ও ভরতপুরে আপনাদের অসাধারণ শূরত্বের পরিচয় দিয়াছিল। ইহার পর আফগানিস্তানে, আলিওয়ালে ও সোত্রাওতে ইহাদের বীরত্ব-গৌরব পরিস্ফুট হয়। এই দলে অপেক্ষাকৃত সম্ভ্রান্ত ৬ উচ্চ শ্রেণীর লোক ছিল। তরবারি ইহাদের প্রধান অস্ত্র—কেহ কেহ বন্দুকও ব্যবহার করিত। এপ্রেল মাসের শেষে এই অশ্বারোহীদল প্রথমে আপনাদের অধিনায়কদিগের আদেশ পালনে অসম্মতি প্রকাশ করিল। ইহাদিগকে কোনরূপ অভিনব অস্ত্র দেওয়া হয় নাই—অভিনব অস্ত্র-ব্যবহারের কোনও অভিনব উপকরণও ইহারা প্রাপ্ত হয় নাই। ইহারা পূর্বতন অস্ত্রই ব্যবহার করিয়া আসিতেছিল। কেবল এতদিন যে টোটা ইহারা দ্বীতে কাটিয়া ব্যবহার করিত, তাহা হাতে চিড়িবার পদ্ধতি প্রবর্তিত হইয়াছিল। যে উদ্দেশ্যে এই রীতি প্রচলিত হইয়াছে, তাহা বুঝাইয়া দিবার জন্য সেনাপতি কর্ণেল আইথ সকলকে কাওয়াজের ক্ষেত্রে সমবেত হইতে আদেশ দিয়াছিলেন। ২৩ এ এপ্রেল, প্রাতঃকালে সকলে কাওয়াজের স্থলে একত্র হইবে, এইরূপ স্থির হয়। ইহার পূর্বদিন সন্ধ্যার প্রাক্কালে সৈনিকনিবাসে প্রচারিত হইল যে, অশ্বারোহী

* Kaye, Sepoy War. Vol. I. p. 566.

সৈন্য টোটা স্পর্শ করিতে অসম্মত হইয়াছে। ২৩এ এপ্রেল সেনাপতির আদেশ প্রচারিত হয়। এই দিন হীরাসিংহ নামে একজন প্রাচীন হাবিলদার আপনার দলের কাপ্তেনকে জানান যে, টোটার উপর সকলের গুরুতর সন্দেহ জন্মিয়াছে। এই সময়ে সেনাপতির আদেশ প্রচারিত হওয়াতে সকলেই উত্তেজিত হইয়া উঠিয়াছে, অতএব আপাততঃ কাওয়াজের সময় টোটা ব্যবহারের আদেশ স্থগিত রাখা ভাল। কাপ্তেন রাত্রি দশটার সময় এই প্রস্তাব তাহার উর্দ্ধতন কর্মচারী আডজুটার্টের কাছে লিখিয়া পাঠাইলেন। পরে স্পষ্ট লেখা থাকিল, সিপাহিরা সান্ত্বনয় সন্দিগ্ধ হইয়াছে। এখন সেনাপতির আদেশানুসারে কার্য হইলে সমুদয় সৈন্য গবর্ণমেন্টের বিরুদ্ধে সমুথিত হইবে। সেনাপতি কর্ণেল স্মাইথ প্রথমে এই প্রস্তাব অনুসারে কাওয়াজ বন্ধ রাখিতে ইচ্ছা করিলেন। কিন্তু আডজুটার্ট তাঁহাকে বুঝাইলেন যে, এক্ষণ করিলে আপনাদের কাপুরুষতা প্রকাশ পাইবে। ইহাতে সেনাপতির মত পরিবর্তিত হইল। সুতরাং পূর্বে যে আদেশ প্রচারিত হইয়াছিল, তাহার আর কোন পরিবর্ত হইল না। নির্দিষ্ট দিনে নির্দিষ্ট সময়ে সকলে কাওয়াজের স্থলে উপস্থিত হইল বটে, কিন্তু ৯০ জন সৈনিক পুরুষের মধ্যে বৃদ্ধ হীরাসিংহ প্রভৃতি পাঁচ জন মাত্র সেনাপতির আদেশ পালন করিল, ৮৫ জন টোটা স্পর্শ করিল না। কর্ণেল স্মাইথ, বৃথা তাহাদিগকে এই অভিনব রীতির উপকারিতা বুঝাইয়া দিতে চেষ্টা করিলেন, বৃথা গবর্ণমেন্টের সদাশয়তার উল্লেখ করিয়া, তাহাদিগকে আশ্বস্ত করিতে প্রয়াস পাইলেন। কিন্তু তাহারা কিছুই শুনিল না, কিছুই বুঝিল না। টোটা দাঁতে কাটাও পরিবর্তে হাতে ছিঁড়িবার নিয়ম হইলে যে, তাহাদের বেশ সুবিধা হইবে, বিশেষ গবর্ণমেন্ট তাহাদের ধর্মগত ও ব্যবহার-গত সংস্কার অব্যাহত রাখার জন্যই যে, এই রীতি প্রবর্তিত করিতেছেন, তাহারা তাহা অনুধাবন করিয়া দেখিল না। সুতরাং কাওয়াজ স্থগিত হইল। সেনাপতি ৮৫ জন সৈনিক পুরুষের একরূপ অবাধ্যতার বিষয় অনুসন্ধান করিবার জন্য আদেশ দিলেন।

সেনাপতি কর্ণেল স্মাইথ সময়ের গতি বুঝিয়া কার্য্য করিতে পারেন নাই। তিনি উদ্ভুক্ত প্রকৃতি ও সাধারণের অপ্রিয় ছিলেন *। সুতরাং তাহার

* Holmes, Indian Mutiny. p. 100.

কার্যপ্রণালী অনেক স্থলে সাধারণের অশ্রীতিকর হইত। তিনি যে অখারোহী দলের অধক্ষতা গ্রহণ করিয়াছিলেন, সে দলের লোকে এই সময়ে, তাঁহার প্রতি বিশ্বাস স্থাপন করে নাই, এবং তাঁহার উদ্ধত প্রকৃতিতে সম্প্রীত হয় নাই। তারতবর্ষের মৈনিক পুরুষেরা আপনাদের চিরন্তন ধর্ম ও চিরন্তন আচার ব্যবহারের একান্ত পক্ষপাতী। তাহারা ধীরভাবে আত্মপ্রাণ উৎসর্গ করিতে পারে, তৎপরি আপনাদের ধর্ম ও আচার ব্যবহারের অবমাননা করিতে প্রস্তুত হয় না। যখন তাহাদের ধর্মের বিরুদ্ধে কোন কথা প্রচারিত হয়, তখন তাহারা শঙ্কান্বিত হইয়া উঠে, কোতূহল প্রযুক্ত সেই কথায় তাহাদের বিশ্বাস জন্মিয়াও থাকে। উপস্থিত সময়ে তৃতীয় অখারোহী দল এইরূপ শঙ্কায়ুক্ত হইয়াছিল। তাহাদের যথোচিত অভিজ্ঞতা বা দূরদর্শিতা ছিল না। সুতরাং তাহারা উপস্থিত বিষয় সূক্ষ্মরূপে বিচার করিয়া দেখে নাই। অমুদার রাজনীতির দোষে যে বিববন্ধ রোপিত হইয়াছিল, এখন তাহা ফলোন্মুখ হইতেছিল। সিপাহিরা কোম্পানি বাহাদুরকে আপনাদের ধর্মনিহস্তা শত্রু ভাবিতেছিল। কর্ণেল শ্বাইথ এই সময়ে আপনার সৌম্যভাব দেখাইয়া তৃতীয় অখারোহীদলকে সন্তুষ্ট করেন নাই। তিনি কাপ্তেনের পরামর্শ শুনিলে সিপাহিরা সন্তোষ প্রকাশ করিত। কিন্তু পরের কথায় এই সর্বপরামর্শ তাঁহার মনঃপূত হয় নাই। সুতরাং কাওয়ার্জের সময়, যখন তিনি টোটা ব্যবহারের অভিনব প্রণালীর বিষয় বঝাইতে লাগিলেন, তখন অধীনস্থ মৈনিক পুরুষেরা তাঁহার কথায় কর্ণপাত করিল না—তাঁহার আদেশ পালন করিতেও উদ্যত হইল না। বিপদ ক্রমে ভয়ঙ্কর হইয়া উঠিল। তৃতীয় অখারোহীদলের অধীরতা ও উত্তেজনা অপর দলে সংক্রামিত হইতে লাগিল। সেনাপতির ঔদ্ধত্য প্রযুক্ত অশাস্তির পথ এইরূপে প্রশস্ত হইতেছিল,— অপ্রিয় ব্যক্তির অধীনে পরিচালিত হওয়াতে সিপাহিদিগের উত্তেজনা এইরূপে বৃদ্ধি পাইতেছিল।

এই সকল ঘটনায় লর্ড ক্যানিং স্পষ্ট বুদ্ধিতে পাবিলেন যে, সিপাহিদিগের হৃদয়ে ক্রমে গভীর সন্দেহ বৃদ্ধিমূল হইতেছে, গভীর সন্দেহ ক্রমে গভীরতর হইয়া কোন গুরুতর অনিষ্টের সূত্রপাত করিতে পারে। তিনি যদিও সকল সময়ে আপনার ধীরতা রক্ষা করিয়া চলিতেন, যদিও তাঁহার প্রশান্ত-

ভাব—ঠাঁহার প্রসন্নতা সকল সময়ে তদীয় মানসিক শক্তির পরিচয় দিত, তথাপি তিনি উপস্থিত বিষয়ের জন্য বড় চিন্তিত হইসেন। প্রসন্নতার স্থলে বিষাদের কালিমা ঠাঁহার মুখে প্রকাশ পাইল, ধীর প্রশান্তভাবে পরিবর্তে হৃদয়স্তর মলিনতায় ঠাঁহার হৃদয় আচ্ছন্ন হইল। লর্ড কানিং চারিদিকে নিদারুণ বিভীষিকার দৃশ্যে চমকিত হইলেন, চমকিত হইয়া, চারিদিকে ঘোরতর অশান্তির বিকাশ দেখিতে লাগিলেন। কেবল সিন্ধাহিদিগের মধ্যেই উত্তেজনার চিহ্ন দেখা যায় নাই, সাধারণের মধ্যেও এই উত্তেজনার গতি প্রসারিত হইয়াছিল। মিরাতের ন্যায় ভারতবর্ষের আরও অনেক স্থলে সাধারণের বিশ্বাস জন্মিয়াছিল যে, ইঙ্গ-রেজেরা, হিন্দু ও মুসলমান, উভয় সম্প্রদায়কেই অপবিত্র করিতে কৃতসঙ্কল্প হইয়াছে, উভয় সম্প্রদায়েরই চির-স্তন ধর্ম্মানুশাসনের অবমাননা করিতে প্রয়াস পাইতেছে। এই অভিপ্রায়ে তাহারা, হিন্দু ও মুসলমানের নিত্য আহাৰ্য্য সামগ্রীর সহিত অপবিত্র ও অস্পৃশ্য দ্রব্য মিশাইয়া দিতেছে। যখন কোন গুরুতর অনিষ্টের আশঙ্কায় সাধারণের হৃদয় বিচলিত হয়, তখন এক সম্প্রদায়ের কল্পনা-শক্তি উদ্দীপিত হইয়া উঠে। এই কল্পনা-বলে নানা প্রকার গল্প প্রচারিত হইয়া, লোকের আশঙ্কা ক্রমে বাড়িতে থাকে। কোথা হইতে এই সকল গল্প বাহির হয়, কাহা দ্বারা ইহা নগরে নগরে, গ্রামে গ্রামে প্রচারিত হইতে থাকে, তাহা কর্তৃপক্ষের গোচর হয় না। এ দিকে অশ্রয় স্থানের অদৃশ্য উৎস হইতে নিরন্তর গল্পস্রোত বাহির হইতে থাকে। মুহূর্ত্তে মুহূর্ত্তে ইহার শাখা প্রশাখা বৃদ্ধি পায়, এবং মুহূর্ত্তে মুহূর্ত্তে ইহা নগরের পর নগর, গ্রামের পর গ্রাম অতিক্রম করিয়া, সকলের হৃদয় ভাসাইতে থাকে। উপস্থিত সময়ে সাধারণের মধ্যে প্রচারিত হইয়াছিল যে, ইঙ্গ-রেজেরা, কোম্পানি বাহাদুর ও মহারানীর আদেশে বাঙ্গারের ময়দা ও লবণের সহিত হাড়ের গুঁড়া মিশাইয়াছে, যে স্তূত দোঁকানে বিক্রীত হয়, তাহা অস্পৃশ্য বস্তু দ্বারা কলঙ্কিত করিয়াছে, এবং সাধারণের ব্যবহার্য্য চিনির সহিতও অস্থিচূর্ণ মিশাইয়া দিয়াছে। তাহারা সকলের জাতিনাশ ও ধর্ম্মনাশের জন্য এই সকল কুকার্য্য করিয়াই নিরন্তর হয় নাই। অধিকন্তু লোকে যে সকল কূপের জল পান করে, তৎসমুদয়ে গাভী ও শূকরের মাংস ফেলিয়া দিয়াছে। সুতরাং অবিলম্বে সমুদয়

জাতি, সমুদ্র সম্প্রদায় ও সমুদ্র শ্রেণীর-লোকই ধর্মচ্যুত হইবে, সকলেই আপনাদের চিরন্তন আচার ব্যবহার হইতে স্থলিত হইয়া, ইঞ্জরেজের আচার ব্যবহার অবলম্বন করিবে। বাজারে বাজারে এই সকল গল্প প্রচারিত হইতে লাগিল। বাজারে বাজারে এই সকল গল্প নানা ভাবে—নানা ছাঁদে কথিত হইয়া, সকল সময়ে সকল স্থানে ঘোরতর আতঙ্ক ও বিবাদের রাজ্য বিস্তার করিয়া উঠিল। ইহার পর অজ্ঞেয় স্থানের অজ্ঞেয় উৎস হইতে আর একটু অদ্ভুত জ্যোত বাহির হইল। এই উত্তেজনার সময়ে সাধারণে শুনিতে পাইল, বড় সাহেবেরা, রাজ্যের সমস্ত রাজা, ধনী, সম্ভ্রান্ত লোক, বণিক ও কৃষকদিগকে একত্র করিয়া, ইঞ্জরেজের কটি খাইতে আদেশ দিয়াছেন।

এই সকল গল্পের মধ্যে অস্থিচূর্ণ-মিশ্রিত ময়দার কথাতেই জনসাধারণের হৃদয় অধিকতর উত্তেজিত হইয়াছিল। মার্চ মাসে বারাকপুরের সৈনিক নিবাসে এই গল্প প্রচারিত হয়। বর্তমান এপ্রেল মাসের প্রথমে ইহা উত্তর-পশ্চিম প্রদেশে প্রসারিত হইয়া, ইঞ্জরেজদিগকে অধিকতর উদ্বেগ করিয়া তুলে। এই সময়ে কাণপুরে আটার মূল্য বড় বেশী হয়। ব্যবসায়ীরা এজন্য মিরোট হইতে কাণপুরে আটা আমদানি করিবার জন্য গবর্ণমেন্টের নৌকা ভাড়া করে। মিরোট হইতে প্রথম চালান পৌঁছিলে কাণপুরে আটার বাজার অপেক্ষাকৃত নরম হয়, সাধারণে অপেক্ষাকৃত অল্প মূল্যে মিরোটের আটা কিনিতে থাকে। কিন্তু অবশিষ্ট চালান মিরোটে আসিয়া পৌঁছিবীর পূর্বেই কাণপুরে এই সংবাদ প্রচারিত হয় যে, ইউরোপীয়দিগের তত্ত্বাবধানে ইউরোপীয়দিগের কলে এই আটা ভাঙ্গা হইয়াছে, ইঞ্জরেজের সাধারণের ধর্ম নষ্ট করিবার জন্য ইহাতে গাভীর অস্থি-চূর্ণ মিশাইয়া দিয়াছে। সংবাদ বিছাদ-বেগে কাণপুরের সৈনিক বাজারে ও কাণপুরের সৈনিক নিবাসে প্রসারিত হইল। মুহূর্ত মধ্যে মিরোটের ময়দা বিক্রয় বন্ধ হইয়া গেল—যেন কোন অসাধারণ শক্তির মহিমায়—অলৌকিক ক্ষমতার প্রভাবে মুহূর্তমধ্যে সাধারণের অভিরুচি পরিবর্তিত হইল। কোনও সিপাহি এই ময়দা স্পর্শ করিল না, কোনও শ্রেণীর কোনও লোক ইহা স্পর্শ করিতে সাহসী হইল না। ইহার মূল্য অল্প ছিল, বাজারের অন্যান্য জিনিস অপেক্ষা ইহা অল্প মূল্যে পাওয়া যাইত, তথাপি কেহ ইহা কিনিতে সম্মত হইল না। নিমেষ মধ্যে এই সংবাদ

এক স্থান হইতে আর এক স্থানে পছঁছিতে লাগিল, নিমিষ মধ্যে প্রত্যেক স্থানের জনসাধারণ, আপনাদের ধর্মনিহস্তা ভাবিয়া, ইঙ্গরেজদিগকে ঘৃণা ও বিদ্বেষের চক্ষে চাহিয়া দেখিতে লাগিল। সকলেই ভাবিতে লাগিল, ক্রমে এই অস্থিচূর্ণমিশ্রিত ময়দা বাজারে আরও অনেক আসিবেন। ক্রমে সকলের গৃহেই এই ময়দা যাইবে, ক্রমে সকলেই ইঙ্গরেজের রাজ্যে ইঙ্গরেজের ধর্ম পরিগ্রহ করিবে। বিভীষিকা যৌর জালাময়ী হইয়া উঠিল। বাহারা মির্রাটের ময়দা কিনিয়াছিল, তাহার উহা ফেলিয়া দিল, বাহারা এই ময়দার রুটি প্রস্তুত করিয়াছিল, তাহার সেই রুটি পবিত্র্যাগ করিল, সিপাহি, জমীদার, জনসাধারণ, সকলেই আপনাদের মুখের গ্রাস ফেলিয়া পবিত্র হইবার জন্য ব্যাকুল হইল। কাণপুরের ময়দা-ব্যবসায়ীরা আপনাদের ময়দা অধিক মূল্যে বিক্রয় করিয়া, লাভবান হইবার জন্য এই গল্পের সৃষ্টি করিয়াছিল, কি বসায়ুক্ত টোটার প্রসঙ্গে চুষ্ঠ লোকের চুষ্ঠ কল্পনায় ইহা প্রতিফলিত হইয়াছিল, তাহা স্থির হয় নাই। কিন্তু গল্পের মূল যাহাই হউক না কেন, ইহা সাধারণের হৃদয়ের উর্ধ্ববড় আধিপত্য স্থাপন করিয়াছিল। সাধারণের দৃঢ় বিশ্বাস জন্মিয়াছিল যে, ইঙ্গরেজেরা যে কোন উপায়েই হউক, অপবিত্র বস্তু দ্বারা সকলের ধর্ম নষ্ট করিতে উদ্যত হইয়াছে।

এই সময়ে উত্তর-পশ্চিমাঞ্চলে আর একটি ঘটনার আবির্ভাব হয়। অস্থি-চূর্ণ-মিশ্রিত ময়দার গল্পের ন্যায়, এ ঘটনার মূল নির্ণয় করিতেও কেহ সমর্থ হন নাই। উত্তর-পশ্চিম প্রদেশের লোকে সাধারণতঃ যে রুটি প্রস্তুত করে, তাহা "চপাটি" নামে প্রসিদ্ধ। উপস্থিত সময়ে এই চপাটি এক গ্রাম হইতে আর এক গ্রামে প্রেরিত হইতে থাকে। এক ব্যক্তি এক গ্রামের প্রধান ব্যক্তিকে একুখানি চপাটি দিয়া, তাহা অব্যবহিত পরবর্তী গ্রামে পাঠাইতে কহে। এই অব্যবহিত পরবর্তী গ্রামের প্রধান ব্যক্তি চপাটিখানি আবার অন্য গ্রামে পাঠাইয়া দেয়। এইরূপে চপাটি এক গ্রাম হইতে আর এক গ্রামে যাইতে থাকে। কেহই এই চপাটি লইতে অসম্মত হয় না, কেহই উহা গ্রামান্তরে পাঠাইয়া দিতে বিলম্ব করে না। লোকের হাতে হাতে রুটিখানি অল্প সময়ের মধ্যে গ্রামে গ্রামে ঘুরিতে থাকে। উত্তর-পশ্চিমাঞ্চলের পল্লীগাম-বাসীদিগের এই ব্যবহার প্রথমে গবর্ণমেন্টের গোচর হয় নাই। গুডগাঁওর কলেক্টর

ফোর্ড সাহেব ইহা জানিতে পারিয়া, প্রথমে উক্ত প্রদেশের লেফ্টেনেন্ট-গবর্নর কলবিন সাহেবের গোচর করেন। লেফ্টেনেন্ট গবর্নর প্রত্যেক জেলার মাজিস্ট্রেটকে এই ঘটনার অহুসন্ধান করিতে আদেশ দেন। আদেশ প্রতিপালিত হয়। কিন্তু ঘটনার কারণ-নির্ণয়-প্রসঙ্গে নানা মত পরিব্যক্ত হইতে থাকে। কেহ উহা কোন অবশ্যাস্তাবী প্রলয়কাণ্ডের পূর্বসূচনা বলিয়া নির্দেশ করেন, কেহ কেহ কুসংস্কারাচ্ছন্ন লোকের কুসংস্কারের নিদর্শন বলিয়া হাসিয়া উড়াইয়া দেন, কেহ বা উহাতে ছুঁট লোকের ছুঁট বুদ্ধির বিকাশ দেখিয়া পূর্ব-সাবধানতা অবলম্বনের পরামর্শ দেন। কিন্তু অধিকাংশ ব্যক্তিই এই মত প্রকাশ করেন যে, এই চপাটি দেশের জনসাধারণকে এক সূত্রে গ্রথিত করিতেছে, সকলে একত্র হইয়া, শীঘ্র ব্রিটিশ গবর্নমেন্টের বিরুদ্ধে সমুথিত হইবে। চপাটি দ্বারা সকলকে এই সমুখানের জন্য প্রস্তুত হইতে বলা হইতেছে। এক জন প্রধান রাজকর্মচারী গবর্নর জেনেরলকে এ সম্বন্ধে লিখেন, “চপাটি সাধারণের খাদ্য দ্রব্য। লোকে উহা স্থানে স্থানে পাঠাইয়া সাধারণের মনে এই আশঙ্কা জন্মাইয়া দিতেছে যে, তাহাদের জীবন-রক্ষার দ্রব্য শীঘ্র কাড়িয়া লওয়া হইবে। সুতরাং এই খাদ্যসামগ্রী রক্ষার জন্য সাধারণের প্রস্তুত হওয়া উচিত।” কেহ কেহ কহেন যে, কোন স্থানে মারীভয়ের প্রাদুর্ভাব হইলে, লোকে চপাটি সেই স্থান হইতে আর এক স্থানে পাঠাইয়া দেয়। তাহাদের বিশ্বাস যে, চপাটি পাঠাইলে গ্রামের মড়ক অশ্রু স্থানে চলিয়া যাইবে, গ্রাম নিরাপদ হইবে। সুতরাং চপাটি-প্রেরণ কুসংস্কারের একটি চিহ্ন। উহার সহিত কোনরূপ ভয়ঙ্কর বা বিপত্তিকর ঘটনার সংশ্রব নাই *। কেহ কেহ নির্দেশ করিতে থাকেন, লোকে

* ১৮৫৭ অব্দের প্রারম্ভে এইরূপে চপাটি বিতরিত হইতে থাকে। কাপ্তেন কীটিন্ সাহেব এ সম্বন্ধে লিখিয়াছেন, “১৮৫৭ অব্দের প্রথমে নিম্নোক্ত অনেকেগুলি ক্ষুদ্র ক্ষুদ্র রুটি উপস্থিত হয়। এই সকল রুটি এক গ্রাম হইতে আর এক গ্রামে প্রেরিত হইতে থাকে। ক্রমে উত্তর-ভারতবর্ষের অনেক স্থানে উহা বিতরিত হয়। ইন্দোরের দিক হইতে প্রথমে এই রুটি নিম্নোক্ত পছ ছিয়াছিল। এই সময়ে ইন্দোরে ওলাউঠা রোগের বড় প্রাদুর্ভাব—প্রত্যহ বহুসংখ্য লোক এই রোগে মরিতেছিল। ইহাতে নিম্নোক্ত লোকের বিশ্বাস জন্মিয়াছিল যে, ইন্দোরের রোগ অন্য দেশে সংক্রামিত করিবার জন্য এই সকল রুটি পাঠান হইতেছে।” Kaye, Sepoy War. Vol. I. p. 572, note.

চপাটি পাঠাইয়া সকলকে ইহাই জানাইতেছে যে, ঐ চপাটিতে অস্থিচূর্ণ আছে। ইঙ্গ-রেজেরা খাদ্যসামগ্রীর সহিত এইরূপ অপবিত্র দ্রব্য মিশাইয়া সকলের ধর্ম নষ্ট করিবার চেষ্টা করিতেছে। কেহ কেহ আবার আপনাদের কল্পনা-শক্তির পূর্ণবিকাশ দেখাইতে গিয়া নির্দেশ করেন যে, যে চপাটি পাঠান হইতেছে, তাহাতে গোপনীয় পত্র আছে। এই পত্রে গবর্ণমেন্টের বিরুদ্ধে নানা ষড়যন্ত্রের কথা লিখিত আছে। এক গ্রামের লোকে এই পত্র ময়দা দিয়া ঢাকিয়া, চপাটির আকারে অন্য গ্রামে পাঠাইয়া দিতেছে। সেই গ্রামের লোকে উহা পড়িয়া, আবার চপাটির মত করিয়া, আর এক গ্রামে প্রেরণ করিতেছে*। উপস্থিত বিষয় সম্বন্ধে এইরূপে নানা জনে নানা মত প্রকাশ করিতে থাকেন। কেহ উহার সহিত অনেকগুলি গুরুতর ঘটনার সংযোগ দেখিতে পান, কেহ বা উহা কেবল কল্পনা-সম্ভূত বলিয়া মনে করেন। কোনও সময়ে উহার গুঁড় তত্ত্ব পরিষ্কৃত হয় নাই। কোনও সময়ে সকলে, উহার সম্বন্ধে এক মত প্রকাশ করে নাই। উহা ভিন্ন ভিন্ন লোককে ভিন্ন ভিন্ন পথে পরিচালিত করিয়াছে। উহার প্রকৃত তত্ত্ব বাহাই হউক না কেন, উহা যে, এক সময়ে জনসাধারণকে উত্তেজিত করিয়া তুলিয়াছিল, তদ্বিষয়ে অণুমাত্র সন্দেহ নাই। যে সকল স্থান দিয়া এই রুটি গিয়াছে, সেই সকল স্থানেই উত্তেজনার চিহ্ন পরিব্যক্ত হইয়াছে। ইতিহাস বলিয়া দিতেছে, লোকে এই রুটি এক স্থান হইতে আর এক স্থানে লইয়া গিয়াছিল। এক স্থানের অধিবাসীদের হাত হইতে আর এক স্থানের অধিবাসীদের হাতে এই রুটি সমর্পিত হইয়াছিল; যে স্থানে উহা গিয়াছে, সেই স্থানেই অভিনব উত্তেজনার সূত্রপাত হইয়াছে, এবং অভিনব গল্প সাধারণের হৃদয় বিচলিত করিয়া তুলিয়াছে।

যখন বসায়ুক্ত টোটার সম্বন্ধে আন্দোলন উপস্থিত হয়, অস্থি-চূর্ণ মিশ্রিত

* কয়েদীর সময় সময়ে এই উপায়ে সংবাদ প্রাপ্ত হয়। এক জন কয়েদী সশস্ত্র প্রহরী কর্তৃক রক্ষিত হইতেছে। তাহার কাছে কেহই বাইতে পারে না। কিন্তু কারাগারের লোকে তাহাকে খাদ্যসামগ্রী আনিয়া দিতে পারে। এই লোককে যুগ ধারা বশীভূত করিয়া চপাটিতে পত্র ভরিয়া দেওয়া হয়। সেই পত্রক অন্যান্য খাদ্যসামগ্রীর সহিত উক্ত চপাটি কয়েদীকে আনিয়া দেয়। Kaye, Sepoy War. Vol. I. p. 572, note.

ময়দার বিষয় যখন সাধারণকে উত্তেজিত করিয়া তুলে, অচিন্ত্যপূর্ব, অপরিদৃশ্য ঘটনার “চপাটি” যখন এক স্থান হইতে আর এক স্থানে যাইতে থাকে, তখন নানাসাহেবের দিকে কাহারও কাহারও দৃষ্টি নিপতিত হয়। পূর্বে লিখিত হইয়াছে, নানাসাহেব কাণপুরের নিকটবর্তী বিঠোরে অবস্থান করিতেছিলেন। পেশবার সম্মান—পেশবার পদগৌরব এখন অন্তর্হিত হইয়াছিল। নানাসাহেব এখন সমস্ত সম্মান হইতে স্থলিত হইয়া, পৈতৃক বৃত্তি হইতে বঞ্চিত হইয়া, স্বদেশের বহু দূরে বিঠোরে আপনার শৌচনীয় জীবন অতিবাহিত করিতেছিলেন। মহারাষ্ট্র-চক্রের অধিনেতা পরাক্রমশালী বাজীরাত্তর উত্তরাধিকারীর অদৃষ্ট এইরূপ পরিবর্তিত হইয়াছিল। যিনি সাহসে ও বীরত্বে সকলের বরণীয় ছিলেন, ক্ষমতার মহিমায় দীর্ঘকাল আপনার প্রাধান্য রক্ষা করিয়াছিলেন, তাঁহার পুত্র এখন এইরূপ সামান্তভাবে কালাতিপাত করিতেছিলেন। ১৮৫৭ অব্দে নানাসাহেব বেড়াইতে বাহির হইয়া প্রথমে যমুনার তীরবর্তী কান্নীতে উপনীত হন। ইহার পর মোগল সম্রাটের রাজধানী দিল্লী দেখিয়া, ১৮ই এপ্রেল লক্ষ্মী নগরের অভিমুখে যাত্রা করেন। এই সময়ে স্মার হেনরী লরেন্স অযোধ্যার প্রধান কমিশনার ছিলেন। অযোধ্যা এখন ব্রিটিশ কোম্পানির রাজ্য মধ্যে পরিগণিত হইয়াছিল, ওয়াজিদ আলি এখন রাজ-সম্মান হইতে বিচ্যুত হইয়া কলিকাতার নিকটবর্তী স্থানে, অবরুদ্ধ অবস্থায় কালাতিপাত করিতেছিলেন। তাঁহার রাজ্যাগ্রহণে—তাঁহার নির্বাসনে অযোধ্যার প্রায় সকলেই ইঙ্গ-রেজদিগের প্রতি অসন্তোষ প্রকাশ করিতেছিল, সকলেই ইঙ্গ-রেজদিগকে ঘৃণা ও বিদ্বেষের চক্ষে চাহিয়া দেখিতেছিল। ইহার উপর গবর্ণমেণ্টের কর্মচারীদিগের অনবধানতার অযোধ্যার অধিবাসীগণ বিরক্ত হইয়া উঠিয়াছিল। অযোধ্যার প্রাচীন অট্টালিকা সকল ভাঙ্গিয়া ফেলা হইয়াছিল, গবর্ণমেণ্টের সম্পত্তি বলিয়া পবিত্র ধর্ম্মমন্দির সকল অধিকার করা হইয়াছিল, এতদ্ব্যতীত কঠোর নিয়মে অতিরিক্ত হারে রাজস্ব গৃহীত হইতেছিল*। অনেক

* অযোধ্যার রাজস্ব সংক্রান্ত কমিশনার গবিন্স সাহেব স্বীকার করিয়াছেন যে, কোন কোন স্থানে অতিশয় বেশী হারে কন গৃহীত হইত। Mutines in Oudh. p. 9.

এরূপ কঠোর নিয়মেও ব্রিটিশ গবর্ণমেণ্ট ১০৪,৮২,৭০০ টাকার বেশী রাজস্ব আদায়

তালুকদার আপনাদের ভূসম্পত্তি হইতে বিচ্যুত হইয়াছিলেন। সুতরাং অযোধ্যার অধিবাসীগণ ব্রিটিশ-শাসনে সন্তুষ্ট হয় নাই। তাহারা নবাবের অধিকারে অনেক পরিমাণে সুখে ও শান্তিতে ছিল। এখন ব্রিটিশ-অধিকারে তাহাদের সে সুখ ও শান্তি তিরোহিত হইল। তাহাদের চিরমান্য অট্টালিকা ভূমিসাৎ হইতে লাগিল, তাহাদের চিরপূজ্য ধর্মমন্দির পরের অধিকৃত হইল, তাহাদের চিরাগত ভূসম্পত্তি হস্তান্তরিত হইয়া গেল, এবং তাহাদের চিরস্তন রাজস্ব-গ্রহণ প্রথা পরের অধিকারে ভিন্ন মূর্তি পরিগ্রহ করিল। এইরূপ কঠোর নিয়মে—মর্শ্বপীড়ক শাসনে তাহারা এত দূর উত্তেজিত হইয়া উঠিয়াছিল যে, কেহ কেহ ইঙ্গ-রেজ রাজপুরুষদিগকে লক্ষ্য করিয়া ঢিল ছুড়িতেও ক্রটি করে নাই। যে দিন নানাসাহেব লক্ষ্মী যাত্রা করেন, সেই দিন সার হেনরি লয়েন্স এ সম্বন্ধে গবর্ণর জেনেরলকে লিখিয়াছিলেন, “এই নগরে প্রায় ৬৭ লক্ষ লোক বাস করে। ইহার মধ্যে অনেক (গত কল্যাণে) গুনিয়াছি, কুড়ি হাজার) নিরস্ত্র সৈন্য আছে। ইহারা সকলেই অস্ত্রের জন্য লালায়িত, অদ্য প্রাতঃকালে বিচার-সংক্রান্ত কমিশনর অমানে সাহেবকে এক জন ঢিল মারিয়াছে। প্রধান ইঞ্জিনিয়ার এণ্ডার্সন্ সাহেব যখন গাড়ীতে আবার সঞ্চে যাইতেছিলেন, তখন তাঁহাকেও ঢিল মারা হয়। * * * অট্টালিকা সকল ভাঙ্গিয়া ফেলাতে সকলে বড় অসন্তোষ প্রকাশ করিতেছে। এইরূপ কার্য আরও হইবে গুনিয়া সাধারণে অধিকতর অসন্তুষ্ট হইয়া উঠিয়াছে। অধিকন্তু ধর্মমন্দির সকল অধিকার করাতে এই অসন্তোষ গভীরতর হইয়া সকলকে উত্তেজিত করিয়া তুলিয়াছে। * * রাজস্ব-গ্রহণ-প্রণালী সন্তোষ-কর নহে। তালুকদারদিগের বড় ক্ষতি হইয়াছে। ফৈজাবাদ বিভাগের কোন কোন তালুকদার অর্ধেক, কেহ কেহ বা সমুদয় গ্রামের অধিকারচ্যুত হইয়াছেন *।” এই মর্শ্বভেদী অসন্তোষ—এই গভীর উত্তেজনার সময়ে নানাসাহেব লক্ষ্মী নগরে পদার্পণ করেন: কেহ কেহ নির্দেশ করিয়াছেন,

করিতে পারেন নাই। পক্ষান্তরে ওয়াজিদ আলির সময়ে ১৪৮,০৩,৭০১ টাকা রাজস্ব আদায় হইত। Annual Report on the Administration of the Province of Oudh for 1858-59, p. 32. Comp. Holmes, Indian Mutiny. p. 96, note.

* Kaye, Sepoy War, Vol. I. p. 577.

“নানাসাহেব সম্ভবতঃ উত্তেজিত লোকদিগকে গবর্ণমেন্টের বিরুদ্ধে দলবদ্ধ করিবার চেষ্টা পাইয়াছিলেন*।” কিন্তু এ সম্বন্ধে কোন প্রমাণ প্রাপ্ত হওয়া যায় নাই। নানা সাহেব প্রসন্নভাবে লক্ষ্ণৌ নগরে উপস্থিত হইয়াছিলেন, প্রসন্নভাবে সকলের সহিত আলাপ করিয়াছিলেন এবং প্রসন্নভাবে নগরের শিল্প-চাতুরী ও প্রাকৃতিক দৃশ্য দেখিয়াছিলেন। এই প্রসন্নতার মধ্যে কোনরূপ প্রতিহিংসার কালিমা বিকাশ পায় নাই। ওয়াজিদ আলি পদচ্যুত হওয়াতে অযোধ্যার লোকে উত্তেজিত হইয়াছিল বটে, কিন্তু নানাসাহেব লক্ষ্ণৌ আসিয়া, এই উত্তেজনার গতি প্রসারিত করিতে চেষ্টা পান নাই। নানাসাহেব ধীরপ্রশান্তভাবে লক্ষ্ণৌ নগরে অবস্থিতি করিতেছিলেন। তিনি যে ষড়যন্ত্রে লিপ্ত ছিলেন, কোন কোন ইঞ্জ-রেজ লেখক তাহাতে বিশ্বাস স্থাপন করেন নাই †। কথিত আছে, নানাসাহেব ব্রিটিশ গবর্ণমেন্টের বিরুদ্ধে সকলকে উত্তেজিত করিবার জন্য ভারতবর্ষের অনেক স্থানে চর পাঠাইয়াছিলেন। লর্ড ডালহৌসীর দৃষণীয় রাজনীতিতে মহারাষ্ট্র-চক্রের মর্যাদা নষ্ট হইয়াছিল। সেতারার অধিপতি, নাগপুর-রাজ ও পেশবা সকলেই ক্ষতিগ্রস্ত হইয়াছিলেন। নানাসাহেব এজন্য আশা করিয়াছিলেন, মহারাষ্ট্রীয়গণ তাঁহার প্রধান সহায় হইবেন। ভারতের এক প্রান্ত হইতে আর এক প্রান্তে, এক রাজার দরবার হইতে আর এক রাজার দরবারে নানাসাহেবের চর উপস্থিত হইতেছিল। ভারতবর্ষের সমুদয় জাতির, সমুদয়-ধর্মের রাজা ও সর্দারদিগকে এক উদ্দেশ্য সাধনের জন্য এক সূত্রে সম্মিলিত করাই ইহাদের প্রধান উদ্দেশ্য ছিল। এইরূপ সার্বজনিক অভ্যুত্থানের জন্য নানাসাহেব উপস্থিত সময় হইতেই প্রস্তুত হইতেছিলেন। রঙ্গবাপাজী ও আজিমউল্লা খাঁ, উভয়েই বিলাত হইতে প্রত্যাগত হইয়াছিলেন। উভয়েই কার্য-পারদর্শী ও মন্ত্রণা-কুশল ছিলেন। বিলাতে উভয়ের চেষ্টাই ব্যর্থ হইয়াছিল। লর্ড কানিংয়ের শাসন-কালে রঙ্গবাপাজী দক্ষিণপথে ও আজিমউল্লা উত্তর ভারতবর্ষে থাকিয়া, অনিষ্টের

*-Kaye, Sepoy War, Vol. I. p. 578. Comp. Holmes, Indian Mutiny. p. 95.

† Forjett, Our Real Danger, in India. Comp. Holmes, Indian Mutiny. p.

বীজ রোপণ করিতেছিলেন * .ইঙ্গ-রেজ ইতিহাস-লেখক নানাসাহেবের প্রসঙ্গে এই সুকল কথা-উল্লেখ করিয়াছেন। কথা সত্য হইলে, উপস্থিত বিষয়ে নানাসাহেবের বিবেচনার ক্রেটি হইতে পারে। কিন্তু নানাসাহেবের ব্রিটিশ গবর্ণমেন্টের অন্যান্য বিচারে যেরূপ মন্দ্রাহত হইয়াছিলেন, তাহাতে তাঁহার এইরূপ অভূতান-চেষ্টি আশ্চর্যের বিষয় নহে। মহারাষ্ট্রীয়গণ চিরকাল স্বাধীনতার উপাসক ও চিরকাল তেজস্বিতার পরিপোষক। প্রাতঃস্মরণীয় শিবজী যেরূপ লোকাভীত বীরত্ব-বলে হিন্দুবিজয়ী মুসলমানকে আপনার পদানত করিয়াছিলেন, মহারাষ্ট্রীয়গণ এই মহাবীরের মহামন্ত্রে প্রবল হঠয়া, যেরূপ তেজস্বিতার সহিত দক্ষিণাপথ হইতে আর্য্যাবর্ত পর্য্যন্ত সমস্ত ভূখণ্ডে আপনাদের বিজয়িনী শক্তির পরিচয় দিয়াছিল, তাহা নানাসাহেবের স্মৃতিপট হইতে অন্তর্হিত হয় নাই। নানাসাহেব নিগৃহীত ও নিপীড়িত হইয়া এখন আপনার বংশোচিত তেজস্বিতা দেখাইতে উদ্যত হইয়াছিলেন। নিগ্রহ-কাণ্ডের নিকট অবনতি স্বীকার করা, ক্ষমতাশালী লোকের লক্ষণ নহে। নানাসাহেব আপনার ক্ষমতার অবমাননা করিলেন না, তেজস্বিতা হইতে স্থলিত হইলেন না, পেশবী বাজীরাওর বীরত্বের বিষয় তাঁহার হৃদয়ে জাগরুক ছিল, এখন তিনি এই বীরত্ব অবলম্বন করিয়া, আপনার ক্ষমতা ও পরাক্রম দেখাইতে উদ্যত হইলেন। তাঁহার সাহস বর্দ্ধিত হইয়াছিল, অধ্যবসায় বিকাশ পাইয়াছিল, প্রতিহিংসা উদ্দীপ্ত হইয়া উঠিয়াছিল। নানাসাহেব এখন সাহস ও অধ্যবসায়-বলে হিংসাকারীর শোণিতে আপনার উদ্দীপ্ত প্রতি-হিংসার পরিতর্পণ করিতে জীবন উৎসর্গ করিলেন। ইতিহাস তাঁহার তেজস্বিতার সম্মান করিতে কাতর হইবে না, এবং তাঁহার সাহস ও অধ্যবসায়ের স্তুতিবাদ করিতেও বিমুখ হইবে না।

* লক্ষ্মী নগরে নানাসাহেব কোনরূপে গোলযোগের সূত্রপাত করেন নাই। স্যার হেনরি লরেন্স তাঁহাকে আদরসহকারে গ্রহণ করিয়াছিলেন। তিনি রাজপুরুষদিগকে নানাসাহেবের প্রতি সমুচিত সম্মান দেখাইতে আদেশ দিয়াছিলেন। আদেশ প্রতিপালিত হইয়াছিল। কিন্তু নানাসাহেব দীর্ঘকাল লক্ষ্মীতে থাকিতে পারিলেন না। প্রয়োজনীয় কার্যের অহুরোধে তাঁহাকে শীঘ্র কাণপুরে যাইতে হইল।

দ্বিতীয় অধ্যায় ।

গবর্ণমেণ্টের সময়োচিত কার্ঘ্য-নির্বাহে বিলম্ব হওয়ার কারণ—গবর্ণমেণ্টের ভিন্ন ভিন্ন শাসন মন্ত্রকাল বিভাগ—বসায়িত্ব টোটার বিষয়ের অনুসন্ধান—স্বারাকপুরের সিপাহিদিগের মধ্যে অসন্তোষের বৃদ্ধি—সিপাহি সোগল পাড়ে—৩৪ সংখ্যক সিপাহি-সৈন্যের মধ্যে গোলযোগ—১০ সংখ্যক সিপাহি-সৈন্যকে নিরস্ত্র করণ ।

সকল দেশে এবং সকল শাসন-প্রণালীর মধ্যেই দেখা যায়, যে বিপদে রাজ্যের সমূহ অমঙ্গল বাধিত হয়, তাহা এমন অলক্ষ্যভাবে আপনার গতি বিস্তার করে যে, সেই বিপদ ফলোন্মুখ হওয়ার পূর্বে রাজ্যাধিপতি তাহার বিন্দু বিসর্গও জানিতে পারেন না । বিপদ এইরূপে সময় পাইয়া, ধীরে ধীরে শক্তি সংগ্রহ পূর্বক রাজকীর শাসনের বিরুদ্ধে এমন তুমুল কাণ্ড উপস্থিত করে যে, শেষে তাহার গতি রোধ করা ছঃসাধ্য হইয়া উঠে । ভারতবর্ষের স্থায় বিস্তৃত রাজ্যে একরূপ অবশুস্তাবী বিপদের সংবাদ জানিতে ব্রিটিশ গবর্ণমেণ্টের আরও অধিক সময় লাগিয়া থাকে । ভারতবর্ষীয়েরা ভিন্ন ভিন্ন জাতিতে বিভক্ত । ইহাদের ভাষা বিভিন্ন, আচার ব্যবহার বিভিন্ন এবং ধর্ম্মানুশাসন বিভিন্ন । গবর্ণমেণ্ট এই বিভিন্ন সম্প্রদায়ের মনোগত ভাব সর্বাংশে আয়ত্ত রাখিতে পারেন না, ভারতবর্ষের সকল শ্রেণীর—সকল ধর্ম্মানুশাসনের লোকেরাও সকল সময়ে গবর্ণমেণ্টের অভিসন্ধি বুঝিয়া উঠিতে সমর্থ হয় না । সূত্রাং রাজা প্রজা অনেক সময়ে অন্ধকারে থাকিয়া পরস্পরের মুখাবলোকন করিতে প্রয়াস পাইয়া থাকেন । শাসন-বিভাগের যে সকল অধস্তন কর্ম্মচারী জন-সাধারণের মধ্যে অবস্থান করেন, তাঁহারা হঠাৎ কোন বিপদের আভাস পাইলে উর্দ্ধতম কর্তৃপক্ষকে জানাইয়া থাকেন । কিন্তু এই সংবাদ শাসন-বিভাগের কুটিল পথ অতিক্রম করিয়া প্রধানতম শাসন-কর্ত্তার কর্ণগোচর হইতে না হইতেই বিপদ ভয়ঙ্কর ও দুর্নিবার্য হইয়া উঠে ।

• ভারত সাম্রাজ্যের সৈন্য-সংক্রান্ত সমস্ত কর্ম্মের ভার প্রধানতম সেনা-

পত্রির উপর সমর্পিত আছে। কিন্তু গবর্নরজেনেরলের হস্তে সমুদয় বিষয়ে শাসন-ভার থাকতে সৈনিক-বিভাগের কার্যও গবর্নরজেনেরলকে সুলিয়মি রাখিতে হয়। গবর্নরজেনেরল আপনার গুরুতর দায়িত্ব বুকিয়া সৈনিক বিভাগের কার্যে প্রধানতম সেনাপত্রির উপরেই নির্ভর করিয়া থাকেন। শাসন-বিভাগের এই দুই জন প্রধানতম রাজপুরুষ এক স্থানে থাকিলে গুরুতর বিষয়ের মীমাংসা হইতে অধিক বিলম্ব বা অগ্রবিধা হয় না। কিন্তু অনেক সময়ে একরূপ ঘটে যে, গবর্নর জেনেরল তাহার সেক্রেটারীর সহিত রাজ্যের এক স্থানে অবস্থান করেন, এবং প্রধান সেনাপত্রি রাজ্যের আর এক স্থানে অবস্থিতি করিয়া থাকেন। ১৮৫৭ অব্দের প্রারম্ভে এইরূপ ঘটিয়াছিল। লর্ড ক্যানিংও কলিকাতায় ছিলেন, সেনাপত্রি আনন্দের আফিস উত্তর-পশ্চিমাঞ্চলে ছিল, * কিন্তু সেনাপত্রি স্বয়ং বাঙ্গালার অবস্থিতি করিতে ছিলেন। আর্ডজুটাশ্ট-জেনেরল মিরাতে ছিলেন। আর্ডজুটাশ্ট-জেনেরলের আফিস কলিকাতায় ছিল। বসামুক্ত টোটার বিষয় অনুসন্ধান করিয়া কতব্য অবধারণ করা ইহাদের সকলেরই কার্য ছিল। কিন্তু সকলে এক স্থানে ছিলেন না, সকলে কার্যালয়ও এক স্থানে ছিল না। এজন্য যথোচিত সময়ে যথোচিত উপায় অবলম্বিত হয় নাই। এইরূপ বিলম্ব পরিশেষে অনিষ্টের হইয়া দাঁড়াইয়াছিল।

প্রধানতম রাজপুরুষগণ স্থানান্তরে থাকতেই কেবল বিলম্ব হয় নাই, রাজকীয় শাসন-বিভাগের কার্য-প্রণালী অনুসাবেও বিস্তর বিলম্ব ঘটিয়াছিল। প্রতি বিভাগেই বিশেষ বিশেষ ক্ষমতা প্রাপ্ত অনেকগুলি রাজপুরুষ রাজকীয় শাসন-প্রণালী সুবাবস্থিত রাখিবার জন্য নিয়োজিত রহিয়াছেন। কোন প্রাসাদে উঠিতে হইলে যেমন স্তরে স্তরে সজ্জিত সোপান শ্রেণী অতিক্রম করিতে হয়, কোন বিষয় প্রধানতম রাজপুরুষের গোচর করিতে হইলেও

* ঠিক এই সময়ে সেনাপত্রি আনন্দের স্ত্রী ইঞ্জন্মাণ্ডে যাঠিতে প্রস্তুত হন। সেনাপত্রি সহধর্মিনীকে বিদায় - বিদায় দিতে কলিকাতায় আফিসেছিলেন। সেনাপত্রির কলিকাতায় অবস্থিতি-সময়েই সিপাহিরা বসামুক্ত টোটার কথায় বিষম হইয়া উঠিয়াছিল। কিন্তু টোটার বিষয়ে সেনাপত্রির তখন মনোযোগ দেওয়ার সুবিধা ঘটে নাই।

তেমনি বিভাগীয় রাজপুরুষদিগের শ্রেণী, একটির পর আর একটি করিয়া, অতিক্রম করিতে হইয়া থাকে। বৈশিষ্ট্য গুরুতর বিষয় মীমাংসা করিতে হইলে, অধস্তন রাজপুরুষ, তাঁহার অব্যবহিত উপরে যিনি থাকেন, তাঁহাকে জানাইতে বাধ্য হন। এই উপরওয়াল আবার তাঁহার অব্যবহিত উপরের কর্মচারীকে জানান। এইরূপে বিষয়টি রাজকীয় শাসন-বিভাগের স্তরের পর স্তর অতিক্রম করিয়া প্রধানতম গবর্ণমেন্টে পহঁ ছিয়া থাকে। ২২এ জাহুয়ারি দমদমাস্থিত ৭গণিত সিপাহি-দলের অধ্যক্ষ লেক্টেনেন্ট ট্রাইট বসায়ুক্ত টোটা ও তন্নিবন্ধন সিপাহিদিগের মধ্যে যে উত্তেজনা হইয়াছে, তাহার কথা, অস্ত্রাগারের অধ্যক্ষকে জানান। মেজর বোনটেন উহা তৎপরদিন দমদমার সৈনিক-নিবাসের অধ্যক্ষের গোচর করেন। এই অধ্যক্ষ আবার উহার বিষয় বারাকপুরের সেনাপতির নিকট লিখিয়া পাঠান। কর্ণেল হিয়ার্সের নিকট হইতে এই বিষয় কলিকাতায় আডজুট্যান্ট জেনেরলের আফিসে উপস্থিত হয়। বিষয়টি গুরুতর ছিল। শীঘ্র শীঘ্র এ সম্বন্ধে যথোপযুক্ত কার্য-পদ্ধতি অবলম্বন করা আবশ্যিক হইয়া উঠিয়াছিল। সেনাপতি হিয়ার্সে এজন্য উপস্থিত বিষয়, শীঘ্র ভারতবর্ষীয় গবর্ণমেন্টে পাঠাইবার জন্য, আডজুট্যান্ট জেনেরলের আফিসে লিখিলেন এবং সেই সঙ্গে প্রস্তাব করিলেন যে, সিপাহিদিগকে যেন তাহাদের আপন আপন টোটা তৈলাক্ত করিবার অধিকার দেওয়া হয়। সেনাপতি হিয়ার্সেব পত্র ২৪এ জাহুয়ারি আডজুট্যান্ট জেনেরলের আফিসে পহঁ ছিল। সে দিন সময় না থাকাতে এ সম্বন্ধে কিছু করা হইল না। তৎপরদিন রবিবার, স্মরণ্য সে দিনও হিয়ার্সের লিখিত “অতি প্রয়োজনীয়” পত্র আডজুট্যান্ট জেনেরলের আফিসে পড়িয়া রহিল। ২৬এ জাহুয়ারি আডজুট্যান্ট জেনেরল ভারতবর্ষীয় গবর্ণমেন্টের সৈনিক বিভাগের সেক্রেটারীর নিকট সেনাপতি হিয়ার্সের পত্র পাঠাইলেন। পরদিন গবর্ণমেন্টে হিয়ার্সের প্রস্তাবের অনুমোদন করিয়া, আডজুট্যান্ট জেনেরলের আফিসে পত্র লিখিলেন। ২৮এ গবর্ণমেন্টেব অনুমতি সেনাপতি হিয়ার্সের নিকট পহঁ ছিল। সেনাপতি জাহুমতি-পত্র পাইয়া বারাকপুরের সমুদয় সিপাহিকে ইহা জানাইতে আদেশ দিলেন। কিন্তু এই কার্য বড় বিলম্বে হইল। ইহার পূর্বদিন এক জন এতদেশীয়

আফিসের, কাওয়ার্ডের সময়, টোটার সঙ্ক্ষে গবর্নমেন্ট হইতে কোন আদেশ আসিয়াছে কি না, জিজ্ঞাসা করেন । কিন্তু সে দিন কোনও শ্রুতি আইসে নাই । সুতরাং আফিসরকে, কোন আদেশ প্যুওয়া যায় নাই বলিয়া, উত্তর দিতে হয় । যদি প্রধানতম গবর্নমেন্ট ও সেনাপতি হিয়ারনের মধ্যে আডজুটান্ট জেনেরলের আফিস না থাকিত, তাহা হইলে সেনাপতি চারি দিন পূর্বে আপনাদের উত্তর পাইতেন । যখন কর্তৃপক্ষ টোটার সঙ্ক্ষে আপনাদের মধ্যে পত্র লেখালেখি করিতেছিলেন, তখন গবর্নমেন্টের বিরোধিগণ সাহস পাইয়া, ভয়ঙ্কর কার্যা সাধনের জন্য ভয়ঙ্কর ষড়যন্ত্র করিতেছিল ।

এই গুরুতর বিষয় ক্রমে বাঙ্গালা অতিক্রম করিয়া উত্তরপশ্চিমাঞ্চলে উপনীত হইল । প্রথমে বাহিরে ইহা কাহারও নিকট আপনাদের ভয়ঙ্কর ভাবের পরিচয় দিল না, অলক্ষিতভাবে তলে তলে গতি প্রসারিত করিয়া, ইহা সকলকে উত্তেজিত করিয়া তুলিতে লাগিল । গবর্নমেন্ট এই বিষয় অতি অকিঞ্চিৎকর ভাবিয়াছিলেন, আশা করিয়াছিলেন, সিপাহিদিগকে শাস্তভাবে সাহসনা করিলেই তাহাদের সমস্ত বিরাগ অন্তর্হিত হইবে । এই বিষয় হইতে যে, শেষে ভয়ঙ্কর কাণ্ড উপস্থিত হইবে, তাহা প্রথমে তাঁহাদের বোধগম্য হয় নাই । কিন্তু বিপদ অলক্ষিতভাবে আপনার বল সংগ্রহ করিতেছিল ; অলক্ষিতভাবে ক্রমে ভয়ঙ্কর হইতেও ভয়ঙ্কর রূপ পরিগ্রহ করিতেছিল ; মহামতি লর্ড কানিংও অল্প দিন মাত্র গবর্নর জেনেরলের পদে অধিষ্ঠিত হইয়াছিলেন, সুতরাং তিনি সকল বিভাগের কার্যা-প্রণালী স্বল্পরূপে অনুসন্ধান করিবার সময় পান নাই । তাঁহাকে অনেক সময়ে অনেক বিষয়ে সেক্রেটারীদের উপর নির্ভর করিয়া চলিতে হইত । ভারতবর্ষীয় গবর্নমেন্টের সৈনিক বিভাগের সেক্রেটারী উপস্থিত বিষয়ে দায়ী ছিলেন । কোন গোলযোগ উপস্থিত হইলে গবর্নর-জেনেরলকে সংপরাশর্ষ দেওয়া তাঁহারই কর্তব্যের মধ্যে পরিগণিত ছিল । কর্নেল রিচার্ড বাচ্চ এই সময়ে ভারতবর্ষীয় গবর্নমেন্টের সৈনিক বিভাগের সেক্রেটারী ছিলেন, তাঁহার চরিত্র ও কর্তব্য-নিষ্ঠার উপর সকলেরই শ্রদ্ধা ছিল । স্যার বাচ্চ যখন শুনিলেন, দমদমার সিপাহিরা ক্রমে উত্তেজিত হইয়া উঠিয়াছে, তখন তিনি কাণবিশ্বাস না করিয়া উপস্থিত বিষয়ের অনুসন্ধান জন্য দমদমায় যাত্রা করিলেন ।

দমদমায় উপস্থিত হইয়া কর্ণেল বাচ্চ শুনিলেন যে, যদিও বসামিশ্রিত টোটা অনেক প্রস্তুত হইয়াছে, তথাপি উহার একটিও দমদমা বা প্রেসিডেন্সী বিভাগের কোন সিপাহিকে ব্যবহার করিতে হয় নাই। যাহা হউক, কর্ণেল বাচ্চ সিপাহিদিগের উত্তেজনা নিবারণ করিতে বিশেষ যত্নশীল হইলেন। তিনি স্পষ্ট বৃত্তিতে পারিলেন, দমদমায় যাহা ঘটিয়াছে, অন্যান্য সৈনিক নিবাসেও তাহা ঘটতে পারে। যে যে স্থানে নূতন রশ্‌ইফল বন্দুকের ব্যবহার-প্রণালী শিক্ষা দেওয়া যাইতেছে, সেই সেই স্থানেই অভিনব টোটার সম্বন্ধে নিঃসন্দেহ গোলযোগ উপস্থিত হইবে। সুতরাং যত শীঘ্র হউক, এই গোলযোগ নিবারণের উপায় করা কর্তব্য হইতেছে।

কর্ণেল বাচ্চ এইরূপ স্থির করিয়া, একবারে গবর্ণর জেনেরলের নিকট উপস্থিত হইয়া, তাঁহার নিকট, সিপাহিদিগের হৃদয় আশস্ত ও শান্ত করিবার জন্য কোনরূপ উপায় অবলম্বনের অল্পমতি চাহিলেন। প্রার্থনা গ্রাহ্য হইল। অবিলম্বে দমদমা ও মিরাতে এই আদেশ প্রচার হইল যে, কোন বসায়ুক্ত টোটা সিপাহিদিগকে দেওয়া হইবে না। সিপাহিরা ইচ্ছামত আপনাদের হাতে টোটার কোনরূপ তৈলাক্ত পদার্থ দিতে পারিবে। অঘালা ও শ্যালকৌটে এইরূপ আদেশ প্রচারিত হইল। বসায়ুক্ত টোটা সিপাহিদিগকে দেওয়া হইবে না। সিপাহিরা যে কোন তৈলাক্ত পদার্থ উপযুক্ত মনে করে, তাহাই আপনাদের টোটার ব্যবহার করিতে পারিবে, প্রধানতম স্বেয়াপতি দ্বারা এইরূপ কোন সাধারণ আদেশ প্রচারের জন্য কর্ণেল বাচ্চ চেষ্টা পাইয়াছিলেন। এ সম্বন্ধে কাহারও কোন আপত্তি করিবার কারণ ছিল না। কিন্তু মিরাতে সহসা আপত্তি উত্থাপিত হইল। তথাকার সৈনিক কমান্ডারী কলিকাতায় এই সংবাদ পাঠাইলেন যে, সিপাহিরা কয়েক বৎসর ধরিয়া বসায়ুক্ত টোটা ব্যবহার করিতেছে, এই টোটার মেঘের চর্কি দেওয়া হইয়া থাকে। কলিকাতার কর্তৃপক্ষ কোনরূপ আপত্তি করিলেন না। তাঁহার আদেশ দিলেন, যদি মেঘের চর্কি বা মোম টোটার দেওয়া হয়, তাহা হইলে উহা ব্যবহৃত হইতে পারে।

• সত্য বটে, কলিকাতার দুর্গে ও মিরাতে টোটা সকল অপবিত্র ও অস্পৃশ্য বসায়ুক্ত প্রস্তুত হইয়াছিল, সত্য বটে, ১৮৫৬ অব্দের অক্টোবর মাসে

এইরূপ অনেক টোটা অথবা শ্যালকোটের সৈনিক নিবাসে প্রেরিত হইয়াছিল। কিন্তু এই টোটা সিপাহিদিগকে ব্যবহার করিতে দেওয়া হয় নাই। সিপাহিরা তখন নূতন বন্দুকের ব্যবহার-প্রণালী মাত্র শিখিতেছিল। কিরূপে ইহা ধরিতে হয়, কিরূপে ইহা দ্বারা ভিন্ন ভিন্ন দূরবর্তী স্থান হইতে লক্ষ্য নির্দেশ করিতে হয়, ইহার গঠন-প্রণালী, ইহার গুণ কিরূপ, ইহাই তাহাদের শিক্ষার বিষয় ছিল, কয়েক সপ্তাহ ধরিয়া, সিপাহিরা এই সকল বিষয় শিখিতে লাগিল, কয়েক সপ্তাহ ধরিয়া এই অভিনব অস্ত্রের অভিনব ব্যবহার-প্রণালী শিক্ষার আমোদেই তাহারা আসক্ত রহিল। শেষে যখন টোটায় প্রয়োজন উপস্থিত হইল, তখন তাহারা তৈলাক্ত বা মোমযুক্ত টোটা ব্যবহার করিতে লাগিল।

সিপাহিদিগের হৃদয় ইহাতেও আশ্বস্ত হইল না। যে গভীর আতঙ্কে, যে ভয়ঙ্কর সন্ত্রাসে তাহারা অধীর হইয়া উঠিয়াছিল, তাহা দূর হইল না। প্রথমে এক সৈনিক নিবাস হইতে আর এক সৈনিক নিবাসে যে জনরব প্রচারিত হইয়াছিল, তাহাতে সিপাহিদিগের হৃদয় ক্রমে বোরতর অন্ধকারে আচ্ছন্ন করিতে লাগিল। এই অন্ধকার দূর করা একান্ত আবশ্যক হইয়া উঠিয়াছিল। ঘৃণিত ও অপবিত্র বস্তু স্পর্শ করিতে হইবে বদিয়াই যে, সিপাহিরা বিরক্ত হইয়া উঠিয়াছিল, তাহা নহে। মিরাতে ব্রাহ্মণ-বালকেরা অর্থাৎ বসায়ুক্ত টোটায় প্রস্তুতকরণে নিযুক্ত ছিল। কিন্তু ইহাতে কেহই কোন আপত্তি করে নাই। সিপাহিদিগকে টোটা দাঁতে কাটিয়া বন্দুকে দিতে হইত। কর্তৃপক্ষ মনে করিলেন যে, কেবল এই জন্তই বোরতর অসন্তোষের সূত্রপাত হইয়াছে। সূত্রাং মেজর বর্টন নামক এক জন সৈনিক পুরুষের পরামর্শে এই রীতির পরিবর্তন হইল। কর্তৃপক্ষ আদেশ দিলেন, সিপাহিরা অভিনব টোটা দাঁতে না কাটিয়া, হাতে ছিঁড়িয়া, বন্দুকে দিবে। কিন্তু সিপাহি ইহাতে সন্তুষ্ট হইল না। গাঢ় অন্ধকারের গভীর কালিনা তাহার হৃদয় হইতে অপসারিত হইল না। সে কহিতে লাগিল; টোটা দাঁত-কাটিয়া বন্দুকে দেওয়াই তাহার অভ্যাস হইয়াছে। বিশেষ সত্বরতার সময়, এই অভ্যাস অনুসারেই কাজ করিতে হইবে। সন্তোষ উপস্থিত পরিবর্তনে সিপাহির সন্তোষ জন্মিল না। সিপাহি পুর্কের ন্যায়

বিবরণ, পূর্বের ন্যায় অসম্বলিত ও পূর্বের ন্যায় আতঙ্ক-গ্রস্ত হইয়া রহিল।

১৮৫৭ অব্দের প্রারম্ভে সেনাপতি হিয়ার্সে, বারাকপুর হইতে লিখিলেন, “কিছু দিন ধরিয়্যা, আমি এখানকার সিপাহিদিগের মনোগত ভাব দেখিয়া আসিতেছি। কতকগুলি ছুঁটী লোকের কুমন্ত্রণায় তাহারা অধীর হইয়া উঠিয়াছে। এই সকল ছুঁটী লোক, তাহাদের মনে এইরূপ বিশ্বাস জন্মাইয়া দিয়াছে যে, গবর্ণমেন্ট, তাহাদের জাতি, তাহাদের ধর্ম্মসংস্কারের উপর হস্তক্ষেপ করিয়া, শীঘ্রই তাহাদিগকে খ্রিষ্টীয় ধর্ম্মে দীক্ষিত করিবেন।” সেনাপতির এই কথা অবপার্থ হয় নাই। এক দিনের পর আঁব এক দিন অতিবাহিত হইতে লাগিল, কিন্তু সিপাহিরা শাস্ত বা সম্বলিত হইল না। প্রতি নূতন দিন নূতন নূতন অশান্তি, নূতন নূতন অসন্তোষ সংগ্রহ করিয়া তাহাদের সমক্ষে উপস্থিত হইতে লাগিল। বারাকপুরের সকল সিপাহিই এইরূপ গভীর আশঙ্কায় উত্তেজিত হইয়া উঠিয়াছিল। সেনাপতিরা তাহাদিগকে বুঝাইতে লাগিলেন যে, তাহাদের ধর্ম্মে হস্তক্ষেপ করিতে গবর্ণমেন্টের কোনরূপ ইচ্ছা নাই। তাহাদিগকে কোনরূপ সামুদ্রিক টোটা ব্যবহার করিতে দেওয়া হয় নাই। তাহারা ইচ্ছা করিলে, আপনাদের টোটার তুল বা মোম মিশাইয়া লইতে পারে। কিন্তু সিপাহিরা একরূপ সন্ধিগ্ন হইয়া উঠিয়াছিল যে, তাহারা কিছুতেই সেনাপতিদের দ্বারা বিশ্বাসস্থাপন করিতে পারিল না। তাহারা সন্দেহ করিতে লাগিল যে, টোটার কাগজ অশুদ্ধ ও অপবিত্র পণ্ডুর বসায় প্রস্তুত হইয়াছে। এই কাগজের উপরিভাগ তৈলাক্ত বলিয়া বোধ হইত, সুতরাং তাহাদের সন্দেহ সহজেই বদ্ধমূল হইল। ইহার পর যখন তাহারা দেখিল, এই কাগজ আগুনে দিলে চট্‌চটে শব্দ হয়, এবং চর্কি পোড়ার ন্যায় এক প্রকার গন্ধ অল্পভূত হইতে থাকে, তখন তাহাদের গভীর সন্দেহ গভীরতর হইল এবং জাতিনাশ, ধর্ম্মনষ্টের আশঙ্কা প্রতিদিন ঘোরতর হইয়া উঠিয়া লাগিল।

সেনাপতি হিয়ার্সে, সম্বলিত ও সন্ধিগ্ন সিপাহিদিগকে শাস্ত করিতে উদ্যমী হইল না। সিপাহিদিগের উপর তাহান যথেষ্ট সমবেদনা ছিল। তিনি সিপাহিদিগের মনের ভাব বেশ বুঝিতে পারিয়াছিলেন। হিয়ার্সে

দেখিলেন, সিপাহির গভীর আশঙ্কায় জ্ঞান-শূন্য হইয়াছে। বসাবুজ্জ টোটার জন্য হিন্দু ও মুসলমান, উভয়ের মধ্যেই জাতিনাশ ও ধর্মনাশের ভয় প্রবল হইয়া উঠিয়াছে। এ সময়ে ধীরভাবে সিপাহিদিগের এই ভয় দূর করা একান্ত আবশ্যিক। কঠোর শাস্তি প্রদান অপেক্ষা স্নেহ ও সদয় ব্যবহারে সিপাহিদিগকে শাস্ত করাই উচিত। ইহা ভাবিয়া, হিয়ার্সে কাওয়ার্জের সময় গভীরোন্নত স্বরে হিন্দুস্থানী ভাষায় সিপাহিদিগকে কহিলেন, তাহারা অমূলক আশঙ্কায় অধীর হইয়া উঠিয়াছে। তাহারা যে গবর্ণমেন্টের কার্যে নিযুক্ত রহিয়াছে, যে সেনাপতিগণের অধীনে পরিচালিত হইতেছে, সে গবর্ণমেন্ট, বা সে সেনাপতিগণ ভ্রমে ও তাহাদের চিরন্তন ধর্মসংস্কার বা জাতির উপর হস্তক্ষেপ করিবেন না। তাহারা খ্রিষ্টীয় ধর্মে দীক্ষিত হইবে, এরূপ আশঙ্কা কিছুতেই তাহাদের মনে স্থান দেওয়া উচিত নহে। ইঙ্গরেজেরা ধর্ম প্রচারে কাওজ্ঞান-শূন্য হন না। তাহারা যাহাকে তাহাকে আপনাদের ধর্মে দীক্ষিত করিয়া, অধীরতা বা অবিবেচনার পরিচয় দেন না। যাহারা খ্রিষ্টীয় ধর্ম-গ্রন্থ পড়িতে ও বুঝিতে পারে, তাহারা যদি ইচ্ছাপূর্বক এই ধর্ম অবলম্বন করিতে চাহে, তাহা হইলেই তাহাদিগকে ধর্মে যথারীতি দীক্ষিত করা হয়। কিন্তু দীক্ষার পূর্বে, তাহারা সমস্ত ধর্ম্মানুশাসন ভালরূপে বুঝিতে পারিয়াছে কি না, সে বিষয়ে তাহাদিগকে যথানিয়মে পরীক্ষা করা হইয়া থাকে। ধর্ম্মানুশাসনে সুশিক্ষিত না হইলে ও ধর্ম্ম-পরিগ্রহে আপনার ইচ্ছা না থাকিলে, কেহই এই ধর্মে দীক্ষিত হইতে পারে না। ধীরভাবে বজ্র-গভীর-স্বরে ইহা কহিয়া, সেনাপতি সিপাহিদিগকে জিজ্ঞাসা করিলেন, যে, তাহারা তাহার সমস্ত কথা বুঝিতে পারিয়াছে কি না? তাহারা নীরবে মাথা নাড়িয়া, সম্মতি প্রকাশ করিল। সেনাপতি সন্তুষ্ট হইলেন, ভাবিলেন, তাহাদের হৃদয় শাস্ত হইয়াছে। আশঙ্কায় গভীর আবেগ দূরে অপসারিত হইয়া গিয়াছে।

কিন্তু বক্তৃতার মোহিনী শক্তি, তেজস্বিনী ভাষার অপূর্ব উচ্চাঙ্গ সিপাহিদিগকে দীর্ঘকাল নিরস্ত রাখিতে পারিল না। বারাকপুত্রের ফে উল্লেখিত সৈনিকদল কাওয়ার্জের ভূমিতে সেনাপতি হিয়ার্সের বক্তৃতা শুনিয়াছিল,

তাহাদের হৃদয় আবার সেই গভীর আশঙ্কার তরঙ্গে ছলিতে লাগিল। দিনের পর সপ্তাহ অতীত হইতে লাগিল, তথাপি গবর্ণমেন্ট কোনরূপ উপায় অবলম্বন করিলেন না। বারাকপুরের সিপাহিরা নীরবে সশস্ত্র-নাগের কর্তব্য কার্য সম্পাদন করিতে লাগিল; কিন্তু সন্তোষ ও শাস্তির সম্মোহন দৃশ্য তাহাদের নিকট হইতে বহুদূর অন্তরে গিয়াছিল, সে দৃশ্য আর তাহাদের সম্মুখে আসিল না। প্রীতি ও তৃপ্তির সহিত আর তাহারা আপনাদের ভবিষ্য জীবনের সুখময় চিত্র আঁকিতে পারিল না। যে গভীর আশঙ্কায় তাহাদের হৃদয় আন্দোলিত হইয়াছিল, তাহা আর অপনারিত হইল না। তাহারা কহিতে লাগিল, তাহাদের পতনের সময় সম্মুখবর্তী হইয়াছে, বহুসংখ্য ইউরোপীয় সৈন্য ও বহুসংখ্য ইউরোপীয় কামানরক্ষী তাহাদিগকে বিনষ্ট করিতে অগ্রসর হইতেছে*।

এই বিশ্বাস অতিরঞ্জিত হইতে পারে, কিন্তু ইহা একবারে অমূলক হয় নাই। যখন বারাকপুরের সিপাহিদিগের উত্তেজনার কথা কলিকাতায় পহঁছে, তখন গবর্ণর জেনারেল ভয়ঙ্কর বিপদের আভাস স্পষ্টরূপে বুঝিতে পারিয়াছিলেন। ভারতের আকাশতলে ক্ষুদ্র মেঘখণ্ডের আবির্ভাব হইয়াছিল। এই মেঘের গভীর কালিমা ক্রমেই গভীরতর হইয়া উঠিতেছিল। ভারতের সৈনিকদল যখন গবর্ণমেন্টের বিরুদ্ধাচারী হইয়াছে, তখন গবর্ণমেন্টকে নিরাপদ করিবার জন্য বিশেষ সত্বরতার সহিত কোন উপায় অবলম্বন করার আবশ্যকতা উপস্থিত হইয়াছিল। এই সময়ে বাঙ্গালায় বেশী ইউরোপীয় সৈন্য ছিল না। কলিকাতা ও দানাপুরের মধ্যে কেবল এক দল মাত্র ইউরোপীয় সৈন্য ছিল। বহরমপুরের সিপাহিদিগের হাঙ্গামার এক সপ্তাহ পরে কর্ণেল মিচেল, উত্তেজিত সৈনিকদলকে নিরস্ত করিবার জন্ত বারাকপুরে

* এ বিষয়ে বারাকপুরের এক জন ইউরোপীয় সৈনিক পুরুষ তাহার কোন বন্ধুকে এক খানি পত্র লিখিয়াছিলেন। পত্রে লিখিত ছিল, “৮ই মার্চ আশ্রয় সেনাদলের এক জন নায়ক আসিয়া কহে যে, সিপাহিদিগের মধ্যে প্রচার হইয়াছে, গবর্ণমেন্ট হার্বার্ড পাঁচ হাজার ইউরোপীয় সৈন্য একত্র করিয়াছেন, ইহারা দুইখানি জাহাজে আসিয়াছে। দোক্তার দিন ইহার এইখানে পহঁচিবে। এই সংবাদ শুনিয়া সিপাহিরা সেই রাত্রিতে আর নিদ্রা যায় নাই।”

আনিতে আদেশ পাইয়াছিলেন। ইহার মধ্যে রেঙ্গুন হইতে একদল ইউরোপীয় সৈন্য আনিবার জন্ত একখানি জাহাজ প্রেরিত হইয়াছিল। বারাকপুরের সেনাপতির ইহার কিছুই জানিতেন না। অধিক কি, এ সংবাদ সেনাপতি হিয়ার্সের কাছেও উপস্থিত হয় নাই। সেনাপতি সিপাহিদিগের কথায় কর্ণপাত করিলেন না। তিনি ভাবিলেন, সিপাহিরা কুহকিনী কল্পনায় বিভোর হইয়া, সকল বিষয়ই অতিরঞ্জিত করিয়া তুলিতেছে। কিন্তু শেষে তাঁহার মোহনিদ্রা ভঙ্গ হইল। তিনি বুঝিতে পারিলেন, সিপাহিবা তাঁহাদের অপেক্ষাও অনেক বিষয় জানে। জাহাজ রেঙ্গুন হইতে ইউরোপীয় সৈন্য লইয়া, কলিকাতায় আসিয়া পহঁছিল। কলিকাতার ইউরোপীয় প্রবাসীরা অসময়ে সহায়-সম্পন্ন হওয়াতে প্রফুল্ল হৃদয়ে আমোদ করিতে লাগিল।

এই সময়ে সিপাহিদিগের ন্যায় গবর্ণমেন্টও সাতিশয় শঙ্কাগ্রস্ত হইয়াছিলেন। সিপাহিদিগের বিরাগ, সিপাহিদিগের উত্তেজনা, ইহার উপর সিপাহিদিগের অবাধ্যতা দেখিয়া, গবর্ণমেন্টের আশঙ্কা ক্রমে গভীরতর হইয়া উঠিয়াছিল। এই আশঙ্কার সময় গবর্ণমেন্ট বিশেষ ধীরতার সহিত কার্য করিতে পারেন নাই। প্রধান প্রধান ইউরোপীয় সৈনিক পুরুষদিগের অজ্ঞাতসারে গবর্ণমেন্ট আশ্রয়স্থান চেষ্টা পাইতেছিলেন। কিন্তু সিপাহিরা সকল স্থান হইতেই সংবাদ সংগ্রহ করিত। নগরে নগরে বাহা হইত, কর্তৃপক্ষের কর্ণগোচর হওয়ার পূর্বে, তাহা সিপাহিদিগের বিদিত হইত। রেঙ্গুন হইতে ইউরোপীয় সৈন্যের আগমন-সংবাদ সেনাপতি হিয়ার্সে পূর্বে জানিতে পারেন নাই। এ দিকে প্রতি সৈনিক নিবাসে এ সম্বন্ধে আন্দোলন হইতেছিল। সিপাহিরা গবর্ণমেন্টের অভিসন্ধির উপর সন্দেহ করিয়া, ক্রমেই অধিকতর বিরক্ত, অধিকতর শঙ্কান্বিত ও অধিকতর অবাধ্য হইয়া উঠিতেছিল।

বারাকপুরের সিপাহিরা কিছুকাল নিস্তক্ক হইয়া রহিল; নীরবে আপনাদের জাতি, বংশ-মর্যাদা ও সকলেবু অপেক্ষা শ্রিয় ধর্ম-রক্ষার জন্য প্রস্তুত হইতে লাগিল। ঘটনা ক্রমে সংক্রামক হইয়া পড়িয়াছিল। কলিকাতার সিপাহিরাও বারাকপুরের সিপাহিদিগের ন্যায় ভীত ও অসন্তুষ্ট হইয়া

উঠিল। গবর্নর জেনারেল ১৫ই মার্চ প্রধান সেনাপতিকে লিখিলেন, “৪০ গণিত সিপাহি-দল ২ গণিত সিপাহিদিগের সহিত, ভোজন করিতে সম্মত হয় নাই। অধিকন্তু ৭০ গণিত সিপাহিদলের কেহ কেহ ২ গণিত সিপাহি-দলের লোকদিগকে টোটা কাটিতে নিষেধ করিয়াছে।” লর্ড ক্যানিং সিপাহি-দিগের মনোগত ভার বৃদ্ধিতে পাসিয়াই এইরূপ নির্দেশ করিয়াছিলেন। বস্তুতঃ সিপাহিদিগের উত্তেজনা ক্রমে বাড়িয়া উঠিতেছিল। বারাক-পুরের সিপাহিরা প্রধানতঃ কলিকাতার দুর্গ ও অন্যান্য প্রকাশ্য স্থানের পাহারার কার্যে নিযুক্ত থাকিত। ১০ই মার্চ সন্ধ্যার সময় ২ গণিত সৈনিক দলের কয়েকজন দুর্গে পাহারা দিতেছিল। ঠিক এই সময়ে টাকাশালার পাহারার ভার ৩৪ গণিত সিপাহিদিগের উপর সমর্পিত ছিল। সন্ধ্যার সময় ২ গণিত দলের দুই জন সিপাহি টাকাশালার দ্বারে আসিয়া সুবাদারের সহিত সাক্ষাৎ করিতে চাহিল। সুবাদার আলোর নিকট বসিয়া আপনাদের কার্য-সংক্রান্ত একখানি বহি দেখিতেছিলেন, এই সময়ে সিপাহি দুই জন তাঁহার নিকট উপস্থিত হইল। ইহাদের এক জন কহিল যে, তাহারা কেলা হইতে আসিয়াছে। রাত্রি দুই প্রহরের সময় কলিকাতার সিপাহিরা কেলায় সান্ধীদিশের একত্র হইবে। সুবাদার যদি এই সময়ে আপনার দলের সহিত তাহাদের সহিত মিলিত হন, তাহা হইলে গবর্নমেন্টের ক্ষমতা পর্য্যুদস্ত করা সুসাধ্য হইয়া উঠিবে। সুবাদার এই কথা শুনিয়া তাহাদিগকে বন্দী করিতে আদেশ দিলেন। আদেশ প্রতিপালিত হইল। পরদিন প্রাতঃকালে সুবাদার এই দুই জন সিপাহিকে বন্দীভাবে দুর্গে পাঠাইলেন। বিচারে ইহাদের প্রত্যেকের চৌদ্দ বৎসর করিয়া কারাবাস-দণ্ড হইল।

এই রূপ সমান্য বিষয় হইতে পরিশেষে ভয়ঙ্কর ঘটনার উৎপত্তি হওয়া অসম্ভব নহে, সেনাপতি হিয়ার্সে ইহা স্পষ্ট বৃদ্ধিতে পারিয়াছিলেন। সুতরাং এই সামান্য বিষয়ও হিয়ার্সের নিকট উপেক্ষার যোগ্য বলিয়া বোধ হইল না। হিয়ার্সে আবার উপস্থিত আশঙ্কায় মূল উৎপাতন করিতে যত্নশীল হইলেন। তাঁহার প্রথম বক্তৃতা সিপাহিরা নৈরাশ্রয়গের সহিত শুনিয়াছিল। হিয়ার্সে ইহাতে আশঙ্কিত হইয়া, দ্বিতীয়বার বক্তৃতা করিতে ইচ্ছা করিলেন। মহামতি লর্ড ক্যানিং হিয়ার্সের প্রস্তাবে

অসম্মত হইলেন না। হিয়ার্‌সে, গবর্নর জেনেরলের সহিত পরামর্শ করিয়া, বানাকপুরের সিপাহিদিগকে ১৭ই মার্চ প্রাতঃকালে কাওয়াজের স্থলে উপস্থিত হইতে আদেশ দিলেন।

নির্দিষ্ট সময় উপস্থিত হইল, নির্দিষ্ট সময়ে সিপাহিরা কাওয়াজের প্রশস্ত ক্ষেত্রে সমবেত হইতে লাগিল। হিয়ার্‌সে অধারোহণে সিপাহি-দিগের সম্মুখে আসিয়া, আবার গম্ভীরস্বরে কহিতে লাগিলেন যে, গবর্নমেন্টের শত্রুপক্ষ অকারণে তাহাদিগকে উত্তেজিত করিয়া তুলিতেছে, অকারণে তাহাদিগকে জাতিনাশ ও ধর্ম্মনাশের ভয় দেখাইতেছে। বিশ্বস্ত সিপাহিবা যেন এই শত্রুপক্ষ হইতে সন্দেহ দূবে থাকে। তাহারা কোম্পানীর অধীনে কাজ করিয়া সুখে দিনপাত করিতেছে; শত্রু-পক্ষ যেন এই সুখের কোনরূপ ব্যাঘাত না জন্মায়। ইহার পর হিয়ার্‌সে টোটার কাগজের সহক্ষে কহিলেন যে, ভাল কাগজ মাত্রেরই উপরিভাগ এইরূপ চক্‌চকে দেখা যায়। ভারতবর্ষের রাজারা সর্বদা এইরূপ কাগজ ব্যবহার করিয়া থাকেন। ইহার প্রমাণার্থ হিয়ার্‌সে কাশ্মীরের মহারাজ গোলাপ সিংহের একখানি পত্র বাহির করিলেন। এই পত্র মহারাজ গোলাপ সিংহ সেনাপতি হিয়ার্‌সেকে লিখিয়াছিলেন। হিয়ার্‌সে পত্রখানি এতদদেশীয় কাফিসর-দিগের হাতে দিয়া কহিলেন, এই কাগজ টোটার কাগজ অপেক্ষাও চক্‌চকে দেখা যাইতেছে। সিপাহিরা এই চিঠির কাগজ ভাল করিয়া পরীক্ষা করিতে পারে। অনন্তর হিয়ার্‌সে কহিলেন যে, যদি তাহারা এই কথায় বিশ্বাস না করে, তাহা হইলে সকলে শ্রীরামপুরে বাইয়া কাগজের প্রস্তুতকরণ-প্রণালী দেখিয়া আসিতে পারে। অতঃপর, যে ১৯ গণিত সিপাহিদল ঘোরতর অবাধ্যতা দেখাইয়াছিল, হিয়ার্‌সে তাহাদের সহক্ষে কহিলেন, ১৯ গণিত সিপাহিরা ঘোরতর অপরাধে লিপ্ত হইয়াছে। গবর্নমেন্ট এ জন্য সাতিশয় ক্রুদ্ধ হইয়াছেন। বোধ হয়, গবর্নমেন্ট তাহাদিগকে নিরস্ত্র করিতে আদেশ দিবেন। যদি তিনি এইরূপ আদেশ প্রাপ্ত হন, তাহা হইলে ইউরোপীয় এতদদেশীয় সমস্ত পদার্থিক, অধারোহী ও কামান-রক্ষী সৈন্যদিগকে, এই আদেশ যেক্রমে কার্যে পরিণত হয়, তাহা দেখিবাব জন্ম, একত্র হইতে হইবে। ইহার পর সেনাপতি কহিলেন, “তোমাদের

শত্রুগণ এই কথা বলিয়া বেড়াইতেছে যে, বহুসংখ্য অস্বারোহী ও কামান-
রক্ষী হঠাৎ আসিয়া তোমাদিগকে আক্রমণ করিবে। তোমরা এই অলৌকিক
কথায় বিশ্বাসস্থাপন করিয়া ভীত ও উত্তেজিত হইয়া উঠিয়াছ। কিন্তু
আমার অনুমতি না পাইলে কোন্ ইউরোপীয় সৈন্য বারাকপুরে আসিতে
পারিবে না। আমি যথাসময়ে ইহাদের আগমন-সংবাদ তোমাদিগকে
জানাইব। তোমরা কোনও অপরাধ কর নাহি, তোমাদের বিরুদ্ধে কিছুই
সম্ভ্রমণ হয় নাহি, স্তত্রাং তোমাদের ভয়ের কোন কারণ দেখা যাইতেছে
না। আফিসরেরা, তোমাদের আপত্তি, তোমাদের অভিযোগ, মনো-
যোগের সহিত শুনিবেন। তোমাদের জাতি ও ধর্ম্মাশাসনের কোনরূপ
ব্যাঘাত উপস্থিত হইবে না। কিন্তু যদি তোমরা কোনরূপ অবাধ্যতা
দেখাও, তাহা হইলে তোমাদিগকে গুরুতর শাস্তিভোগ করিতে হইবে।”

হিয়ার্সে গভীর স্বরে এইরূপ বলিয়া নীরব হইলেন। সিপাহিরা
নীরবে গভীবভাবে কাওয়াজের প্রশস্ত ক্ষেত্র হইতে আপনাদের স্থানে চলিয়া
গেল। কিন্তু তাহাদের ভয় দূর হইল না, স্মৃথ ও শাস্তির আশা তাহাদের
হৃদয়ের আবেগ নিরোধ করিতে পারিল না। সেনাপতি হিয়ার্সে এই
দ্বিতীয় বক্তৃতাতেও অকৃতকার্য হইলেন। এ সময়ে সকল দিক দেখিয়া,
বিশেষ বিবেচনা করিয়া, কথা বলা উচিত ছিল। মনের আবেগে হঠাৎ
কোন কথা বলিয়া ফেলিলে যে, উদ্দেশ্য সিদ্ধির ব্যাঘাত হইতে পারে,
বক্তার সে দিকে দৃষ্টি রাখা বিশেষ আবশ্যিক ছিল। হিয়ার্সে গভীর
উদ্বেজনায অধীর হইয়া, পাছে সিপাহিদিগের বিরাগ অধিকতর বর্দ্ধিত
করিয়া দেন, লর্ড কানিঙ্ এইরূপ আশঙ্কা করিয়াছিলেন। কানিঙ্ সাহা
আশঙ্কা করিয়াছিলেন, তাহাই ঘটিল। ১২ গণিত সিপাহিদিগকে বারাকপুরে
আনিয়া নিরস্ত করা হইবে। নিরস্তকরণের সময় সকলেই তথায় উপস্থিত
থাকিবে। সেনাপতি হিয়ার্সে গভীর স্বরে ইহা সম্বন্ধে সিপাহিদিগকে
কহিয়াছিলেন। •যাহাদের সম্মুখে বক্তৃতা হইতেছিল, তাহারা এই কথার
কি রূপ অর্থপরিগ্রহ করিবে, তাহা বক্তা বিশেষ অনুধাবন করিয়া দেখেন
নাই। বিশেষ ১২ গণিত সিপাহিদিগকে যে, নিরস্ত করা হইবে, সে বিষয়
পূর্বে সাধারণকে জানান হয় নাই। গবর্ণর জেনেরল এই সময়ে প্রধানতম

সেনাপতিকে লিখিয়াছিলেন, “১৯ গণিত সিপাহিরা শীঘ্র শীঘ্র আসিতেছে । ৩০এ মার্চ প্রাতঃকালে, বোধ হয়, তাহারা বারাকপুরে আসিয়া পহুঁছিবে । তাহাদিগকে যে, নিরস্ত্র ও সৈনিক দল হইতে নিকাশিত করা হইবে, ইহা তাহারা নিশ্চিত জানে না । আমার বিবেচনায়, ইহা তাহাদিগকে না বলাই ভাল ।” কিন্তু সেনাপতি হিয়ারসে বিশেষ বিবেচনা না করিয়া, ইহা বারাকপুরের সিপাহিদিগকে বলিয়া ফেলিয়াছিলেন, এখন এই অবিবেচনার ফল ফলিল । শাস্তিময়ী বক্তৃতার তেজস্বিনী ভাষা পরিণামে অমৃতের বিনিময়ে হলাহল উদ্ভাৱণ করিল । যখন সিপাহিরা আপানাদের অধিনায়কের মুখে শুনিল, তাহাদের সতীর্থদিগকে নিরস্ত্র করা হইবে, তখন তাহারা আবার ক্লেভে, রোষে ও বিরাগে অধীর হইয়া উঠিল । তাহারা ভাবিল, ক্রমে সকলকেই এইরূপে নিরস্ত্র করা হইবে । সাগর-পার হইতে এক দল ইউরোপীয় সৈন্ত আনা হইয়াছে, ক্রমে আরও সৈন্য আসিবে । ক্রমে সকল সিপাহির হাতেই বলপূর্বক অপবিত্র বসায়ুক্ত টোটা দেওয়া হইবে । বারাকপুরের সিপাহিরা গভীর মর্শ্ববেদনায় উন্নতপ্রায় হইল । সকলেই অস্থির, সকলেই চিরস্তন জাতি-মর্যাদা, চিরস্তন ধর্ম্মাভুশাসন রক্ষার জন্য ব্যস্ত । সকলের মুখেই—“গোরা লোক আয়া”, গোরা সৈন্য আসিতেছে, কেবল এই কথা । সিপাহিরা মুহূর্ত্তে মুহূর্ত্তে আপনাদিগকে জাতিচ্যুত, ধর্ম্মচ্যুত ও প্রনষ্টসর্ব্বশ্ব বলিয়া ভাবিতে লাগিল এবং মুহূর্ত্তে মুহূর্ত্তে ইউরোপীয় সৈন্য কর্তৃক আক্রমণের বিভীষিকা দেখিতে লাগিল । হৃদয়ের যে আগুন এত দিন অলক্ষিত-ভাবে গতি প্রসারিত করিতেছিল, তাহা এখন জলিয়া উঠিল ।

সেনাপতি মিচেল ১৯ গণিত অপরাধী সিপাহি-দল সঙ্গে লইয়া ২০এ মার্চ বহরমপুর হইতে যাত্রা করিয়াছিলেন । এই সৈন্যদল অতঃপর কোন রূপ অবাধ্যতা দেখায় নাই, পথে সেনাপতির আদেশ লঙ্ঘন করিয়া, কোন রূপ গোলযোগের স্বত্রপাত করেন নাই । ইহারা সেনাপতির আদেশের অনুবর্ত্তী হইয়া, ধীরভাৱে বারাকপুরের অভিমুখে আসিতেছিল । মিচেল সৈন্যদলের সহিত ৩০এ মার্চ বারাকপুরে উপনীত হইয়া, গবর্ণমেন্টের আদেশের প্রতীক্ষায় রহিলেন । ইহার মধ্যে তাহার নিকট সংবাদ আসিল, বারাকপুরের সিপাহিরা সাতিশয় উত্তেজিত হইয়া গবর্ণমেন্টের বিরুদ্ধে সমুথিত

হইয়াছে। পূর্বদিন (২৯এ মার্চ) এক জন ইউরোপীয় আফিসর উত্তেজিত সিপাহির অসিবে আঘাতে ক্ষত বিক্ষত হইয়াছেন।

এই সংবাদ মিথ্যা হয় নাই। ২৯ এ মার্চ বৈকালে বারাকপুরের সিপাহিদিগের মধ্যে বড় গোলযোগ উপস্থিত হয়। এই দিন সৈনিক নিবাসে হঠাৎ এই সংবাদ প্রচারিত হয় যে, কতকগুলি ইউরোপীয় সৈন্য জাহাজে করিয়া কলিকাতায় আসিয়াছে। তাহারা এখন জাহাজ হইতে নামিতেছে, শীঘ্রই বারাকপুরে আসিয়া পহঁছাবে। ক্রমে বারাকপুরের সৈনিক নিবাস গোয়া-সৈন্যে পরিপূর্ণ হইয়া যাইবে। সংবাদ কত দূর সত্য, তাহা কেহই বিচার করিয়া দেখে নাই, কিন্তু সংবাদ পাইয়াই সকলে গবর্ণমেন্টের বিরুদ্ধে উত্তেজিত হইয়া উঠে। এই দিন রবিবার। ইউরোপীয় আফিসর ও সেনাপতিরা পবিত্র বিশ্রাম-দিনে বিশ্রাম-সুখ উপভোগ করিতেছিলেন; সিপাহিদিগের মধ্যে কি ঘটতেছে, তাহা কেহই অনুধাবন করিয়া দেখেন নাই। সৈনিক দলের মধ্যে মঙ্গল পাঁড়ে নামে এক জন সিপাহি ছিল। মঙ্গল পাঁড়ে বলিষ্ঠ, তরুণবয়স্ক ও বীরপুরুষোচিত গুণগ্রামে অলঙ্কৃত। তাহার চরিত্র ভাল ছিল, সাত বৎসর ধরিয়া, সে প্রকৃত বীরপুরুষের স্থায় গবর্ণমেন্টের কার্য্য করিতেছিল। সেনাপতিগণ এই তরুণবয়স্ক সিপাহির চরিত্রে কখনও কুটিলতা বা বিখাসঘাতকতার আভাস পান নাই। ধর্ম্মনিষ্ঠ হিন্দুর ন্যায় মঙ্গল পাঁড়ে সর্বদা আপনায় ধর্ম্মানুগত অনুশাসনের অনুবর্তী হইয়া চলিত। উপস্থিত দিনে মঙ্গল পাঁড়ে ভাস্কের নেশায় উত্তেজিত ছিল, এমন সময়ে ইউরোপীয় সৈন্যের আগমন-সংবাদ চারি দিকে প্রচারিত হইল। মঙ্গল পাঁড়ে আর স্থির থাকিতে পারিল না। সে ভাবিল, ভয়ঙ্কর সময় উপস্থিত হইয়াছে। সকলেরই জাতি নষ্ট হইবে, ফিরঙ্গীর হাতে চিরন্তন ধর্ম্ম, চিরাচরিত আচার ব্যবহার সমস্তই দূর হইয়া যাইবে। উত্তেজনার আবেগে তরুণবয়স্ক সিপাহি স্কন্ধবেশে সজ্জিত হইল এবং তলবার ও গুলিভরা শিশু হাতে করিয়া আবাস-গৃহ হইতে বাহিরে আসিল। বাহিরে আসিয়াই মঙ্গল পাঁড়ে স্বশ্রেণীর সকলকে তাহার অনুবর্তী হইতে বলিল, সকলকেই কহিতে লাগিল, কেহই যেন অপবিত্র টোটা স্পর্শ না করে, কেহই যেন উদ্ধা দাঁতে কাটিয়া আপনাদের পরলোকের সুখে জলাঞ্জলি না দেয়। যুদ্ধের সময় যাহারা ভেরী-ধ্বনি

করিয়া সকলকে সমবেত করিয়া থাকে, তাহাদের একজন নিকটে ছিল। মঙ্গল পাঁড়ে তাহাকে ভেবী-ধ্বনি করিয়া সকলকে একত্র করিতে আদেশ দিল। আদেশ প্রতিপালিত হইল না। কিন্তু সিপাহি যুবক বড় উত্তেজিত হইয়াছিল, সে শাস্ত না হইয়া ইঙ্গরেজের সহিত যুদ্ধ করিবার জন্ত উন্মত্ত বীরপুরুষের ছায় সৈনিক সিন্ধুর সম্মুখে ঘুরিয়া বেড়াইতে লাগিল। এই সময়ে এক জন ইউরোপীয় আফিসর সেই স্থানে উপস্থিত ছিলেন, মঙ্গল পাঁড়ে তাহাকে লক্ষ্য করিয়া পিস্তল ছুড়িল। কিন্তু ইহাতে আফিসরের কোন অনিষ্ট হইল না। গুলি তাহার গাত্র ভেদ না করিয়া স্থানান্তরে পতিত হইল।

এই সময়ে ৩৪ গণিত দলের সিপাহিরা নিকটে ছিল, তাহারা মঙ্গল পাঁড়ের সহিত সম্মিলিত হইয়া যুদ্ধ-বোষণা করে নাই, অথচ মঙ্গল পাঁড়েকে নিরস্ত করিতেও প্রয়াস পায় নাই। ইহার মধ্যে এক জন হাবিলদার আডজুটাণ্টের গৃহে বাইয়া সংবাদ দেয়। লেফটেনেন্ট বগ নামক এক জন সৈনিক পুরুষ ৩৪ গণিত সিপাহিদলের আডজুটাণ্টের পদে অধিষ্ঠিত ছিলেন। লেফটেনেন্ট বগ সংবাদ পাওয়ামাত্র যুদ্ধবেশে সজ্জিত হইলেন, তাহার কটিদেশে অসি লক্ষ্যমান হইল, হস্তে গুলিভরা পিস্তল বিরাজ করিতে লাগিল। বগ অঝারোহণে তীরবেগে ঘটনাস্থলে উপনীত হইয়াই গস্তীর স্বরে কহিলেন, “কোথায় সে, কোথায় সে?” নিকটে একটি কামান ছিল। মঙ্গল পাঁড়ে এই কামানের পশ্চাদ্দেশ হইতে অঝারোহী সৈনিক পুরুষকে লক্ষ্য করিয়া গুলি করিল। গুলি আরোহীর কোন অনিষ্ট করিল না, কিন্তু উহার আঘাতে তাহার বাহন ভূতলশায়ী হইল। ঘোটকের সঙ্গে সঙ্গে লেফটেনেন্ট বগও ভূতলে পড়িয়া গেলেন। বগ নিমিষমধ্যে উঠিয়া আক্রমণকারীর দিকে পিস্তল ছুড়িলেন। কিন্তু গুলি লক্ষ্যভ্রষ্ট হইল। বগ তখন অসি নিক্ষেপিত করিলেন; এই সময়ে আর এক জন সৈনিক পুরুষ অসি হস্তে করিয়া অঝার সপ্তাহার্থ সমাগত হইলেন। সিপাহি-যুবকও অসি হইয়া নির্ভীক চিত্তে ইহাদের সম্মুখে আসিল। অসিতে অসিতে যুদ্ধ আরম্ভ হইল। এক দিকে মঙ্গল পাঁড়ে, অপর দিকে যুদ্ধ-কুশল দুই জন ইউরোপীয় সৈনিক পুরুষ; তিন জনের হাতেই শাগিত অসি, তিন জনেই প্রতিদ্বন্দ্বীকে যুদ্ধক্ষেত্রে অনন্ত নিদ্রায় শায়িত করিবার জন্ত

অগ্রসর ; ইহাদের চারি দিকে প্রায় চারি শত সিপাহি দণ্ডায়মান ছিল, কিন্তু কেহই কোন পক্ষ অবলম্বন করে নাই । সকলেই নীরবে গভীরভাবে উপস্থিত ঘটনা চাহিয়া দেখিতেছিল । মঙ্গল পাঁড়ে অসীম সাহসে অসিচালনা করিতে আরম্ভ করিল, অসীম সাহসে প্রতিদ্বন্দীর দেহ অস্ত্রাঘাতে ক্ষতবিক্ষত করিয়া ফেলিল । তেজস্বী সৈনিক পুরুষ-দ্বয় ইহার আক্রমণ নিরস্ত করিতে পারিলেন না । উন্নত সিপাহি-যুবকের অসি-চালনা-কৌশলে লেফটেনেন্ট বগ ও তাঁহার সহকারী উভয়েই জীবন সঙ্কটাপন্ন হইল । ইহার মধ্যে এক জন মুসলমান সৈনিক পুরুষ সাহসে ভর করিয়া, ইহাদের প্রাণ রক্ষার জন্য ঘটনাস্থলে আসিল । এই সৈনিক পুরুষের নাম সেখ পল্টু । মঙ্গল পাঁড়ে লেফটেনেন্ট বগকে লক্ষ্য করিয়া, তলবার উঠাইয়াছিল, এমন সময়ে পল্টু স্বরিত গতিতে আসিয়া দক্ষিণ বাহদ্বারা তাহাকে জড়াইয়া ধরিল । পল্টু নিরস্ত ছিল, তাহার বাম বাহু সিপাহি-যুবকের উস্তোপিত অসির আঘাতে ক্ষতবিক্ষত হইয়া গিয়াছিল, তথাপি পল্টু মঙ্গল পাঁড়েকে ছাড়িয়া দিল না । লেফটেনেন্ট বগ ও তাঁহার সহকারী প্রাণ রক্ষা হইল । সেখ পল্টু এইরূপ সাহসের সহিত অগ্রসর না হইলে সিপাহি যুবকের অস্ত্রাঘাতে উভয়েই অনন্ত নিদ্রায় অভিভূত হইতেন ।

লেফটেনেন্ট বগ ও তাঁহার সহকারী, প্রতিদ্বন্দীর অসির আঘাতে অভিভূত হইয়া পড়িয়াছিলেন । তাঁহাদের দেহের আহত স্থান হইতে অনর্গল শোণিত-ধারা বহিতেছিল ; ইহারা উভয়েই শোণিত-লিপ্ত দেহে কাঁপিতে কাঁপিতে অগ্ন্যাদের আবাস-গৃহে গমন করিলেন । বাইবার সময় সেনাপতি বগ, সমবেত সিপাহিদিগকে কহিলেন, “ভীক নরাধম পাষণ্ড ! তোমরা সম্মুখে এক জন, আফিসরকে অস্ত্রাঘাতে ক্ষতবিক্ষত হইতে দেখিলে, কেহই তাহার সাহায্যের জন্য অগ্রসর হইলে না।” সিপাহিরা কেহই কোন উত্তর দিল না । লেফটেনেন্ট বগ আপনার সৈনিক দলের মধ্যে তাদৃশ প্রতিপত্তিশালী ছিলেন না । নিজের গুণ-গৌরবে তিনি কোনও সিপাহির প্রিয়পাত্র হইতে পারেন নাই । সুতরাং সিপাহিরা তাঁহার প্রতি দৃকপাত করিল না, তাঁহার কথারও কোন উত্তর দিল না । তাহারা নীরবে, ধীরে, পূর্বের ন্যায় গভীরভাবে ঘটনাস্থলের সম্মুখভাগে পদচারণা করিতে লাগিল ।

লেনফ্টেনেন্ট্‌ বগ চলিয়া গেলে, সিপাহিরা মঙ্গল পাঁড়েকে ছাড়িয়া দিবার জন্য পল্টু উপর পীড়াপীড়ি আরম্ভ করিল। পল্টু আর কোন কথা না বলিয়া ছাড়িয়া দিল। সিপাহিরা ইহার পূর্বেই মঙ্গল পাঁড়েকে ছাড়িয়া দিতে কহিয়াছিল। কেহ কেহ তীব্রভাবে পল্টুকে এই বলিয়া ভয় দেখাইয়াছিল যে, যদি মঙ্গল পাঁড়েকে ছাড়িয়া দেওয়া না হয়, তাহা হইলে তাহাকে গুলি করা হইবে। কিন্তু পল্টু ইহাতেও ভীত হয় নাই; যে পর্যন্ত আহত সৈনিক পুরুষদ্বয় নিরাপদ স্থানে না গিয়াছেন, সে পর্যন্ত পল্টু পাঁড়েকে ছাড়িয়া দেয় নাই। পল্টুর বিশ্বস্ততা ও সাহসের বলেই ইহাদের প্রাণ রক্ষা হইয়াছে। একপাশে কথিত আছে, ইউরোপীয় সৈনিক পুরুষদ্বয় আহত হইয়া, ভূতলশায়ী হইলে, কোন কোন সিপাহি আপনাদের বন্দুকের বাঁট দ্বারা তাহাদিগকে আঘাত করিতেও ক্রটা করে নাই। এই সময়ে এক জন স্বেচ্ছাসেবী ও কুড়ি জন সিপাহি পাহারার কার্যে নিয়োজিত ছিল। ইহারা কেহই মঙ্গল পাঁড়েকে ধরিতে চেষ্টা করে নাই। সিপাহিরা যে, জাতিনাশ ও ধর্মনাশের আশঙ্কায় সাতিশয় অধীর হইয়া উঠিয়াছিল, বিরাগের আবেগে যে, ইউরোপীয়দিগকে শত্রুভাবে চাহিয়া দেখিতেছিল, কর্তব্য কার্যে এই উদাসীনতাই তাহার জলন্ত প্রমাণ। কর্তব্য কার্যে অবহেলা করিতে, বীর-ধর্ম জলাঞ্জলি দেওয়াতে, সিপাহিরা ইতিহাসের নিকট দোষী বলিয়া পরিগণিত হইতে পারে। কিন্তু সেনাপতির যদি সময়ের গতি বুঝিয়া কার্য করিতেন, যদি সিপাহিদিগকে শাস্ত্র-ভাবে শাস্তিময় পথে আনিতে প্রয়াস পাইতেন, আর গবর্নমেন্ট যদি ভবিষ্যতের দিকে দৃষ্টি রাখিয়া রাজনীতির পরিচালনা করিতেন, তাহা হইলে সমসাময়িক ইতিহাসের পত্র এ শোণিতময়ী ঘটনার বর্ণনায় পরিপূরিত হইত না। অদূরদর্শী, অনভিজ্ঞ ও অববেকী সৈনিক পুরুষেরা কোর্টহল প্রযুক্ত অপরের কুপরামর্শে পরিচালিত হইলেও তাহাদের দোষ মার্জনীয় হইতে পারে, কিন্তু যে স্বেচ্ছাসেবী গবর্নমেন্টের অধীনে তাহারা কার্য করে, যে অভিজ্ঞ সেনাপতির অধীনে তাহারা পরিচালিত হয়, সে গবর্নমেন্ট বা সে সেনাপতির দূরদর্শিতার অবমাননা অপরাধ কখনও মার্জনার যোগ্য হইতে পারে না।

উপস্থিত গোলযোগের সংবাদ ক্রমে সেনাপতি হিয়ার্সের নিকট পৌঁছছিল। সেনাপতির দুইটি পুত্র সিপাহি-সৈন্য-দলে আফিসরের কার্য্য করিতেন। পুত্রদ্বয় পিতার নিকটে ছিলেন, এমন সময়ে এক জন সৈনিক পুরুষ তাঁহাদিগকে সাজ্বাতিক সংবাদ জানাইল। সংবাদ পাওয়াযাত্র সেনাপতি যুদ্ধবেশে সজ্জিত হইয়া, অর্থে আরোহণ করিলেন। পুত্রদ্বয়ও সামরিক পরিচ্ছদ ধারণ করিয়া, অর্থারোহণে পিতার অনুগামী হইলেন। সকলে কাওয়াজের ক্ষেত্রে আসিয়া গুলিলেন, সিপাহি-যুবক পূর্বের জ্ঞায় উন্নতভাবে ঘুরিয়া বেড়াইতেছে, পূর্বের ন্যায় উন্নতভাবে আপনাদের পবিত্র ধর্ম্ম, আপনাদের চিরন্তন জাতি-মর্যাদা ও আপনাদের কুলক্রমাগত আচার ব্যবহার রক্ষার জন্ত সকলকে তাহার অনুগামী হইতে কহিতেছে। চারি দিকে অনেক সিপাহি, কেহ সামরিক বেশে, কেহ বা অনাবৃত গাত্রে দাঁড়াইয়া রহিয়াছে। কেহই উত্তেজিত যুবকের কথার কোন উত্তর দিতেছে না, কিংবা উত্তেজিত যুবককে ধরিবার কোন চেষ্টা করিতেছে না। তাহার্য্য যে, গবর্ণমেন্টের কার্য্যে নিযুক্ত রহিয়াছে, গবর্ণমেন্টকে সর্ব্বদা নিরাপ রাখিবার জন্ত যে, পবিত্র ব্রতে দীক্ষিত হইয়াছে, এখন সে বিষয় তাহাদের মনে হইতেছে না, সনাতন ধর্ম্মের অবমাননার আশঙ্কায় এখন তাহার্য্য গবর্ণমেন্টকে শত্রুভাবে চাহিয়া দেখিতেছে। গবর্ণমেন্টের রাজনীতির দোষে এখন তাহাদের সে পবিত্র প্রতিজ্ঞা, সে পবিত্র ব্রত, সে পবিত্র বীরোচিত গুণের বিবয়, সমস্তই স্মৃতিপথ হইতে অন্তর্হিত হইয়াছে।

সিপাহিরা বিবুদ্ধ ও উত্তেজিত হইলেও, সে সময়ে মঙ্গল পাঁড়ের জ্ঞায় প্রকাশভাবে যুদ্ধ-ঘোষণা করে নাই, কিংবা মঙ্গল পাঁড়ের সহিত সম্মিলিত হইয়া, ইউরোপীয় সৈনিক পুরুষদিগের শোণিতে আপনাদের বিদ্বেষ-বুদ্ধির পল্লিতর্পণ করিতে, উদ্যত হয় নাই। মঙ্গল পাঁড়ে তাহাদিগকে ভীক ও কাপুরুষ বলিয়া ভৎসনা করিতেছিল, আপনাদের ধর্ম্মহস্তা ফিরঙ্গীদিগের বিরুদ্ধে অস্ত্র ধারণ না করাতে, তাহাদিগকে পরলোকে অনুত্ত শাস্তির তরু দেখাইতেছিল, কিন্তু সিপাহিরা, তখন কি করিতে হইবে, কিছুই ঠিক করিতে পারে নাই। গভীর বিরাগে তাহাদের অন্তঃকরণ বিচলিত হইয়াছিল, পতীর সর্ব্ববেদনার তাহাদের স্বপ্ন-প্রার্থি হিরাগ্রায় হইতেছিল, কিন্তু

সে সময়ে এই বিরাগ ও এই মর্মান্ববেদনা কোন ভয়ঙ্কর কাণ্ড উপস্থিত করে নাই। সিপাহিরা পূর্বে যেমন নীরবে ও গম্ভীরভাবে ছিল, এখনও সেই-রূপ নীরবে ও গম্ভীরভাবে রহিল। এই নিস্তরুতা, শান্তির নিস্তরুতা নহে, এ ঔদাসীন্ধ্য-গবর্ণমেন্টের বিরুদ্ধ কার্যে ঔদাসীন্ধ্য নহে। ইহা অবশ্য-স্ত্রাবী প্রলয়-কাণ্ডের পূর্বসূচনা। ভীষণ ঝটিকার পূর্বে প্রকৃতির যেরূপ নিস্তরুতা দেখা যায়, এ নিস্তরুতাও সেইরূপ।

সেনাপতি হিয়ারসে ঘটনাস্থলে উপনীত হইলেন। উপস্থিত বিপদ নিবারণের জন্ত তাঁহার দুইটি পুত্রও সাহস-সহকারে পিতার সঙ্গে সঙ্গে আসিলেন। সকলেই যুদ্ধবেশে সজ্জিত ছিলেন, সকলের হাতেই গুলিভরা পিস্তল শোভা পাইতেছিল। উদ্বেজিত সিপাহি-যুবককে এখনও কেহ অব-রোধ করে নাই কেন, সেনাপতি আফিসরদিগকে ইহা জিজ্ঞাসা করিলেন। আফিসরেরা কহিলেন, “জমাদার তাঁহাদের আদেশ পালন করে নাই।” সেনা-পতি সক্রোধে তীব্র স্বরে আপনাদের পিস্তল উঠাইয়া কহিলেন, “কি ? আদেশ-পালন করে নাই ? আমি কহিতেছি, যে আমার সহিত অগ্রসর না হইবে, এই পিস্তলের গুলিতে তাহার প্রাণ যাইবে।” “এক জন আফিসর সেনা-পতি হিয়ারসেকে কহিলেন, “আপনি সাবধান হইবেন। উন্নত সিপাহির হাতে গুলিভরা বন্দুক রহিয়াছে।” সেনাপতি ভয়-শূন্য, নির্ভীকচিত্তে বজ্র-গম্ভীরস্বরে কহিলেন, “দূর হউক তাহার বন্দুক।” আফিসর নীরব হইলেন। সেনাপতি মঙ্গল পাঁড়ের অভিযুখে অশ্ব ধাবিত করিলেন। তাঁহার দুইটি পুত্র ও মেজর রস্ নামক এক জন সৈনিক পুরুষ সঙ্গে সঙ্গে চলিলেন।

সেনাপতি হিয়ারসে যেরূপ নির্ভীকতা ও সেরূপ তেজস্বিতার পরিচয় দিয়াছিলেন, তাহাতে জমাদার ও অন্ডায়া সিপাহিরা হঠাৎ স্তম্ভিত হইয়া-ছিল। সেনাপতির সম্মুখে জমাদার আর কোন রূপ অব্যাহতার পরিচয় দিল না, কেবল সিপাহি পাহারায় নিযুক্ত ছিল, তাহারাও কোন রূপ বিরুদ্ধ ভাব দেখাইল না, সকলেই নীরবে ও উদ্ভিগচিত্তে সেনাপতির অমুগ্ধমন করিল। মঙ্গল পাঁড়ে বন্দুক হাতে করিয়া অধীরতার সহিত পদচারণা করিতেছিল; এমন সময়ে সকলে তাহার নিকট উপনীত

হইলেন। মঙ্গল পাঁড়েকে বন্দুক উঠাইতে দেখিয়া, হিয়ারসের অদ্যতর তনয় জন হিয়ারসে কহিলেন, “বাবা! উন্নত সিপাহি আপনাকে লক্ষ্য করিতেছে।” সেনাপতি পুত্রের দিকে চাহিয়া, নির্ভয়ে বলিলেন, “জন! আমার যদি মৃত্যু হয়, তুমি যাইয়া বিদ্রোহীর প্রাণবধ করিওন” কিন্তু মঙ্গল পাঁড়ে তাঁহাকে লক্ষ্য করিল না। সে দেখিল, তাহার সতীর্থেরা তাহার সহিত সন্নিহিত হইল না, কেহই আপনাদের ধর্ম রক্ষার জন্য ফিরঙ্গীদের বিরুদ্ধে যুদ্ধ ঘোষণা করিল না, তখন সে বিরাগে হতাখাসে আপনাদের বন্দুক আপনাদের দিকে ধরিল। পা দিয়া ষোড়া ফেলিয়া দিল। গুলি সবেগে তাহার শরীরে প্রবেশ করিল। মঙ্গল পাঁড়ে আহত ও হতজ্ঞান হইয়া, ভূতলশায়ী হইল।

সেনাপতি দেখিলেন, মঙ্গল পাঁড়ে তাহার প্রাণবধ না করিয়া, আপনাদের প্রাণ বিনাশের চেষ্টা করিল। তখন তিনি কালবিলম্ব না করিয়া, চিকিৎসক ডাকিয়া পাঠাইলেন। ক্ষতস্থান পরীক্ষার পর আহত সিপাহিকে চিকিৎসালয়ে পাঠান হইল। অনন্তর হিয়ারসে সিপাহিদিগের মধ্যদিয়া ধীরে ধীরে অঞ্চালনা করিতে করিতে তাহাদিগকে পূর্বের ন্যায় কহিতে লাগিলেন যে, তাহারা অকারণে ভীত হইয়া উঠিয়াছে। গবর্নমেন্ট তাহাদের ধর্মের উপর কখনও হস্তক্ষেপ করিবেন না। এক ব্যক্তি যখন প্রকাশ্যভাবে গবর্নমেন্টের বিরুদ্ধ পক্ষ অবলম্বন করিয়াছে, ইউরোপীয় অফিসরদিগকে হত্যা করিবার উদ্যত হইয়াছে, তখন তাহাকে অবরোধ করা হয় নাই। সিপাহিদিগের কর্তব্য কার্যে এইরূপ ঔদাসীন্য দেখিয়া, তিনি যার-পন্ন নাই দুঃখিত হইয়াছেন। সেনাপতির এই কথাই সিপাহিরা কহিল, “সে পাগল হইয়াছিল, ভাস্কের নেশায় উত্তেজিত ছিল।” সেনাপতি বলিলেন, “যদি তাহাই হয়, তাহা হইলে পাগল হাতী বা পাগল কুকুর তোমাদিগকে আক্রমণ করিলে তোমরা যেমন উহাকে গুলি কর, সেইরূপ তাহাকে গুলি করিলে না কেন?” কেহ কেহ উত্তর করিল, তাহার হাতে গুলিভরা বন্দুক ছিল। সেনাপতির মুখ গম্ভীর হইল। সুগম ও বিরাগে সেনাপতি সিপাহিদিগকে কহিলেন, “কি? তোমরা গুলিভরা বন্দুক দেখিয়া ভয় পাত ?” সিপাহিরা নীরবে রহিল। সেনাপতি পূর্বের ন্যায় স্থাণ্ড বিরাগের

সহিত সে স্থান ত্যাগ করিলেন। এতক্ষণে তাঁহার স্পষ্ট বোধ হইল, সিপাহিরা গবর্ণমেন্টের উপর বিরক্ত হইয়া, পবিত্র বীর-ধর্ম হইতে বিচ্যুত হইয়াছে। এখন আর তাহারা সে প্রতিজ্ঞাবদ্ধ, সে বিশ্বস্ত, সে সাহস-সম্পন্ন সৈনিক পুরুষ নয়। X

সেনাপতি সন্ধ্যার সময় আপনার আবাস-গৃহে ফিরিয়া আসিলেন। চিন্তার পর চিন্তার প্রবাহ আসিয়া, তাঁহাকে আন্দোলিত করিতে লাগিল। কিন্তু চিন্তার আবেগে তিনি আপনার কর্তব্য কার্যে জ্ঞানশূন্য হইলেন না। ১৯গণিত সিপাহিদিগের নিরস্ত-করণ-দণ্ডের বিষয় সকল সৈন্যের মধ্যে বিজ্ঞাপিত হইয়াছিল। হিয়ার্সে এই দণ্ডদেশ কার্যে পরিণত করিতে অহুমতি পাইয়াছিলেন। ৩১এ মার্চ মঙ্গলবার প্রাতঃকালে সমস্ত ইউরোপীয় ও এতদেশীয় সৈন্যের সম্মুখে বহরমপুরের এই সৈনিকদল আপনাদের চির-পবিত্র ব্রত হইতে স্থলিত হইবে, বীরবেশ, বীরচিহ্ন পরিত্যাগ করিয়া জগতের সমক্ষে আপনাদের ক্ষুদ্রতা ও নীচতার পরিচয় দিবে, হয় ত এই সময়ে দণ্ডদেশ-প্রাপ্ত সৈনিক দল আপনাদের অস্ত্র পরিত্যাগে অসম্মত হইতে পারে, হয় ত এই সময়ে প্রেসিডেন্সি বিভাগের সিপাহিরা তাহাদের সহিত মিলিত হইয়া, ইউরোপীয়দিগকে বাধা দিতে পারে। বারাকপুরের ইউরোপীয়েরা এইরূপ চিন্তার তরঙ্গে দোলানিত হইতেছিলেন। তাঁহাদের মধ্যে কাহারও কাহারও বিশ্বাস জন্মিল, নিরস্তকরণের পূর্বদিন (সোমবার) সমুদয় সিপাহি গবর্ণমেন্টের বিরুদ্ধে সমুখিত হইবে। উত্তেজিত সিপাহিরা সমস্ত ইউরোপীয় আফিসর ও তাঁহাদের পরিবারবর্গকে বধ করিবে। বারাকপুরের সৈনিক নিবাস ইউরোপীয়ের শোণিতে রঞ্জিত হইয়াছিল। ইউরোপীয় আফিসর, মঙ্গল পাঁড়ের অসির আঘাতে ক্ষত বিক্ষত হইয়াছিলেন। স্মৃতরাং অনেকের গুণ প্রবল হইল। অনেক ইন্দ-রেজ-মহিলা এই সঙ্কটাপন্ন সময়ে কিছু দিনের জন্য বারাকপুরে ছাড়িয়া, কলিকাতায় বাইরা, আশ্রয় গ্রহণ করিলেন।

৩০এ মার্চ ১৯গণিত সৈনিক দল যখন বারাকপুরে অদৃষ্টি করিতেছিল, কথিত আছে, তখন বারাকপুরের সিপাহিদিগের কতিপয় গুপ্তচর তাহাদের নিকট উপস্থিত হয়। চরেরা এই সকল প্রাচীন বন্ধুকে আগ্রহসহ-

কারে তাহাদের সহকারী হইতে অস্বীকার করে। তাহারা কহে যে, যদি তাহাদের এই প্রাচীন বন্ধুগণ আপনাদের ধর্মের জন্য আত্মপ্রাণ উৎসর্গ করে, আপনাদের আফিসরদিগকে বধ করিয়া তাহাদের সহিত মিলিত হয়, তাহা হইলে বারাকপুরের ও কলিকাতার ইউরোপীয় সৈন্যদিগকে পরাজয় করা সুসাধ্য হইয়া উঠিবে। কিন্তু বহরমপুরের সিপাহিরা এই প্রস্তাবে সন্মত হয় নাই। তাহারা বারাকপুরের সৈন্য-দলের এই লোকদিগকে কহিয়াছিল যে, পূর্বকৃত কার্যের জন্য তাহাদের বড় অসুখ উপস্থিত হইয়াছে। তাহারা আপনাদের রাজভক্তি দেখাইবার জন্য পৃথিবীর যে কোন স্থানে যুদ্ধ করিতে যাইতে প্রস্তুত আছে। তাহাদের হৃদয় অন্নদাতা প্রতিপালকের অনিষ্ট চিন্তায় কালিময় হয় নাই, তাহারা কখনও ইচ্ছা করিয়া, গবর্নমেন্টের বিরুদ্ধ পক্ষ অবলম্বন করে নাই। তাহারা যাহাদের লুণ খাইয়াছে, যাহাদের প্রদত্ত সামরিক পরিচ্ছদ ধারণ করিয়াছে, যাহাদের শিক্ষা-বলে বীরেন্দ্র-সমাজের বরণীয় হইয়াছে, যাহাদের অন্তঃশস্ত্রের মহিমায় সময়ে বিজয়-লক্ষ্মীর সর্ধর্কনা করিতে পারিয়াছে, এখন তাহাদের বিরুদ্ধে সমুখিত হইবে নী। বারাকপুরের চর নীরবে তাহাদের কথা শুনিয়া, নীরবে—নিরাপদে তাহাদের নিকট হইতে আপনাদের দলে আসিল। ১৯গণিত সিপাহিদলের সহিত বারাকপুরের সিপাহিদের বন্ধুতা ছিল। এই বন্ধুতার অস্বীকারে বহরমপুরের সিপাহিরা বারাকপুরের সিপাহিদিগের গুপ্ত অভিসন্ধি প্রকাশ করিল না। তাহারা ধীরভাবে আপনাদের দণ্ড গ্রহণের, জন্য প্রস্তুত হইয়া রহিল। গবর্নমেন্ট অধীরতা-সহকারে এই বিশ্বস্ত সৈনিক দলকে নিরস্ত করিয়া আপনাদের অবশ্যস্তাবী বিপদের পথ প্রশস্ত করিয়া দিলেন।

৩০এ মার্চ অতীত হইল। মধুর বসন্ত কালের উষা বাসন্ত আমোদে উৎফুল্ল হইয়া, অপরাধী সৈনিক দলের কাছে আসিল। কিন্তু প্রফুল্ল প্রকৃতির এই কমনীয় শোভায় সিপাহিরা সুখানুভব করিল না, প্রভাতের কোমল আলোকে তাহাদের হৃদয়ের গাঢ় অন্ধকার অপসারিত হইল না। তাহারা শান্ত ভাবে সেনাপতির আদেশে এই শেষ বার সামরিক বেশে বারাকপুরের অভিমুখে অগ্রসর হইতে লাগিল। তাহাদের হৃদয় গভীর

হুঃপের আবেগে অধীর হইয়াছিল, কিন্তু তাহারা বাহিরে কোন রূপ অধীরতার পরিচয় দিল না । চিরাচরিত প্রথার ব্যতিক্রমের জন্য অশ্রুতপ্ত হৃদয়ে, গুরুতর দণ্ডের জন্য ভীত চিত্তে, এই সৈনিক দল তাহাদের নির্দিষ্ট স্থানে যাইতে লাগিল । বারাকপুরের এক মাইল দূরে সেনাপতি হিয়ার্সে তাহাদের অপেক্ষা করিতেছিলেন । তাহারা আসিলে, হিয়ার্সে তাহাদের পুরোবৃত্তী হইয়া কাওয়াজের ক্ষেত্রের দিকে আসিতে লাগিলেন । এই স্থানে প্রেসিডেন্সি বিভাগের সমস্ত ইউরোপীয় ও এতদেশীয় সৈন্য দণ্ডায়মান ছিল । দণ্ডাজ্ঞা-প্রাপ্ত সৈনিক দল এই প্রশস্ত ভূমিতে আসিয়া নির্দিষ্ট স্থানে দাঁড়াইল । তাহাদের সম্মুখভাগে কামানসকল স্থাপিত ছিল, কামানের পাশ্বে ইউরোপীয় সৈন্য সকল যুদ্ধবেশে সজ্জিত থাকিয়া, ভয়ঙ্কর সময়ের ভয়ঙ্করত্ব প্রতিপন্ন করিতেছিল । নিরস্ত্রকরণের সময়ে যদি কেহ অবাধ্যতা দেখায়, তাহা হইলে তাহাকে সমুচিত শাস্তি দিবার জন্য এই কামানসকল সাজাইয়া রাখা হইয়াছিল । কিন্তু সিপাহিরা অবাধ্যতা দেখাইল না, তাহাদের বীরোচিত সম্মানের এই অধোগতির সময়েও তাহারা সেনাপতির আদেশ হইতে অণুমানও বিচলিত হইল না । তাহারা নীরবে সেনাপতির বক্তৃতা ও গবর্ণমেন্টের আদেশ শুনিল, নীরবে আপনাদের দেহ হইতে সামরিক চিহ্নসকল উন্মোচিত করিতে লাগিল, এবং নীরবে সমুদয় অস্ত্রশস্ত্র সম্মুখভাগে রাখিয়া, আপনাদের চিরপবিত্র সৈনিক ধর্মে জলাঞ্জলি দিল । অদূরে ৩৪গণিত সিপাহি-দল দণ্ডায়মান ছিল । তাহারাও নীরবে আপনাদের প্রাচীন বন্ধুদের এই অধোগতি চাহিয়া দেখিল । দুই দিন পূর্বে এই সৈনিক দল সেনাপতিদের নিকট অবিখস্ত বলিয়া প্রতিপন্ন হইয়াছিল, দুই দিন পূর্বে এই দলের মঙ্গল পাঁড়ে নিষ্কোশিত অসি লইয়া ভয়ঙ্কর কার্যসাধনের জন্য প্রস্তুত হইয়াছিল । উপস্থিত সময়ে এই সকল সিপাহি পাছে কোনরূপ অনর্থ ঘটায়, এই আশঙ্কায় কেহ কেহ সেনাপতির হিয়ার্সেকে বখোচিত উপায় অবলম্বনের পরামর্শ দিয়াছিলেন, কিন্তু কোনরূপ গোপলযোগ উপস্থিত হইল না । সমুদয় শাস্তভাষ্য সমাহিত হইয়া গেল । দুঃখিত সিপাহিরা অস্ত্র শস্ত্র পরিত্যাগ করিয়া পূর্বের ন্যায় নীরবে বিষণ্ণভাবে দণ্ডায়মান ছিল । সেনাপতি তাহা-

দিগকে সদয়ভাবে, স্নেহসহকারে কহিলেন যে, গবর্ণমেন্টের আদেশে তাহারা সৈনিক-শ্রেণী হইতে নিষ্কাশিত হইল বটে, কিন্তু তাহাদিগকে যে সকল পরিচ্ছদ দেওয়া হইয়াছে, তৎসমুদয় তাহাদের গাত্র হইতে তুলিয়া লওয়া হইবে না । তাহারা আপনাদের সেনাপতির আদেশের অনুবর্তী হইয়া ধীরভাবে বহরমপুর হইতে বারাকপুরে আসিয়াছে । এই ধীরতা ও বাধ্যতার পুরস্কার স্বরূপ গবর্ণমেন্ট নিজস্বায়ে তাহাদিগকে তাহাদের আপন আপন বাড়ী পাঠাইয়া দিতে প্রস্তুত আছেন । সেনাপতির এই শেষ বাক্য নিরস্ত সিপাহিদিগের মর্মে প্রবেশ করিল । সকলেই এই দয়া ও শিষ্টতার জন্য সেনাপতিকে ধন্যবাদ দিতে লাগিল, সকলেই ঈশ্বরের নিকট তাহার দীর্ঘ-জীবন প্রার্থনা করিতে লাগিল । সেনাপতি অবনত মস্তকে তাহাদের আশীর্বাদ গ্রহণ করিলেন । অপরের প্ররোচনায় গবর্ণমেন্টের বিরুদ্ধাচরণ করাতে যে, তাহাদের দণ্ড হইয়াছে, ইহা তাহারা মুক্তকণ্ঠে স্বীকার করিতে লাগিল । সকলেই আপনাদের অদৃষ্টের দোষ দিতে লাগিল, এবং সকলেই সমুদয় অনিষ্টের মূল ৩৪গণিত সৈনিক দলকে শাস্তি দিতে বন্ধপরিকর হইল । ইহাদের মধ্যে এক জন অগ্রসর হইয়া সেনাপতিকে কহিল, “আমাদিগকে অন্ততঃ দুশ মিনিটের জন্য পুনরায় অস্ত্র ধারণ করিতে আদেশ প্রদান করুন, আমরা ৩৪গণিত সিপাহি-দলের সহিত উপস্থিত বিষয়ের সমুচিত মীমাংসা করিয়া লই ।”

১৯গণিত সিপাহি-দল নিরস্ত হইলে, সেনাপতি হিয়ার্সে অপরাপর সিপাহি-দিগকে কহিলেন যে, এই সৈনিক-দলের মধ্যে চারি শত ব্রাহ্মণ ও দেড়শত রাজপুত্র, সকলেই আপনাদের বাড়ী যাইতে অনুমতি পাইল । ইহারা সকলেই ইচ্ছানুসারে আপনাদের পবিত্র তীর্থস্থানে যাইতে পারিবে, ইহাদের পূর্বপুরুষেরা যে সকল দেবতার উপাসনা করিয়াছেন, ইহারাও সেই সকল দেবতার উপাসনায় নিরস্ত থাকিতে সমর্থ হইবে । গবর্ণমেন্ট ইহাদের চিরন্তন ধর্মের, চিরাচরিত আচার ব্যবহারের উপর হস্তক্ষেপ করিবেন না । গবর্ণমেন্ট সকলের ধর্ম নষ্ট করিতে উদ্যত হইয়াছেন বলিয়া, যে জনরব প্রচারিত হইয়াছে, ইহাতে সপ্রমাণ হইতেছে যে, তাহা সম্পূর্ণ মিথ্যা । সমস্ত সিপাহিরা নীরবে ধীরভাবে সেনাপতির কথা শুনিল । যখন তাহাদিগকে

আবাস-গৃহে বাইতে অহুমতি দেওয়া হইল, তখন তাহারা নীরবে ধীরভাবে স্ব স্ব স্থানে বাইতে লাগিল। বেলা প্রায় ৯টার সময় সমুদয় কার্য সম্পন্ন হইল। ইউরোপীয় রক্ষীর অধীন হইয়া, নিরস্ত্র সৈনিক-দল বারাকপুরে হইতে যাত্রা করিল। বাইবার সময় তাহারা আবার প্রাচীন সেনাপতিকে আশীর্বাদ করিয়া গেল। সেনাপতি হিয়ারসে দুঃখিত হৃদয়ে আবাস-গৃহে ফিরিয়া আসিলেন। ৩১এ মার্চ প্রাতঃকালে তাঁহাকে যে কার্য সম্পন্ন করিতে হইল, আপনায় জীবনে তিনি আর কখনও তাহা অপেক্ষা অধিকতর শোচনীয় কার্যে ব্যাপ্ত হন নাই। এই দিনে তাঁহাকে একটি অহুরক্ত প্রাচীন সৈনিক-দলকে নিরস্ত্র ও সৈন্য-শ্রেণী হইতে নিষ্কাশিত করিতে হইল। কিন্তু এই শোচনীয় ঘটনা যে, নির্বিঘ্নে নির্বিবাদে সম্পন্ন হইল, তজ্জন্য সেনাপতি সর্বাঙ্গতঃ করণে ঈশ্বরকে ধন্যবাদ দিলেন।

গবর্ণমেন্ট অবশ্য গুরুতর বিপদ নিবারণের জন্য এই সৈন্যদলকে নিরস্ত্র করিয়াছিলেন, কিন্তু ইহাতে যে, গুরুতর বিপদ নিবারিত হয় নাই, পরবর্তী ঘটনা তাহার সাক্ষ্য দিবে। এই সকল সিপাহি অপরের প্ররোচনায় অংশতঃ সেনাপতির ক্রটিতে ক্ষণস্থায়ী বিরাগে উত্তেজিত হইয়াছিল মাত্র। এই উত্তেজনার গতি শেষে মল্লভূত হইয়া গিয়াছিল। শান্তভাবে শাস্তিময় কথায় উপদেশ দিলে, ইহারা বিপদের সময় গবর্ণমেন্টের অস্থিতীয় বন্ধ বলিয়া পরিগণিত হইত। লেফটেনেন্ট কর্ণেল মার্কেগের নামক এক জন সৈনিক পুরুষ ইহাদের সহিত কয়েক মাস বহরমপুরে ছিলেন। এই সৈনিক পুরুষ স্পষ্টাক্ষরে নির্দেশ করিয়াছেন যে, তিনি ইহাদের অপেক্ষা অধিকতর বিশ্বস্ত, অধিকতর অহুরক্ত ও অধিকতর শান্ত সৈনিক-দল আর কখনও দেখেন নাই*। ইহাদিগকে যখন নিরস্ত্র করিতে বহরমপুর হইতে বারাকপুরে আনা হয়, তখন পথে ইহারা আপনাদের সেনাপতির অবাধ্য হয় নাই। যখন ৩৪গণিত সিপাহি-দলের চর বারাকপুরে আসিয়া, আগ্রহসহকারে ইহাদিগকে গবর্ণমেন্টের সমুখিত হইতে অহুরোধ করে, তখনও ইহারা আপনাদের অন্তর্দাতা প্রতিপালন-কর্তা গবর্ণমেন্টের অনিষ্ট কামনা করে নাই, যখন ইহারা আপনাদের গুরুতর দণ্ডের সংবাদ শুনিতে পায়, তখনও

* Martin, Empire in India vol. II. p. 132.

ইহারা ৩৪গণিত সিপাহি-দলের সহিত সম্মিলিত হইয়া, আপনাদের শত্রুব-
বুদ্ধির পরিচয় দেয় নাই, যখন বারাকপুরের প্রশস্ত ক্ষেত্রে ইহাদিগকে আপন
আপন যুদ্ধাস্ত্র সঁকল পরিত্যাগ করিতে আদেশ দেওয়া হয়, তখনও ইহারা
নীরবে ধীরভাবে সেই আদেশ প্রতিপালন করিতে বিমুগ্ধ হয় নাই। ইহারা
সৈনিক শ্রেণী হইতে বিচ্যুত হইলেও ধীরতার পরিচয় দিয়াছিল,
অস্ত্র পরিত্যাগ করিলেও ইঙ্গরেজ সেনাপতিকে অশীর্বাদ করিয়াছিল এবং
গবর্ণমেণ্টের আদেশে গুরুতররূপে দণ্ডিত হইলেও মন্ত্রণা-দাতা বঙ্গগণের
সহিত যুদ্ধ করিতে উদ্যত হইয়াছিল। ইহা অপেক্ষা বিশ্বস্ততা বা ইহা
অপেক্ষা অহুরক্তির প্রমাণ আর সম্ভবে না। অনেকে আশঙ্কা করিয়াছিলেন,
হয় ত নিরঞ্জীকৃত সৈন্ত-দল বাড়ী যাইবার সময় পথ-পার্শ্ববর্তী গ্রাম সকল
লুণ্ঠিয়া লইবে। কিন্তু এই আশঙ্কা শেষে অমূলক বলিয়া প্রতিপন্ন হইয়া-
ছিল। ইহারা যাইবার সময় কাহারও স্মৃথ ও শাস্তির কোন ব্যাঘাত
জন্মায় নাই। আর বাঙ্গালার ও উত্তরপশ্চিমের সিপাহি-দল যখন একে
একে গবর্ণমেণ্টের বিরুদ্ধে যুদ্ধে প্রবৃত্ত হয়, তখনও এই নিরঞ্জীকৃত সৈনি-
কেরা আপনাদের বিশ্বস্ততার সম্মান অক্ষত রাখিয়াছিল। ইহারা
যুদ্ধ-প্রবৃত্ত সিপাহিদিগের সহিত সম্মিলিত হইয়া ইঙ্গরেজ-সম্প্রদায়ের
শোণিত-পাত করে নাই *।

* Mead, Sepoy Revolt, p. 62.

সিপাহিযুদ্ধের ইতিহাস

প্রথম অধ্যায়

নূতন রাষ্ট্রফল বন্ধুক—টোটা—দমদমা এবং বারাকপুরের ঘটনা—সিপাহিদিগের আশঙ্কা
ও তাম্বুলক উত্তেজনা—বহরমপুরের ঘটনা—উনবিংশ রেজিমেন্টের মধ্যে গোলযোগ।

১৮৫৬ অব্দ সময়ের অনন্ত শ্রোতে ভাসিয়া গেল। ১৮৫৭ অব্দ প্রমত্তভাবে
ভারতবর্ষে উপস্থিত হইল। ধীবপ্রকৃতি
খ্রী: ১৮৫৭ অব্দ, জাহুয়ারি।
লর্ড ক্যানিংগেব শাসনে থাকিয়া সর্ব্বলেই
সুখ ও শান্তিব আশা করিতেছিল। অভিনব ইঙ্গরেজী বর্ষের প্রারম্ভে এই
সুখ ও শান্তিব কোনরূপ বিকার দেখা গেল না। ইঙ্গরেজ সেনাপতির
সিপাহিদিগকে শাস্ত ও কর্তব্য কশ্মে অনুরক্ত দেখিতে লাগিলেন। তাঁহারা
সৈনিকদিগের কার্য্য-কলাপ পরীক্ষা করিলেন, সৈনিকাশ্রম পরিভ্রমণ করিলেন,
কোথাও কোনরূপ বিপ্লবের পূর্ব্ব-সূচনা দেখিতে পাইলেন না। সিপাহিরা
পূর্ব্বের ন্যায় শান্তভাবে কালাতিপাত করিতে লাগিল, এবং পূর্ব্বের শাস
শান্তভাবে যুদ্ধবেশে সজ্জিত ও প্রশস্ত ক্ষেত্রে পরস্পর সমবেত হইয়া, ইঙ্গরেজ
সেনাপতির সম্মুখেই কাওয়াজ করিতে লাগিল। ১৮৫৭ অব্দের শীতকালের
প্রথমার্শ এইরূপে অতীত হইল। সিপাহিদিগের বিশ্বস্ততা ও আনুগত্যের
উপর সেনাপতিদিগের কোনরূপ সন্দেহের আবির্ভাব হইল না। সর্ব্বত্রই
প্রশান্ত ভাব, এবং সর্ব্বত্রই সন্তোষ ও আমোদের তরঙ্গ খেলিয়া বেড়াইতে
লাগিল। কিন্তু সহসা এই প্রশান্ত দৃশ্যের পরিবর্ত্ত হইল, সহসা সন্তোষ ও

আমাদের রাজ্যে অসন্তোষ ও হিংসার ভয়ঙ্করী মূর্তি বিকাশ পাইল । সে আকাশ প্রথমে নির্মল ও পরিষ্কৃত থাকিয়া লোক-লোচনের তৃপ্তি জন্মাইতেছিল, সহসা তাহার এক প্রান্তে এক খণ্ড মেঘ উঠিয়া ক্রমে সমস্ত আকাশ ঢাকিয়া ফেলিল । এই করাল কাদম্বিনীর ছায়ায় সকলে ঘোর অন্ধকারে আচ্ছন্ন থাকিয়া মুহূর্ত্তে মুহূর্ত্তে সৰ্ব্বধ্বংসকারী সংহার-মূর্ত্তির প্রতীক্ষা করিতে লাগিল ।

যাহারা ইঙ্গ-রাজ গবর্ণমেন্টের ঘণা ও বিদ্বেষের চক্ষে চাহিয়া দেখিতেছিল, গবর্ণমেন্টের কার্য-কলাপে যাহাদের হৃদয়ে অপরিসীম আশঙ্কার সঞ্চার হইয়াছিল, গবর্ণমেন্টের রাজনীতির মহিমায় যাহারা সম্পত্তি-লুপ্ত ও পদ-ভ্রষ্ট হইয়া সামান্য লোকের ন্যায় কালান্তিপাত কবিত্তেছিল, গবর্ণমেন্টের বিচাবে যাহারা আপনাদের পূর্বতন স্বত্ব ও পূর্বতন গৌরব বিলুপ্ত হইতে দেখিয়াছিল, তাহারা অকস্মাৎ এক উদ্দেশ্য সাধনের জন্য এক কার্য-ক্ষেত্রে অবতীর্ণ হইল । তাহাদের এই উদ্দেশ্য মহৎ বা পবিত্র ছিল না, ধীবতা ও বিবেকেব অভাবে ইহা কলঙ্কিত হইয়া পড়িয়াছিল । কিন্তু তাহারা নিরস্ত হইল না । তাহারা একটা সূযোগ পাইয়া, সিপাহিদিগের সমক্ষে প্রকাশ করিতে লাগিল যে, খ্রীষ্টধর্ম্মাবলম্বী প্রভুগণ তাহাদের ধর্ম্মনাশ ও জাতিনাশ করিতে চতুসঙ্কল্প হইয়াছেন । যাহারা সিপাহিদিগের মধ্যে বিপ্রব উপস্থিত করিয়া দিয়া ব্রিটিশ গবর্ণমেন্টের ধ্বংস-কামনা করিয়াছিল, এই সূযোগ তাহাদের নিকট একবারে অকার্যকর হয় নাই । প্রায় অর্দ্ধ শতাব্দী ব্যাপিয়া হিন্দু ও মুসলমান, উভয় শ্রেণীর সিপাহিগণই ব্রিটিশ গবর্ণমেন্টের অল্পরক্ত ছিল, কখনও কোন বিষয়ে তাহাদের মধ্যে কোনরূপ অসন্তোষের আবির্ভাব দেখা যায় নাই । কিন্তু এখন তাহাদের হৃদয় অধীর হইয়া উঠিল, অকস্মাৎ তাহাদের মধ্যে একটা গভীর আতঙ্ক-জনক সংবাদ প্রচারিত হইল । সাধারণে বলিতে লাগিল, গবর্ণমেন্ট ভারতবর্ষীয় সৈনিকদিগের ব্যবহারের জন্য বস-মিশ্রিত টোটা প্রস্তুত করিয়াছেন । প্রকৃত ঘটনা হইতেই এই জন-প্রবাদের উৎপত্তি হইয়াছিল ।

সৈনিকগণ এতদিন “ব্রাউন বেস” নামক বন্দুক ব্যবহার করিয়া আসিতেছিল । কিন্তু এখন এই বন্দুকের আদর কমিয়া আসিল । ইহা অপেক্ষা

উৎকৃষ্টতব বন্দুক প্রাচীন “ব্রাউন বেসের” স্থান পরিগ্রহ করিল। “ব্রাউন বেস” বন্দুকের গুলি যতদূর বাইত, নূতন বন্দুকের গুলি তাহা অপেক্ষা অধিক দূরে বাইয়া পড়িত। স্মরণ্য শত্রুপক্ষ অধিক দূরে থাকিলেও এই বন্দুকের সাহায্যে তাহাদেব উপব গুলি বৃষ্টি করা সুসাধ্য হইয়া উঠিত। এই নূ বন্দুক প্রচলিত হইবে গুলিয়া সিপাহিরা কিছু মাত্র অসন্তুষ্ট হইল না, বরং সামরিক অস্ত্রের এইরূপ উৎকর্ষে তাহারা সন্তোষ প্রকাশ করিতে লাগিল। গবর্ণমেন্ট যে, তাহাদিগকে এইরূপ উৎকৃষ্ট অস্ত্রে সজ্জিত ও শিক্ষিত করিয়া তাহাদের রণস্থলে পারদর্শিতা প্রকাশের সুযোগ করিয়া দিতেছেন, এজন্ত তাহারা গবর্ণমেন্টের প্রশংসা করিতে লাগিল। ইহার পর যখন তাহারা গুলিতে পাইল, অভিনব বন্দুকের ব্যবহার-প্রণালী শিখাইবার বন্দোবস্ত হইতেছে, তখন তাহাদের আত্মাদেব অবধি রহিল না। প্রতি সৈনিকশ্রমে এ সম্বন্ধে আন্দোলন হইতে লাগিল, প্রতি সৈনিক পুরুষই অভিনব বন্দুক ব্যবহার কবিত্তে পাইবে ভাবিয়া, একই আত্মাদ ও আনন্দের তরঙ্গে ভাসিতে লাগিল। কিন্তু বসানিশ্চিত টোটা ব্যক্তিরেকে এই নূতন বন্দুক ভবা বাইত না। এই টোটাই সমুদয় অনর্থের মূল হইল। ইহা দাঁতে কাটিয়া বন্দুকে ক্রিতে হইত। সিপাহিরা এতক্ষণ যে উৎসবে মাতিয়া আনন্দ প্রকাশ করিতেছিল, তাহা দূর হইল; বিষাদ ও নিরাশার মলিন ছবি তাহাদের হৃদয়ে কালিমা বিস্তার করিল। তাহারা গভীর আতঙ্ক ও হৃৎথের সহিত গুলিতে পাইল, এই টোটা মুসলমানদের অস্পৃশ্য শূকর এবং হিন্দুদের আবাস-গাভীর টর্কিতে প্রাস্তত হইয়াছে।

কিরূপে এই সংবাদ প্রথমে প্রচারিত হইল, কিরূপে এই সংবাব গুলিয়া সিপাহিরা উদ্বেগে ও আশঙ্কায় অধীর হইয়া উঠিল, এস্থলে তাহা উল্লেখ করা যাইতেছে। কলিকাতার আট মাইল উত্তরে—দমদমায়ে একটা সৈনিক-নিবাস আছে। বহুকাল ব্যাপিয়া এই স্থান বঙ্গীয় কামানরক্ষিদিগের প্রধান আড্ডা ছিল। এই স্থানে অধিকাংশ প্রসিদ্ধ সৈনিকপুরুষ তাহাদের ব্যবসায়ের উপযোগী অস্ত্র-বিদ্যা শিখিতেন এবং অধিকাংশ রণ-পণ্ডিত বীর পুরুষ এই স্থানে তাহাদের জীবনের মধ্যে পরম সুখময় সময় আত্মবাহিত করিতেন। কিন্তু শেষে এই স্থান, যে উদ্দেশ্য সিদ্ধির জন্য নিদ্ধারিত হইয়াছিল, তাহা

উপযোগী বোধ হইল না । বাঙ্গালার কামানগার মীরাটে স্থানান্তরিত হইল । সৈনিকদিগের বারিক ও আফিসরদিগের গৃহগুলিতে অপর অধিবাসীরা বাস করিতে লাগিল । যে সকল গৃহ প্রস্তুত হওয়া অবধি অল্পশব্দে শোভিত থাকিত, তাহা সামান্য কারখানা বা গুদামে পরিণত হইল । দমদমার সৈনিক-নিবাসের এইরূপ অবস্থান্তর ঘটিল বটে, কিন্তু উহা অন্য একটা প্রয়োজনীয় বিষয়ের শিক্ষার স্থান হইয়া উঠিল ! প্রাচীন “ব্রাউন বেসের” পরিবর্তে যে নূতন বন্দুকের আমদানি হইয়াছিল, তাহার ব্যবহার-প্রণালী শিক্ষা দিবার জন্য গবর্ণমেন্ট স্থানে স্থানে যে তিনটা শিক্ষাগার স্থাপন করেন, তাহার মধ্যে দমদমার সৈনিক-নিবাস একটা । এই সৈনিক-নিবাসে জাহুয়ারি মাসের এক দিন এক জন নীচজাতীয় লস্কর জলপান করিবার জন্য এক জন ব্রাহ্মণ সিপাহির নিকট তাহার লোটা চায়, সিপাহি ইহাতে বিরক্ত হইয়া উঠে, এবং আপনাদের জাতির শ্রেষ্ঠত্ব জানাইয়া, লস্করকে লোটা দিতে অস্বীকার করে । লস্কর বিক্রপের সহিত হাসিয়া কহে, “উচ্চ জাতি ও নীচ জাতি বস্তুতঃ কিছুই নহে, সমস্তই এক হইয়া যাইবে, যে হেতু টোটা গোরু ও শূকরের চর্কিতে প্রস্তুত হইতেছে ; এই টোটা সিপাহিদিগের সকলকেই ব্যবহার করিতে হইবে । সুতরাং কোম্পানীর রাজ্যে আর জাতি-বিচার থাকিবে না।”

ব্রাহ্মণ অধীর-হৃদয়ে লস্করের নিকট হইতে চলিয়া গেল, অধীর হৃদয়ে তাহার দলস্থ লোকদিগের নিকট লস্করের কথা কহিল । অবিলম্বে দমদমার প্রত্যেক সিপাহি এই কথা শুনিতে পাইল । ঘোরতর বিপৎপাতের আশঙ্কায় সকলেই চমকিত হইয়া উঠিল, সকলেই বিষমচিন্তে আপনাদের জীবনের প্রাচীন পরিণামের বিষয় ভাবিতে লাগিল । টোটা, গোরু ও শূকরের চর্কিতে প্রস্তুত হইতেছে, এই টোটা দাঁতে কাটিতে হইবে । ইঙ্গরেজ গবর্ণমেন্ট সমুদয় একাকার করিতে উদ্যত হইয়াছেন ! হা জগদীশ্বর ! শেষে এই ঘটিল, কোম্পানীর রাজ্যে সকলের জাতিনাশ, ধর্ম্মনাশ হওয়ার উপক্রম হইল ! সকলে এইরূপ ভাবনা ও এইরূপ কল্পনায় অধীর হইল, অধীর-হৃদয়ে সুকলে এইরূপ কল্পনায় উন্মত্ত হইয়া ইঙ্গরেজ গবর্ণমেন্টকে ঘোরতর বিদ্বেষের চক্ষে চাহিয়া দেখিতে লাগিল । এই কথার ক্তানরূপ ব্যাখ্যার প্রয়োজন হইল না । অতিরঞ্জিত করিয়া ইহা অধিকতর ভয়-জনক করিবারও আবশ্যকতা দেখা গেল না ।

সামান্যভাবে সামান্য ভাষায় ব্যক্তি হইয়া এই কথা সিপাহিদিগের হৃদয় এমন উত্তেজিত করিয়া তুলিল যে, সকলেই ইঙ্গরেজ গবর্নমেন্টকে আপনাদের ভয়ঙ্কর শত্রু বলিয়া মনে করিতে লাগিল। কাওয়ার্জের সময় গোল টুপি পরিবার প্রথা প্রবর্তিত হওয়াতে বেলোরের হিন্দু ও মুসলমান সিপাহিরা যেমন বিরক্ত হইয়া উঠিয়াছিল, উপস্থিত কথাতেও সিপাহিদিগের হৃদয়ে তেমনি বিবক্তি ও উদ্বেগের সঞ্চার হইল। কিন্তু টুপি পরিবার প্রথা ও বসায়ুক্ত টোটার কাহিনী বিরাগ উৎপাদনের পক্ষে একরূপ কারণের মধ্যে পরিগণিত হইলেও শেষোক্তটা সিপাহিদিগের অধিকতর ঘৃণা, অধিকতর আশঙ্কা ও অধিকতর ক্রোধের উদ্দীপক হইয়াছিল।

ইঙ্গরেজেরা বাহুবলে বা কুট রাজনীতির মহিমায় ভারতবর্ষে আধিপত্য স্থাপন করিলেও ভারতবর্ষীয়দিগের মনের ভাব ভালরূপে হৃদয়ঙ্গম করিতে পারেন নাই। তাঁহারা ভারতবর্ষীয়দিগের বাহু ভঙ্গি দেখিয়া যাহা কিছু আয়ত্ত করিতে পারেন, তাহাই অবলম্বন করিয়া আপনাদের চরম সিদ্ধান্তে উপনীত হন। স্তত্রাং তাঁহাদের সিদ্ধান্ত অনেক সময়েই প্রকৃত ঘটনার উপর স্থাপিত হয় না। যাহার কিছু আভাস দেখিতে পাওয়া যায় না, অনেক সময়ে তাঁহারা তাহা প্রকৃত বলিয়া মনে করেন; অথবা যাহা প্রমাণ করিতে পারেন না, তাঁহারা তাহাতে বিশ্বাস স্থাপন করিয়া থাকেন। আবার যাহার শেষ ফল ভবিষ্যতে গুরুতর বা ভয়ঙ্কর হওয়ার সম্ভাবনা আছে, তাঁহারা হয় ত প্রথমে তাহাতে উপেক্ষা বা তদামীনা প্রদর্শন করেন। কোন কোন কথা তড়িৎগতিতে ভারতবর্ষের এক স্থান হইতে আর এক স্থানে—এক প্রদেশ হইতে আর এক প্রদেশে—এক বাজার হইতে আর এক বাজারে যাইয়া উপস্থিত হয়। কর্ণপক্ষের কর্ণগোচর হওয়ার পূর্বেই এইরূপ কাহিনী লোকের মুখে মুখে প্রচারিত হইয়া, সাধারণের মধ্যে একরূপ তুমুল আন্দোলন উপস্থিত করে যে, সকলেই ইহার অনিবার্যময় দ্রুত গতি ও সম্প্রসারণ-গুণ দেখিয়া বিস্মিত হন*। সাধারণে কহিয়া থাকে; একরূপ

* ১৮৪১ অব্দে কাবুলের গোলযোগ ও ইঙ্গরেজদিগের হত্যার সংবাদ প্রধানতম গবর্নমেন্টের কর্ণগোচর হওয়ার কয়েক দিন পূর্বে মিরাত ও কর্ণালের বাজারে প্রকাশ হইয়া, কলিকাতায় পহঁছে। যে সকল সিপাহি বুদ্ধদেশে যাইবার জন্য প্রস্তুত হইয়াছিল, তাহার বায়াকপুরের

জন-শক্তি বাতাসের উপর ভর করিয়া সকল স্থানে উড়িয়া বেড়ায়, ইহা অত্যাঙ্কি-পূর্ণ নহে। বস্তৃতঃই বাজার গুজব সকল দেখিতে দেখিতে বাতাসে সঙ্কে চারি দিকে ব্যাপিয়া পড়ে। কেহই ইহার গতি প্রতিরোধ করিতে পারে না, এবং কেহই ইহার কার্যকাবিতার শক্তি একবাবে বিনষ্ট করিতে কেলিতে সমর্থ হয় না। টোটোর কথা যখন বাজারে বাজারে প্রকাশ হইতে পড়ে, মৈনিক-নিবাসে মৈনিক-নিবাসে যখন ইহার সম্বন্ধে আন্দোলন হইতে থাকে, তখনও কর্তৃপক্ষের চেষ্টা হয় নাই। তাঁহারা এ জনরবে প্রথমে বিশ্বাস স্থাপন করেন নাই, যেহেতু পূর্বে এ সম্বন্ধে কোন কথা তাঁহাদের শুনিতে পান নাই। ভারতবর্ষীয়দিগের মনোগত ভাব আয়ত্ত করিতে তাঁহাদের অভিজ্ঞতা ছিল না। ভারতবর্ষীয়দিগের ধন্দ্বানুশাসন ও জাত্যভিমানের ক্ষমতা অবধাও তাঁহাদের দূর্বদর্শিতা ছিল না। তাঁহাদের অন্ধবিশ্বাসের বশবর্তী হইয়া, সকল বিষয়ই অন্ধভাবে দেখিতেছিলেন সুতরাং উপস্থিত জনরবের অপরিণীম শক্তির বিষয় তাঁহাদের হৃদয়ঙ্গম হইত নাই। কিন্তু জনরব যথার্থ ছিল; মুহূর্ত্তে মুহূর্ত্তে ইহার অসম্পারণ ক্ষমতা বিকাশ দেখা যাইতেছিল। যখন শ্বেতপুরুষগণ অবিশ্বাসের সহিত মাথ নাড়িয়া ইহার প্রতি উপেক্ষা দেখাইতেছিলেন, তখনও ইহা বিদ্ভান্তবৎ সহস্র সহস্র মাইল পরিভ্রমণ করিয়া সিপাহিদিগকে গবর্ণমেন্টের বিরুদ্ধে সমান উত্তেজিত ও সমান দলবদ্ধ করিয়া তুলিতেছিল।

এই জনরব কাহাদের দ্বারা প্রচারিত হইয়াছিল, কে কে ইহার উদ্দীপনী শক্তি প্রসারিত করিতে চেষ্টা পাইয়াছিল, তাহা নির্ণয় করা সহজ নহে। গবর্ণমেন্টের পূর্ব্বতন রাজনীতির গুণে তাহারা সম্পত্তি ভ্রষ্ট হইয়াছিল, তাহারা আপনাদের পুরুষানুগত স্বস্ব ও সম্মান হইতে বিচ্যুত হইয়া স্থানান্তরে শোচনীয় ভাবে আপনাদের শোচনীয় জীবনের শেষ অংশ অতিবাহিত করিতে ছিল, তাহারা এ সময়ে সাধাওনের মনে-বিরাগ জন্মাইতে উদাসীন থাকে নাই। কলিকাতার অদূরে মুচিখোলার অমোদ্যার পদচ্যুত নবাব ওরাজিদ আলি কুপোখু সম্প্রদায়ে পরিবেষ্টিত থাকিয়া ভোগ-বিলাসে কালাতিপাত করিতে

বিপ্লবের সংবাদ ইঙ্গ-রেজ সেনাপতিদিগের জানিবার পূর্বে শুনিতে পায়। Kaye, Sepoy War. Vol. I. p. 49½, note.

ছিলেন। তাঁহারি ধর্মসম্পত্তি-পূর্ণ বিস্তৃত রাজ্য এখন কোম্পানীর মুলুক বলিয়া সাধারণের নিকট পরিচিত হইতেছিল। নবাব ওয়াজিদ আলি সাধা-রণকে গবর্নমেন্টের বিরুদ্ধে উত্তেজিত করিতে না পারেন, বসায়ুক্ত টোটার কথা অতিরঞ্জিত করিয়া সিপাহিদগের আতঙ্ক বৃদ্ধি করিয়া দিতে না পাবেন, কিন্তু তিনি উত্তেজনার একটা প্রধান কারণ স্বরূপ বর্তমান ছিলেন। বাহারা তাঁহার পক্ষপাতী ছিল, তিনি অস্বাভাবিক সিংহাসনে অধিষ্ঠিত থাকিলে বাহারা আপ-নাদের সুখ-সমৃদ্ধি বৃদ্ধি হইবে বলিয়া আশা করিয়াছিল, তাহারা এখন তাহাকে বলিকাতাব দাফন প্রাপ্তে কারাবদ্ধ দেখিল। ইঙ্গ্রাজ গবর্নমেন্টের এই সকল শত্রু এ সময়ে ওয়াজিদ আলি খাঁর ছুঁড়তি দেখাইয়া সিপাহিদগের হৃদয় অধিকতর তরঙ্গান্বিত করতে লাগিল। সিপাহিরা ভাবিল, গবর্নমেন্ট দেশের একটা প্রধান রাজাকে রাজ্যচ্যুত ও স্থানান্তরে আবদ্ধ করিয়া রাখিয়া-ছেন, এখন সাধারণের জাতিনাশ ও ধর্মনাশে উদ্যত হইয়াছেন। কিছু দিনের মধ্যেই সমস্ত একাকার হইয়া যাইবে, সকলেই ফিরিঙ্গীর আচার ও ফিরিঙ্গীর পবিচ্ছদ পরিগ্রহ করিবে। কালে সমস্ত দেশই ফিরিঙ্গীর হইয়া পড়িবে। এই ভাবনায় সিপাহিদগের শাস্তি দূর হইল ; যে আশা তাহাদের সম্মুখে সূতের, সন্তোষের ও তৃপ্তির রাজ্য বিস্তার করিতেছিল, তাহা কোথায় যেন মিশিয়া গেল। নিবাশার ঘোর অন্ধকার—বিবাদের মলিন ছবি এখন তাহাদের হৃদয় কালাময় করিল। গবর্নমেন্টের বিপক্ষ-সম্প্রদায় পূর্বেই প্রস্তুত ছিল ; পাছে কর্তৃপক্ষ অভয় দিয়া, প্ররোচনা দিয়া বা আপনাদের ভ্রম স্বীকার করিয়া, সিপাহিদগকে অনুবর্ত্ত বাঞ্ছন, এই আশঙ্কায় বিপক্ষগণ পূর্বেই সিপাহিদগের মনে ঘোর আতঙ্ক জন্মাইয়া দিয়াছিল। সুতরাং টোটার কথা প্রথম হইতেই অস্বস্তির রূপ ধারণ করিয়াছিল, প্রথম হইতেই সাধারণের মধ্যে প্রচারিত হইয়াছিল যে, হিন্দু ও মুসলমান, উভয়েরই জাতিনাশ ও ধর্মনাশ করিতে ইঙ্গ্রাজদিগের বহুকাল হইতে ইচ্ছা ছিল, এখন এই ইচ্ছা পূর্ণ করিবার উদ্দেশে তাঁহার সিপাহিদগের ব্যবহার্য টোটা শূকর ও গাভীর চর্কিতে প্রস্তুত করিতেছেন।

আগুন ধীরে ধীরে জমিয়া একটা সামান্য ফুৎকার পাঠিলে যেমন একবারে প্রজ্জ্বলিত হইয়া উঠে, টোটার কথারূপ ফুৎকারে সাধারণের হৃদয়-সঞ্চিত

আগুন সেইরূপ জ্বলিয়া উঠিবার উপক্রম হইল । লর্ড ডেলহৌসী যে অনিষ্টের বীজ রোপণ করিয়া গিয়াছিলেন, তাহা এখন ধীরে ধীরে জ্বলিয়া উঠিতে লাগিল । লোকে উদেগ ও আশঙ্কার সহিত একে একে ভারতবর্ষের প্রধান স্বাধীন রাজ্য গুলি ব্রিটিশ কোম্পানীর অধিকৃত হইতে দেখিয়াছিল । কোম্পানীর এইরূপ অধিকার-বিস্তারে সাধারণে সন্তুষ্ট হয় নাই । সাধারণে ভারতবর্ষের স্বাধীন রাজ্যদিগের চিরন্তন স্বত্ব ও অধিকার অক্ষুণ্ণ দেখিতে ইচ্ছা করিয়াছিল, কিন্তু তাহাঁদের এই ইচ্ছা ফলবতী হয় নাই । রাজ্যের অধিপতিগণ যেমন আপনাদের রাজকীয় অধিকার হইতে বিচ্যুত হইয়াছিলেন, তেমনি অনেকে আপনাদের ভূসম্পত্তিও পরহস্তগত হইতে দেখিয়াছিলেন । ইহাতে সাধারণের অসন্তোষ ক্রমেই বৃদ্ধি পাইতে থাকে । সাধারণে ইহাতে ক্রমেই ক্ষোভে ও বিরাগে মগ্ন হইয়া কোম্পানীর কার্য-প্রণালীর উপর দোষারোপ করিতে থাকে । ইহার পর টোটার কথা যখন চারিদিকে প্রচারিত হইল, নগরে নগরে বাজারে বাজারে যখন ইহার সম্বন্ধে আন্দোলন হইতে লাগিল, তখন সাধারণে স্থিতি থাকিতে পারিল না । টোটার আন্দোলনে তাহাদের হৃদয়ের আবেগ ও উত্তেজনা বৃদ্ধি পাইয়া পূর্ব-সঞ্চিত অসন্তোষ বাহির করিয়া দিল । যে আগুন হৃদয়ের স্তরে স্তরে অগ্নিকাণ্ডে ছিল, তাহা এখন এই আন্দোলনে প্রজ্বলিত হইয়া ভয়ঙ্কর কাণ্ড উপস্থিত করিল ।

সমদমার করেক মাইল উত্তরে—ভাগীরথীর তীরবর্তী বারাকপুরে একটা প্রসিদ্ধ সৈনিক-নিবাস আছে । বাঙ্গালার সিপাহি সৈন্যের অধিকাংশ এই স্থানে বাস করিয়া থাকে । এই সৈনিক-নিবাস একটা সুরম্য ও সুবিস্তৃত বৃক্ষবাটিকায় পরিশোভিত । প্রকৃতির অনন্ত সৌন্দর্য্য-বৈভব এবং মানবের শিল্প-চাতুরী, উভয়ই একত্র হইয়া এই স্থানটিকে পরম বন্দনীয় করিয়া তুলিয়াছে । পুণ্যসলিলা ভাগীরথীর তটদেশ হইতে চিরহরিৎ বৃক্ষশ্রেণীর অপূর্ণ শোভা দেখিলে বসন্তঃই হৃদয় পরিতৃপ্ত হয় । মনোহর বৃক্ষবাটিকার প্রান্তভাগে—ভাগীরথীর তটভূমিতে গবর্ণরজেনেরেলের সুদৃশ্য আবাস গৃহ আছে । নগরের কোলাহল পরিহার করিয়া, সমস্ত ভারতবর্ষের শাশন-কর্তা সমস্ত সময়ে এই-খানে আসিয়া বাস করেন । বারাকপুর রাজপুরুষদিগের চিত্ত বিনোদনের

একটা প্রধান স্থান। অনেকে এই সুরমা স্থানে বিশ্রাম-স্থলে সন্ধ্যা অতিবাহিত করেন, এবং অনেকে কলিকাতার লোকায়ত হইতে এইখানে আসিয়া, শান্তিব অপার পবিত্রতা দেখিয়া, শরিতপ্ত হন।

১৮৫৭ অক্টোবর প্রারম্ভে বারাকপুরে চারি দল ভারতবর্ষীয় পদাতিক সৈন্য ছিল। এই চারি দলের মধ্যে ২ এবং ৪ সংখ্যক রেজিমেন্টে কান্দাহার রক্ষা করিতে সেনাপতি নটের বিশেষ সহায়তা কবিয়াছিল এবং কাবুলের সেই ভীষণ যুদ্ধে অসাধারণ বীরত্ব প্রকাশ করিয়া বিজয়-শ্রীতে শোভিত হইয়াছিল। অবশিষ্ট ৩৪ এবং ১৭ সংখ্যক বেজিমেন্টের মধ্যে প্রথমোক্ত দল এক সময়ে অব্যাহতা প্রদর্শন জন্য সৈন্য-শ্রেণী হইতে দূরীভূত হইয়াছিল এবং নতুন আর এক দল তাহাদের স্থান পরিগ্রহ করিয়াছিল, শেষোক্ত দল দ্বিতীয় শিখ-যুদ্ধে আপনাদের বিশেষ পরাক্রম দেখাইয়া গবর্নমেন্টের পরিতোষ জন্মাইয়াছিল। কর্নেল হটলর ৩৪ সংখ্যক দলের সেনাপতি ছিলেন। ইনি অন্য দল হইতে আসিয়া অল্পদিন মাত্র এই দলের অধ্যক্ষতা গ্রহণ করিয়াছিলেন। ৪৩ সংখ্যক দলের কর্নেল-ভার কর্নেল কেনেডির উপর সমর্পিত ছিল। ইনিও অল্প দিন মাত্র এই দলের অধ্যক্ষতা করিতেছিলেন। ১৭ এবং ২ সংখ্যক দলের অধ্যক্ষেরা আপন আপন সৈন্য-শ্রেণীর মধ্যে দীর্ঘকাল কাব্য কবিয়া আসিতেছিলেন, এবং দীর্ঘকাল হইতে আপনাদের দলের লোকদিগের মধ্যে সুপরিচিত ছিলেন। সৈনিক-নিবাসের কর্নেল-ভার চার্লস গ্রাণ্টের উপর ছিল, এবং জন হিয়ার্সে সমস্ত সৈনিক বিভাগের সেনাপতি ছিলেন।

সেনাপতি হিয়ার্সে ২৮এ জানুয়ারি আডজুট্যান্ট জেনারেলের কার্যালয় লিপিয়া পাঠাইলেন যে, “বারাকপুরের সিপাহিবা ক্রমেই বিবস্ত হইয়া উঠিতেছে, ক্রমেই তাহাদের হৃদয়ে বিদ্রোহ-বুদ্ধির আবির্ভাব দেখা যাইতেছে। কলিকাতায় চক্রান্ত-কাণ্ডী সম্ভবতঃ কলিকাতার ব্রাহ্মণ এইরূপ গুজব তুলিয়া দিয়াছে যে, সিপাহিদিগকে বলপূর্বক খ্রীষ্ট-ধর্মে দীক্ষিত করা হইবে। বোধ হয়, কলিকাতার যে সকল হিন্দু বিধবা-বিবাহের বিরোধী, বিধবা-বিবাহের সপক্ষে আইন বিধিবদ্ধ হইল দেখিয়া, তাহারা এই বলিয়া সৈনিক শ্রেণীর অদৃশ্য-দর্শী ব্যক্তিদিগের মনে বিরাগ জন্মাইয়া দিতেছে যে, সমস্ত ধর্মসংক্রান্ত ক্রিয়া কলাপ বলপূর্বক উঠাইয়া দেওয়া হইবে এবং বলপূর্বক তাহাদের সকলকে

প্রীতন করা হইবে। এইরূপে গবর্ণমেন্টের প্রতি বিশ্বাস কমানিয়া, সিপাহি-দিগকে গবর্ণমেন্টের বিরুদ্ধে উদ্বুদ্ধ করাই ইহারা আপনাদের উদ্দেশ্য সিদ্ধির উপায় মনে করিতেছে।” এই সময়ে বঙ্গাপুত্র টোটার কথা সকলের মুখেই শুনা যাইতেছিল। বারাকপুরের সকল সিপাহিই এই বিষয় জানিতে পারিয়াছিল। গভীর আশঙ্কা, গভীর অবিশ্বাস, সকলকেই সমানভাবে অস্থির ও অসন্তুষ্ট করিয়া তুলিয়াছিল! ইঙ্গরেজেরা যে, সিপাহিদিগের ধর্ম্য নষ্ট করিতে কৃতসঙ্কল্প হইয়াছেন, ইহা তখন সিপাহিদিগের মধ্যে অতি অল্প লোককেই অবিশ্বাস করিত। অনেকে আপনাইহতেই বিশ্বাস করিয়াছিল, এবং অনেকের পরের কথায় বিশ্বাস জন্মিয়াছিল যে, গো-খাদক শূকর-ভক্ষক ফিরঙ্গীরা, সকলকেই আপনাদের অপবিত্র মতে আনিতে হির সঙ্কল্প করিয়াছে। ইহা তাহাদের দেশ আপনাদের অধিকারে রাখিয়াছে, এবং শেষে তাহাদের স্বদেশীয়গণের ধর্ম্য নষ্ট করিতে প্রয়াস পাইতেছে।

সিপাহিরা এখন আপনাদের বিদ্বেষ-বুদ্ধি বিকাশ করিতে উদ্যত হইল। যে হিংসা ও ক্রোধ তাহাদের হৃদয় অস্থির করিয়া তুলিয়াছিল, তাহা এখন পরিস্ফুট হইতে লাগিল। তাহারা এখন ইঙ্গরেজদিগকে আক্রমণ করিয়া আপনাদের বিদ্বেষ-বুদ্ধির পরিতর্পণ করিতে প্রতিজ্ঞাবদ্ধ হইল। দমনদায় টোটার কথা প্রকাশ হওয়ার কয়েক দিন পরেই বারাকপুরের টেলিগ্রাফ স্টেশন পুড়িয়া গেল। এই অগ্নি-কাণ্ড শীঘ্র শীঘ্র থামিল না। এক রাত্রির পর অপর এক রাত্রি আসিতে লাগিল, প্রতি রাত্রিতেই ইঙ্গরেজ আফিসরদিগেব বাঙ্গালার খড়ের চালে জ্বলন্ত আগুন যুক্ত তীর নিক্ষিপ্ত হইতে লাগিল। কেবল বারাকপুরেই এইরূপ করাল অনল-শিখার তরঙ্গ-রঙ্গ দেখা গেল না। বারাকপুরের বন্দুরবর্তী রাণীগঞ্জে ২ সংখ্যক রেজিমেন্টের এক শাখা অবস্থিতি করিতেছিল, সেখানেও ঠিক এই উপায়ে ঘবে ঘরে আগুন দেওয়া হইতে লাগিল। ইহার পর রাত্রিকালে সিপাহিদিগের মধ্যে সভার অধিবেশন আরম্ভ হইল। প্রতি রাত্রিতে সকলে একত্র হইয়া ক্রোধের সহিত তীব্র ভাষায় ব্রিটিশ গবর্ণমেন্টের অত্যাচারের কথা প্রকাশ করিতে লাগিল। গবর্ণমেন্ট যে, সকলের ধর্ম্য নষ্ট করিতে উদ্যত হইয়াছেন, চিরন্তন জাতি-ভেদ-প্রথা রহিত করিয়া সকলকে ফিরঙ্গীর ধর্ম্য দীক্ষিত কবিবার ইচ্ছা করিয়াছেন, তাহা লইয়া এই

নৈশ সমিতিতে জুনুল আন্দোলন হইতে লাগিল। সিপাহিরা কেবল সভা করিয়াই নিরস্ত হইল না। তাহাদের স্বাক্ষরিত অনেক চিঠি কলিকাতা ও বারাকপুরের ডাকঘর হইতে ভিন্ন ভিন্ন সৈনিক নিবাসে যাইতে লাগিল। সকল সিপাহিই কিছু এই নৈশ সমিতিতে একত্র হয় নাট, সকলেই কিছু এই পত্রে আপনাদের নাম স্বাক্ষর করে নাই। এই মাত্র জানা গিয়াছে, সিপাহিরা নৈশ সমিতিতে একত্র হইত, এবং অপরাপর সিপাহিদিগকে গবর্ন-মেণ্টের বিরুদ্ধে উত্তেজিত করিবার জন্য ভিন্ন ভিন্ন স্থানে চিঠি পাঠাইত। এই উপায়ে প্রকৃত সৈনিক-নিবাসে বসামুক্ত টোটার কথা প্রকাশ হইল, এবং প্রতি সৈনিক-নিবাসের সিপাহিরা এই কথার ভীত, সন্ত্রস্ত ও উত্তেজিত হইয়া উঠিল।

বারাকপুর হইতে প্রায় এক শত মাইল উত্তরে—ভাগীরথীর তীরবর্তী বহরমপুরে একটা সৈনিক নিবাস আছে। এই সৈনিক-নিবাসটা প্রকৃতির অতি-রমণীয় স্থানে অবস্থিত। পবিত্র-সলিলা ভাগীরথী ইহার পাদদেশ দিয়া প্রবাহিত হইতেছে। যে সকল নবাব এক সময়ে দিল্লীর বাদশাহের নামমাত্র অধীন থাকিয়া, সমস্ত বাঙ্গালা, বিহার ও উড়িষ্যার শাসন-দণ্ড পরিচালনা করিছেন, তাহাদের হরম্য বাস-ভবন ইহার অদূরে শোভা বিকাশ করিতেছে। উপস্থিত সময়ে মুর্ষিদাবাদের নবাবের সে ইতিহাস-প্রসিদ্ধ ক্ষমতা ও গৌরব বিচ্যুত হইয়াছিল। নবাব নাজিম এখন প্রভূত ধন-সম্পত্তির অধিকারী হইয়া বহুসংখ্য দাস দানীর সহিত ভোগ-বিলাসী ধনী বন্যায় আপনার অপূর্ণ প্রাসাদে ক্লালাতিপাত করিতেছিলেন। লোকে ইঙ্গরেজের রাজ্যে তাহার এইরূপ শোচনীয় অবস্থা কাতরভাবে চাহিয়া দেখিতেছিল। বহরমপুরে কোন ইউরোপীয় সৈন্য ছিল না। ইহার নিকটবর্তী কোন স্থানেও ইউরোপীয় সৈনিকেরা অবস্থিত করিত না। ১৯ সংখ্যক এতদেশীয় এক দল পদাতিক, একদল অধারোহী এবং কতিপয় কামান-দক্ষী বহরমপুরের সৈনিক-নিবাসে অবস্থান করিতেছিল। এই সকল সিপাহি যদি হঠাৎ উত্তেজিত হইয়া উঠিত, এবং মুর্ষিদাবাদের লোকেরা যদি নবাবের নাম করিয়া, ইহাদের পোষকতা করিত, তাহা হইলে ইঙ্গরেজেরা নিঃসন্দেহ সাতিশয় বিপদগ্রস্ত হইতেন। কিন্তু স্থানীয় লোকের হৃদয়ে কখনও এরূপ ভয়ঙ্কর ভাবের আবেশ

হয় নাই, কখনও কেহই উদ্ভেজনার তরঙ্গে অধীর হইয়া; রাজদ্রোহিতার পরিচয় দেয় নাই।

যখন সাধারণের হৃদয়ে অসন্তোষ বদ্ধমূল হয়, এবং অসন্তোষেব সঙ্গে সঙ্গে যখন প্রতিহিংসার আবির্ভাব হইতে থাকে, তখন পূর্ব হইতে সাবধান না হইলে সেই অসন্তোষ ও হিংসার গতি রোধ করা চঃসাধ্য হইয়া উঠে। উপস্থিত সময়ে কতৃপক্ষের প্রবর্তিত একটা নিয়ম সিপাহিদিগের অসন্তোষ উদ্ভেজনার কথা প্রচারের পক্ষে সবিশেষ অনুকূল হইয়া উঠিয়াছিল। যখন বারাকপুরের সিপাহিরা উদ্ভেজিত হইয়া উঠে, তখন সেই উদ্ভেজিত সিপাহিদিগকে কার্যাত্মরোধে স্থানে স্থানে পাঠাইয়া দেওয়া হয়। প্রথমে ৩৪ সংখ্যক সৈনিক-দল হইতে কতিপয় লোক কতকগুলি ঘোড়ার রক্ষার ভার গ্রহণ করিয়া এক স্থানে যায়, ইহার এক সপ্তাহ পরে সেই দলের আর কতকগুলি লোক অন্য কার্যের জন্ত সেই দিকে গমন করে। ইহাদের সকলের, বহরমপুর পর্য্যন্ত ঘাইবার কথা থাকে। বহরমপুরের সিপাহিরা ইহাদের কাব্য-ভার গ্রহণ করিলে ইহারা আবার আপনাদের আড্ডায় ফিরিয়া আসিবার অক্ষমতা পায়। সুতরাং ইহাতে অসম্ভব সিপাহিরা ভিন্ন ভিন্ন স্থানে যাইয়া আপনাদের সতীর্থাদিগকে অসম্ভব ও উত্তেজিত করিবার বিলক্ষণ সুবিধা পাইয়াছিল। বারাকপুরে কি কি কাণ্ড ঘটিয়াছে, বারাকপুরের সিপাহিরা কি জন্য গবর্ণমেন্টের বিপক্ষে দগবদ্ধ হইয়াছে এবং কি উপায়ে অপবাধের সিপাহিদিগকে আপনাদের দলে আনিবার চেষ্টা পাঠিতেছে, তাহা এইরূপে বহরমপুরের ১৯ সংখ্যক সৈনিক-দলের জানিবার সুযোগ হইয়াছিল।

যখন ৩৪ সংখ্যক সৈনিক-দলের সিপাহিরা বহরমপুরে পৌঁছছিল, তখন বহরমপুরের সিপাহিরা তাহাদিগকে আফ্লাদ ও শ্রীতির সহিত গ্রহণ করিল। যথোপযুক্ত ইহারা সকলেই একত্র অবস্থান করিত, সুতরাং সকলেই পরস্পরের প্রাচীন বন্ধু ছিল, এবং পূর্বতন সন্তান সকলকেই এক শ্রীতিসূত্রে আনন্দ করিয়াছিল। এখন এই প্রাচীন বন্ধুদিগকে পাইয়া ১৯ সংখ্যক সিপাহি দলের সকলেই আগ্রহ সহকারে বস্তু মিশ্রিত টোটাক কথা জিজ্ঞাসা করিতে লাগিল। এই কথা এখন আর নূতন ছিল না। ডাকেই হউক বা কসিদু (সংবাদ বাহক)